

MEDITATÆ CONCORDIÆ  
IN UNA RELIGIONÆ

Parstertia; Continens

PROTESTANTIUM  
MALE REFORMATURUM

ABSOLUTAM

REFORMATIONEM  
EX SCRIPTURA S.

ET VET. ORTHOD. ECCLESIAE INTERPRETA-  
tione: ab ipsis Protestantibus agnita, & recepta:

P E R

R.P. JACOBUM MASENIUM  
SOCIETATIS JESU,

SYMMIS EVROPÆ PRINCIPIBUS

IN COMITIIS ROM. IMP.

Cum certa ac facili conciliandi ratione proposita,

*Et praeipuis Protestantium Academiis, ad subscriben-  
dum, vel contradicendum*

oblata.

Beati Pacifici quoniam filii Dei vocabuntur. Matth. 5.



COLONIAE AGRIPPINÆ,  
Apud JOANNEM BUSÆUM Bibliopolam  
sub Monocroto 1662.

---

*Cum Privilegio & approbatione Superiorum.*

Paulus Apostolus 2. Cor. 13. v. 11.

**I**dem sapite. pacem habete, & Deus pacis & dilectionis  
erit vobiscum.

Micipsa Rex Afr. ad filios moriturus;

**R**egnum vobis trado firmum, si boni eritis; sin mali, imbe-  
cillum. Nam Concordiâ res parvæ crescunt; discordiâ  
maximæ dialbuntur. *Sausf. de bello Inguish.*

AUGUSTISSIME  
CÆSAR

Potentissimi Principes , illustrissimi Imp.  
Rom. Comites ac Barones, inclytæ Res-  
pub. & Urbes.



ESIDERATÆ per Germaniam Euro-  
pamque universam in Religione Con-  
cordiæ viam modumque, tam certum  
irrefutabili veritate, quàm facilem exe-  
quendi ratione, exhibemus. Cui si vos  
operi opem, pronamque voluntatem defertis, neque  
Deus benevolus, neque successus secundus est defu-  
turus : cùm illis hæc methodus conciliandi princi-  
piis subnixa sit, quæ neq; Protestantes honestè pos-  
sint; neque Catholici debeant prudenter adversari.

Ostendo paucis. Protestantium querela est, quòd  
Romani in rebus, ad fidem salutemque necessariis,  
Christianos à Scriptura S. ad Ecclesiæ iudicium ar-  
bitriumque avocent : Romanorum contra , quòd  
Protestantes ad scripturam ita provocent, ut fide-  
les ab Ecclesiæ iudicio & observatione abducantur.  
Dabimus utrisq; in hac methodo quod volunt, tam  
Protestantibus quàm Catholicis, ne quæ esse possit  
causa detrectandi. Scriptura S. ubi claram certam  
definitamque promit sententiam, pro fundamento  
fidei, & regula normaue, ut loquuntur, concilia-  
tionis futura est : ubi incertum atque indefinitum  
sensum adferet (quod ferè ex partis utriusque dis-  
sensu patebit) ad veteris orthodoxæque Ecclesiæ in-  
terpretationem conclusionesque vertemur , quæ  
duplici ex capite privatis nostrorum erunt præfe-  
rendæ, tum quod primis seculis , ab ipsis haustæ  
Apostolis eorumque discipulis & cum ipsis scriptu-  
ris S. traditæ, longè maiorem præstent securitatem;

## MEDITATÆ CONCORDIÆ

tum quod illius sint Ecclesiæ, cujus in rebus fidei hac ætate controversis sententiam erroris substantialis non damnamus, adeoque æquissimum sit, ut illi in ambiguo scripturæ sensu primas deferamus: neque quisquam tam amens esse possit, ut in consequentiis ex S. Scriptura deducendis, earumque interpretatione, tam probatos Ecclesiæ Doctores sibi statuatur postponendos. Denique ubi de ipsa etiam orthodoxæ Ecclesiæ sententia controvertetur, ipso forummet Protestantium unà cum Catholicis sentientium confessione lis tota finietur.

Consistet itaque nostra conciliandi ratio in principiis utrimque concessis, atque extra disputationem positis, ibuntque ante omnia delecti hujus collationis arbitri, in jurata coram Deo synceræ mentis suffragia, & sancta fide pronuntiabunt: cuinam ex oppositis diversarum religionum articulis productæ in obvio claroque sensu scripturæ maximè patrocinentur. Quod si omnium, vel saltem plerorumque (cum in multitudine unus alterve dissentiens nullus debeat haberi) constet sententia, nihil ulterius hic erit inquirendum. Si ambiguis suffragiis, & vacillantibus sententiis res suspensa maneat, ad propriam interpretationem, sive ex fontibus, sive ex rationibus petitam (ut quæ implicata fallaxque est) non erit veniendum; sed, ut dixi, ex Veteri orthodoxaque Ecclesia per eandem scripturam, incorruptius ex ipsis depromptam fontibus, & certius intellectam, rursus in suffragia eundum erit, Theologis utriusque partis easdem recitantibus. Quæ si nondum ad plenam definitionem (quod rarò futurum est) suffecerint, ipsa adversarum partium, de eodem Patrum sensu, producta confessio, totam necessario, apud æquos judices, controversiam absolveret.

Erit



## BREVIS RATIO

Erit itaque ab hac conciliatione submovendum, quidquid longis ambiguisq; disputationibus intricatum est, atque ab aliorum, qui scholis non insueverunt, ingenio iudicioque submotum; ita ut qui vis secularium etiam Principum, aliorumque fidelium huic queat conciliationi arbiter atq; æstimator adesse. Cùm enim Deus res fidei salutisque tam in expositione arduas subtilisque esse noluerit, ut vulgi ad has ingenium penetrare non posset, æquum erit hanc à nobis controversiam sic exponi diluq;, ut omnes assequantur. Ita ipsi quoque utriusque partis summi Proceres, fraude omni Sophistarum submotâ, præcipuum huic conciliationi pondus, expensis ultro citroq; sententiis, & veritate facilius perspectâ, adferet.

Neque diu ambigua hæc disceptatio esse poterit, cùm dubiis ubique rejectis, iis tantùm quæ certiora sunt, insistetur: quorû sententia nunquam ex utraq; contradicentium parte, ita par esse poterit, ut quæ veritatem tueretur Ecclesia non emineat, & tanquam sol sub nube latens æquis arbitris non illucescat.

Nec de novis fidei religionisque decretis nobis laborandum est, quasi orthodoxa nunquam Ecclesia à veritate excidisset (quæ nescio an sanorum hominum cogitatio possit videri) nec quærenda à nobis Ecclesia est, cui ab hæreticis (quos oportet ad probationem fidelium esse) nihil queat sub specioso rationis & scripturarum titulo objici; sed hoc agendum est, ut illam deprehendamus, quæ majoribus subnixâ veritatis suffragiis, inter sæcæternas oppugnantium hæreses inconcussa hæctenus, in perpetua ejusdem doctrinæ propugnatione stetit. Atque ad hanc inventam, sepositis odiis & æmulatione, tanquam communem salutis aram est confugiendum. Jam dudum Protestantes ex S. literis Patriumque

## MEDITATÆ CONCORDIÆ

etiam suffragatione, quantum licuit, suos articulos, citra interpretationem quoque, firmare conati sunt, in ultima parte *corporis & syntagmatis Confessionum fidei, Geneva sapius edita, quâ omnes Protestantium illisque affinium Ecclesias in harmonia una sociare nituntur*, huic inprimis labori nostram hanc *Meditatam Concordiam* opponimus, atq; ad commune nunc orbis iudicium provocamus. Tibi solû, Augustissime Cæsar, vobisq; Romani Imperii Proceres, ita seriò volentibus, operamque & opem huic consilio præstantibus, Deo jam dudum ad pacem Ecclesiamque unam revocante, res est expedita.

Expendite, per Deum immortalem, qualis quantaque res sit, quæ vobis proponitur, cum quanta vestrum omnium gloria, quanta Imperii nostri utilitate, quanta subditorum tranquillitate, quanta formidine hostium, quanta securitate vincendi, quanta præsentis æternæque salutis certitudine sit conjuncta. Longum sit hæc singula prosequi, quæ iusti voluminis mensuram implere possunt. Non ignoratis in pace Monasteriensi, totius Europæ consiliis sanctâ, hoc præcipuè vobis necessarium visum esse, ut ad firmandas publicæ tranquillitatis rationes, de concilianda religione seriæ utrimque cogitationes susciperentur. Unde & illa quæ Ecclesiasticas res spectant decreta, non absolutis legibus, sed tantum valituris ad tempus, dum religionis placita conciliarentur, lata firmataque sunt. Ut iccirco vi pacificationis illius hæc cura Principibus Imperii Statibusque in publicis hisce Comitibus incumbat providendi, num quæ via ratioque supersit, hæc dissidia religionis, quæ Germaniam Imperiumque ac Europam universam jam tot annis distrahunt, una in fide Ecclesiaque sociandi.

Et

## BREVIS RATIO.

Et certè ad hoc studium, non tantùm publica vobis salus & tranquillitas, cujus gratiâ hæc Comitiorum celebritas instituta est, sed Deus quoque & conscientia impellit, quando illud à vobis officium susceptum est, quo tam præsentem universo Imperio Ecclesiæque bene consulendi opportunitatem non licet præterire.

Neq; dubium cuiquam, rerum politicarum non prorsus rudi, esse potest, in unius religionis concordia, ejusque defendendæ studio, rerum. regnorumque quietem ac stabilitatem potissimùm fundari. Cùm nemo, nec Ethnicorum quidem tam improbus hætenus repertus sit, qui non senserit Deo ante homines fidem deberi, & si utraque simul nequeat consistere, hanc præ illa esse negligendam. Ubi igitur religionum oppositarum studia subjectæ imperio nationes consecretantur, atque ad illius promovendæ emolumenta cum alterius suppressione incumbunt; statim collidi animos, scindi unitatem, dissensiones nasci, tranquillitatem hædi publicam necesse est. Unde obsecro illa moles gravaminum, quæ hinc atque inde obtrusa, difficilem semper reddit Comitiorum successum, & plures in uno Imperii corpore morbos ostendit, quàm remedia, nisi ab illa, quam tangimus hæresi religionum? quantò igitur satis hoc ab radice malum aggredi, atq; origenem tantorū incommodorum tollere, quàm in ramis præputandis hære, brevi in novam perniciem succrescentibus. Reducatur illa pristina Majorum nostrorum in Germaniæ Europamq; fides, facilesq; quas ostendo, ad concordiam rationes admittantur, & felicibus Comitiorū auspiciis, uno ictu centum gravamina amputastis.

Verùm gravius omninò malum est, quod vestris totiusque Imperii cervicibus incumbit, nisi hanc

## MEDITATÆ CONCORDIÆ

tam æquā, proque omnium salute conceptam postulationem audieritis. Atque utinam vanus hic esse vates possem! Videtis quanta nobis bellorum tempestas jam pridem ab Oriente insurgens minetur. Sensim illa majori nubium vi cogitur, nec leve fulmen parturit. Juratum illum Christianorum hostē, immanissimumq; Tyrannū Turcam dico, qui arroganti supercilio nos velut canes aspernatur, dum Christiani mutuis odiis dissidiisq; certant, latius invalescit, sensimque sine sensum unitissima Europæ præsidia occupat, ut denique collectis jam abunde suis viribus, accisisq; nostris, ad totius Imperii exitiū prorumpat. Ita dum alii aliorum potentiæ invidemus, dum æmulatione scindimur, dum politica, sed iniqua lance, fidem religionemq; ponderamus, tandem his omnibus conculcatis, Christiani esse desinimus, nostrisque armamus primū capitalissimum hostem opibus, ac denique sub idem planē impietatis jugum, æquo Dei judicio, compellimur.

Quæ verò præcipua tantæ calamitatis causa, nisi cōculcata religio, lacera fides, oppressa pietas, divisa contemtaq; Christi Ecclesia? Ex hoc fonte omnis malorum scaturigo, neglecta inter Christi membra charitas, accrescens æmulatio, ac dissipatum sine consilio viribusque Christianorum Imperium, qui pro terræ pugillo, in vicem odiis bellisq; mutuis colliduntur, cum amplissima terrarum spatia per Asiā-Africam, Europamque orthodoxæ erepta Ecclesiæ Imperioque negligent, his facile possessionibus ditandi, si prius ejusdem religionis & charitatis Christianæ vinculo jungerentur. Quæ quidem, si vultis, unitas jam in vestra potestate sita est, propius, quàm elapsis aliquot annorum periodis fuerit; postquam ferè positis ubiq; armis ad civilem pacem conspirastis,

## BREVIS RATIO.

tis, & sola tantum ad firmandam tranquillitatem,  
 viresq; in unum hostem colligendas, optata jam pri-  
 de religionis concordia deesse videatur. Et quid est,  
 cur in hoc tam prompto faciliq; ut ostendam, ne-  
 gotio moras neçitis, cur tot mortalium in hac dis-  
 fensione aberrantium salutem, non præsentem mo-  
 dò, sed & æternam tamdiu negligitis? cur ad majus  
 præcipitium, ad miserrimam Turcarum servitutem,  
 inclinatam ruentemque patriam maturo consilio  
 non sustinetis? Terreat vos Orientis Ecclesiæ spe-  
 ctata jam tot annis ante oculos calamitas, ad quam  
 sola religionis divisio per Arium introducta, per  
 Nestorium, Eutychen aliosque hæresiarchas mille  
 primum sectis ac deinde uno schismate latè propa-  
 gata, viam stravit: donec sub hac deniq; Turcarum  
 immanissima tyrannide & secta pessundaretur. Spe-  
 ctate recens Transylvaniæ à bellis incendium, &  
 fumantis etiamnum Christianismi busta, primum  
 Romano Catholicæ fidei, deinde & Imperio subsi-  
 dioque non imparato obnisi sunt; nunc quando  
 mutatae religioni, sub Austriaco patrocinio, malè  
 formidabant, ad Turcicam plures abire servitutem,  
 quam fidem pristinam redire maluerunt, nec Hun-  
 garia procul ab hoc staret præcipitio, nisi potior  
 etiamnum rectè sentientium pars labantè ejus regni  
 felicitatem utcunque sustentaret. Verbo dicam,  
 mutata & dissipata in imperiis religio, omnem illo-  
 rum fortunam salutemque evertit, hanc quisquis  
 lapsantem fulcire volet, ab Ecclesiæ illum instau-  
 randæ ruinis ordiri necesse est. Has causas universè  
 omnes impellere ad tam sanctum Concordiæ opus  
 extremo conatu urgendum posse, existimarem.

At Protestantes in Europa Reges, Principes &  
 Resp. multò etià potioribus causis urgentur, quorū

## MEDITATÆ CONCORDIÆ

præcipuas, si perinde, ut certæ sunt, mihi sine cujusquam offensa liceret exponere, tristem omninò imaginem, illarum, quas partim modò sustinent, partim non vano augurio imminet, calamitatum exprimerem. Sed hæ majoris tabulæ spatium requirunt, his angustiis non satis adumbrandæ. Hoc nunc solū quæro querorque, quid Germaniam, quid Galliam, quid Belgarum gentem tantis antehac tempestatibus concusserit? Quid Sueciam, Daniam, Poloniã, Hungariam, Transylvaniam tam miserandis motibus quassarit? Nolo tam variis, iisque non ignotis immorari, uni tantum Angliæ, ex qua ad nos Germanos potissimum Catholica religio traducta est, recentem propono imaginem, qui fluctus, quæ procellæ ab hoc religionis mutatæ oceano ductæ, nunc in vulgi, nunc in ipsa procerum Regumq; capita detonuere? Spectaculum sanè triste tragicarum omninò cædium illa terrarum florentissima jam à seculo præbuit, admirandam posteritati in Christiana gente speciem insanæ crudelitatis datura. Anglici hac de re, & quod mirere, ex schola Puritanorum, Doctoris Alexandri Ross, in libro de Mundi Religionibus part. 12. fol. 513. editionis Dordrac. ann. 1662. testimonium juerit audivisse, qui post diversas sectariorum de fide sententias sic, inquit, *Ex his aliisque impiis opinionibus, quæ hodiedum inter nos tolerantur ac defenduntur, videmus quò prolapsa sit Christi his locis religio, ubi tanta quondam pietate zeloque efflorescebat. Nos Christianam religionem inter primos Europaos amplexi sumus, neq; cuiquam populorum devotione ac zelo nos concessisse, tot templa, cænobia, sacraria, collegia, schola testari poterunt. Sed quantum nunc (dolor prò) ab illis mutati sumus. Quid superest, nisi mera religionis larva, ipsa per tot hæreses & blasphemias, consumptâ veritatis ac*  
vita

## BREVIS RATIO:

*vita substantiâ ! Cum Ieremia jure querar, quod decor & pulchritudo filia Sion ablata sit. Et fol. 510. Babylon nova erigitur, plena impietatis, ignorantia, & blasphemiarum. Hi fructus sunt & consequentiâ ex S. Scripturarum lectione per ignorantes improbosque spiritus tentata. Quæ cum adeò manifesta sint, ut ex ipsorum Protestantium confessione habeantur; quin ad illam nos recipimus Ecclesiæ unitatem, à quâ tam manifesta discessione quidam avulsi sunt; ut totius orbis judicio ac suomet proptio, primùm discedentes, tanquam schismatis autores, jam pridem convicti sunt? Quin viam hanc ad reditum apertam omnibus, & ad ipsius veritatis explorationem omninò securam amplectimur? Si in S. Scripturæ dissidemus sententia, poterimus certiores constantioresque, quàm veteris orthodoxæ Ecclesiæ Patres, scripturarum habere ambiguarum interpretes, ac pro veritate & concordia securius, quàm in illius Ecclesiæ, de scripturæ sensu, judicium concedere; cujus autoritatem utrimque reveremur, sanctitatemque ac sanitatem doctrinæ agnoscimus?*

Ad hoc igitur cum æquè facilem ac certam omnibus viam aperiā, cumque totius etiam politicæ tranquillitatis stabilitatem in hac concordia sitam esse, quàm paucis, tam veris argumentis ostendam, per Deum vos, salutemque vestram ac tot mortalium subditorum obtestor, nolite cum tanto periculo omnium, rem in manu vestra positam, & à vobis, si temerè neglecta fuerit, in extremo judicii die exposcendam, contemnere. Si negetis, vestræ esse curæ religionis negotia suscipere: at tamen vestri erit muneris tranquillitati consulere publicæ, quam nemo est, qui ignoret sine religionis concordia diu non posse consistere. Et verò hac de causa vestro in corpore

## MEDITATÆ CONCORDIÆ

corpore non minus Ecclesiastici , quàm seculares censentur Proceres, quibus curæ esse debet, ut sancta recta servetur Majorum nostrorum, tot seculis propagata religio, aut si quid illa detrimenti acceperit, in integrum restituatur. Hoc sentio, fidenterque affirmo, si Principes Legative quorumcunque regnorum, provinciarum, ac Rerump. suos secum ducant Theologos, tota ab Ecclesia delectos, juratosq; nullius se hominis bonive temporalis gratiâ , sed solius Dei veritatisque orthodoxæ intuitu, suum de hac Concordia Meditata dicturos iudicium, jam rem brevi inter meliores ( .nam sperare omnium consensionem difficile ) confectam, optatamque in multis Imperii partibus religionis concordiam postliminiò reductam admirabimur. Et ut labes fuit Germanæ nationis à prisca erga Deum fide primos superiori ætate desciscere, ita futura hæc omninò illustris eorundem est gloria, pedem, ubi offendisse se animadvertit, ante omnes communi Procerum consilio retulisse.

Hæc à frigidis quorundam in Rom. Imperio Ministrorum, qui ex politicâ , & secularis commodi lance omnia ponderant, affectibus sic video excipienda, ut solent, inter Machiavellicæ disciplinæ affectas, illa excipi, quæ ex jure divino Ecclesiasticoque, juxta Theologorum placita definiuntur. Qui si meminissent: *Sapientiam hujus mundi stultitiam esse apud Deum*, & venturum diem illum, quando supremus omnium sedebit arbiter , qui sprete tam salubris consilii rationes deposcat, fortè altius hoc Concordiæ negotium ( quo aliud gravius ad hæc Comititia adferri non poterit ) ad animum admitterent.

Verùm ille me pseudo politicorum hominum, aliosque huic meo proposito insistentium sensus non debet



## BREVIS RATIO:

debet retardare, quando (quæ Dei est benignitas) hoc seculum præclarissimos nobis in Germania, utrarumque partium, tam Protestantium, quàm Catholicorum Principes exhibet, qui tam pro illa, qua pollent sapientia, intelligent, quantum ex hac Concordia, & publica Imperii, & privata animarum salus dependeat; tum pro æquitate & charitate, quæ subditorum & proximorum bonum in Christo cõplectuntur, suum hac in re studium desiderari non patientur. Multos quoque ex parte Protestantium Theologos (à quibus maximum possit obstaculum formidari) fore credimus, qui ab inspectis utrimque scripturis ac rationibus, post tam longâ difficilemq; causæ totius ponderationem, denique nihil æquius certiusq; ad veritatem salutemque, quàm quod hiscemeis principiis complexus sum, reperient, atque hoc solum expectabunt decretum Principum, ut cuique suorum impune, & citra rei temporalis familiæque & honoris detrimentum, Meditatæ huic Concordiæ opem operamq; addicere liceat. Quod si, ut par est, universali Comitiorum iudicio, ante omnia definitum fuerit; si deinde illo, quo plerique Principum accensi sunt Concordiæ studio, ad hanc deliberationem accesserint, felicem Rom. Imperio hujus tanti negotii successum, boni omnes, divina miseratione freti, audebunt polliceri.

Imitabuntur nationes proximæ, quæ jam nihil admodum habent, quod cunctationem resipiscen-  
tibus possit injicere; non Helvetorum, aut Galliarum Novatores, cum, aut vicinos, aut proprios Reges Principesque habeant, ad hanc etiam concordiam invitantes: non Angli tot fluctibus religionum, per asperrimam quamque fortunam exercitati; ut non faciliè aliud, nisi in sola fidei concilia-  
tione

## MEDITATÆ CONCORDIÆ

tione habituri sint remedium: non Hollandi, quando illam, quam per mutatæ religionis præcipitia occuparunt libertatem, jam indultò federum jure possident; non Danii quando regni moderamine jam ad unius potestatem translato, atque in vicina Catholicorum Regum suscepti consortia, nihil habent, quod à religione veteri possit retardare; non Sueci, quando jam regnum nacti liberum, hinc miserâ pleborumq; Regum à conversa religione, citò pereuntium fortunâ; inde generosissimo Reginæ propriæ ad Catholicos transitu, tam malis exemplis terrentur, quàm bonis revocantur: non Hungari, ac Transylvani, aut si qui in Polonia & Prussia restitent, quando longè sibi gravissimam ab hac nube dissidentium tempestatem, à propinquo quaqua versum hoste sentiunt imminere, ut securius in unius sese universalis Ecclesiæ asylum sint recepturi. De bonorum quod attinet Ecclesiasticorū restitutione, quæ hæctenus non paucos terruit, cùm illorum occupatio præcipuum apud plures olim Principe s visa fuerit desertæ religionis incitamentum, non magnopere erit laborandum, quando hæc Majorum nostrorum delicta, summus Ecclesiæ Hierarcha, quæ ipsius est sapientia ac humanitas, tanto non volet posterorum onere expiari; ut hinc aliquod cupiat redeuntibus ad fidem orthodoxam objici impedimentum. Hæc multorum relinquentur arbitrio, qui si recipiscant, experturi sunt, nullo suo detrimento Catholicæ aliquid Ecclesiæ impendi. Quod ab ipso proavorum suorum exemplo discere poterunt, quorum qui multa largiti sunt Ecclesiæ, fuere ditissimi; qui plurima subtraxerunt, multarum rerum inopiâ sunt occupati. Opes Deo semel consecratæ, profanum nunquam ditabunt ærarium, ærugo sunt, unde cetera consu-

## BREVIS RATIO

consumuntur. *Quærite primo regnum Dei, & cetera omnia adjicientur vobis.* Regnum autem Dei est, in unitate & Concordia.

Quocirca Apostolum ultimo vobis loco suaforem adhibebo. *Siqua, inquit ad Phil. 2. consolatio in Christo, si quod solatium charitatis, si qua societas spiritus, si qua viscera miserationis, implete gaudium meum, ut idem sapiatis, eandem charitatem habentes, unanimes, id ipsum sentientes.*

Verùm quando illa est multorum in errore pertinacia, aliorum in fide etiam orthodoxa frigus, ut verear, ne hoc Pauli meumque votum à plerisque rejiciatur; hoc tamen pro Concordia susceptum à me studium Deo opt. Max. ejusque in Christo fundatæ Ecclesiæ ex animo dedico consecroque: tum verò Protestantium in Europa Academiis, Ecclesiisque, & singulatim quidem, Genevensi in Gallia, Oxoniensi in Anglia, Leidensi in Hollandia, Hafniensi in Dania, Upsaliensi in Suecia, Wittenbergensi & Helmstadiensi in Saxonia, Rostochianæ in Mechlenburgo, Regiomontanæ in Prussia, Marpurgensi in Hassia, Heidelbergensi in Palatinatu, Basileensi in Helvetia, aliisque quæ dignum aliquod in Europa nomen promerentur, ea lege offero, ut huic Concordiæ Meditatæ, vel subscribant, si probetur; vel si improbetur contradicant; sed paribus, quibus à me profecta est conditionibus. Hoc est, primò ex sola Scriptura S. sine discrimine sententias omnes in eadem materia loquentes admittendo: ne aliquam tantum amplecti, reliquam aspernari scripturam videantur, Poterunt etiam brevi dissertatiuncula (cui tamen vis nulla probandi in suffragiis tribuatur) scripturam obvio in sensu, si lubeat, illustrare, ejusque energiam complecti. Deinde ad Patrum ex eadem scriptura oppositam nobis partem clare defenden-

## MEDITATÆ CONCORDIÆ

fendentium interpretationes conclusionesque ex Apostolica institutione ductas erit progrediendū. Quod si qui Patres extra Scripturam S. loquantur, suffragiū in hac causa jure carebunt, nisi nostrorum quoque Doctorum consensione, eam quam Protestantes depromunt sententiam, loquantur. Imò ubi cunque dubia erit, etiam ex S. literis ducta Patrum sententia, nemo illius suffragatione tenebitur, nisi adversæ partis confessione de sensu Patrum constiterit. Denique licebit adversariis, siquid à nobis in allegatis sententiis erroris, ignorantia certè non malitiā commissum, ex christianæ modestiæ legibus signare atque expungere; ac postremò totius Ecclesiæ, aut saltem illius, in qua versatur Academiæ judicium approbationemque adjungere, citra quam, decretum nobis est, privatorum hominum judicia censurasque aspernari & justo vindicare silentio.

Quod si Protestantes, ex desperata suæ religionis causâ, hoc christianæ de sua fide instructionis decrecent officium, teste Deo, atque orbe universo, illos provocamus, ad reddendam innòvatæ abs se religionis ac repudiatæ hujus Concordiæ æquissimam rationem, & universè quidem Academias, quas diximus, singulas, quibus illud Petri Apostoli curæ futurum speramus: *Parati semper ad satisfactionem omniposcenti vos rationem, de ea, qua in vobis est spe.* 1. Petr. 3. v. 15. nisi itaque desperent, aut subscribendum, aut contradicendum est singulis. Ita denique ex hac sententiarum collatione, nisi indignè ab illis tractetur, pulchrior emerget veritas, & pervicaces in errore, vel suo convicti silentio, vel iniquitate responsi, proprio se ipsos calamo condemnabunt.

Hac in Nomine SS. Trinit. & Ecclesiæ Christi

I. M. S. I. offerobas

## AD REFORMATIONEM

ABSOLUTAM

## PRÆMUNITIO I.

Brevis ratio absolutæ Reformationis, & irrefutabilis eiusdem vis & via ad Concordiam, cum ridicula quorundam refutatione, exposita.

**C**um ad sacram jamdiu Scripturam, tanquam iudicem, normamque rerum credendarum absolutissimam Protestantes ceterique A catholicorum provocarint, ideoque tantum imbecillitati eorū, communique pacis ac salutis bono indultū a me fuerit, in utraq; *Meditata* hujus *Concordia* partes ut primū universē ex sola Scriptura S. religionis orthodoxæ articulos illos, de quibus potissimum controvertimus, proposuerim: deinde parte altera sigillatim Augustanæ Confessionis articulos, per appositum oppositumque erroribus Dei Verbum reformaverim: nunc illi quoque Protestantium Ecclesiæ, quæ Genevensi Confessioni adhærescit, idem operæ beneficiique, ex Christiana charitate impendendum censui, tantū quidem elaboratori studio, & remedio ad concordiam salutemque illorum potentiori, quantū morbus aberrantium est gravior, & curatio difficilior. Quanquam *πρόσφορον* esse cupiam, & universorum saluti mederi.

1. Exhibeo Reformationem igitur, qualem postulant, ex norma regulisque scripturarum ita compositam, ut humana hinc absit interpretatio, atque illæ, quæ possunt fallere, ex ratione nostra ductæ consequentiæ. Nam utrumque horum, cum ad Dei verbum, tanquam regulam ultimam expendendum sit, neque humanum quicquam, divinæ norma fidei censi possit, in solis purisque Dei verbis sententiæque, omni hominum commentatione submota, est subsistendum. Unde fit, quod nulla

A

hæte-

hactenus Protestantium Confessio lucem viderit, quæ purè ex verbis sententiaque scripturarum concinnata regula veræ religionis esse queat. Nunc verò cum res eò reciderit, ut provocatoribus ad hanc solam normam, vel parendum sit, exhibito Dei verbo, quod pro Iudice regulaque suæ fidei jactatum hactenus est; vel error in quo versantur, dum lutum ferro, in hac statua, id est humana commenta divinis miscent oraculis, propalam agnoscendus: spes est plerosque salutis & concordix studio ad mentem veritatemque redituros, nisi cum pertinacia non cecidendi turpiter perire, quàm gloriosè, suo se bono victos, maline fateri.

2. Quia verò hic boni homines vertiginem patiuntur, & cū ad normam scripturarum vocantur, ad interpretationes, & consequentias transeunt; ubi deinde his etiam urgentur, ad scripturam rursus, tanquam clarissimam, ac postremò etiam suæ testimonium conscientix abeunt: cuius iterum securitatem ex verbi Dei interpretatione arcessunt: ex obscuro hoc circuitu in magis apertam lucem censui protrahendos. Quod ratus sum fieri potentius non posse, quàm si orrthodoxæ, & ab iisdem agnitæ Ecclesiæ usitatam interpretationem, expressamque à Sanctis Patribus Scripturæ Sententiam, juxta postulatum ipsorummet Protestantium in proœmio Confessionis Francofurtensis, exponerem.

Neque enim quisquam, opinor, tam amens futurus est, qui pluribus unus, & tam antiquis novus, tam universè probatis, suspectus ipse, tam propinquis Apostolorum discipulis; ipse Lutheri aut Calvinii posthumus, tam sanctis doctis, honoratissimæque omni retro ætate, per Catholicam Ecclesiam, hominibus, suam ausit interpretationem opponere, ac præferre de scriptura controversa sententiam. Quod si quis tamen aded, vel arrogans vel temerarius repertus fuerit, hic ex fructu hujus pugnx nihil præter ignominiam, & manifestæ hæreseos notam est relaturus. Sed nec solos illi in hac arena objecturus sum Patres, gladio divini Spiritus ex tradito Dei verbo armatos, verum illam ipsam quam proferunt, scripturam sacram, ut primò videant, quam insulsa quandoque interpretatione, hanc ex originalibus quæ hodie dum extant, linguis producant; deinde quàm stultum sit, illis extorquere conceptam velle de scriptura sententiam, qui nisi testarentur aliquod nobis superesse Dei Verbum, nulla, nisi ex usu tradita, fides consisteret.

3. Verum quando nullæ Patrum munitiones tam firmæ sunt, quas

quas aliquando non tentet, si minus perfringat obnitentiū audacia. Sive, cum illa Patrum ex S. Scripturis ducta argumenta (nam aliis extra scripturam, ut magis illimitatis vagique, ac nostro etiam proposito minus appositis ferè censui abstinendum) nonnulli diversis quoq; interpretationibus elidere conentur: ipsorummet postremò testimoniis Protestantium utendum duxi, quæ sibi adversantem Patrum sententiam candidiore calamo profiterentur. Ut, nisi jam frontem pudoremque omnem exuerint Adversarii, confessæ veritati ultra resistere nequeant; sed cogantur manus oblatae porrigere Concordiæ, suumque errorem, & apertum salutis præcipitium detestari.

4. Quæ de Patrum erroribus, humanisque judiciis sæpe fallētib; hic obtenduntur, fallaciæ sunt, quibus adversarii, sub ficta ad scripturas provocatione, ad suum nos iudicium, multò magis fallibile conantur abstrahere. Siquid Patres errarunt, iam à veteri orthodoxaque signatum Ecclesiæ, horum testimoniorū, neq; fidē lubit, neque autoritatē imminuit. De his Scripris sententiisq; agimus, quæ neque verus, neque recens ante Lutherum Ecclesiæ damnare comperta est, quæ tot seculis, conciliis, hominibusq; probata, jam sectariorum censura nequicquam perstringuntur. Hæc tanta constantia temporum, tanta fidelium consensione, tanta nationū ingeniorumq; diversitate, tanta totius Ecclesiæ veneratione firmata convellere, non hominis ratione consilioq; utentis, sed quidam Saranæ potius, ex orco in hunc orbem erumpentis, mihi furor esse videtur.

Et quid est, quod in usu humani sermonis, interpretationis licentia, cum obniti decretum est, nequeat utcunq; enervari, quò imperitiori saltem vulgo recti species aliqua (ut in blandis persuaderi facile est) obrendatur? Etenim, ut res quæque subiecta sermoni, variis constar partibus, sive rei naturam, sive adjuncta spectes, & hinc causas, inde effectus respicit: ita vix quicquam reperitur tam omni ex parte descriptum expressumque, quod aliis aliisque sensibus, aut inflecti, aut restringi, aut ampliari, aut traduci per figuram nequeat: ut nisi de hac sensuum limitatione, vel extensione constet, vix quisquam de sententia loquentis scribentisque iudicare infallibili veritate possit. Quate tutissimum hic est, per suffragia plurium, conspirantesque in eundem finem sententias ex S. haustas literis incedere, illorum præcipuè, qui oriente toto atque occidente divisi, eodem se ex fonte, unde scriptura manavit, genuinum eius sensum ostendunt depromere.

5. Postremò, ut irrefutabilis planè esset, hæc ultima Reformatio, inexpugnabili Traditionum in Ecclesia Catholica veritate firmavi. Ideoque hanc ex clarissimis S. scripturæ, Sanctorumque orthodoxæ Ecclesiæ Patrum testimoniis, ac denique manifesta Adversariorum Confessione aliquantò prolixius exhibui. Quin etiam si & ipsæ Traditiones deficerent, ipsaque orthodoxa Ecclesia, in sensu S. scripturarum definiendo esset fallibilis, tamen illius adhuc iudicio in rebus fidei controversis standum, invincibili demonstratione evicì, ut jam nemo nisi desperatæ salutis queat resistere.

6. Quod si tamen quibuscumque Protestantium hic nondum satisfecero. Agant illi & Reformationis suæ causas, tū ex scripturis S. tum ex paribus verbi Dei interpretibus, tum denique tam manifestis nostrorum de antiqua Ecclesiæ fide testimoniis vincant; cedemus ubi id fecerint, citra interpretationem & commenta propria. Nos tamen ubi victores compertissima, quam prodimus, veritate, agnovetint, æquum erit, ut ad ovile, unde malè aberrantes divulsi sunt, postliminid se recipiant. Opponemus scripturas scripturis, sententiam sententiæ, Patrumque utrimque suffragia colligemus. Ubi potiora hæc numero, atque autoritate reperta fuerint, ibi certiora statuemus esse orthodoxæ Ecclesiæ vestigia, ejusque nos gremio in pace concordiaque securi credemus. Neque unius hæc res iudicio, quamvis calamo possit, erit absolvenda, Plurium etiam Academiarum nationumque censura & approbatio deposcitur, sive opponendi studio, sive componendi gratia hic labor tractetur. Jā enim suos huc Satan emissarios, rabulas, & calumniatores protinus destinabit, qui cavillis, mendaciis, convitiisque omnia lacerent discerpantque, ut quod veritate & æquitate expugnari posse desperat consilium hoc nebulis ejuscemodi, velut magica incantatione objectis, saltē oblectetur. Quocirca earum, quas potissimum hac in re arbitras ex parte adversaria deposcimus, Academiarum nomina in fronte proposuimus, ut hæc saltem ex iis quæ ejusdem professionis sunt, hinc Augustanæ, inde Reformatæ ternatio minimum numeto comprehensæ, ad hujus Concordiæ vel approbationem, vel correctionem, sententiam conferant, omnium consensione firmatam. Ita enim & solidiori veritate res agetur, & illa calumniandi intemperies, à quâ honesti plerumque ingenuique abhorrent animi, hac in causa, facilius declinabitur. Quanta verò æquitate hoc nitatur postulatum, intelligent omnes, quotquot norunt totius Ecclesiæ Romani æ  
sensum



sensum approbationemque ita nostris impressam scriptis, ut si qui nostrum ab illa in articulis fidei deflexerint, publica damnatione perstringantur, ideoque iniqua proflus nostra conditio futura sit, si ut primum adversariorem quisque am, non probatas à sua Ecclesia nobis opponat sententias, huic nos existimemur responsionem debere: quando unius hominis correctionem suscipere (qualis plerumque de honore magis suo, quam veritate sollicitus, ubi rationes deficiunt, ad calumnias vertitur) labor inutilis futurus sit.

7. Jam intelligo Genuensem quendam in Germania emissarium, sed si eius spectemus scripta, scurram magis, quam ingenuum scriptorem, & furiam propiorem, quam homini, in me fabulam eudere: quem scribunt, suis quoque symmystis ob putentis arrogantia maledicenti exque gentium detestabilem. Talis igitur si in hanc Meditara concordie machinam bos incurrat, nihil quidem actius est aliud, quam ut ostendat fœnum se gerere in cornibus, mihi que & cuius opinor recte sentienti risum magis, quam bilem moturus est, licet sua ipse in bile mergatur & innatet.

8. Illudere huic etiam Concordia visus quidam Saxonie Superintendens ex Seyda est, M. Jodocus Schlaff, in *Responsione ad Instrumentum sacre Ecclesiasticae Laubenbergeri*. Ubi circa finem, primam Meditara Concordia partem hanc censuram perstringit. Extra scopum, inquit, dubiis, laus, ambiguisque ex scriptura coacta verbis hæc Confessio vagatur, atque utrique passim religioni locum facit, non Lutherane minus, quam Papisticae. Summa rerum non tangitur, nedum definitur. O Domini, proprius nobis incuties involandum est, ut constet de victoria, Equidem scire pervelim, unde hauserit Masenius quod Lutherani verba phraesque articulorum fidei esse literis censeant, ducendas? quod Ecclesiae Doctores, Patresque & Traditiones, damnandae sint? quod quisque privatorum interpretationem, suam, pro verbo Dei substituatur? Item impressa ab illo Concordia, & ut jactat Ratisbonae ante quinquennium, cusa, ab universa Lutherana Ecclesia approbata sit? quod Episcopi Suevici, Joannis Matthiae scripta, ut *olim popenitentialis & alia*, Evangelicae Ecclesiae sit confessio? videtur hic Iesuita aliquando in tempesti vius has merces obtrudere. Iesuitarum somnia veritatem non faciunt.

Ira D. Schlaff, somno ut apparet nondum excusso, qui cum veteri Dormitatio Hieronymum hic posset excitatorem mereri.

Nam in Mea iste Concordia evolvenda tam oscitanter versatus est, ut plures lapsus, quam lineas reliquerit. Egone de Lutheranis statui, quod *verba phrasæque articulorum fidei tantum ex S. literis ducendas censeant*, cum ad consequentias simul doceam confugere, *juamque* (ut ipse faterur) *interpretationem pro Verbo Dei substitueret* Id fatebor equidem ad primum illos teneri, qui pro sola norma scripturam S. agnoscunt, sed nunquam facere, cum humanas propositiones & consequentias eidem commiscent. Obligationem igitur in illis agnosco, non voluntatem. Iterum, quod *Ecclesia Doctores Patresque à Protestantibus damnentur*, nullibi abs me iradirum est, quin contrarium potius, quod *Scripturam S. juxta veteris Ecclesia Sanctorumque Patrum sensum usurpari postulent*, in proœmio Confessionis Francofurtensis ostendi. Sed, quod inconstantes sint, & ad scripturam eisdem examinent, proque suo illos judicio, aut repudient, aut admittant, nec ipsimet mecum poterunt inficiari. Tertiò, quod *Ratisbona ante quinquennium hæc cusa sit Concordia*, nec mihi per somnium quidem in mentem venit, quod Francofurti in Comitibus Electoralibus ab utriusque partis hominibus vulgata sit, etiamnum & typographi, & exemplaria restari poterunt. Quattò, quod *Episcopi Matthia scripta Confessionis loco Lutherani effecenseam*, D. Schlaff phantasma, non meum est. Autoritate scriptoris vestri usus sum, quam magnus Suecorum Rex proceresque regni, suo in oblato hoc scripto, patrocinio dignati sunt, & autoritate munivere. Ut cum illam Jodocus noster explodit, ostendat quantum ab his ejusdem Confessionis Scriptoribus Concordiæ consensio, sique nobis sperandum sit: & quàm justè nihil illorum scriptis tribuendum sit: nisi Ecclesiæ totius approbatione, ut nobis consuetum est, firmetur: Cum citra hoc, mutuâ sese damnatione in rebus fidei quoque perstringant. En oscitantiam verè dormitantis hominis, qui sua Jesuitis somnia & deliria appingit. Er quis speret cum privatis tantæ perversitatis Scriptoribus, hac in causa, quicquam rectè peragendum, qui merissimis rem totam figmentis confundunt. Iam quod palmarium est, hic homo suam subrumque prorsus causam, dum malis artibus vult tueri, nobisque tradit, quando faretur, quod *hæc Confessio utrique religioni locum faciat*: nam si Romano Catholici arriculi in hac Scriptura S. contineantur, qua mente ac fronte negant, nostræ religionis sibi adversantia placita in S. literis comprehendi? qua discedunt à nobis conscientia? qua audacia inferunt reformatio-

tionem? Si potest in nostro hæc sensu scriptura accipi, etiam debet; quia antiquitate, successione, traditione, usu perpetuo, ac possessione illius sententiæ vincit. Eliminari non potest, nisi à scriptura contrarium sensum demonstrativè necessarium evincente. Si dicant, quod Lutheranorum articuli hinc etiam capi possint; ostendant pari certitudine, quod etiam debeant: aut si id nequeant, (ut omnino impossibile est) causa exciderunt. Porro falsissimum est, utrique religioni in adductis S. literarum testimoniis locum fieri, nam sic, vel scripturam Deumque ipsi sibi contradicere necessum fuerit; vel nos, si illa consentiant, temerè, inter oppositas partes, sententiis pugnantibus digladiari. Quid videtur D. Schlaff, potestne fieri ut Deus sibi contradicat? Si neget, intelliget opinor denique pugnautes in S. Scriptura opiniones rectè fundari non posse. Iteoque qui Catholicæ in ea agnoscat Ecclesiæ sententiam, oppositam Protestantinam ex eadem velut necessariam non posse eruere. Tantum modò D. Jodoco, & quibusdam aliis, eodem, ut sperem, collyrio fanandis, reponere placuit; & hæc auctarii loco subnectere; ut paucis appareret, quanta futilitate argumentorum, adversus Concordiæ nostræ rationes inanissimè luctentur. Et quod nulla Academicarum ad subscribendum, vel contradicendum ex Scriptura S. ad quam solam tot annorum decursu provocarunt, certissimo victæ conscientiæ indicio, appareat; sed privati tantum scriptores, nulla sua Ecclesiæ autoritate muniti, ex suis nos labulis, non amore, sed odio veritatis infestent.

## PRÆMUNITIO II.

Alienam à vera ratione & salute viam nonnulli Protestantium in Polonia, Helvetia, & Hassia, ad syncretismum verius; quam Concordiam religionis ingressi, nobis consultius accessuri sunt.

**C**oncordiam plures olim, atque hodieum Protestantium inter se moliuntur, ut tot diversis, quibus illorum indies Ecclesiæ scinduntur, religionibus remedium aliquod afferant; sed plerique syncretismum pro vera religionis pace inducunt. Conjurata non ad salutem, sed plurium interitum concordia est. Fide humana magis, quam divina sociantur.

Iam dudum est, quod Harmoniam Confessionum Helveti &

Genevenſes vulgarint, quibus utriuſq; per Europam religionis hinc Lutheranæ ac Bohemicæ; in de Calvinianæ & Zwinglianæ homines adverſus Romanam Eccleſiam, comuni federis vinculo ſociare conantur. Quo ſtudio illi, qui ſe Reformatos dici volunt, Calviniſtæ in primis occupantur; non quod Lutheranorum ſententiis favcant; ſed ut ſenſim hac Concordiæ illeſtos ſpecie, a propriæ Confeſſionis articulis abſtractos ad ſe traducant. Quo quidem artificio (*ut prona ſemper in peius via eſt*) tantum profecerunt hactenus, ut integras ad partes Lutheranorum provincias traduxerint. Duplici id potiſſimum viâ obtinuerunt: altera per inclinationem ſententiarum, quales de cœna, de prædeſtinatione, de baptiſmo, pœnitentia, ulu imaginum, aliſque circumferuntur diverſæ, ut perſuadeant in fundamento fidei ſe nequaquam diſſuere, altera, quod hac concordie imagine occupatos devinctosque ſuis partibus, ſenſim ſine ſenſu, & pacis ſtudio, & libertatis majoris illecebra in idem ſecum præcipitiû abſtrahant, unde difficilius omnino, quam ex Lutheranismo ad ſynceram veritatem orthodoxamque Eccleſiam receptus ſit.

1. Ut exemplis rem tradamus, Articulum de cœna Domini tam ad fallendum accommodis verbis concipiunt, ut qui illum legant, de veritate præſentis Chriſti in pane Corporis ambigere vix poſſint, quorum tamen deinde, nientem ſi præſius excurias, intelliges, non niſi de præſentia per fidem apprehenſi Chriſti illos ſentire ac loqui, quæ niſi in pane, aut calice ponat, aut mutet, ſed in ſolo tantum capite ſit apprehendentis: ut nihil magis de verè præſente Chriſto in Sacramento poſſideat, quam qui viſ fide viva credens in Chriſtum extra Sacramentum. Quam obſecro craſſa & deteſtanda hæc ludificatio eſt? Viciffim Calviniani non erubeſcunt præcipuis quandoque ſuæ religionis articulis renuntiare. & parti contrariæ fuſtragari, ne tot ſectis a ſe mutuo divellantur. Verum infelices ejusmodi Conciliatores non intelligunt, hæc ſe via non minuere, ſed augere ſchiſmata. Cum ſynomyſtæ plerique hæc uniones, quæ ſic diſpenſant in articulis ad fidem neceſſariis, deteſtentur. Itaque in ſtatione perſiſtant, reliquis in novas ſectas. & articulos iterum credendum jurantibus. Celebre hoc nomen illud eſt Synedrion Scndomienſe, quod Anno M. D. LXX. 14. Aprilis inter nonnullos Anguſtianæ Majoris Poloniæ, & Helveticæ minoris, denique Bohemicæ Confeſſionis Miniſtros, eo ſine modoque coaluit; ut hi, qui ſe Reformatos ex Helveticis dicunt, hunc Confeſſionis Saxonicæ articulum de cœna, baptiſmo & pœnitentia admiſerint.

Baptiſ-

*Baptismus & cœna Domini sunt pignora & testimonia gratiæ, quæ de promissione & redemptione nos communes faciunt, & ostendunt beneficia Evangelii ad singulos pertinere, qui his ritibus utuntur, &c. Item, nec admittuntur ulli ad communionem, nisi prius à Pastore, aut Collegæ ejus auditi sint, & absoluti. In hac exploratione interrogantur, & erudiuntur rudes de tota doctrina ac deinde absolutio promulgatur. Deceantur etiam homines Sacramenta esse actiones divinitus institutas, & extra usum institutum res ipsas non habere rationem Sacramenti, sed in usu instituto in hac communione verè & substantialiter adesse Christum, & verè exhiberi summentibus corpus & sanguinem Christi Testari Christum, quod sit in eis, & faciat eos sibi membra, & quod abluerit eos sanguine suo, &c.*

Hæc ex Confessione Saxonica, pro Concordiæ illius præcipuo fundamento sunt collocata. Viciissim ex suis dicti Reformati Confessionibus hunc articulum Consensus n. 18. inferuerunt. *Car. monias & ritus Papisticos sensim auferendos & omnino rejiciendos esse censuimus: ut exorcismum, imagines idololatricas, Sanctorum reliquias, rerum superstitiozum candelarum, consecrationem herbarum, vexilla, cruce aureas & argentæas, ac his similia: ne per illa verbum Dei profanetur. & ne Antichristo patrocinari videamur.*

Hoc Synædion deinde per Synodos pleniores, ut Cracoviensem anno 1573. Petrovicensem 1578. & Wladislaviensem 1583. confirmatum auctumque est.

2. Mirum tamen videri jure poterit, quid obstiterit, quo minus fratres illi Polonici tam studiosi Concordiæ Harmoniam Confessionum apud Helvetos editam admittere hæc ultima in Synodo detrectarent. Sic enim loquuntur Art. 4. *De Harmonia Confessionum Evangelicarum* (pro studio & solerti labore apud Helveticos nuper edita) *in eam sententiã itum est. Siquidem nos in Polonia & Lithuania, &c. divino favore habemus certam Concordiæ nostræ normam ac vinculum consensum Sendomiriensem, &c. quo tanquam vexillum pacis in unum Domini exercitum conjuncti feliciter utimur. Proinde isti harmoniã ceterisque concordia formulis subscribere ac eas in nostras Ecclesias inferre, supervacaneum esse censuimus.*

Ut stupendum sit, quâ fronte Helveti ac Genevenses, ita publico orbis judicio illudere non vereantur, quâ mente illam pacissim ceteri Reformati nominis affectatores Harmoniam ausim admittere, in qua (ut aliqua memorem) sine baptismo salus infantibus alibi adstruitur, alibi negatur. Missa. Confessio, imagines Sanctorum alibi tolerantur, proscribuntur alibi. Christus

alicubi pro omnibus : alicubi pro solis electis mortuus est. Adeo tamen Harmonia dissonans, adeo discors Concordia Protestantium toto orbe plurimis jam annis vulgata , tam dissimilia unum in fasciculum Evangelicæ, si fas est, pacis unionisque colligat : non tam ut idem sentiant , quam ut idem in fide sentientes Catholicos oppugnent. His Apostolum hortatorem ad Philip. 3. Propono quicumque perfecti sumus, idem sapiamus & in eadem permanamus regula : Multi enim ambulant, quos sæpe dicebā vobis, inimicos Crucis Christi, ipsi eligant quibus malint accenseri, mihi hoc loco severius non lubet arbitrari.

3. Non tamen abs re fuerit cognoscere, quod recens hac in re Concordiæ monstrum Marpurgenses & Rintelenses Theologi, illi Calvinistæ, hi Lutherani (ignoscite si displiceo, quando alia distinctionis magis propria non repeio vocabula, neque quenquam tam ingratum suæ Reformationis autoribus futurum putem, ut eorum nomen erubescat) procuderunt. Serenissimus Hassorum Princeps Wilhelmus, spe subditorum in una religione ad quietis publicæ emolumentum jungendorum, hos locis utrisque ad amicam tractationem Castellæ exciverat anno 1661. ad principium mensis Julii. Hi rationibus ultrò citroque agitat, certa denique lege in unam coaluere Ecclesiam, quæ hætenus illis fidei fundamentis nondum satis innotuerat. Unde paucis, ex edita ejusdem anni Relatione Colloquii Castellis apud Schadevitzium, cum utriusque partis subscriptione, lubet illius Concordiæ meminisse.

Primo quidem, in articulo de S. cœna, inter partes utrimque convenit, spirituales manducationem Corporis Christi ad salutem omnino necessariam esse, per actum & ere fidei, prout fertur in Christum Crucifixum, sibi que eum cum omnibus meritis applicat. Theologi tamen Marpurgenses ritum fractionis panis , non quidem ad essentiam Sacramenti, sed tamen ad integritatem ejus, propter Christi exemplum & mandatum, necessarium ducebant, quam necessitatem Rintelenses non agnoscebant.

Quod ad oralem manducationem Corporis Christi attinet, quasi-tum fuit : an Corpus Christi in usu Sacramenti, una cum pane comesto, in ore uniuscujusque sumentis , tam fidelis , quam infidelis Adiacætes præsens sistatur : Et Theologi quidem Rintelenses affirmativam : Marpurgenses verò negativam defenderunt. Quoad momentum verò convenit , quod controversæ istæ quæstiones, si ve assertæ, si ve negatæ ipsum salutis fundamentum non evertant. Cum utrimque in confesso sit, in utriusque partis Ecclesiis, non obstante illa  
dissensio-

diffensione, usum Sacramenti, secundum Christi institutionem, sine substantialium additione, vel detractioe, integrum & illibatum manere.

De hinc de Prædestinatione, gratia & libero arbitrio inter collocutores pluribus actum. Convenit inter utrosque post hominis lapsum, nullas esse nec remansisse in ipso residuas vires, ad bonum spirituale; vel inchoandum, vel peragendum; sed ex divino totum pendere beneplacito. Negabant tamen Marpurgenses primò, quod Deus omnibus & singulis hominibus gratiam suam per ordinaria media conferre paratus sit, adeoque omnes & singulos vocare, convertere, regenerare, iustificare, adoptare, & glorificare velit, quod Rintelenses, quamvis non absoluta, conditionata tamen, & seria voluntate Deum velle affirmabant. 2. Negabant Marpurgenses, Rintelensibus affirmantibus, quod gratia conversionis ita se habeat, ut homo in virtute gratiæ Evange in obsequium præstare, & per connatam malitiam ei resistere, & obicem ponere æque possit. 3. Affirmabant Rintelenses, Marpurgenses negabant, quod prædestinatio secundum præscientiam perseverantis fidei facta sit. 4. Quod reprobatio nonnullorum sit facta secundum præscientiam finalis impænitentiæ & incredulitatis, Rintelenses affirmabant, negabant Marpurgenses. 5. Quod Christus pro omnibus & singulis hominibus, tam reprobis, quam electis sit mortuus, & que remissionem peccatorum, iustitiam, & vitam æternam sit promeritus, Rintelenses similiter affirmabant, negabant Marpurgenses. 6. Quod qui pro præsentis veræ fidei iustificante præditus & in statu gratiæ est, per aliqua peccata à se commissa fide & gratia excidere posset Theologi Rintelenses affirmabant. De electis verò secundum præscientiam fidei statuebant, eos finaliter excidere non posse, non quod hoc sit impossibile absolute, sed ex hypothese divini præscientiæ. Contra negativam adstruebant Marpurgenses; ita tamen, non quod absolute illud, Tò non excidere fide & gratia, fieri non posset, sed ex hypothese divini gratiæ, quæ est æternæ salutis. Et iudicabant tamen utrimque has controversias non inducere dissensum in fundamento fidei, tum quod Pelagiana & semipelagiana dogmata utraque pars aversetur, tum quod regula præctica, quæ iustificationem à vera fide suspendunt, inconcussa maneant, nempe, qui crediderit & baptizatus fuerit salvus erit, qui verò non crediderit condemnabitur, tum denique (ut Marpurgenses addebant) quod hæc quæstiones pleraque, inscrutabilia Dei iudicia, & modum divini virtutis occultum in homine conceperant: sine quarum cognitione multi hominum servari possint.

De persona Christi sic utrimque convenit, quod Christus Deus sit & homo

Et homo in persona unitate, ita ut integrâ manente utraque natura utriusque simul proprietates essentielles salva manerent: licet de tota persona in concreto verè & realiter predicari possent, sed respectu illius naturæ cui competerent. Rintelenses tamen asseriebant, quædam attributa divina, quæ ad operandum spectant v.g. omnipotentiam & omniscientiam de natura humana in abstracto, (non quidem, ut intrinsecò, sed denominatione solum extrinseca illi convenientia) predicari posse; quod hac, ut principium quo secundarium, mediante unione, per omnipotentiam divinam, & omniscientiam ubique in Deo præsentem, ipsa licet absens, operaretur, quod Marpurgenses non agnoscebant; sed prædicationes has solum in concreto de persona fieri volebant, ut homo Christus (non humana natura) omnipotens, & omnisca dici posset. Neutram verò partem hac dissensione fundamentum fidei & salutis evertere statuerunt; quod utrimque sentirent, Christum verum Deum Patri & Spiritui S. ὁμοῦς οὖς verum etiam hominem, nobis per omnia, excepto peccato, similem, hæresimque Nestorii, Eutychis, Marcionis, Arii, Photini, Pauli Samosatani, Socini, aliorumque qui vel unius, vel alterius in Christo veritatem sustulerunt, vel unionem earum everterunt, rejiciant: nec Marpurgenses, negando communicationem maiestatis divinæ personalem unionem dissolutam in Christo velint; neque Rintelenses adstruendo, naturarum confusionem inducere.

Denique de S. Baptismo utrimque consentire, quod infantes baptizandi sint, ut Christo inferantur & spiritualiter regenerentur, ea tamen necessitate solum, ut non quidem baptismi omissi privatio, sed contemptus Sacramenti tantum non baptizatos damnet. Quæsitum deinde, an fidelium infantes ante baptismum sancti sint, & infans salute exordiat, si neglectu culpabili aut contemptu parentum baptismus collatus non sit. Rintelenses ante baptismum suæ libertatem non agnoscebant, neglectum contemptumque talem periculosum censuere, veriti tamen quicquam decidere, statuerunt in defectu Ministri ordinarii laicum administrare baptismum posse: Marpurgenses sentiebant ejusmodi infantes Sanctæ ecclesiæ federalis, non tamen inherentes censeferi participes, vi cujus Spiritum S. in decedentibus à vita regenerationem operari censebant, neque in neglecto baptismo culpam parentum obflare debere, aut necessitatem dari, quæ Laicis administratio baptismi concedenda sit. Sed per has controversias à neutra dissidentium parte salutis fundamentum tolli utrimque convenit.

Hæc brevis summa illius Concordiæ, quam illorum pendè verbis, sed nonnunquam accis, atque in compendium redactis exposui.



4. Verum hanc non esse Concordiam, ac syncretisum & dissimulationem in erroribus fidei toleratis, tam est manifestum, quam toti orbi cognitum, Confessiones fidei publicas, quibus articulos rerum credendarum vulgo exhibent, has inter se pugnantes sententias, tanquam fide divina credendas, proponere Hospinianus inter primipilares nominis Reformati, in *disorde sua Concordia*. ait Peucerum jure hoc nomine Lutheranis concordantibus noluisse subscribere, quod, ut inquit, *hæc opinio, de præsentia reali corporis Christi in pane, penitus evertat articulum fidei de vera humana natura assumpta à filio Dei in unitatem personæ, & de ejus natura proprietatibus contra ipsius scripturæ consensum, cui articulo insists fundamentum salutis nostræ. Et quod confirmet & stabiliat nervum horribilis idololatriæ in missa Pontificia, in qua panis consecratus adoratur.* Hæc tamen nostri conciliatores hoc tempore citra nauscam pollunt absorbere & concoquere. Verum ex quibus principiis hæc repentina Ecclesiarum hætenus, coram Europa universa, religionis causa divissarum coalescit unitas? An post tot annos primum agnita veritas, quam nec Lutherus, nec Calvinus antesignani vestri potuerunt agnoscere, nec hodièdum tot Ecclesiæ pertinaci in fide dissensione separatæ agnoscunt? Tam pauci hætenus vestrum sunt, qui substantiales vestræ fidei articulos exploratos habuere, ut jam demum sola Hassia, singulari divinitus lumine illustrata, isthæc penetraret, tot circum nationibus ad hæc lucem etiamnum caligantibus?

Sed pressius & universè fictam horum Concordiam arguo, dampnandamq; orthodoxis Christianæ fidei assertoribus ostendo. Vel enim pugnantes illæ sententiæ, per quas dissident in S. literis continentur, vel extra scripturam assumuntur. Si verò Dei definitæ sunt, sine illius injuria & divinæ fidei violatione rejici non possunt: Si definitæ non sunt, prævaricatores erunt, quotquot illis pertinaciter adhærescunt, maluntque Ecclesiæ consensum violare, quam humanas fallibilesque opiniones deferere. Iterum, si aliæ sunt fundamentales fidei sententiæ; aliæ iisdem innixæ non fundamentales, erit certa scriptura S. quæ illas à se invicem distinguat, & has minime necessarias, istas verò omnino esse ostendat, & sine hac distinctione cognita impossibile erit fidelem scire, quid sibi præcisè ad fidem necessarium sit, adeoque salutem, quæ ex hac cognitione dependet, consequi. At fundamentales has fidei sententias, neque S. scriptura uspiam definita complectitur, neque

quis

quisquam hætenus certi vulgòque exploratis articulis prode-  
re compertus est, in cujus doctrinam ceteræ Ecclesiæ Prote-  
stantium conjurarent, impossibile igitur hætenus communi-  
ter adversariis fuit ex hac cognitione suam operari salutem.  
Denique ex qua, obsecro scriptura conciliatores illi probaturi  
nobis sunt, in articulo de cæna v.g. ad fundamentum salutis  
spectare, ut credam in Sacramento hoc esse signum Corporis  
Christi, non verò, ut credam esse illic corpus Christi? spectare  
ad fundamentum salutis, ut credam infantes jam in adulta æ-  
tate malè rebaptizari, aut iterari baptismum in hæreticis, aut  
eundem aqua constare, & non igni: non spectare, siue infantes  
fidelium alicram sine baptismo salvari posse, siue id negem;  
siue extra baptismum hos sanctos esse, siue, profanos affirmem,  
cum tamen scriptura S. non minus his indifferentibus, quam  
illis fundamentalibus articulis favëat? Ostendo. Quid hac  
scriptura disertius est, *caro mea verè est cibus: & hoc est corpus  
meum*? Quid illa omnes homines vult salvos fieri, & dedit re-  
demptionem sibi pro omnibus? 1. Tim. 2. v. 5. Quid ista,  
*nisi quis crediderit & baptizatus fuerit, non potest intrare in regnum  
celorum?* & tamen oppositum sentire, quod non omnes salvos  
velit, quodque pro omnibus redemptionem suam non obtule-  
rit, & non baptizatus servari possit, hoc istis censoribus ad fi-  
dem salutemque videtur impertinens. Verbo hæc absolvam,  
(quæ ex professo non refuto, sed obiter solum perstringo) Pro-  
bent hætenus talem in mundo, hisce articulis definitam, ex-  
stitisse fidem: aut agnoscant nimium seferidiculos in hoc ter-  
rarum angulo reformatores factos esse Lutheranae simul &  
Calvinistæ Ecclesiæ, quos, qui salem habent in pectore, et-  
iam symmystæ explosuri sunt.

5. Quare ad paulò solidiorem concordiam, meliusque in  
S. fundatam literis nobis adspirandum est, aut de salute mul-  
torum erit conclamatum, quando tantum *unum civile & unus  
est Pastor*. Non quærenda nobis fides & Ecclesia nova est, quæ  
nunquam fuit, sed vetus Christi Ecclesia quæ semper, quæ-  
que supra petram fundata, perpetuaque successione Docto-  
rum propagata ab Apostolis ad nos usque descendit. Quan-  
cum ex solo etiam verbo Dei reperire promp-  
tum sit, ad hanc omnibus erit  
redeundum.

## PRÆMUNITIO III.

Præcipuum artificium, quo Protestantes hætenus  
Concordiam Religionis impediunt, dete-  
gitur, & opposita veritate  
evertitur.

**S**I tam avidè cum Romano-Catholicis de Concordia repa-  
randa solliciti essent Protestantes, quam de novitiis sectario-  
rum Ecclesiis inter se per syncretismum colligandis multi la-  
borant, tam horrerent figmenta, quibus Romanam onerant re-  
ligionem, quam studiose concinant, ut suam tueantur jam du-  
dum pristina in fide, pace atque unitate florent Ecclesiæ.  
Sed quando multis, qui pro grege Christi excubare deberent,  
neglectè *dormientibus, venit inimicus homo, & superfeminat zi-  
zania*, mendacioquè contra veritatem, seditionibus adversus  
reconciliationem manifesto studio patrocinator: aliorum vel  
fovetur perfidia, vel fides labefactatur: hinc multorum bonum  
concordiæ semen spargentium fallitur industria. Quare has  
inimicorum artes, quibus pacem, quam inter se divisi quæ-  
runt, nobiscum dissipare per fictas criminationes moliuntur, paucis  
deregam, ne concordiæ veritatis studiosi ad hos scopulos ma-  
lè allisi, conarum omnem successumque evertant. Exitiale ad-  
versus Romanam Ecclesiam in omnium animis concitare atq;  
inflammare odium Adversarii conantur, cumque summa quæ-  
que invidiæ vulgique criminationibus facilè pateant, favet  
impositis fictè criminibus assensus populi, & quos suæ Docto-  
res ductoresque religionis admisit, hos ad errorem odiumque  
magis promptè, quam veritatem charitatemque duces conse-  
ctatur. Porro illius Religionis procures, qui rem Catholicam  
propius norunt, quamvis pleraque hæc figmenta magis, quam  
ipsi Ministri Verbi (qui ex libris antecessorum sæpè ignoran-  
tes hauriunt) intueantur; tamen ab usurpata libertate, statuf-  
que sui ratione; atque in primis commodorum inde manan-  
tium opportunitate ægerrimè divelluntur, præsertim cum &  
vita solutior, & persuasa quam plurimis omnium etiam dissi-  
dentium in uno Christo, salus blandissimo lenocinio devin-  
xit. Paucorum iraque malitia, plurimorum inscitia vel dissi-  
mulatio pacem hætenus concordiamque in orthodoxa reli-  
gione per Europam subvertit.

§. 1. Præcipua igitur malevolorum hominum commenta  
exploremus, quibus Romanam falsò Ecclesiam onerant, ut  
omnem

omnem cum illa Concordiam intervertant. Primò quid illo crebrius inter sectarios, quid pinguius inconcinnitque figmento est; quod vix quingentis, aut sexcentis annis Ecclesia steterit; cum subito omne Christi regnum occupaverit iniquitas, & Antichristus illic sedem erexerit, qui hodieum præsideat, & tot Christiani orbis Reges & Principes, excæcatos & dementatos omnes, adoratores cum tot regnis & regionibus habuerit donec post tot secula è septentrione denique (à quo omne scilicet bonum) in angulis quibusdam terrarum, per novos quosdam Apostolos verè Evangelicos, qui ex monasteriis ad mulierum thalamos provolarunt, salus in Europam, multis seculis abscondita emerfit. Qui illius Antichristi tyrannicum in conscientias imperium esse distitant, cum à Deo Deique verbo abstractos, mandatis hominum, & suis decretis, veluti divinis, parere jubeat, nubere prohibeat, abstinentiam certorum ciborum imperet, quales citouēos spiritus Apostolus 1. Tim. 4. cavere jussit. Hæc oratio adversariorum, velut tuba Evangelica, omnia pulpita & exedras concionantium replet, hæc ipsi ubique libri scriptorum personant. Sed quo veritatis fundamento? Illo scilicet, ut nec ipsi, qui hæc adstruunt, credant sibi. Nam Antichristus juxta illos, vel unus homō est, vel plures. Si unus, quomodo tot Pontifices in unū conflabunt hominem, quomodo Pontifex hic est *Antichristus, qui negat patrem & filium?* 1. Joan. 2. v. 22. quomodo *adversatur, & extollitur super omne id quod dicitur Deus, aut quod colitur?* 1. Thess. 2. v. 4. quomodo à Judæis pro Messia recipitur? Joan. 5. v. 43. & 2. Thess. 2. v. 10. quomodo vel *mensibus quadraginta duobus, vel diebus mille ducentis sexaginta,* Apoc. 11. v. 2. vel *per Tempus & Tempora & dimidium temporis (sive anni) regnabis?* Dan. 7. v. 25. quomodo terra dehiscente, cum duobus prophetis suis, in abyssum Christo oppugnante absorberetur? Apoc. 19. v. 20. quomodo capitalis ille Christi hostis verum Christi, quod ipsi adversarii profitentur, Evangelium, toto orbe, in gentilitatis tenebris & sub certissimo diaboli jugo posito facit vulgari? Matt. 28. Si plures sunt Antich. jam tolli necesse est totam hanc aliamque scriptur. S. quæ vel unum tantum statuit *hominem peccati & filium perditionis.* 1. Thess. 2. v. 3. & 8. vel cum de pluribus loquitur, non nisi Antichristi prodromos hæreticos intelligit, de quibus disertissimè Joānes, *Filii; novissima hora, & sicut audistis, quia Antichristus venit.* Quomodo? an sub Apostolo Joanne jam Pontifex quisquam Romanus Antichristus? Sol-

vat ipse nodum. Nunc Antichristi multi facti sunt, ex nobis prodierunt, sed non erant ex nobis. 1. Joan. 2. v. 18. & Paulus 2. Thel. 2. mysterium jam operatur iniquitatis. quod August. l. 10. de Civit. c. 19. Theodoretus, Sedulius, aliique, de hæreticis dictum interpretantur. Quid quærimus, quinam inter plures Antichristi dicendi sint, quando manifestè hæreticos ejus temporis, non Pontifices designat. Videant igitur, ne tam crassi Pontificum calumniatores suo se naso vellicent, cum tam adipatis figmentis veritatem concordiamque oppugnant, suis facile telis conficiendi. Si aliam modò Pontificum faciem, habitum, dignitatemque, quam in primis Ecclesiæ Rom. Episcopis admiseris, aliam quoque Ecclesiam toto orbe fusam totque Regum capita complectentem observare necesse est, ut nisi corpus hoc monstrosum esse volueris, cum reliquis membris ipsum quoque caput supremum crescere debuisse existimandum sit.

2. Mandata hominum Ecclesia Romana adedò detestatur, ut neget ullum fidei articulum his subniti posse: divini solùm spiritus, per Ecclesiam universalem, vocem agnoscat, quã credit se decipi non posse, siue summus illam Pastor, suo ex consensu, siue collectum sub uno hoc capite Concilium simul enuntiet. Quã in re juxta humanas divinasque rationes securissimè sanctissimèq; nos in rebus controversis incedere, suis infra locis patebit. Certè ea te solum lege ad hanc Ecclesiæ vocamus concordiam, ut nihil nisi verbum Dei tibi statuas esse divina fide credendum, & si aliud quippiam admiseris, nostra te etiam censura perstringendum. Ceterum nuptiæ prohibentur nullis, nisi *eunuchus, qui seipsum, voluntaria devotione, castraverunt, propter regnum calorum* Ciborum abstinentiam, pro placanda Dei ira, cum Rege Ninivitano quandoque Ecclesiam præscribere, inter scelera non potest computari, adeoque in his aliisve nihil est, cur in tantam calumniandi rabiem adversarii solvantur, nisi effrenis propriæ linguæ libertas, & profligatæ vitæ malicia. Quibus ab hac causa submotis, facilis erit conciliatio.

3. Est proximum huic commentum memoratu dignum, quo fingunt Romanos à S. Literis, verbo Dei, veraque in Christo fide & justitia avocare, perque operum suorum meritum, Christi operum dignitatem, & merita oppressum ire. Quam verò illa à veritate remota sint, quantumque præ adversariis S. Scripturæ ac verbo Dei, veræ fidei justitiæque in Christo, tum operum ipsius præstantiæ deferamus, manifestum & superio-

ribus hujus concordiae partibus, & hac ultima quoque futurum est, atque ex illo solo abundè liquet, quod nihil virtutis ac meriti nostris tribuamus operibus, nisi in virtute ac merito operum Christi. Et quis, obsecro, quicquam soli luminis & claritatis derogat, quod simul crystallum aurumque affulgens illustret? Hæc certè utrorumque decus non minuunt, sed extollunt.

4. De invocatione Sanctorum usuque imaginum, quod gravissimis pro concione investivis, scriptisq; libris audacissimè nos idololatrias proclamant, quid potest esse indignius? Cū detestemur ac proscribamus à nostra procul omnes Ecclesia, quotquot ulli creaturæ divinum censent honorem exhibendum; ut tot gentes jam intra seculum ab idolorum cultu ad Christum traductæ argumento plusquam humano demonstrant. Si vel imago, vel sanctus apud nos memoriæ amorisque & observantiæ erga ipsum causa servatur, an ideo, divino illa honore ac veneratione dignamur? Nunquid & Principes Regesque, in se Dei imagines veneramur, & tamen infra Deum? Qui tam angustæ mentis est, ut inter cultum creaturæ & Deo debitum nequit distinguere, suam prodit stupiditatem, non destruit veritatem. Quisquis es, qui nostris adjungere te partibus desideras scias te nostrum esse non posse, nisi execreris omnem quicumque divinum ulli Creaturæ cultum impendendum putat. Hoc nisi feceris, nobis eris execrandus. Quod si adhuc reformides, ne quid in cultu religioso, vel sanctis Dei, vel imagini tribuas, quod divinum sit, abstine, nemo te cogit, Deum solum venerare; multi cælum obtinent, qui neque imagines habuere, neque Sanctos venerati sunt, non est præceptum, sed pietatis consiliū, ut pluribus Dei amicis stipatus ante thronum misericordiæ implorator procumbas, facilius illis simul intercedentibus obtenturus, quam solus obtineas. Alia si te pietas magis extimulet, habes libertatem; tuo bono frui, sed noli damnare alienū. Frustra igitur nos accusas, quando, nisi tua malitiâ, non potest apud nos fieri idololatra.

5. Postremò fidelium defunctorum nos curam in sacrificio precibusque suscipere, opus esse jactant ad solum quæstuum lucrumque à sacerdotibus excogitatum. Purgatorium itaque indulgentias, & satisfactionis opera figmentum esse, quo multorum culinæ pinguescant, sed Christi passio & satisfactio extenuetur. Plerisq; fateor, qui hæc pertinaci in nos spargunt convitio, purgatorium non erit metuendum. Verum ubi illos relicturi sint, qui hinc non plenè purgati, & otiosis saltem verbis onerati

nerati discedent? Quod fieri posse, quis ambigat? ubi hos reponant, quando cælum nihil recipit inquinatum, infernus levibus iustorum delictis pandi, nisi crudeliter, non possit? Cum ergo & Machabæorum nos exemplum, & veteris Ecclesiæ usus ad hoc pietatis officium invitent, non est cur detrectemus. Neque video, cur quisquam id tantopere in Romanis adverse-  
tur, quando hoc cuique religionis exercitium liberum relinquitur, modo aliorum erga vita sanctos pietatem non condemnet. De Sacramentis, satisfactione indulgentisque nostris, ita sentimus, nihil illa posse nisi in virtute satisfactionis Christi. Non igitur hujus vim adstringimus, sed magis etiâ hoc pacto amplificamus. semen suam virtutem in spicis non anit-  
tit, sed multiplicat: palmæ fert botros, sed in sua vite, majori vitis gloria, & expectato fructu.

6. Hæc præcipua sunt, quæ ex nostræ fidei articulis, (nam adiaphora non tango) pleno ore librisque acerrimis perstrin-  
guntur. In quibus tamen æqui prudentesque rerum arbitri, præsertim illi, qui ex religionis studio suas minimè fortunas vident librati, facile nobis accessuri sunt, si justis utrimque  
argumentis rationes dissentienti ac consentienti ponderen-  
tur. Quod adversæ partis Theologi facturi nunquam sunt, si suorum se proventuum adire periculum, deserta statione, senserint. Unde vix certa spes affulget hujus Concordiæ, nisi  
gravissimorum ante Principum animi ad hoc studium per Eu-  
ropam inclinentur, citra quos diabolus hoc sibi regnum ex-  
torqueri vix patietur.

§. II. Quid si nunc ego absurda quæque, quibus adversario-  
rum sententiæ jure onerantur, producam in medium, suisque  
momentis expendam, horrent certè autores ipsi, si dignis hæc  
lineamentis, velut in tabula, suo quæque colore expressa cerne-  
rent. Verum longioris illa res operæ alium justî voluminis  
Tractatum requirit. Mihi nunc tantum satis erit, quædam  
tantum, velut per indiculum designasse summa rerum capita.

Primò. *Quale* obsecro modestiæ & submissionis specimen  
est, erga veteres orthodoxæ Patres, concilia adeoque ipsam uni-  
versè Ecclesiam, velle illos in rebus credendis ad examen vo-  
care, & tuo pte judicio constituere: illorumne; an tua senten-  
tia S. Scripturæ conformior sit, & hos, si ita tibi visum sit, tuo  
damnare judicio, in controversiis Scripturæ sensibus, qui non  
minus genuinum illius sensum, quàm scripturam ipsam proxi-  
mè ab Apostolorum ore & manibus exceperunt? An non hoc est

una manu erigere, altera destruere Ecclesiam, eandemq; & orthodoxam fatèri, & erroris, cum in fide non sequeris, arguere.

*Deinde*, quod habes fundamentum tuæ in fide securitatis? provocationem inquis, ad solam Dei sententiam in S. literis propositam, quæ falli non potest, aut fallere. Sed cum errare, (ut dicis) possit Ecclesia, imò cum tuus etiam qui te hac agit Spiritus, quæ certitudo tibi de hoc Dei Verbo relicta est? Ad de, cum hæreticorum plerorumque hoc solo fundamento nixa ac decepta securitas sit; quod, amabo, tibi soli argumentum reliquum est, quo tu perinde ut isti falli nequeas? Quæro igitur, an sapientis sit sibi uni in scripturarum dijudicanda sententia certitudinem polliceri, & plus quàm ceteris mortalium tribuis universis, securitatis vindicare?

*Tertiò*, quæ mente audes symbolum Apostolicum clarissimis conscriptum verbis, disertissimis etiam S. scripturæ fultum sententiis, in his e. g. verbis, *descendit ad inferos. ascendit ad calos* ab usitato obvioq; detorquere sensu, & vel istic per inferos sepulchrum, vel hic per ascensum apparentem solum, non verum quoad substantiam transitum, locique permutationem intelligere? Nonne hæc præcipua antiquissimæ est fidei regula, cum ipsis S. literis nata pariq; manu, ac securitate cum illis tradita, ad quam ambiguae scripturarum sententiæ, juxta regulas bonæ interpretationis, expendendæ essent, & hanc ipsam à nativo quisquam significandi ingenio, suo ausit arbitrato traducere?

*Quartò*, cum ab illo judicio, quod, in controversis scripturæ sensibus, Ecclesiæ discretivum est, ad vestrum abitis iudicium, ubi obsecro rectæ mentis discretio est, quæ nec sibi nimium jubet tribuere, & in aucipiti disceptatione, multis potius, quàm uni fidere? Si utraque partium errori obnoxia sit, minus semper censetur esse, quæ plurium consensu, antiquitate præsertim fulcito, nititur. Quisquis aliud statuerit, temerarius est.

*Quintò*, videant, quantum ab optima regiminis forma, constantique, & convenienti temporum, locorumque omnium disciplina, animorum juxta morumque consensione, sacrorum ritu, Ecclesiarum cura, religionis dignitate, amplificatione fidei, æstimatione legis Christianæ, conjunctorum robore fidelium, communionem precum, charitatis latè exercendæ propagatione deflectant, qui sublato visibili in terris Ecclesiæ capite, tam pulchrum robustumque corpus sub diversis capitibus, nunc ecclesiasticis, nunc profanis dissipant ritibus, sacris, moribus, disciplina, studiis dissident, ac nonnunquam omnino



pugnant Romanæ Ecclesiæ cultum, formamque, & sacrorum ritum eundem in India, & America, in Asia & Europa in Hispania & Gallia reperies. Unam nunc si intres Saxoniam, unde hæc primum dissipatio nata est, penè tot religiones te numerare dixeris, quot videris Ecclesias, alibi Missa toleratur, proscripta alibi; hic cruces & imagines in templis videas, illic hæc ornamenta exulare omnia, alibi sedentes, stantes alibi cænam admittunt, nonnullis antiquus habitus, ritusque in choro canendi placet; aliis displicet. Sensim tamen ad Calvinismi puritatem deflectitur, qui nihil ad sacra in templis ornamentorum relinquit, sed hæc velut in artium transformat gymna- des, ubi inter nudos parietes, cathedram, docentis mentiam & sedilia aliquot audientium reperias. Et quis hunc unius credat esse Dei populum; quem juxta unam S. scripturæ regulam disciplinamque moderetur?

*Sextò*, expendant, quot veræ fidei Ecclesiæque notis destituantur, quot falsæ & heterodoxæ signis deformentur. Alibi de his fusius in meo Augustino disserui, hic solum nonnulla rango. Antiquitas, successio, constanque perpetuitas istius, quæ nunc est, Ecclesia deficit. Si illius reformatæ Ecclesiæ quæ superiori anno in Holsia per unionem conflata est, exemplar ex superioribus quibusque seculis postularem, estne qui se exhibiturum speret talem, quæ eosdem pro fundamento fidei articulos solum admittat, reliquos omnes excludat? De Luthe- ro & Calvino, quid dicam? uterque tanquam Vertumnus, quâ uno anno fidem certis definivit articulis, hanc variavit altero, nec est hodie sectariorum quisquam, qui in omnibus fidei cum eodem conspiret articulis. Non jam quæro, ubi hæc ante illos fides totidem necessariis ad salutem articulis latuerit; sed quandoquidem aberratio in ejusmodi articulorum uno dam- nat onem infert; quæro, quo anno à Lutheri & Calvini ex- ortu, illorum fides ultimis fuerit lineamentis absoluta, & suis ad unguem definita articulis? quos qui denique exhibuerit ita circumscriptos, ut addere ac demere quicquam nefas sit, *erit hic mihi magnus Apollo*: Jam majores antehac nostros damnare er- roris universos, ac fateri quod Germania nunquam hætenus orthodoxam Christi fidem viderit, quam per Benedictinos la- tere Monachos aliosque illis hausit seculis, quando jam Anti- christum regnasse ferunt, adeoque Patres nostros illius bestię adoratores facere, hoc ut horrendum, & impium, sic ab omni ratione sentio esse alienum. Quod si tamen fidem veram illis

concedant, cogentur nostram illi simillimam approbare.

*Septimo*, manifestum est, quod Acatbolici nullam tetro ætatem Ecclesiamque ad Apostolos usque, de quorum scripturis & doctrina disputamus, exhibere possint, quæ parem cum ipsis religionem in substantialibus fidei articulis professâ fuerit. Nam nec veteris quidem orthodoxæ (ut fatentur) Ecclesiæ Patres eandem sunt fidem professi: siquidem hi, licet per orientem & occidentem sparsi, tantaque regionum & linguarum separatione divisi, Missæ sacrificium, bonorum operum merita, vota monastica, invocationem sanctorum, arbitrii libertatem, Verbum Dei traditum, aliaque id genus conspirantibus ubique animis calamisque agnovère, ut nec ipsi Lutherani, nec Calvinistæ dissentent, quemadmodum apud Centuriatores, Cent. 2. 3. 4. 5. 6. 7. 8. 9. 10. cap. 4. & Calvinum lib. 2. c. 2. 3. 14. & 16. lib. 4. c. 4. & 5. l. 4. c. 12. reperies. Et tamen hos solum naves vocant antiquorum Patrum, adeoque vel fateri cogentur, his non everri fundamentum, vel certè destrui. Si prius, perperam à nobis discesserunt, nosque idololatrias, & meritorum Christi contemptores asserunt: si posterius, nullam in orbe Ecclesiam orthodoxam, secumque in necessariis fidei articulis sentientem repent. Quod est seipso manifestæ perfidiæ & defectionis ab Ecclesia Christi (quam cum Apostolis inter mortuam concidisse nefas sit fateri) non obscure arguere.

*Octavo*, cum in rebus Ecclesiasticis, nec ordinis potestas, vi cujus Sacramenta ritè conficiuntur & administrantur, nec potestas jurisdictionis, vi cujus Ecclesia regitur, haberi à Christo & Apostolis nisi per mediatos legitimèque ordinatos & institutos Episcopos hoc tempore possit. Protestantibus hoc loco expendendum relinquo: in nostra, an ipsorum Ecclesia, an in utraque hæc potestas hodie dum reperiatur? si in nostra, cur hanc non agnoscunt, & reverentur, cur ab illa se subdixerunt? si verò relicta non sit, quo pacto Lutherus Calvinusque & majores illorum ab hac ritè ordinati utramque potestatem acceperunt? conferri enim hæc ab illegitimis nunquam potuit; nisi fortè hanc è cælo ad se solos delapsam arbitrentur, quod manifestis mundo prodigiis deberet esse contestatum. Si verò in sola illorum hæc Ecclesia resideat: ex quo ad illam principio, perquam successionem, & antecessores ritè ordinatos ab Apostolis ad se traducunt? an fortè Antichristus ipse è sede Romana summus Ecclesiæ illius administrator, potestatisque col-

lator,

latores, ad vera Christianæ religionis sacra, orthodoxamque fidei prædicationem, jus virtutemque communicavit? O cæca cæcitas! Jam verò in utriusque Ecclesiis, quæ se mutuo hærescos damnant, hæc sociare velle, esset Belial cum Christo in eadem sede conjungere. Quam bene Tertullianus de præscript. adversus hæreticos exigit! *Cedant origines Ecclesiarum suarum, evolvant ordinem Episcoporum suorum, via per successionem ab initio decurrentem, ut primus ille Episcopus aliquem ex Apostolia vel Apostolicis viris habuerit autorem & antecessorem.* Quam rectè Paulus Rom. 10. *quomodo predicabunt nisi mittantur?* Et Heb. 5. *Nec quisquam sibi sumit honorem, sed qui vocatur à Deo tanquam Aaron.* Vident igitur Acatholici se omnino à vera Ecclesia ad Babylonicam congregationem transisse, in qua neque veri Ministri, nec legitima prædication, nulla sacramenta, nullus ordo, nulla jurisdictio sacra, sed profana & confusa omnia. De Calvinio scribit Beza in ejus vita Lausannæ edita. *Constat Ioannem Calvinum, antequam Gallia excederet (nullis aliocuin Pontificiis ordinibus initiatum) aliquot ad populum conciones habuisse.* Hic igitur, quomodo aliis potestatem tribuit, quam ille, nullo conferente, non est consecutus? Quomodo ullus hætenus apud Calvinistas Baptismus ritè collatus est, aut Sacramentum administratum, cum ipsi hanc Laicis potestatem negent?

Nondè, mirum est, quemadmodum homo prudens sibi persuadere possit, Lutherum & Calvinum homines ventri atque inguini natos, quorum neque vita, neque stylus cum modestia conjunctus est, quique fide castitatis Deo prodita, libidine, aut sacrilega, aut præpostera infames sunt: Apostolos à Deo ad sanctitatem vitæ & religionis mundo tradendam delectos esse. Qui tamen aliud nullum suæ missionis doctrinæq; miraculum reliquere, præter summam religionis libertatem populo facile persuasam. Quando Monachos & Möniales ab hac vita claustrali, tanquam Deo invisæ, alios à privata & singulari confessione scelerum, multisq; sacramentis, tanquam frustraneis aut superstitiosis, universos ab æstimatione meritorum in bonis operibus, & spe mercedis his promissa, ad fiduciam in solis Christi meritis collocandum, vi cujus omnem obrinerent justitiam, tanquam ad rem facillimam acceprabilemque prorsus vulgo, provocarent. Suaderent insuper curam de implendis Dei mandatis esse supervacuam, quod impossibile homini sit illa exple: solam Dei justitiam fide apprehensam ad nostram sanctitatem, cælumque, pari cum Apostolis gloriâ,

possidendum sufficere. Tam blanda & amica fides, quem suo lenocinio non abstraheret, præsertim cum speciosis ex S. scriptura sententiis ad veri speciem exalta proponeretur? Verum cum moniti à Christo & Apostolis simus, Mart. 24. & 1. Tim. 4. ac 2. Pet. 3. novissimis temporibus pseudoprophetas in mundum venturos, qui sub Christi nomine suavi doctrinarum illecebra multos abstrahant: de Apostolis verò, posterioribus seculis mittendis, nulla facta sit promissio: quã *πληροφορίαν* suæ nobis legationis præstant, novi hi testes Evangelici, quos à Christi doctrina multis partibus dissidere, tot rationum consensu, deprehendimus?

*Decimò*, quam horrenda Acatholicorum doctrina est, qua statuunt mandata Dei homini, etiam in gratiam recepto, esse impossibilia? Potestne à creatura rationali hæc Deo & imprudentia, & injustitia, & tyrannis crudelissima atque irrationalis imputari, ut imperet, velitque hominem facere, quod scit præstari non posse? æternis puniat ignibus, non impletem impossibilia hominem? Absit, ut hæc Deo pro nostra salute incarnato velimus imputari.

*Undecimò*, omnia opera nostra bona, quæ ex præcepto facimus, ac fidei salutiferæ fructus habentur, aded esse, tum ex vitiosa radice concupiscentiæ, tum ex imperfectione sua, qua legi non respondent, inquinata, ut non solum nihil præmii, sed tanquam mortifera labe infecta, damnationem ex sua natura mereantur sempiternam: sola tantum imputatione justitiæ Christi per fidem apprehensæ, velut obtesta, excusationem habeant, tantum absurditatis horroisque involuit, ut meritò omnium bonarum mentium execratione sit præscribendum. Ut quid enim à Deo præcipitur, si non nisi scelus est, quod peccetramus? Potestne fieri, ut Deus tale opus inquinatum mandet, quod simul execratur? Aut si hoc non mandat, sed illud, quod perfectum est, irritum, stultum, nullumque mandatum est, cum hoc præcipiat, quod neminem exequi posse cognoscit. Qualis verò hic fidei divinæ fructus dici poterit, qui non nisi abortus est iniquitatis? Jam quid ab illo speres boni operis homine, qui id certus sit, se non posse, ab extremis etiam viribus conatuque, impetrare. Desperandum certè tali necessariò est, cui spes omnis exequendi boni est adempta. *Dices*, spẽ omnem hoc pacto deponet in divina Christi justitia per fidem apprehensa, quæ tutissima utique futura est spei anchora. *Respondeo* id quidem, *At* simul abjiciet omnem curam boni operis, cum agnos-

agnoscat aliud, quam inquinatum à se perpetrari non posse: quod est in Dei iustitia confidentem, desperantemque de sua, omnes laxare frenos libertati & impudentiæ, facere pessima quæque in se, sperare in Christo optima: illius iustitiâ omnem suam palliare iniustitiam. Fuitne in orbe terrarum ulla gentilitas, turcismus, & atheismus, qui tantam improbitatem in doctrina, ne dicam vita, admitteret, ut lamque amplius crederet in orbe superesse homini, aut nomen, aut præmium veræ virtutis? Et quis existimaret hominem ratione præditum sub sole inveniri posse, qui tantam barbariem & *ἀπείθεια* meditaretur? Non jam expendam manifestam contradictionem, quâ obedientiam legis uno ore commendant, & destruunt, cum hinc illam à fidelibus & renatis, tanquam veræ fidei fructum præstari asserant: inde negent, tale quicquam, quod ex natura mortiferè inquinatum est, neque citra hanc labem præstari potest, à Deo esse præceptum. Quis enim hæc monstra eodem in opere conciliabit? Idem ex obedientia legis fieri, & simul ut ex natura sua prorsus inquinatum, pugnare cum lege. Idem opus præcipi, & vetari, esse fructum fidei, & fructum damnationis, bonum, & malum: idque indivisibili sua in entitate, cum à radice concupiscentiæ vitiosa totum, quantum quantum est, promanarit, simulque in hac eadem operis substantia præceptum sit: aut si præceptum non sit, non possit dici legis obedientia: si præceptum, jam & labes peccati inseparabilis præcipiatur. Quis ad tantam confusionem non obstupescat? Postremò ut hujus capituli finem faciam, multa reiicit præsidia adversariorum Ecclesiæ, quæ Catholici ad salutem amplectuntur, à S. literis tamen commendata, & veteri firmata consuetudine. In quibus inprimis est pœnitentiæ & Confessionis usus, qui ut in scelerum suorum particulari, quantum licet, enumeratione, atque expiatione non parum habeat difficultatis, multum tamen adfert ad sui confusionem & peccatorum horrorem, emendationem speratam & nolumentum. Quod præsidium, si (ut sentimus) peccatori necessarium ad salutem est, plerique adversariorum illius neglectu salute exciderunt.

Quare expendam obsecro, quanta hinc perversitate Catholicos, non nisi fictis ad vulgi plausum criminibus, onerent: inde errores suos specioso miserationis divinæ, & iustitiæ Christi nobis imputaræ titulo obregant: universè blandâ quadam libertatis illecebrâ, quâ nihil tribuendum meriti præmiique renatorum operibus, dictitant, legis impossibilitatem obtin-

dunt; sectum tamen ex sola in Christum fide reddunt credentem, sibi suisque latissimam ad æternum interitum viam sternunt. Blanda, fateor, & illecebrosa res est fides vestra, quæ sola ad omnia omnibus sufficit, qualem nulla antiquitas hactenus molliorem potuit reperire; Sed *momentum est quod delat, æternum quod cruciat*. Stare tam molle lubricumque regnum quod falsitate tantâ nixum est, diu non poterit: aut ad Turcismum, vel Atheismum deflectet; aut cum antiqua Romana Ecclesia, sola Catholica, stabili ac permanente rursus est conjungendum. De hac verè Augustinus lib. 1. de Symb. ad Catechumenos. *Ipsa est Ecclesia sancta, Ecclesia una, Ecclesia vera, Ecclesia Catholica, contra omnes hæreses pugnans. Pugnare potest, expugnari tamen non potest. Hæreses omnes de illa exierunt, tanquam sarmenta inutilia de vite præcisa, ipsa autem manet in radice sua, in vite sua, in charitate sua, Porta inferorum non vincunt eam*. Extra hanc igitur, cum salus sperari magis non possit, quam à palmitē, qui non manet in vite, fructus, cumque Ethnicis accensendus sit, quisquis hanc non audierit, ut Verbi Ministris, sic Protestantium antesignanis expendendum relinquo, quàm brevem suæ libertatis hac in vita fructum percepturi sint, & quàm periculosæ plenum opus alex tractent, quamdiu tam salutarī Concordiæ, simul ac veritati, manus non porrigunt.

Deus pacis & Concordiæ meliorem illis  
mentem ac sortem  
largiatur.

\* \*

CON.



# CONFESSIO GALLICA.

*Per singulos articulos expensa, & solidè reformata.*

Ut origine & dignitate hæc in Ecclesiis Reformato-  
rum Confessio præfertur ceteris, Carolo IX. Gallia-  
rum Regi Anno 1561. oblata; ita hanc, post exhibi-  
tam in parte altera Augustanam, hoc loco placuit  
exponere, quibusdam tamen magis disertè senten-  
tiam exprimentibus, ex Confessione Generali Hel-  
veto-Confederatorum (ut in corpore Confes. edit.

9. Genev. extat) tum deinde Catechismo Heidel-  
bergenfi insertis: ne quam graviolem con-  
troversiam præterirent.

## ARTICULUS I. II. III. & IV.

**C**Redimus, & agnoscimus unicum Deum, *a* qui sit unica  
& simplex essentia *b* spiritualis, *c* æterna, *d* invisibilis, *e*  
immutabilis, *f* infinita, incomprehensibilis, inenarrabilis, *g* o-  
mnipotens, *h* summè sapiens, *i* bona *k* iusta, & *l* misericors.

II. Hic unicus Deus talem se patefecit; hominibus, *m* primùm  
in operum suorum, tum creatione, tum conservatione, & gu-  
bernatione: *n* deinde verò multò clarius in verbo suo, quod  
quidem initio *o* certis quibusdam visis & oraculis Patribus pa-  
tefecit: deinde verò iis libris *p* perscribi voluit, quos S. Scriptu-  
ram *q* vocamus.

### III. Tota

*a* Deut. 4. v. 35. & 39. c. 6. v. 4. 1. Cor. 8. v. 4. 6. *b* Gen. 1. v. 3. Ioh.  
4. v. 24. *c* Exod. 3. v. 15. & 16. *d* Rom. 1. v. 20. & 1. Tim. 1. v.  
17. *e* Matt. 3. v. 6. *f* Rom. 11. v. 33. *g* Ier. 10. v. 6. & 7. Luc. 1. v. 37  
*h* Rom. 16. v. 27. *i* Matt. 19. v. 17. *k* Ier. 12. v. 1. *l* Exod. 34. v. 6. *m*  
Rom. 1. v. 19. *n* Hebr. 1. v. 1. & 20. *o* Ier. 15. v. 1. *p* Exod. 24. v.  
4. *q* Rom. 15. v. 4.

III. Tota hæc scriptura Canonicis, veteris & novi federis libris est comprehensa, quorum hic est catalogus.

Quinquelibri Moſis, nempe Genesiſ, Exodus, Leviticus, Numeri, Deuteronomium: Joſue, Judices, Ruth, Samuelis libri duo, Chronicon ſive paralipomenon libri 2. Eldræ liber unus, Nehemias, Eſther, Job, Pſalmi, Proverbia Salomonis, Eccleſiaſtes, Canticum cant. Eſaias, Jeremias, cum Lamentationibus, Ezechiel, Daniel, Minores Prophetæ 12. nempe Oſeas, Joel, Amos Abdias, Jonas, Micheas, Nahum, Abacuc, Sophonias, Aggæus, Zacharias, Malachias.

Sanctum Ieſu Chriſti Evangelium ſecundum Matthæum, ſecundum Marcum, ſecundum Lucam, ſecundum Ioannem. Acta Apoſtolorum, Epiſtolæ Pauli, nempe ad Romanos una, ad Corinthios duæ, a Galatas una, ad Ephēſios una, ad Philippenſes una, ad Coloſſenſes una, ad Theſſalonienſes duæ, ad Timotheum duæ, ad Titum una, ad Philemonem una, Epiſtola ad Hebræos. Iacobi Epiſtola, Petri Epiſtolæ duæ, Ioannis Epiſtolæ tres, Iudæ Epiſtola una, Ioannis Apocalypſis.

IV. Hos libros agnoſcimus eſſe Canonicos, id eſt, ut fidei noſtræ normam & regulam habemus, idque non tantum ex communi Eccleſia conſenſu, ſed etiam multò magis ex teſtimonio & intrinſeca Spiritus S. perſuaſione, quo ſuggerente docemur, illos ab aliis libris Eccleſiaſtiſcis diſcernere, qui ut ſint utiles, non ſunt ejuſmodi, ut ex iis conſtitui poſſit aliquis fidei articulus.

#### §. I. Reformatio att. III. & IV. ex S. Scriptura.

I. **C**redimus Eccleſiam Chriſti in terris eſſe, quæ, ut civitas ſupra montem poſita, abſcondi non poſſit, & fundata eſt ſupra petram, contra quam porta inferi non prævalebunt a, quæq; columna eſt, & firmamentum veritatis. b Quam qui non audierit, ſicut Ethnicus & Publicanus habetur. c

a Matt. 16. v. 18. b 1. Tim. 3. c Matt. 18. v. 16.

II. Credimus quemlibet hanc audientem non errare, quia fundatus eſt ſuper fundamentum Apoſtolorum, & ipſo ſummo angulari lapide Chriſto Ieſu. d Poſuit enim in ea Deus poſt Prophetas & Apoſtolos Doctores & Paſtores in opus miniſterii ad adificationem corporis Chriſti. ut jam non ſimus parvuli fluctuantes, & circumferamur omni vento doctrina, in nequitia hominum, in aſtutia ad circumventionem erroris. e His enim univerſe dictum. Vobiscum

c Ephēſ. 4. v. 13.



*biscum sum omnibus diebus, usque ad consummationem seculi. f Et ego rogabo Patrem, & alium Paraclitum dabit vobis, ut maneat vobiscum in aeternum, Spiritum veritatis, quem mundus non potest accipere, quia non videt eum, nec scit eum, vos autem cognoscetis. g Cum autem venerit ille spiritus veritatis, ille docebit vos omnem veritatem. h*

*f Matt. 28. g Ioh. 14. v. 16. h Ioh. 16. v. 13.*

III. Credimus quoque verbum Dei ab eis audientes Spiritus S. gratia donari, illustrari, & confirmari, ut Paulus ait, *vos cum audissetis verbum veritatis (Evangelium salutis vestrae) in quo & credentes signati estis spiritu promissionis sancto, qui est pignus redemptionis nostrae, &c propterea non cesso gratias pro vobis agens, & memoriam vestri faciens in orationibus meis, ut Deus Domini nostri Iesu Christi det vobis spiritum sapientiae, & revelationis in agnitione eius, & illuminatos oculos cordis vestri, ut sciatis, quae sit spes vocationis eius i*

*i Eph. 1. v. 13.*

IV. Credimus etiam Ioanni monenti: *Charissimi nolite omni spiritus credere, sed probate spiritus si ex Deo sint, quoniam multi pseudo prophetae exierunt in mundum. In hoc cognoscitur Spiritus Dei, omnis Spiritus qui solvit Iesum ex Deo non est, &c. Nos ex Deo sumus; qui novit Deum, audit nos, qui non est ex Deo, non audit nos. In hoc cognoscimus Spiritum veritatis, & Spiritum erroris. I Qui igitur Apostolos eorumque in Ecclesia successores pluribus suffragiis consentientes non audit audiendus non est.*

*i I. Ioh. 4.*

## OBSERVATIO.

**H**Æc divinarum Scripturarum principia si Reformati sequantur, nobiscum facile in superioribus juxta sequentibusque articulis convenient. Catholicam Christi Ecclesiam, nunquam per errorem in substantia fidei defecturam utrimque agnoscimus, Hanc verò aliam esse, quàm quæ in monte posita est, ad quam gentes undique affluunt, quæ Doctores Pastoresque habet visibiles, quibuscum universè in aeternum maneat Spiritus veritatis, quos adire in controversiis, & audire tanquam Christum jubemur, nemo Reformatorum ex S. Scriptura verbis evicit hactenus, nemo est evicturus. Non disertis illius verbis, ut manifestum

festum est: nec consequentiis; quia ex præmissa utraque de fide non dantur, ex alterutra hic maximè vanæ sunt. Ut si e. g. sic argumententur: *quod de particulari Ephesina Ecclesia dictum est, hoc de aliis Ecclesiis non debet intelligi; sed de Ephesina Ecclesia dictum est 1. Tim. 3. quod sit firmamentum veritatis. Ergo &c. Rursum: Quod de offensione fratrum componenda dictum, non potest de controversia fidei intelligi; sed audendam esse Ecclesiam &c. Matth. 18. de offensione solum componenda dicitur. Ergo &c.* Nam major in his propositio minus falsa est, quàm si de Petro dicatur, *esse eum animal visibile ac sensitivum*, & hoc non posse de Paulo & Iohanne intelligi. Planè enim diversum, & hic, & illic esset inferendum. cum prædicata suis subjectis (nisi identica sint aut convertibilia? quorū neutrum hic evenit) universaliora esse debeāt. Quare *firmamentum veritatis esse*, de omnibus jure Ecclesiis, quæ Catholicæ sunt, potest intelligi, tanquam prædicatū commune, & *adire audireque Ecclesiam*, tam in controversiis fidei, quàm morum accipi. Quo igitur pacto in his aliisque nos reformabāt ex S. literis; suamque infallibili scriptura sententiam stabiliunt adversarii?

Agedum, juxta tam disertam scripturam, quam communi Ecclesiarum suffragio recipimus, Ecclesiam universālē, quæ ante & post Lutherum Calvinumque toto orbe nota est, tam de sacrorum librorum canone, quàm controversarum scripturarum sensu ea lege audiamus, ut nostrum illa præcedat, suo pondere & ordine, iudicium, Spiritumque veritatis in ipsa revereamur. Ita quoque juxta rationem Dei que verbum longè certius iudicium nostrum futurum est, quod à *spiritu sapientia & revelationis Iesu Christi* directum, nos & in conscientia securos faciet, & tanquam Dei audientes, à *spiritu erroris* liberabit. Evinco per scripturam. *Spiritus veritatis docet omnem veritatem* Ioh. 16. *sed hic in Ecclesia Doctoribus manet in æternum.* Ioh. 14. ergo in illis docet in æternum omnem veritatem. Minor propositio Christi est: cum non ad solos Apostolos, sed eorum quoque successores spectet. Soli enim Apostoli æternum in Ecclesia superesse non poterant. Iterum, *qui non a: Doctores Ecclesia* (Joannem hic intellige, & alios cum ipso Ep. scopos) *non est ex Deo, & cognoscitur habere spiritum erroris* 1. Ioh. 4. sed qui scriptum tantum Dei verbum suo iudicio legit & admittit, non audit tales Doctores Ecclesiæ. Ergo ex Deo non est, & cognoscitur habere spiritum erroris. Major Apostoli Joannis est, Minor propositio tam est certa, quàm compertum Joannem de se non tantum, sed

sed & aliis in Ecclesia Doctoribus, qui, ceteris jam Apostolis defunctis, supererant, locutum esse. Et hi utique à verbo Dei scripto erunt separandi.

Observandum verò est, non prohibere nos scripturarum lectionem, sed suadere peritis etiam: non propterea de libris sensuque scripturæ S. iudicium excludere, neque divinum negare spiritum impulsamque credentibus, sed hæc omnia tantum subordicare Ecclesiæ, quam Christus nos audire voluit. *Etenim, in uno spiritu, omnes in unum* (Ecclesiæ) *corpus baptizati sumus.* 1. Cor. 12. Dei spiritu non agitur quisquis ab hoc corpore Christi divellitur. *In hoc enim cognoscitur spiritus Dei. Omnis spiritus qui solvit lesus ex Deo non est.* 1. Ioh 4.

Quod si igitur art. 3. & 4. Confessionis suæ Reformati illâ viâ statuunt de libris Canonicis, quâ primum communis ratio, deinde & accepta quibusdam partibus scriptura statuendum esse suadet, tenentur suo Canon, superius mutilato, adicere, librum *Iudith, Tobia, Sapientia, Ecclesiastici, Baruch & Machabæorum*, tenentur & Lutherani addere Epistolam ad *Hebræos, Iacobi, Iudæ, & Apocalypsin Ioannis*. Nam vetus orthodoxa Ecclesia, postquam aliqui Doctores de quorundam librorum autoritate fluctuassent (ut scripturæ S. libri, authenticis præsertim in scriptis, à paucis custoditæ, serò multis innotuere) denique mentem suam de usitato hodie apud Catholicos canone aperuit, per summum Pontificem Innocentium 1. Epist. 3. ad Exuperium cap. 7. circa annum Christi 402. qui illum cum Episcopis Galliæ admisit. Postea verò Concilium Carthaginense eundem stabilivit Canonem, ejusque toto orbe Christiano sententia hucusque, hæreticis pro more nequicquam convellentibus obtinuit, quam suæ D. Augustinus suffragio, testimonioque lib. 2. de doctr. Christ. cap. 8. signatam reliquit, ac deinde à Papa Gelasio in Concilio Romano, postremo à Tridentino Concilio, ut talis agnita confirmataque subsistit.

Nihil verò habent, quod huic doctrinæ, magis solidum apponant adversarii. Nullum producunt Concilium, quod ad amissionem illorum Canonem reddat. Laodicenum enim, quo solonituntur, plures in Canone cense, quam habeant Lutherani, pauciores quam Calvinistæ libros: nam Epistolam Iudæ & Apocalypsin non complectitur. Omisos verò nonnullos esse, quos in nostro censemus Canone, parum adversum nos evincit, cum disertis hos verbis non exclusit, omittere autem non sit negare. Sed nec Hebræis, à Christi adventu, merito de perfidia suspectis,

suspectis; in censu librorum V. T. niti tuto poterunt, præsertim quando cum illis, ne quidem isto in Canone sentire possunt; cum Esther in Catalogo (qui apud D. Hieronymum est) admittant; librū vero Iob in multis partibus, ut apud Hier. in Proœm. eius est, tom. 3. n. 113. & 114. non agnoscant. Neque ad S. Patres se tuto Reformati convertent, cum plerisque iisdem libris, tantum ab Ecclesia Canonem, fluctuasle sententiis constet & neque illi inter se, neque cum Lutheranis & Calvinistis, uti nec hi quidem secum, conveniant. Nullum igitur hinc duci ab aliquo Ecclesiæ consensu, par illi, quod Catholici promunt, argumentum poterit. Origenes, Hilarius, Epiphanius, Cyrillus, Hieronymus Ruffinus librum Esther ponunt in canone: Athanasius de hoc ambigit, Melito & Nazianzenus excludunt. Apocalypsin Origenes, Athanasius, Ruffinus, Hieronymus Canoni inserunt: Cyrillus & Nazianzenus subducunt, Eusebius ambiguam relinquit. Hilarius de Tobia & Iudith hæret, de sapientia & Ecclesiastico Epiphanius, Machabæos Isidorus, Augustinus alique canonizant, alii cum Iudæis nesciunt. Origenes de Epistola ad Hebræos, de Petri altera, Ioannis secunda & tertia dubius est, quas plerique ceterorum recipiunt. Quibus igitur ex his, adversarii tanquam fundamentalibus assertoribus sui Canonis tuto nitentur; cum nec singuli planè idem secum sentiant, nec universi? At in uno etiam aberrare S. Scripturæ libro e. g. Machabæorum necessarios aliquos fidei articulos poterit evertere, ideoque viam ad salutem impedire. Certè fluctuante sententia de Canone scripturarum, totam fidei ac religionis nostræ molem fluctuare necesse est.

Demus tamen adversariis ex illa sententiarum in veteri Ecclesia diversitate probabilem saltem illis opinionem relinqui: plus enim hinc sibi vindicare cum ratione nequeunt, quid obsecro effecturi sunt? an in probabili opinione, quæ falli potest ac fallere, scripturæ ac fidei stabilitatem aliquam fundare poterunt? De Machabæorum libris pertinacissimè adversum nos contendunt, ne ex illis cogantur admittere orationes pro defunctis, maluntq; hic perfidis Iudæis, quàm Christianis assentiri & tamen Augustinus l. 18. de civit Dei c. 36. monet *Machabæorum libros, non Iudæi, sed Ecclesia pro Canonicis habet*, & Isidorus in proœmio lib. Veteris & Novi Test. *Hebræi, inquit, non recipiunt libros Tobia, Iudith, & Machabæ, Ecclesia tamen eosdem inter canonicas scripturas numerat*. Quibus obsecro in Canone designando

signando crediturus tutò sum, si semel ab Ecclesia Catholica discessero? aut si hac in re eisdem securè assentiar, quâ fronte in aliis oblectabor? Quocirca sic demum Protestantes constringat, aut concedunt se tutò Ecclesiæ Catholicæ in assignato per Concilia canone assentiri posse: aut negant. Si admittunt, jam aliud præter nostrum tutius admitti nullus poterit. Si negant, jam auctoritatem majorem traditi Canonis nunquam reperient, adeoque hos definitè S. esse scripturæ libros nequeunt demonstrare. Iterum si Ecclesiæ assentiuntur, vel illius testimonio ut fallibili, vel ut infallibili nituntur. Si ut fallibili, errare hoc assensu & ipsi poterunt, ideoque nemo Canonem ab illis præscripto securè acquiescet: si ut infallibili, jam cum adductis supra S. literis & nobiscum convenient, eademque Ecclesiâ & Canone scripturæ arum gaudemus.

At, dicit Confessio: *Non tantum ab Ecclesia, verum multò magis à testimonio & intrinseca Spiritus S. persuasione docemur, & di, cernere libros novimus.* Quæro igitur, an hoc testimonium & persuasio, sit verbum Dei scriptum, vel non scriptum? Si scriptum, spectabit ad ipsum Canonem, de quo controversia est, & exhiberi in illo nobis poterit; quod nondum factum, nec futurum est. Si est verbum Dei non scriptum, sive traditum: jam illud necessariò Reformatis tam in sensu scripturarum, quàm Canonem agnoscendo erit admittendum. Iterum quæro, quale illud dictamen Spiritus Sancti, & testimonium persuadens sit? nam nisi tale fuerit, quod mihi e.g. dicat Evangelium S. Andreae & S. Petri non est canonicum, Matthæi verò & Lucæ divinum est: satis ab hoc testimonio non erudiar, at tale dari, nondum revelatum est. Denique quæro: formeturne infallibile judicium ex hoc testimonio per illum, qui instruitur; an tantùm fallibile? si hoc, ergo securus de veritate canonis non erit per illud fidelis; si illud, jam dabitur in quovis homine judex infallibilis controversiarum. Postremò ipsum in se testimonium, quo nituntur, vel fallere potest, vel non fallere: si prius, testimonium Dei esse nequit, quod natura sua est infallibile; si posterius, quomodo igitur hoc testimonium, aliud in Anabaptistis, aliud in Lutheranis, aliud in Calvinistis, & quidem contradictoria persuadeti?

Nimirum à privato hoc Spiritu (qui sæpe falsus cum sit, transformas se in Angelum lucis) ad illum Ecclesiæ spiritum veritatis, qui cum illa manet in æternum transcendendum est. Probandi spiritus, an ex Deo sint, qui novit Deum, audit Ecclesiæ Doctores, in

*hoc enim cognoscimus spiritum Veritatis. Pluribus hic non dissero, cum in prima parte Concordiæ tr. 2. hujus spiritus vanitatem non uno argumento discusserim.*

Quare hoc universè syllogismo Protestantes à sua religione ad Catholicam Ecclesiam & concordiam salutemque, si hanc ament, reduco.

*Qui neque ex communi Ecclesia consensu, neque ex Spiritus S. testimonio certi sunt de canone S. Scripturarum; de sua fide & salute securi esse non possunt. Tales sunt Protestantes, non verò Catholici. Ergo, &c.*

Concludamus cum Augustino contra Epist. fundam. c. 5. *Ego verò Evangelio non crederem, nisi me Catholica Ecclesia commoveret autoritas, & erit concordia.*

## ARTICULUS V.

**C**Redimus verbum a his libris comprehensum, ab uno Deo esse profectum, *b* quo etiam uno, non autem hominibus, ejus nitatur autoritas, cumque hæc sit omnis veritatis summa, complectens quidquid ad cultum Dei, & salutem nostram requiritur, *d* neque hominibus, neque ipsis etiam Angelis fas esse dicimus, quicquam ei verbo adjicere, vel detrahère, vel quicquam prorsus in eo immutare.

a. 2. Tim. 2. v. 16. 1. Pet. 1. v. 21.

b. Ioh. 3. v. 31. c. Ioh. 15. v. 11. Añ. 20. v. 27.

d. Deut. 4. v. 2. & 12. v. 32. Gal. 1. v. 8. Apoc. 22. v. 18.

Ex hoc autem efficitur, *e* neque antiquitatem, neque consuetudines, neq; multitudinem, neque humanam sapientiam, neque judicia, neque edicta, vel decreta ulla, neque concilia, neque visiones, neque miracula scripturæ illi divinæ opponerelicere: sed potius *f* omnia ad ejus regulam & præscriptum examinare, & exigi oportere. Quamobrem etiam tria illa symbola, nempe Apostolicum Nicænum, & Athanasianum iccirco approbamus, quod sint illi verbo Dei scripto consentanea.

c. Matth. 15. v. 9. Añ. 5. v. 28 & 29. 1. Cor. 11. v. 1. 2. & 25.

## Confessio Generalis Helveto-confederatorum Cap. II.

**S**cripturas S. dixit Apostolus Petrus non esse interpretationis privatæ. *g* Proinde non probamus interpretationes quaslibet. Unde *nec pro vera aut genuina scripturarum interpreta-*

*g. 1. Petr. 1. v. 10.*

pretatione agnoscimus eum, quem vocant sensum Rom. Ecclesia. Sed illam duntaxat scripturarum interpretationem pro orthodoxa & genuina agnoscimus, quæ ex ipsis est petita scripturis, cum regula fidei & charitatis congruit, &c.

Non patimur nos in controversiis religionis, vel fidei causis urgeri nudis Patrum sententiis, aut Conciliorum decretis, multo minus receptis consuetudinibus, aut etiam multitudinem idem sentientium, aut longi temporis præscriptione. Ergo non alium sustinemus in causa fidei Judicem, quam ipsum Deum per scripturas S. pronuntiantem, quid verum sit, quid falsum, quid sequendum, quidve fugiendum. Ita iudiciis non nisi spiritualium hominum, ex verbo Dei petitis acquiescimus.

Pariter repudiamus traditiones humanas: quæ tametsi insigniantur speciosis titulis, quasi divinæ Apostolicæque sint, viva voce Apostolorum, & ceu per manus virorum Apostolicorum succedentibus Episcopis Ecclesiæ traditæ, compositæ tamen cum scripturis, ab his discrepant, discrepantiæque illa sua ostendunt, se minimè esse Apostolicas. Apostoli enim inter se diversa non docuerunt. Paulus disertè dicit: eadem se in omnibus Ecclesiis docuisse. h. &c.

h. 1. Cor. 4: v. 17.

## REFORMATIO.

**C**Redimus, quod omnis prophetia scriptura propria interpretatione non fiat, non enim humana voluntate allata est aliquando Prophetia; sed spiritu S. inspirati locuti sunt sancti Dei homines. Sicut D. Paulus in suis epistolis. In quibus sunt quadam difficilia intellectu, quæ indocti & instabiles depravant, sicut & ceteras scripturas, ad suam ipsarum perditionem. l. Dedit igitur Deus Pastores & Doctores ad consummationem sanctorum in opus ministerii ad ædificationem corporis Christi, donec occurramus omnes in unitatem fidei, & non circumferamur omni vento doctrinae. m. Labia enim Sacerdotis custodient scientiam, & legem requirunt ex ore ejus; quia Angelus Domini exercituum est. n. Et declaratio sermonum Domini illuminat, & intellectum dat parvulis. o. His promissus est spiritus veritatis, ut maneat cum illis in æternum. p. Spiritualis autem omnia judicat, & à nemine judicatur. Quis enim alius cognovit sensum Domini. q. Sinon Doctores

C 2

& Pasto-

i. 2. Pet. 1. v. 20. l. 2. Pet. 3. v. 16. m. Eph. 4. v. 12. n. Malach. 2. v. 7. o. ps. 118. v. 130. p. Ioh. 14. v. 16. q. 1. Cor. 2. v. 14.

& Pastores Ecclesiæ illius? Hi igitur in controverso scripturæ sensu audiendi. *Fides enim ex auditu, auditus autem per verbum Christi.* Unde ex sapientis ore Deus: *Iusti sunt omnes sermones mei, & non est in eis prævum quid, neque perversum, recti sunt intelligentibus.* s. Vultis rectè intelligere? Vidite & interrogate de semitis antiquis, quæ sit via bona, & ambulate in ea. & in venietis requiem animabus vestris. t. Non te prætereant narratio seniorum, ipsi enim didicerunt à Patribus suis, quoniam ab ipsis discas intellectum. u. En quot præsidia rectè verbum Dei intelligendi, Doctores, & Pastores, Ecclesiæ Sacerdotes, & Seniores, antiquitatē, successionem, Patres. Quis tam arrogans, ut suum his intellectū præferat?

r. Rom. 10. v. 17. s. Prov. 8. v. 8. t. Ier. 6. v. 16. u. Eccl. 8. v. 11.

Gredimus & audimus D. Paulum licet Angelus de cælo evangelizet vobis, præter quam quod evangelizavimus, anathema sit x Si qua virtus, si qua laus disciplina hac cogitate, quæ & didicistis, & accepistis, & audistis, & vidistis in me: hac agite, & Deus pacis erit vobiscum. y State & tenete traditiones, quas accepistis sive per sermonem, sive per epistolam. z Laudo autem vos, quod per omnia mei memores estis, & sicut tradidi vobis præcepta mea tenetis &c. cetera cum venero disbonam. a

x. Gal. 1. v. 8. y. Philip. 4. v. 8.

z. 2. ad Thess. 2. v. 14. a. 1. Cor. 11.

Neque tantum tradita & præcepta sua Apostoli, verum & seniorum custodiri voluere. Ita cum Sila Paulus perambulabat Syriam, & Ciliciam, confirmans Ecclesias, præcipiens custodire præcepta Apostolorum, & Seniorum. b Et cum pertransirent civitates tradebant eis custodire dogmata, quæ erant decreta ab Apostolis & Senioribus, qui erant Ierosolymis. c

b. Act. 15. c. Act. 16.

Credimus quoque promissionem traditi verbi Dei Isaia teste. Cum venerit Sion redemptor, hoc fedus meum cum eis, dicit Dominus, Spiritus meus qui est in te, & verba mea quæ posui in ore tuo, non recedent de ore tuo, & de ore seminis tui in sempiternum. d. Sine hac gratia, non sufficit omnis scriptura divinitus inspirata, quæ utilis est ad docendum, ad arguendum, ad corripiendum, ad erudiendum in iustitia, ut perfectus sit homo Dei ad omne opus bonum instructus. e. Nam qui, præter scripturam, Ecclesiam non audierit, erit sicut ethnicus, & publicanus. f. Hujus Pastores qui audit, Deum audit, qui spernit, Deum spernit. g. Cavendi tamen similes Phariseis, docentes doctrinas & mandata hominum.

e. 2. Tim. 3. v. 16. f. Mat. 18. g. Luc. 10.



*hominum h & videndum, ne quis nos decipiat per Philosophiam & inanem fallaciam secundum traditionem hominum i.*

*h Matt. 16. i Coloss. 2.*

## OBSERVATIO.

§. 1. Status controversiæ exponitur, & ex Protestantium principiis Traditiones esse docentur.

**I**N hunc unum articulum tota moles controversiarum incubit, quem solum cum vicimus, omnia vicimus. Disertissimis hic igitur scripturis agere libuit, quæ nullius interpretis indigæ planissimam pro Romanis sententiam pronuntiant, in ipsismet adversariorum principiis apprimè fundatam, & quidem sine consequentiis fallendique discrimine, si obvio usitatoque sensu perstamus. Opponent si possunt adversarii scripturam, tam disertam absolutamque numeris omnibus: si non possunt, ut quid nos reformant?

1. Verbum Dei, quod scriptum est, nolumus privata cujusquam interpretatione exponi; idem vult Petrus. Censemus difficilia intellectu, per tales interpretes, ad suam perditionem (utique in rebus fidem salutemq; concernentibus) depravari, idemq; sentit Petrus. Censemus Doctores Pastoresq; ad hoc datos, ut Christi corpus ædificent, unitatem fidei servent, errores proscrībant, eosq; & fuisse semper in Ecclesia, & futuros orthodoxos visibilesque (qui enim alii hoc possent?) usque ad consummationem Sanctorum; idem Paulus aliiq; statuerunt. Hi universè cum deficere in fide nequeant, an poterunt errare? Hoc elencho adversarios circumscribo. *Qui ædificare debent corpus Christi in unitate fidei, usque ad consummationem, hi tamdiu, non possunt deficere, nec errare: Sed Pastores & Doctores, quos Deus posuit, hi sic ædificare corpus Christi debent.* Ergo, &c Iterum. *Quibuscum Spiritus Veritatis manet in æternum, hi deficere in veritate, & errare non possunt, sed cum Doctoribus Ecclesia (saltem universè sumptis) ille manet in æternum.* Ergo, &c.

At dicunt: Patres, Doctores, Concilia, ut non fallant, cum S. literis consentire debent. Ita est, quis catholicorū obsecro, hoc unquam eversum voluit, aut sensit controversum? Non tamen existimamus, Patres & interpretes scripturæ, tanquam obscurius loquentes, per illā interpretandos esse, aut quemlibet Neo-

tericum rectius, quàm illos, sensum verbi Dei in ambiguis penetrare. S. Scriptura infallibilis regula veritatis est, ubi certam, & minimè inter partes adversas controversam dicit sententiam. In controversis locis quaerimus: an privati iudicium de scripturae sensu totius Synodi vel Ecclesiae iudicio præferendum sit? sive an potius credendum Ecclesiae sit, cum suam sententiam in fide S. Scripturae conformem esse statuit; an privato cuilibet idem asserenti? Repeto. Cum in articulo, quem de fide esse statuunt partes adversae, scriptura S. omnibus etiam locis collatis, controversum indefinitumque sensum habere censetur: quaestio est, cuius iudicio definiri absolvi que controversa possit ac debeat? Num ipsius S. Scripturae? at hoc impossibile erit præstare, stolidum exspectare ab illa, quæ uno definito sensu non loquitur, in quo partes conveniant. An Dei? sed hic per aliud verbum definitius nobis loqui non voluit. An hominis? & quis ille tam spiritualis cuius sententia possit esse infallibilis? Incredibile hic penè, & vix hominū, ratione communi utentium, responsum adversarii Catholicorum promunt. Hanc scripturam, cuius sensum palam toto orbe diversum à Catholica Ecclesia introducunt, & propter quem nobis usitato in sensu scripturae persistentibus litem obmovent, claram minimè que controversam sententiam ex ore Dei in rebus fidei pronuntiare, asserunt. Hoc est, ut paucis dicam, negant controversam esse scripturam, de qua in conspectu huius orbis solisque controversiam nobiscum auspicantur, affirmant definitam illius esse sententiam, quam ipsi in vecto multiplici sensu indefinitam faciunt. Vociferantur illum, quem ipsimet primò intulere sensum clarissimum sibi esse, Romanos solos ad tantam lucem noctuas manere in meridie. Hic, si non assentiamur, invictis que contra pugnemus rationibus, quibus oblectari amplius nequeant, in omne contumeliarum genus ora calamosque resolvunt, atque in hoc demum fundamento, cum inani scripturarum nomine, atque obensione acquiescunt, more hæreticis antehac universis solenni. Exemplo rem exponam, ut palpari queat. Ante Lutherum & Calvinum verba cœnæ, quæ, *accepto pane dixit accipite, & comedite, hoc est corpus meum*, obvio literalique sensu usurpavit Ecclesia, ita, ut sentiret, vi istorum verborum, Christum acceptum panem in suum convertisse corpus, ut quondam aquam in vinum. Cum enim sciret nihil Christo impossibile, credidit ita pronuntianti, sensitque hanc scripturae senten-

sententiam, & claram satis esse, & verbis suis definitam. Berengarium aliosque nonnullos olim contradicere ausos abunde etiam confutavit. Verum Lutherus ausus est hanc sententiam scripturæ aspernari, atque aliam ei diversam velut propriam definitamque adstruere, quæ p. nem una cum Christi corpore illic esse affirmaret, transubstantiatione repudiata. Carolostadius anno iosequenti qui erat 1521 per absentiam Lutheri Wittenbergæ longius proventus, negavit S. scripturam hic aliud illis verbis, quam signum sui corporis exhibuisse, ostendendo per tō hoc corpus, quod sedebat in mensa, cujus signum panis erat in manibus, quem acerrimè iccirco Lutherus persecutus est, ac demum Basileæ ipsum memorant à Dæmone strangulatum. Zvvinglius tamen hunc secutus, idē, verum aliā interpretatione, per vocem *est* intelligendo *significat*, constanter propugnavit. Oecolampadius deinde hebraicæ magis linguæ peritus, cum non ignoraret, apud Hebræos *est* neq; hic reperiri, neque alibi pro *significat* usurpari, vocem corpus pro *figura corporis* accepit. Calvinus postremò per tō *est*, non tantum statuit *significari* corpus Christi abens; sed idem etiam *spiritualiter* per fidem sumentium *præsens* esse voluit. Hi omnes quantumvis dissideant, protestantur tamen scripturam S. definitè suam tantum, & non aliotum pronuntiare (velut ex ore Dei supremi controversiarum Judicis) sententiam. Quo pacto hoc vel intelligunt, vel statuunt? utiq; non alio, quam suo iudicio, ut vocant, discretivo: quia per illud inter diversos scripturæ sensus (saltem possibiles) hunc potius, quam illum deligunt. Tota igitur difficultas, & quæstio huc accidit Utri inter diversas sententiarum partes, quæ hanc potius, quam illum scripturæ sensum amplectuntur, se etoris suspectos reddant? Vetustne Romana Ecclesia? an Lutherus, Zvvinglius, aut Calvinus? Propono in simili, ut magis declaretur Legatur in testamēto à Cajo artificiosa domus Titio, qui eandem quoque possessor adit. Labuntur anni plures & Sempronius sanguine junctus supervenit, affirmat se heredē. Legatum domus Titio factum, de picta artificiosè in tabula domo intelligendum, clarum hunc sibi indubitatumque sensum esse, Adversarios sua opinione falli. Testamentum pro se dicere sententiā his indicitur, & manet quæstio uter certius genuinū testatoris sensum suo iudicio allequatur? Videaturne hic, qui in possessione est, ob productū ab alio sensum diversum jure posse eliminari? Possitne solius Testamenti verbis, ubi indefinita pro alteratro sensu verba sunt, hæc controversia terminari

& si possit, an non obvio communiterq; recepto sensu standum sit? Satisfaciatne novitius opinator & oppugnator, contestando suum hunc sensum clarissimè in scriptura eminere, quæ pro se disertè enuntiet sententiam; nihil in illa controversum esse, quodq; judicis alterius definitione indigeat? Prudenterne, ubi tota civitas in opposito perstet sensu, tanquam magis voluntati testatoris conformi, ipse suum velut magis conformem tueri possit? Agant Protestantes, & suum, vel Lutherum, vel Calvinum ex S. literis cum Ecclesia Romano-Catholica, de possessione veri cultus divini, religionisq; Apostolicæ disceptantē, pari genere quæstionum producant, & si possunt, tanquam medii rerum arbitri, nulli partium obnoxii pronuntient sententiā. Dicant, utrū illa superior verborum cœnæ interpretatio, quā nulla disertè scriptura facit nulla infallibilis infert consequēria, hoc titulo admitti possit, quod illam Calvinus sibi clarissimam esse protestetur, S. scripturæ conformem, imò ipsam Dei ex scriptura loquentis definitivam sententiam, nihil in illa dubium controversumq; esse, ideo nullum alium se hic admittere judicem: quando idem in opposito sensu Lutherus, non minori affirmatione, contendit. Catholico-Romana verò Ecclesia suum sensum, sententiamq; non modò conformem S. esse literis, obvia literaliqu; significatione acceptam, sed tot seculorum, Docto:ūq; consensione firmatam, ut protervi admodum contradictoris sit hac illam possessione, tam leviculis, & vel puerorum sannis explodendis argumentis submotam velle. Estne homo, qui hic dignam homine causam reperiatur: cur Calvino potius, quàm Luthero, aut alterutri, quàm Romanæ Ecclesiæ malit assentiri? Si aliam, præter suum, obstinatum hac in re, judicium proferet, sine judicio ac ratione futurus sum. Hoc igitur cum opponat, unus omnibus, rideri explodiq; velut amens ab omnibus meretur. Summi Ecclesiæ Doctoris de se aliisq; pronuntiatum est, quod minimè fallit, *Qui non est ex Deo, non novit nos: in hoc cognoscimus spiritum veritatis & erroris* 1. Joan. 4.

II. Si aliud nullum esset Romanæ Ecclesiæ in controversiis scripturarum præsidium, omnino apud æquos prudentesq; homines unum hoc sufficeret. Nā quisq; in ambiguo licet constitutus, teneretur in conscientia illam sequi partem, quæ ad veritatem salutemq; esset tutissima. Et hæc Ecclesia est à quâ Lutherus Calvinusque, nec secum quidem sentientes, dissentiunt. Verum quando, ex iisdem divinis scripturis utrimque admissis, manifestò quoque ostenditur, esse in ortho-  
dora

doxa Ecclesia non tantum scriptum Dei verbum, sed etiam traditum, autor tate non inferius, quia Dei est: certitudine par, quia ab eadem exhibetur Ecclesia; imò tanto etiam superius, quod ab ipso verbo Dei scripto indubium atque infallibile testimonium adferat, quale ipsa de se universè scriptura non queat producere: jam profectò extremæ perversitatis reus erit, quisquis traditi simul scriptique Dei verbi, in iisdem fidei articulis conspirantis sententiam aspernatus fuerit. Quam arrogantiam malitiamque pertinacis iudicii, ac voluntatis, cum a nostris procul adversariis abfuturam sperem, ad concordiam manum porrigent, & suæ nos salutis curam habere non ingrati observabunt.

Disertissima de tradito Dei verbo, non in libris, sed ore totius posteritatis apud Isaiam scriptura, non patitur effugium. utilis scriptura quidem ad omnia, sed non sufficiens Doctoribus Ecclesiæ præter hanc etiam requisitis, uti *pietas ad omnia utilis* à Paulo 1. Tim. 4. dicitur, sed non sufficiens, ne virtutes ceteræ ipsaque fides otiosa videatur. Sed licet hanc illorum consequentiam patiamur: tamen nihil obtinebunt, cum verbo Dei scripto traditum commendetur, ideoque hoc contemni sine illo nequeat: illud, hoc secluso, sufficiens esse non possit. Verum & si quoque demus, sufficiens verbum scriptum esse sine tradito: nondum tamen hoc bono jure proscribetur. Nam & sufficiunt homini pro victu vestituque annuo centum aurei, his tamen, si alterum tantum adjiciatur, facilius victurus est. Ita ad meliorem vitæ spiritualis religionisque instructionem verbum traditum scripto rectè adjicietur. Vult Apostolus tam *audita*, quàm *accepta*, tam *per sermonem*, quàm *per Epistolam* tradita, tam *seniorum*, quàm *Apostolorum dogmata ac decreta* custodiri. Præter hæc verò *aliud nihil vult evangelizari*. Quibus certè verbis sententiisque inter se collatis, nescio an humana eloquentia magis expressi definitique sensus alia queat reperire.

Animadvertant itaque adversarii nostri, quantam injuriam irrogent, tum orthodoxæ Ecclesiæ, tum verbo Dei tradito, quando illius quidem auctoritatem in exhibito Verbo Dei scripto reverentur, sed in Verbo Dei tradito negligunt; cum par esse utrobique debeat, quando ipsum deinde Verbum Dei traditum pro humano commento traducunt, adeoque manifestam simul Scripti Dei Verbi auctoritatem, quæ illud adstruitur, conculcant. Aut igitur utrumque admittant necesse est, aut utrumque simul aspernentur. Vultisne manifestè hos con-

vincam, quod ipsimet cogantur credere verbo Dei tradito ? Euge, paucis illud effecero.

1. Hæc propositio *biblia S. hoc librorum numero verbum Dei scriptum complectitur.* Vel est verbum Dei, vel hominum tantum. Si hoc, ergo solum hominibus fide utique humana & fallibili credunt : Si illud, ergo verbo Dei tradito assentiuntur ; quia nullum aliud scriptum Dei Verbum extra S. hunc librorum canonem habetur. Si dicant se hominibus id dicentibus credere, verum per Spiritum S. interno simul lumine motuque infallibili doceri ; Quæro, an hoc dictamen Spiritus S. aliud sit, quam Dei Verbum superiorem propositionem complectens ? De hac enim veritate securum te fieri necesse est. Ergo apprehendi tenerique per mentem debet. Ergo hoc ipsum lumen seu dictamen Verbum Dei traditum est, quod ultimo ad fidem habendam induceris.

2. Hæc propositio. *Matthæi Evangelium & Luca verum est & τὸ πνεῦμα Ἅγιον* *Andrea verò & Bartholomæi apocryphum*, fide divina creditur. Hæc tamen scripta non est, ergo tradita, siue interno, siue externo Dei Verbo.

3. *Pervenisse ad nos libros S. Scriptura incorruptos* saltem ubi fidei salutisque negotium complectuntur, & per extypa sparsos cum suo convenire prototypo, licet per tot scriptorum typothetarumque & Judæorum quidem hæreticorumque manus, qui falli potuerunt, ac fallere, ad nos pervenerint, & tamen credunt adversarii non esse depravata, quæ cum suo prototypo nequeunt conferre : cui obsecro nisi Ecclesiæ, in cujus ore Deus sua verba posuit : aut certè suo spiritui intus hoc in animo contestanti ?

4. *Esse verba cœnæ e. g. hoc est corpus meum*, vel figuratè intelligenda, vel cum verbis *accipite & comedite*, ut de corpore præsentè vera sint, nulla scriptura expressè definit. Nulla etiam definit hunc sensum per infallibilem consequentiam formari. Credunt tamen fide divina, ut ajunt, adversarii. Ergo Verbo Dei tradito nitentur, aut judicio proprio. Hoc argumento singulos articulos fidei Protestantium excutere licet atque refringere. nihil enim illo, quo ipsi tradunt, sensu in S. literis definitum reperies.

5. Credunt *infallibilem hanc esse consequentiam, licet rationis tantum humana sit, quæ ex principiis fidei ducitur.* Et tamen nulla hanc veritatem scriptura definit. Erit igitur tradita, aut certe humana, aut certè, non veritas, sed vana per suasio.

6. Plura



6 Plura credunt ex uno tantum fidei principio, & altero rationis deducta, ut Deum unum esse in substantia, & trinum simul in personis re ipsa distinctis, quod filius non sit minor patre in substantia, Spiritus Sanctus utriusque, quod duo tantum sacramenta sint, quod illa qua ipsi prescribunt, & non plura nec pauciora ad sacramentum requirantur, quod matrimonium non sit sacramentum, quamvis tale in scriptura appelletur, cœna verò sit, cum tale non appelletur. Quod infantes sint baptizandi, quod baptismus conferri debeat sola aqua, quod polygamia Christianis sit prohibita, quod sabbati dies necessario colenda non sit, quod liceat sanguine & suffocato vesci, & hoc ipsum, quod nihil credendum sit nisi scriptum. Hæc aliaque, vel omnino deduci ex scriptura nequeunt, vel non nisi ex una propositione fidei, & tamen inter articulos rerum credendarum habentur ad adversariis. Cum tamen nulla S. scriptura dicat, imò nec ratio quidem admittat, hoc quod ex aliquo rationis principio deducitur, licet ex altero divino pendeat, esse necessario Verbum Dei, extra quod nihil potest esse fidei divinæ objectum. Hæc sola assertio, tanti ponderis est, ut ineluctabili fato adversariorum causam obruat.

7. Tenent etiam illa quæ implicitè in S. scriptura continentur, & per consequentias eruenda sunt, credenda esse: (aut si hoc non credunt exhibeant suos nobis fidei articulos in scriptura explicatos) & tamen de numero articulorum fidei implicitè in scriptura contentorum, neque ipsi definitè inter se conveniunt, neque scriptum Dei Verbum quicquam statuit. Conceduntque simul, quod vel unus articulus fidei ad salutem necessarius suos damnet, si prætereatur. Illud igitur cum ex scripto Dei Verbo assequi nequeant aut ex tradito habere necesse est, aut omnino manet incertum. Sic urgeo argumentum, aut illa omnia quæ in scriptura S. implicitè continentur necessario credenda sunt; aut non omnia necessariò ita credenda. Utrumvis dixeris, ex scripto Dei Verbo non ostendes: alterutrum tamen tibi est credendum. Utrobique tanta absurditas, ut quidquid dixeris fidem evertas. Si prius: rusticis & indoctis fides hæc impossibilis redditur, quis enim ab his exigit, ut omnia implicitè in scripto Dei Verbo recondita eruant, atque ad illa suorum etiam Pastorum Synodorumque doctrinam expendant? si quædam tantum implicitè contenta in Verbo Dei scripto pro adæquata fidei regula requiruntur, ne doctis quidem fides possibilis ex solo Verbo scripto

Scripto relinquitur, cum ad eò lynceis nulli oculis futuri sint, qui harum nobis catalogum conclusionum, ab aliis pari firmitate illatis distincturi sint. Quo igitur confugient, si verbum Dei traditum nullum admittant?

8. Tenent nullum fidelium Patribus, Doctoribus, Conciliisque Ecclesia, nisi in quantum cum Verbo Dei convenire intellexerit, posse assentiri, & hic fundamentalis quidem Religionis hujus novitiæ articulus est, qui tamen in scripto Dei verbo non continetur. Ergo vel traditus à Deo, vel ab adversariis confictus est. Urgeo. Si hic articulus scriptus & *αὐτόπιστος* est, fides vulgo indocto est impossibilis, imò universim penè omnibus etiam doctissimis. Quod sic evinco, qui non potest Doctorum Ecclesiæ placita doctrinamque cum S. conferre literis, is ex se nequit intelligere, an doctrina tradita cum S. literis conveniat. sed vulgus indoctum illud per ignorantiam nequit. Ergo nec hoc poterit. nisi, dicas alteri hoc asserenti scripturamque recitanti posse credere. Sed tunc simul admittes alicui homini asserenti doctrinam suam, vel alterius S. esse literis conformem, tutò posse assentiri. Concedes etiam hominem ejusmodi, citra scripturam perspectam, posse discernere absque collatione facta, quænam verba scripturæ sint, quænam istius, aut alterius hominis. Denique admittes Doctorem talem reperiri, qui nec falli possit in hac propositione sua, nec fallere; & tunc ratio nulla futura est cur illud SS. Patribus, Conciliis, Ecclesiæque deneges. Jam alterum quod penè omnes doctissimorum hoc pacto fide vera excidant, sic faciliè obtinebo. Vix eorum quisquam est, qui prototypon, sive authenticum sacrorum librorum exemplar possideat, cum quo præsentia scripta conferre possit, certusque de conformitate reddi. Cogitur igitur credere, neque tot graphiarios, neque tot typothetas, neque hæreticos, neque Judæos, vel ignorantiam, vel negligentiam, vel malitiam quicquam in S. literis aberrasse, & quomodo his tutò sine collatione ad prototypon facta confidet, qui nec Sanctis Patribus, nec Præpositis Ecclesiæ Doctoribus, nec Conciliis tanto numero & consensione in eandem conspirantibus sententiam, absque hujus confirmatis examine tutò sese audent credere? Certè vel scripto, vel tradiro hic Dei verbo nitendum est, ubi humana ratio prorsus deficit. Hic nodus rursus Gordius est, & adversariis insolubilis.

9. Tenent, ita fidelibus verbum Dei scriptum commissum esse, ut non scriptum, velut prohibitum, excludatur. Et tamen nulla  
Scriptura



scriptura produci potest, quæ cum illud commendat, hoc differtè excludat, imò è diverso, omni sententia, quâ verbum Dei commendatur utrumque sine exceptione commendatum est; quia ejusdem est ordinis dignitatisque. Nam in verbis Deut. 4. *Non addetis ad verbum, quod loquor, & Deut. 12. quod præcipio tibi, hoc tantùm facito, nec addas quicquam nec minuas*, manifestè agit de verbis & præceptis, quæ loquebatur & imperabat, ut hoc argumento, si strictè ageretur, scriptura proscribi potius, quàm sola stabiliri videatur. imò, si & sensu Adversariorum admissum fuerit; excluderet libros Samuelis, Salomonis, Davidis aliorumque Prophetarum, quæ absurda sunt. ideoque necessariò de utroque tam scripto, quam tradito Dei verbo hæc intelliguntur. Quod vero Joannes de Apocalypsi dicit, cap. ult. *ne quis apponat, vel diminuat de libro prophetia hujus*, illius tantùm libri corruptoribus malum interminatur: neque opinor adversarii sibi hic ceteris scripturis etiam interdictum credent, aut Evangelium ipsum Joannis, postea scriptum, repudiabunt. Sed illo Pauli ad Gal. 2. v. 8. prohibentis *quicquam præter id quod evangelizarunt*, admitti, mirificè, ac frustra gloriantur. nam Evangelium seu bonum nuntium salutis præter quod admitti quicquam nolebat, ore, & scripto tradidit. Quid igitur hæc faciunt ad solum verbum Dei scriptum commendandum? Et num Paulus quæ deinde aliis ore scriptoque nuntiavit, Galatis quoque voluit interdita? num quæ Petrus, quæ Joannes ceterique Apostolorum scripsere, proscripta hinc voluit? Apage his ineptiis, quæ tales etiam Beza sunt visæ ut in altera sua Bibliorum emendatione ann. 1598. vocem *παρὰ* non præter, sed contra verterit, Calvinum in epist. ad Rom. secutus. nec omnia Genuensia aliter Biblia loquuntur. Sentiunt igitur nihil contra hanc doctrinam admittendum, quod nos minimè averſamur. Sed quod affirmant omnia illa scripta esse, quæ Paulus Galatis alii/que ad fidem salutemque necessaria evangelizaverit; & traditum Ecclesie verbum scripto contrariari, hoc cum nullibi in S. literis scriptum sit, aut traditum Dei verbum esse debet, aut confictum. Quocunque igitur adversarii se verterint, inevitabili necessitate, aut ad verbum Dei traditum tenentur nobiscum confugere, aut sola scriptura suam nequeunt stationem tueri. Pacem itaque consultius in eadem nobiscum sententia Ecclesiaque amplectentur.

tur.

§. II. Patres primæ orthodoxæ Ecclesiæ, ab ipsis instructi Apostolis, vel iis propinqui, Traditiones præter S. Scripturam agnoscunt.

**A**N traditiones in Ecclesia admittendæ sint, à nullis certius, quàm veteri orthodoxaque Ecclesia & priscis Patribus licebit cognoscere. Hi enim cum, Apostolorum vel discipuli vel ætate vicini, testes nobis de S. literis esse debeant, si omnia ad fidem ritusq; pertinentia scripto tradita esse negent, par illis in utroq; fides debetur; aut si hic ut homines errasse credamus, idē de S. literis per illos nobis traditis erit admittendū. Horum igitur testium nonnullos pro instituta brevitate audiamus.

Dionysius Areop. lib. de Eccles. Hier. cap. 1. inquit. *Primi illi nostri Sacerdotalis numeris duces (Apostoli) in iis quæ nobis sunt familiaria summa illa & supersubstantialia (pertinentia ad fidem) partim scriptis, partim non scriptis institutionibus (juxta quod sacra definiunt leges) nobis tradiderunt. En oculatum simul auritumque testem, cui nefas sit fidem derogare. Vis alterum ætate ac fide supparem? Accipe ex Euseb. l. 3. Ecclesiast. hist. c. 30. Ignatius ait, cum iter per Asiam faceret, Ecclesias piis hortationibus confirmavit, ac primum, ut hæreses quæ jam tum nasci & emergere cœperunt, maximè præcaverent, sedulo admonuit. Deinde hortatus est, ut Apostolorum traditioni mordicus adhererent, quàm quidem asseveranter testificatus, quo tutius reservaretur, necessario scriptis mandandam existimavit. Nondum igitur scripta erat.*

Irenæus lib. 3. c. 2. *Cum autem ad eam iterum traditionem, quæ est ab Apostolis, & quæ per successiones Episcoporum in Ecclesiis custoditur, provocamus eos, qui adversantur traditioni: dicent se non solum presbyteris, sed etiam Apostolis existentes sapientiores, syncceram invenisse veritatem: Apostolos autem admiscuisse ea quæ sunt legalia Salvatoris verbis, &c. Evenit itaque neque scripturis jam, neque traditioni consentire eos.*

Etc 4. *Quid enim, si cui de modica aliqua questione disceptatio esset, nonne oporteret ad antiquissimas recurrere Ecclesias, in quibus Apostoli conversati sunt, & ab eis de præsentī questione sumere, quod certum & re liquidum est? Quid autem, si neque Apostoli reliquissent scripturas nobis, nonne oportebat ordinem sequi traditionis, quæ tradiderunt iis quibus committebant Ecclesias, cui ordinationi assentiunt multe gentes barbarorum eorum qui in Christum credunt, sine charactere vel atramento scriptam habentes per Spiritum S. in cordibus*

*cordibus salutē, & veterem traditionem diligenter custodientes? &c.*  
Unde apparet tempore Irenæi Scripturam S. multis fidelibus  
nondum communicatam fuisse; sed traditione sola nixos cre-  
didisse.

Basilii libro de Spiritu S. cap. 27. *Dogmata quæ in Ecclesia  
servantur, & prædicantur quædam habemus è doctrina scripto pro-  
dita, quædam rursus ex Apostolorum traditione in mysterio. id est, in  
occulto tradita recepimus: quorum utraque parem vim habent ad  
pietatem. Neque in his quisquam contradicit, quisque sanè vel te-  
nuiter expertus est, quid sint iura Ecclesiastica. En minimè du-  
bium primæ sensum Ecclesiæ. Ephiphanius hæresi 55. contra  
Melchisedechianos. Terminii, ait, nobis positi sunt, & fundamenta  
& ædificatio fidei, & Apostolorum traditiones, & scriptura sancta,  
& successiones doctrina, & unde quaque veritas Dei munita est. Ubi  
traditiones Apostolicæ à S. Scriptura distinguuntur.*

§. III. Patres ex ipsis Scripturis S. quarum mentem  
certius, quàm moderni scriptores, assecuti  
sunt, Traditiones probant.

**Q**uid si eosdem SS. Patres Sacram Scripturam (cujus sen-  
sum ex Apostolis, aut eorum propinquis successoribus  
hauserunt) contra adversarios in hanc sententiam producen-  
tes audiamus, quæ fronte obsecro futurus est, qui se dicet re-  
ctius sentum scripturarum assequi, seque Patribus intelligen-  
tia earum, & spiritu interpretationis ausit præferre?

Clemens Alex. l. 1. Strom. Messis quidem multa, operarii verò  
pauci Est autem duplex agri cultura: una quidem quæ scriptis non  
continetur; altera verò quæ continetur. Virovus autem modo opera-  
rius Domini præclarum frumentum seminaverit, & spicas auxarit,  
& messuerit, verè divinus apparebit agricola. Nam ut habet lib.  
7. Cognitio quæ datur ex Traditione per Dei gratiam, velut quod-  
dam depositum 2. Tim. 1. v. 14. committitur eis, qui ipsos doctri-  
na dignos exhibuerint.

Epiphanius hæresi 61 contra Apostolicos. Oportet autem,  
inquit, traditione uti. Non enim omnia à divina scriptura accipi  
possunt. Quapropter aliqua in scripturis, aliqua in Traditione sancti  
Apostoli tradiderunt, quemadmodum dicit sanctus Apostolus. Si-  
cut tradidi vobis, præcepta mea tenetis 1. Cor. 11. 2. Quæ cer-  
tè Paulus scripto omnia non tradiderat, aut deinde tradenda  
promisit. Subjicit deinde idem Doctor ex 1. Cor. 4. v. 17. illud  
Pauli sicut doceo & tradidi in Ecclesiis, ita nempe, Timothee

*vos communes faciet vias meas quæ sunt in Christo Iesu.* Non dicit missurum se hanc doctrinam in scripto, sed per Timotheum traditurum,

Chrysostomus in 2. ad Thess. 2. hom. 4. State, inquit, & tene traditiones sive per epistolam, sive per sermonem, &c. Hinc perspicuum est, quod non omnia per epistolam tradiderunt, sed multa etiam sine scriptis: & ea quoque sunt fide digna. Quapropter Ecclesia quoque traditionem censeamus esse fide dignam. Est traditio, nihil quaras amplius. Idem in 2. Tim. 1. v. 13. hom. 3. in verba. Formam habeo sanorum verborum, quæ à me audisti in fide, &c. Non modo, ait, per literas, sed etiam verbis discipulo quæ essent agenda dictavit, quod plurimis & aliis locis ostendit dicens: 2. Thess. 2. sive per verbum, sive per epistolam quasi per nos missam. Hoc & hic multo magis fecit. Ne igitur minus aliquid doctrinam habere putemus, plurima illi absque scripto tradidit, &c. sive de fide, sive de charitate, sive de castitate opus sit aliquid loqui ac definire, inde tibi exemplaria accipe.

Augustinus Epist. 115. ad Januar. c. 6. Liquidò apparet, quando primum acceperunt discipuli corpus & sanguinem Domini, non eos accepisse jejunos: Nunquid tamen calumniandum est universa Ecclesia, quod à jejunis semper accipitur? &c. Cum ait Apostolus, de hoc Sacramento loquens, propter quod fratres, cum convenitis ad manducandum, invicem expectate, si quis esurit domi manducet, ut non iudicium conveniatis. statim subtexuit, cetera autem cum venero ordinabo. Vnde intelligi datur, quia multum erat, ut in epistola totum illum agendi ordinem insinueret, quam universa per orbem servat Ecclesia, ab ipso ordinatum esse, quod nulla morum diversitate variatur. Idem tract. 98. in Evang. Joannis sub finem, verbis illis quibus adversarii maxime triumphant, traditiones, ut scripti Verbi Dei supplementum confirmat. Admonitio, ait, Beatissimi Apostoli de vestris cordibus non recedat. Siquis vobis evangelizaverit, præterquam quod accepistis, anathema sit. Gal. 3. Non ait plusquam accepistis, sed præterquam quod accepistis. Nam si illud diceret, sibi ipsi præjudicaret, qui cupiebat venire ad Thessalonicenses, ut suppleret quæ eorum fidei defuerunt. 1. Thess. 3. v. 10. Sed qui supplet, quod minus erat, addit: non tollit, quod inerat.

An hi aliique Patrum orthodoxum scripturæ S. intellectum habuerint, nefas erit dubitare. Aut igitur his subscribendum, aut sua in hæresi nostris & SS. Patrum adversariis pereundum est. Illud opinor eligent.

§. IV. Patres & Concilia plures extra S. Scripturam Traditiones tam articulorum fidei, quam rituum singulatim exponunt.

**N**ondum defero hanc causam. Restitantes etiamnum ad-  
versarios per orthodoxam illam, quam agnoscunt, Eccle-  
siam fortissimè impellam; quādo eosdem S. S. Doctores singula-  
rium in veteri Ecclesia traditionum extra scripturam S. admis-  
sorum testes inducam, quibus & ratione & autoritate cogentur  
cedere. Basilius l. de Spir. S. c. 27. *Si consuetudines, ait, quæ scripto  
prodicta non sunt, tanquam haud multum habentes momenti, con-  
emur reijcere, imprudentes & ea damnabimur, quæ in Evāgelio  
necessaria ad salutem habentur: imò potius ipsam fidei predica-  
tionem ad nudum nomen contrahemus. Quod genus est (ut eius, quod  
primum est, vulgatissimum primo loco commemorem) ut signo cru-  
cis eos, qui spem collocaverunt in Christum signemus, quis scripto  
docuit? ut ad orientem versi procenitur, quæ nos docuit scriptura? In-  
vocationis verba, cum ostenditur panis Eucharistia & poculum be-  
nedictionis, quis Sanctorum in scripto nobis reliquit? Consecramus a-  
quam baptismatis & oleum unctionis, præterea ipsum qui bapt. symum  
accipit; ex quibus scriptis? Iam ter mergi hominem, unde est tradi-  
tum? Reliqua item quæ fiunt in baptismo, veluti renuntiare Sata-  
na, & angelis eius, ex qua scriptura habemus? Nonne ex privata  
& arcana hac traditione? nonne ex doctrina, quam Patres nostri  
in silentio (quod curiosos & otiosos submovet) servarunt, &c.  
Omitto cetera ipsam fidei professionem, quæ credimus in Patrem, fi-  
lium, Spiritum S. è quibus scripturis habemus?*

Origines ad stipulat. c. 6. Epist. ad Romanos. Ecclesia, ait,  
ab Apostolis traditionem accepit, etiam parvulis baptismum da-  
re, &c.

Tertullianus de corona Milit. cap. 3. has traditiones recenset.  
Habentes, inquit, observationem inveteratam, quæ perveniendo  
statum fecit. Hanc nulla scriptura determinavit, &c. Aquam (bap-  
tismatis) adituri aliquanto prius in Ecclesia sub Antistitis manu  
contestamur, nos renuntiare Diabolo & pompa & angelis eius. De  
hinc ter mergimur, amplius aliquid respondentes, quam Dominus  
in Evangelio determinavit, &c. Oblationes pro defunctis, pro na-  
talitiis annua die facimus, frontem crucis signaculo terimus. &c.  
Harum (inquit c. 4.) & aliarum eiusmodi disciplinarum, si legem  
expulsi

expostules scripturarum, nullam invenies Traditio tibi præcedens auctor, consuetudo confirmatrix, & fides observatrix, &c. consuetudo autem in civilibus pro lege accipitur, cum lex deficit.

Augustinus de Gen. ad litteram lib. 10. cap. 23. Consuetudo, inquit, Matris Ecclesia in baptizandis parvulis nequaquam spernenda est, neque ullo modo superflua disputanda, nec omnino credenda, nisi Apostolica esset traditio. Et de hæreticis non rebaptizandis lib. 5. de Bapt. c. 23. Consuetudo illa, quæ opponebatur Cypriano, ab Apostolorum traditione exordium sumpsit credenda est. De qua eadem lib. 2. cap. 7. ibi ita dixerunt. Saluberrimam consuetudinem tenebat Ecclesia in ipsis quoque schismaticis & hæreticis corrigere quod prævum est, non iterare quod datum est. Quam consuetudinem credo ex Apostolica traditione venientem. Sicut multa non inveniuntur in literis eorum neque in conciliis posterorum, & tamen quia custodiuntur per universam Ecclesiam, non nisi ab ipsis tradita & commendata creduntur.

In generali concilio Chalcedonenſi Act. i. Eutyches negans in Christo duas naturas, dicebat; ego à S. Scripturis non didici de duabus naturis: cui respondit Mamas Presbyter, neque de ὁμοῦ ὁμοῦ S. Scripturis edocti sumus.

Ecce traditiones vel Apostolicas, vel Ecclesiasticas, tam ad fidem, quam mores ritulque pertinentes, jam olim observatas in orthodoxa Ecclesia, quas si nobiscum admiserint, prona hic erunt ad concordiam omnia: si rejicient, à vera orthodoxaque (sua etiam confessione) Ecclesia, recedent. Concludo cum Augustino Epist. 118. Illa autem quæ non scripta, sed tradita custodimus, quæ quidem toto terrarum orbe observantur, dantur intelligi vel ab ipsis Apostolis, vel plenariis conciliis, quorum est in Ecclesia saluberrima autoritas commendata atque statuta retineri, sicut quod Domini passio & resurrectio & ascensio in cælum anniverſaria sollemnitate celebrantur, & si quid aliud tale occurrerit, quod servatu ab universa quacunque se diffundat Ecclesia, &c. Insolentissima vero insania est disputare an faciendum sit, quod tota per orbem frequentat Ecclesia. Hujus intantæ manifestè rei futuri sunt, nisi nobilem ad concordiam & eterne Ecclesiæ consensionem adversarii redierint.



S. V. Ipsimet Protestantes veteris orthodoxæ Ecclesiæ Traditiones agnoscunt, nec possunt omnes suismet in sententiis fidei excludere.

**M** Agdeburgen. Centuriatoris de proximo ab Apostolis seculo fatentur, cent. 2. c. 4. *In Doctrina Iudicatione, de rebus adiaphoris.* Succrevit paulatim error de traditionibus necessariis observandis. Ut Alcibiadis historia, quæ apud Eusebium lib. 5. c. 3. recitatur, subindicat, &c. Dicit etiam Ignatii Epistolæ de rebus mediis loquuntur. Nam ad Philad. sic scribit. *Adhuc dico, Episcopis & Presbyteris in Domino, quicumque cum Iudæis Pascha egerit, aut solennia festorum eorum susceperit, participabit eis, qui Dominum & Apostolos occiderunt.* Et paulò ante. *Dies fastos nolite inhonorare. Quadragesimam verò nolite pro nihilo habere. Quarta & sexta feria jejunate, reliquias pauperibus porrigentes.*

In altero post Apostolos seculo, cent. 3. cap. 4. *De inclin. Doctr. in rebus mediis.* Rebus, ajunt, quibusdam mediis sæpe necessitatem inducit, & meritum tribuit Tertullianus, ut l. de jejunio contra Physicos, omnium, inquit, *erga vitium macerationem hac est ratio, quæ rursus interdicto cibo, & observato præcepto, primordiale jam delictum expiaretur. Ut homo per eandem materiam causa Deo satisfaciatur, per quam offenderat, id est per cibi interdictionem &c.*

Ibid. cap. 6. de ritibus circa baptis. *De infantibus baptizandis,* inquit, Origenes hom. 8. in Levit. Ecclesiæ, traditionem accepisse ab Apostolis. Et Cyprianus lib. 3. epist. 8. in concilio quodam 66. Episcoporum statutum esse asserit, *infantes mox postquam editi essent, baptizandos esse.* Et paulò post. Absolutionem sequebatur unctio, & manus impositio, &c. *Vide infra de baptismo.*

Sadeel de verbo Dei cap. 5. reg. 5. Quidam ex veteribus cum ævos suos haberent, nimis indulserunt ejusmodi traditionibus non scriptis, &c. Idem in Clemen. Alexand. qui agnoscit verbi Dei ἀλαφον & ἑγγύαρον non scriptum & scriptum, dicit auctorem hunc non satis purè hanc quæstionem tractasse. Sic ad Basilii auctoritatem supra cit. ait, hanc curiosius aliena abs re argumenta tractasse.

Whitakerus q. 6 c. 12. de scriptura, Eusebium Cæsar. & Chrysostomum fatecur luculenta pro traditionibus testimonia dicere; sed negat hos esse audiendos. Ita de Basilio, Epiphano, Cypriano,

priano, Ambrosio, Hieronymo, Augustino, aliisque à Bellarmino productis. Quibus sele ait scripturam (videlicet) opponere. *Chamierius* tom. 1. l. 9. c. 19. §. 17. *Basilii* sententiam de traditionibus se negat posse excusare. *Chrysostomum* refutat, ut *Basilium*, negando, verum esse quod tradita ab Apostolis pari fide digna sint, quæ scripta. *Epiphanius*, ait, nos non mover, quem scimus nimium traditionibus detulisse.

*Conrardus Vorstius* tom. 1. contr. 1. thes. 12. Ait, Patres aliquid humanitus passos, & quibusdam Majorum suorum institutis, tanquam quæ ab ipsis Apostolis profecta essent, plus æquo tribuisse, proinde nobis hac in re temere sequendos non esse.

*Elbrachius* in via compendiarie cap. ult. Multa à Reformatis credi asserit, quæ in verbo Dei scripto non reperiantur. Et huic objectioni, nullam in Epanorthosis ib. responsionem invenit. Quædam adducam. sic inquit p. 501. Nusquam scriptura exprimit: hæcne oratio: *Corpus Christi est in pane, est ubique*: an illa *corpus Christi, non est in pane, non est ubique*, cum sententia Sacræ Scripturæ congruat? Ita etiam nusquam exprimit: hæcne oratio? *formalis causa justificationis coram Deo, est iustitia inharens*; an verò illa: *formalis causa justificationis coram Deo non est iustitia inharens*, cum Sacra Scriptura genuino sensu intellecta conveniat? quæ tamen quæstione religionem Christianam à Pagana, Mahomedana & Antichristiana digosci censent Reformati. Similiter nusquam scriptura dicit: *Hominem fidelem, sine speciali revelatione, certum esse posse & debere, certitudine fidei, se à Deo ad æternam vitam esse prædestinatum, jamque resp. a iustificatum, & porro in adeptæ iustitiæ finaliter perseveraturum, æternamque gloriam consequuturum; & hanc solam fidem esse iustificantem*. Nusquam dicit scriptura: *observationem divinæ legis, etiam renatis, esse impossibilem*. *Liberum arbitrium in homine post lapsum, ad bonum planè esse extinctum*. & gratiam in prima hominis conversione operari irresistibiliter. Nullum peccatum esse tam leve, quin juxta naturam mortem æternam vel milles mereatur. Nusquam scriptura dicit: *Ita sufficientem esse Sacram Scripturam, ut nulla admittenda sint traditiones*. Nusquam: *articulum symboli Apostolici de descensu ad inferos, non literaliter, sed metaphoricè, vel metonymicè, esse intelligendum*. Nusquam: *precationem pro defunctis esse supersticiosam, & purgatorium esse Satana commentum*. Nusquam, duo tantum esse novi testamenti Sacra-



*menta, & sacramenta novæ legis non conferre gratiam, &c. Reformatos, quando hæc & alia ex d. l. c. ipsura probare conantur, gemitum eius sensum tenere, & consequentias quas nesciunt esse legitimas, solidas, necessarias. Hunc Hilbrachius sibi suisque nodum texuit, cum Romanam prentasset Ecclesiam; verum ab eadem rejectus, enodare nunquam potuit, sed laqueo ipse suo captus occubuit, illuc temerè versus, ubi majoris beneficii temporalis spes affulsit, venalem animam fidemque circumdedit. Exspectamus igitur Alexandrum, qui hunc nodum dissolvat, quod extra Romano-Catholicam Ecclesiam nemo poterit.*

§. VI. Ecclesiæ judicio tam in hac, quàm aliis controversiis defensu, scripturæ S. standum esset, etiamsi neque infallibilis illa esset, neque de tradito Dei verbo constaret.

**Q**uod si nihil de ejusmodi Apostolicis constaret Traditionibus, seu verbo Dei tradito, in controversiis fidei articulis definiendis, ipsaque etiam Ecclesia suo in judicio, non esset infallibilis, tamen hujus judicium privatus quisque, quando de scripturæ sensu convertitur, præferre teneretur.

Videte DD. Protestantes, quantum ex præfidiis causæ nostræ vobis remittam. Ponamus nullum verbum Dei traditum penes nos esse, ponamus Ecclesiam, ut vultis, in judicando erroribus manere obnoxiam. nihilominus invictis à vobis argumentis obtinebo, quod asserui.

Pro qua re observandum est, quod Protestantes duplex potissimum judicium in rebus fidei statuunt: alterum definitivum, quod Deum per S. scripturæ sententiam pronuntiare asserunt: alterum discretivum, quo discernitur à fidelibus, utrum doctrina aliqua, cum hac S. scripturæ sententia, tanquam cum norma ac regula sua conveniat, quod judicium si Ecclesiæ Doctorum, seu Ministrorum sit, & ad aliorum instructionem dirigatur, ministeriale vocant; si alterius fidelis, nomen retinet, vel discretivum, privatum dicitur. De judicio definitivo facile convenimus, per hoc à Deo tam clarè sufficienterque propositam esse sententiam, ut per ministerium Ecclesiæ, Pastorum, Doctorumque ejus possit intelligi: sed privato cuilibet hujus divinæ sententiæ discretionem agnitionemque evidentem negamus. Hoc igitur nobis querendum & discutiendum hic superest: an privatus,

tanquam sententiæ scripturarum certus, discretivum suum iudicium possit opponere discretivo iudicio Ecclesiæ, etiam si hæc fallibili iudicio niti censeatur?

Dico I. Cum manifesta ratio ostendar, conformius illud esse veritati, cui plures viri graves prudentesque assentiuntur, quàm quod privatus quispiam suo iudicio complectitur ac tueretur, ideòque consensiones, senatus, conciliaque in rerum magnarum deliberatione instituta sint, ac temere & pertinaciter agere censendus sit, quisquis suo unius iudicio, multis in eandem sententiam conspirantibus sese objicit: manifestum quoque est à ratione illum damnari, quisquis discernere sese verius S. scripturæ sensum, quàm Ecclesiæ dictitat.

Dico II. Humanis quoque legibus unius iudicium & auctoritas, ceteris paribus, posthabetur consensio plurium. Unde illud manavit: *Vnus vir, nullus vir*. Omnium sese exponit risui, qui unus contra omnes sentire audet. Ipsa consensio intus le- & veritatis certæ obtinet. Unde Cicero de Nat. Deor. *Cum maneat ad unum omnium firma consensio, intelligi necesse est, Deos esse*. Et tamen non ignorabar, quo dàm Cicero huic tele consensio opponere. Sed hos nullo in numero adversus consentientem multitudinem habebat.

Dico III. Juxta leges divinas, in ore duorum, vel trium testium consistit omne verbum. & Jubemur in exortis controversiis dicere Ecclesiæ, quam qui non audit, Ethnicis publicanisque accensetur, Matth. 18.

Dico IV. Per S. literas, Pastoribus & Doctoribus Ecclesiæ, non aliis, tribuitur munus edificandi corpus Christi in unitate fidei, ne circumferamur omni vento doctrinæ, in deceptionem erroris. Eph. 4. Cum hoc privilegio non potest consistere illud, quod Protestantes privatis quibuslibet concedunt, ut Ecclesiæ Doctores ex scriptura judicent; sed contrarium prorsus, ut sententiæ privatorum per Ecclesiæ Doctores ex verbo Dei judicentur, & corrigantur. Nam hoc ædificare corpus Christi in unitate fidei, hoc cavere ne per deceptionem erroris hæc unitas dissolvatur.

Dico

Dico V. ipsa adversariorum praxis & consuetudo per Synodos privatorum licentias, cum ipsis autoribus damnantium ac proscribentium, erroris Protestantes convincit. Ita (ut exemplo utar) in Synodo Dordrechtiana Batavorum, Remonstrantes qui synodice sententiæ obnitebantur, excommunicationis sententia perstricti sunt, & politicis, nisi assentirentur pœnis subiecti An. 1619. Cum tamen illi protestarentur sel. 37. *Synodice se decretis morem gerere per conscientiam non posse, quod ea qua divina voluntati convenirent Synodus præscriberet, nunquam regaturus iis, qua apud conscientias suas recte rationi & Dei verbo consentanea esse iudicarent.* At Synodi actum contra Remonstrantes probaverunt Theologiæ Facultates in Britannia, Genevæ, Palatinatu, Hassia, Embdæ, Bismæ &c. Par licet utriusque partis fundamentum, nempe conformitas suæ quam proponebat sententiæ cum S. scriptura, utrique se testimonio Spiritus Sancti & conscientiæ de veritate convinci profitebantur, citate tamen Remonstrantes, quod Synodo non accederent, jure existimari sunt: nisi concedant synodum injuriâ tales damnassee.

Dico VI. Non in praxi solam, sed speculatione etiam Ecclesiæ sententiam, præ sua adversarii; illic ubi consentiunt, amplectuntur. Paucis hoc manifestum faciam. Lutherani, Calvinistæ, & Anabaptistæ, quamvis in articulis fidei diffideant, ad eandem tamen scripturam Judicem provocant. Quod igitur integræ nationes consentiant, e.g. Saxones & Sveci in doctrina Lutheri, Genevenses & Scoti in doctrina Calvini, non in scripturam, aut illuminationem cujusque internam, quæ nunquam variant; sed Doctores & Confessiones, alibi alias, transfundi necesse est, nisi fortè genio cœli solique hæc in Schismate consensus, tam diversorum ingenio affectuque hominum, sit imputanda. Ego nihil præter Doctotum Confessionisque ubique receptæ personarum autoritatem, quam sequuntur, esse intelligo. Faciunt igitur, quod negant faciendum, qui solius S. scripturæ autoritate standum esse affirmant. Dicant enim Saxones Svecique, cur universi singulique verba illa, *accipite hoc est corpus meum*, proptè de pane simul & corpore, Genevenses & Scoti, cur figuratè, idque integtarum nationum consensu, ex eadem sacra scriptura per eandem divini Spiritus illumi-

illuminationem, intelligenda esse statuant? nonne quia confessionem tuam S. esse scripturæ conformem quævis partium, velut indubitatum, supponit? Cæci omnino sunt, qui hæc nō animæ vertunt. Doctores itaque & Confessio, hanc confessionem in defensione inducunt, non scriptura, quæ ubique est eadem.

Dico VII. ut quis in hoc iudicio, de convenientia suæ sententiæ cum S. scriptura, in cōscientia tutus sit, teneatur Ecclesiæ potius adversariis iudicio accedere, quàm suo inhzrere. Quod sic evinco. In ambiguo, ubi alterutra sententia periculum abertiādi à verà fide & salute complectitur, teneatur quilibet in re tam ardua sequi partem tutiorem. Sed Ecclesiæ sententia tutior est, quàm privati. Ergo hæc sequi tenebitur. Majorem propositionem nemo prudens negabit, nam ubi in alterutra parte error & damnatio est, non potest hæc esse in parte tutiori. Minorem, jam tot, quot ante potui assertionibus probavi. Sic velò nunc etiam ad oculum, ex ipsis adversariorum principiis, demonstro. Privatus quisque Christianorum eā tantum conditione certus est, se non errare in sua sententia, seu discreto iudicio, si videlicet hoc cū S. scriptura tanquam definitiva Dei sententia, & prima fidei regula conveniat. Verum, utiū de facto conveniat, hoc infallibili certitudine non assequitur: alioquin daretur in fidei articulis, præter Deum iudex infallibilis privatus fidelium quilibet, quod iudicium multò magis Ecclesiæ fidelium consentienti esset cōcedendum. Fieri enim non posset, in illa congregatione, ubi singuli non fallerentur, universos uno in consensu falli posse. Ideoque hoc in casu, si fieri posset, ut privatus contra Ecclesiā sentiret, huic tamen esset jure accedendum. Quidquid igitur de Spiritus privati illuminatione, ac testimonio fidelis poterit sibi polliceri, siue infallibile hoc esse dixerit, seu fallibile, semper Ecclesiæ sese adungere tenebitur. An possumus dubitare Paulum fuisse securum de Evangelii sui, quod neque ab homine accepit, neque didicit, sed per revelationem JESU CHRISTI habuit, veritate? Gal. I. Et tamen Gal. 2. ait, *ascendi Ierosolymam ad antecessores Apostolos*, secundum revelationem, & *consuli cum illis Evangelium, quod prædico in gentibus, seorsim autem iis, qui videbantur aliquid esse: ne foris in vacuum currerem, aut cucurrissim.* In quem locum D. Augustinus contra Faustum lib. 28. cap. 4. ira commentatur: *Si non invenisset in carne Apostolos, quibus communicando, & cum quibus conferendo Evangelium eiusdem societatis esse appareret, Ecclesia illi omnino non crederet. Sed cum cognovissent illum hoc annun-*

annuntiantem quod illi annuntiaverunt, & in eorum communione  
atque unione viventem, meruit auctoritatem. Accedit Hierony-  
mus Epist. 11. quæ apud eundem Augustinum est: *Exposuit Pau-  
lus Apostolus Evangelium, ostendens se non habuisse securitatem E-  
vangelii prædicandi, nisi Petri & qui cum illo erant sententia fuisset  
roboratum.* Imò ipse Petrus, in quibuldam dissimulanter Judai-  
zans ritibus in hac congregatione per Paulum, aliis utique ad-  
stipulantibus, correptus correctusque est Gal. 2. tanta erat auto-  
ritas conjunctorum, ut privatus quisque his se suamque sen-  
tentiam lubens submitteret. Conclusam igitur, cum eodem  
Paulo Phil. 3. v. 16. *Idem sapiamus, in eadem permaneamusque  
regula, imitatores mei estote, & observate eos, qui ita ambulant  
sicut habetis formam nostram.* Et Christo servatore nostro. *Is qui  
Ecclesiam non audit, est sicut Ethnicus & Publicanus.* Sed qui in  
controverso Scripturæ sensu, privatum contra publicum Eccle-  
siæ iudicium sequitur, non audit Ecclesiam. Ergo hic est sicut  
Ethnicus & Publicanus.

Dico IX Non est ratio, cur ille qui Scripturam S. quoad sub-  
stantia ab Ecclesia accipit, sensum quoque sententiamque ejus-  
dem S. Scripturæ ad eadem non adq. uat, cum pari utrumque  
autoritate tradatur, & securitate accipiat, imò hæc etiam major  
sit in sensu Scripturæ, quàm illius substantia. Cū libri sacri mul-  
tis errorum periculis, in descriptorum, typothetarum, hæretico-  
rum, & Judæorum manibus obnoxii fuerint: contra sensus S.  
Scripturæ auribus animisque fidelium ab Apostolis exceptus,  
posteriusque traditus, & per varios Doctores scriptoresque toto  
orbe spartus, tanto corruptionis discrimini obnoxius non fuerit.  
Quâ igitur fronte illis, qui mihi aliquam esse S. scripturam tra-  
dunt, nō credam potius, quæ illius scripturæ sententia sit, quàm  
Luthero Calvinoque & illorum asseclis? Cum Augustino te il-  
losque alloquat de utilitate credendi cap. 14. *Cur non apud eos  
potissimum diligentissimè requiram quid Christus præceperit, quo-  
rum autoritate commotus Christum aliquid utile præcipisse jam cre-  
didi? Tunc melius mihi expositurus es, quid ille dixerit, quem fuisse  
aut esse non putarem, si abs te hoc mihi commendaretur esse creden-  
dum? Hoc ergo credidi, ut dixi, fama, celebritate, consensione, vetu-  
state roborata. Vos autem, & tam pauci, & tam turbulenti, & tam no-  
vi, nemini dubium est, quin nihil dignum auctoritate proferatis. Qua  
igitur ista tanta dementia est? illis crede, Christo esse credendum, &  
à nobis discite, quid dixerit. Si digna Deo & salute nostra sapimus,  
in controverto scripturæ sensu discemus ab Ecclesia, à qua ali-*

quam Scripturam s. esse, ac fuisse omnino Christum didicimus. Aut si illud non facimus, omnis nobis exultationis ratio, & certitudo salutis sublata est.

§. VII. Cum infallibilis sit Ecclesiæ, sive illius Pastorum & Doctorum in rebus, ad salutem necessariis sententia, qui hanc non audit, non audit Deum.

**Q**uod si nunc etiam demonstrem, Ecclesiam Catholicam visibilem errare in fide universè non posse, adeoque esse infallibilem, plane obstinata mente ad interitum ruent, quicumque illam audire nolunt, atque ipsius, sententiæ acquiescere. Quæ in disceptatione inprimis notandum est, non esse nobis quæstionem hoc loco de Ecclesia, prout illa est Electorum invisibilis, quæ hæc solo Deo nota sit, imò propriè Ecclesia, seu convocatio hominum dici in hoc mundo nequeat; cum talis per se, vi vocis & acceptionis usitatæ, externa signa, ut convocationem, conjunctionemque quandam visibilem corporum, professionem ejusdem fidei, eodem ritus & sacra sequentium postulet: quæ non cadunt in electionem Dei invisibilem: dicuntur tamen de Ecclesia Catholica, & de illa, quam nos credere in symbolo Apostolico præstitemur, ut ideo hæc etiam visibile esse debeat. Iterum quando jubemur adire Ecclesiam eidemque obtemperare, Catholicam certè adire jubemur, & visibilem. Denique quando notas veræ statuunt Ecclesiæ adversarii, utique Catholicæ illius, in quam credimus, statuunt; at hæc sunt, vera verbi Dei prædicatio, & Sacramentorum administratio, quæ sanè in aures oculosque omnium incurrere necesse est. Quare dicere Ecclesiam, quæ orthodoxa & Catholica est, invisibilem esse, eò quod vera fides & electio Dei invisibilis sit, est (ut pari utar) dicere hominem, quæ homo est, invisibilem esse, eò quod anima ipsius sit invisibilis. Ut hominis anima, sic fides & charitas Dei (quæ Ecclesiæ veræ anima est) dignas se operationes exercet in corpore. Has non advertere brutorum magis, quàm hominum est.

Comparatur illa (a) civitati supra montem posita, & de cælo ornata insigni descendenti, b supra petram, & fundamentum Apostolorum extructæ, c Monti ædus domini, ad quam omnes gentes

a Mat. 5. Apoc. 20. b Mat. 16. Eph. 2. c Isa. 1.



gentes confluent, *d* nuptiis regis. & congregatis ibidem convi-  
vis. *e* Virginibus à Sponso ad nuptias invitatis. Et quis tam  
excois, qui hæc visibilia esse non sentiat, aut non dici de ortho-  
doxa illa & Catholica, in quam credimus, Ecclesia? Augustinus  
eodem nobilcum sensu loquitur Epist. 174. ad Severinum. Fa-  
cile inquit, est tibi attendere, & videre civitatem supra montem con-  
stitutam, de qua Dominus ait in Evangelio, quod abscondi non posset.  
Ipsa est enim Ecclesia Catholica, unde καθολικὴ grecè appellatur,  
quod per totum orbem terrarum diffunditur. Hanc ignorare nulli li-  
cet, ideo secundum verbum Domini abscondi non potest. Verum quid  
disceptamus, quando nulla ab Adversariis scriptura produci-  
tur, quæ bifidæ Ecclesiæ meminerit, aut aliam nobis in S. de-  
scribi literis, aliam in symbolo proponi asserat: ut ideo jam  
non in unam, sed geminam Ecclesiam credendum sit. Nam si  
illa Catholica, quæ in symbolo proponitur tantum sit Ecclesia  
invisibilis, quæ solos electos comprehendat: in scripturis verò  
etiam proponatur visibilis, quæ malos juxta bonosque comple-  
ctatur: illa quæ errare nequeat, hæc possit deficere. Quis non  
intelligat, tam diversa definitione Ecclesiæ, non unius, sed du-  
plici Ecclesiæ naturam proponi, idèque jam in duas Ecclesias  
credendum esse aut si indivisibili hic in tenis nexu Ecclesia ut-  
raque societur, tunc una non possit deficere subsistente altera,  
aut subsistere alia deficiente? Utrumvis ergo eligant adversarii,  
causâ ceciderunt. Quare si unam in terra nobis relinquunt  
Catholicam, eamque simul visibilem, indefectibilem quoque  
sunt relicturi. Nec refert deficere in partibus viriosis, nam &  
messis sua habet zizania, nec ideo illa eradicatur, sed matu-  
ritati & horreis servari jubetur, his igne contumpris. Mat. 23. In  
homine multa, quæ insunt, separati reicindique, salvâ ejus sub-  
stantiâ, vitæque possunt.

*d* Matt. 22. c. c. 15.

Jam errare universè hanc visibilem Ecclesiam Catholicâ non  
posse, (intelligo, non Romanâ singularem, sed quæ Romanæ est  
fidei toto orbe diffusam) apertissimis scripturis, ex parte supra  
tactis, evincitur Ego paucis illas syllogismis colligo. Ecclesia à  
Christo supra petram fundata, contra quam porta inferi non preva-  
lebunt, non potest deficere; sed Christus fundavit supra petram Ec-  
clesiam, contra quam porta inferi prevalere non possent. Matt. 16.  
18. Ergo hæc non potest deficere. Colligit idè Augustinus qui  
hoc argumēto est eloquens est, l. 1. de symb. ad Catechū. c. 6. ipsa  
inquit

inquit est Ecclesia sancta, Ecclesia una, Ecclesia vera, Ecclesia Catholica, contra omnes hareses pugnant, pugnare potest, expugnari non potest. Hareses omnes deinde exierunt, tanquam sacramenta inutilia de vite praecisa, ipsa autem manet in radice sua, in vite sua, in charitate sua, porta inferorum non vincens eam.

Ipse Christus Mat. 7. v. 24 Vir sapiens, inquit, fundavit domum suam supra petram, & descendit pluviae & venerunt flumina, & flaverunt venti & irruerunt in domum illam. & non cecidit, fundata enim erat super petram. Et quis neget sapientem Christum, talemque domum esse Ecclesiam?

Rursum ex S. Literis huius Ecclesiae visibilis stabilitatem colligo. Civitas supra montem posita, quam Deus fundavit in aeternum semper stabit. Sed Ecclesia Dei est civitas in monte, quam Deus in aeternum fundavit. Mat. 5. pl. 47. & 86 Ergo &c. Augustinus tua haec rursus eloquentia illustrat in Psal. 47. Non insultent, ait, haeretici per partes concissi, non se extollant, qui dicunt, ecce hic est Christus, ecce illic. Mat. 24 Qui dicit ecce hic est, ecce illic, ad partes inducit, unitatem promissit. Deus Reges in unum collecti sunt, non per schismata dissipati sunt. Sed forte ista civitas, quae mundum tenuit, aliquando evertetur. Absit. Deus fundavit eam in aeternum. Si ergo eam Deus fundavit in aeternum, quid time ne cadat firmamentum.

Tertio Ecclesia subiecta est Christo, ut sit sancta & immaculata Eph. 5. & desponsata ipsi in sempiternum Ole. 1. v. 19 Sed talis non potest deficere. Ergo &c. Confirmat Cyprianus de unitate Ecclesiae. Adulterari, inquit, non potest sponsa Christi, incorrupta est, & pudica. Iterum ex Apostolo I. c. v. 24. stabilitur. Ecclesia subiecta est Christo in omnibus. Ergo non potest univ. a refractari.

Quarto Aliqua Ecclesia est columna & firmamentum veritatis 1 Tim. 3. cum cuius Doctoribus Christus est usque consummationem seculi. Mat. 28. Sed talis est universalis, non sola particularis Ephesina. Ergo & illa est firmamentum veritatis. Duo hic ex S. literis argumenta complexus sum, Origines penè quatuor tract. 30. in Matth. complectitur, nostrae illustris confirmator sententiae. Non debemus, inquit, attendere eis qui dicunt, ecce hic est Christus non autem ostendunt, eum in Ecclesia, quae plena est splendore ab oriente, in occidentem, quae plena est lumine vero, quae est columna & firmamentum veritatis, in qua totus est adventus filii hominis dicentis omnibus, qui ubique sunt: ecce ego vobiscum sum omnibus diebus vitae, usque ad consummationem seculi.



Ue verò intelligas, non tantum universitatem fidelium non errare in rebus ad salutem necessariis sive credenda illa sint, sive facienda (quod adversarii aliqua nobis ratione largiuntur) sed etiam Pastores Doctoresque plurium Ecclesiarum, in concilio, vel extra illud, cum summo capite & Romanæ Ecclesiæ Pastore consentientes: sive omnes per suffragia, sive unus summus Pontif. x. omnium sententiam pronuntiet, tum ex iisdem supra dictis, tum aliis scripturis convincitur. Nam cum hi, ut Doctores Ecclesiæ, & tanquam os ipsius sententiam dicant, atque ab eorum doctrina populus dependeat, error qui ipsorum esset, in totam redundaret Ecclesiam. Et quos alios es aditurus, si jubearis, in re controversa, adire & audire Ecclesiam?

Dei per Isaiam c. 59. v. 20. testimonium nos dubitare hac in re non patitur. *Cum venerit in Sion redemptor, hoc sedus meum cum eis, dicit Dominus. Spiritus meus, qui est in te, & verba quæ posui in ore tuo, non recedent de ore tuo, & de ore seminis tui in sempiternum.* Igitur in Ecclesia Christi ab ore Pastorum Doctorumque Verbum Dei proficentium, illud in æternum non deficiet. Similis promissio licet in V. T. defuerit, tamen Deut. 17. præcipitur. *Venies ad Sacerdotes levitici generis, & ad iudicem qui fuerit eo tempore quæresque ab eis, qui iud. cabunt tibi iudicii veritatem, & facies quodcunque dixerint, qui præsumt loco, quam elegerit Dominus, & docuerint te juxta legem eius, sequerisque sententiam eorum.* Et Ezechiel. 44. v. 23. *Populum meum docebunt, quid sit inter sanctum & pollutum, & si fuerit controversia, stabunt in iudiciis meis, & iudicabunt.* Ipta hæc ratio docere poterat; Ut qui Ecclesiæ præfecti essent, de omnibus Ecclesiæ controversiis iudicarent. Idem ex Apostolo Eph. 4. manifestum, ubique docer, post Apostolos & Prophetas. Pastores & Doctores, ad adificationem Corporis Christi in unitate fidei, & erroris circumventionem cavenda, usque ad consummationem Sanctorum supersuturos. Denique ex Christo iplomet Apostolis eorumque successionibus promittente. Luc. 20 *qui vos audit, me audit, & Unde tale formo argumentum, Qui vos audit, me audit, sed qui me audit, viam & veritatem audit.* Ergo qui vos audit, viam audit & veritatem.

Juvabit hujus argumenti orthodoxos quoque testes auscultasse. D. Basilii in constit. Monast. c. 22 *Quod Apostolis dixit, qui vos audit, me audit &c. intelligendus est in commune legem sanxisse in posteros, qui aliorum futuri erant moderatores.* Idem multis iisdemque certissimis divinarum literarum testimoniis, manifestissimisque argumentis probari potest. Et D. Cyprianus Epist. 69 ad Floj

Florentium. Nec hac, inquit, iactō; sed dolens praefero, cum te iudicem Dei constituas, & Christi, qui dicit ad Apostolos, ac per hos ad omnes praepositos, qui Apostolis vicaria ordinatione succedunt. Qui audit vos, me audit, & qui me audit, audit eum qui misit me: & qui rejicit vos, me rejicit, & eum qui me misit. Aliquantō hæc etiam desertius Epist. 55. ad Cornelium tractat atque ex S. literi. diducit. Quomodo, inquit possunt censuram Domini ultoris evadere, qui talia ingerunt, non solum fratribus, sed & Sacerdotibus, quibus honor tantus Dei dignatione conceditur, ut quisquis Sacerdoti eius, & ad tempus hic iudicanti non obtemperaret, statim necaretur? In Deuteronomico c. 17. loquitur Dominus Deus, dicens; & homo quicumque fecerit in superbia ut non exaudiat sacerdotem, aut iudicem, morietur homo ille &c. Item ad Samuelem, cum à Iudæis sperneretur Deus dicit, non te spreverunt, sed me spreverunt, 1. Reg. 8. Et Dominus quoque in Evangelio, qui audit vos, me audit &c. Cum hæc tanta & talia, & multa alia exempla precedant; quibus sacerdotalis auctoritas & potestas divina dignatione firmatur: quæ es putas esse eos, qui Sacerdotum hostes, & contra Ecclesiam Catholicam rebellis, nec pramonentis Domini comminatione, nec futuri iudicii ulcione terrentur. Neque enim aliunde hæreses oborta sunt, aut nata sunt scismata, quam inde quod Sacerdoti Dei, non obtemperatur, nec unus in Ecclesia ad tempus sacerdos, & ad tempus iudex vice Christi cogitatur. Cui si secundum magisteria divina obtemperaret fraternitas universa; nemo adversus sacerdotum collegium quicquam moveret: nemo post divinum iudicium, post populi suffragium, post coepiscoporum consensum, iudicem se, iam non Episcopi, sed Dei faceret: nemo discidio unitatis Christi Ecclesiam scinderet: nemo sibi placens ac tumens seorsim foris hæresim novam conderet.

Ex iisdem S. literis paria docet egregius scriptor Vincentius Lirinensis in libello adversus hæresum novitates. Beatiorum, inquit, Patrum sanctum Catholicumque consensum, ne quis temere contemnendum fortè arbitretur ait, ad Corinth. 12. Apostolus. Et quosdam quidem posuit Deus in Ecclesia, primū Apostolos, quorum ipse unus erat, secundo Prophetas, qualem in actibus Apostolorum legimus Agabum: Tertio Doctores, qui Tractatores nunc appellamur, quos hic idem Apostolus etiam Prophetas interdum nuncupat, eò quod per eos Prophetarum mysteria populis aperiebantur. Hos ergo in Ecclesia Dei divinitus per tempora & loca dispensatos, quisque in sensu Catholici dogmatis unum aliquid in Christo

*Christo sentientes contemplerit, non hominem contemnit, sed Deum. A quorum veredica unitate nequis discrepet, impensius obtestatur idem Apostolus dicens: 1. Cor. 1. Obsecro autem vos fratres, ut id ipsum dicatis omnes, non sint in vobis schismata, firis autem perfecti in eodem sensu, & in eadem sententia. Quod si quis ab eorum sententia communione disciverit, audiat illud eundem Apostoli, non est Deus dissensionis, sed pacis. Vident igitur facile quanta securitate sententiæ incedant, quotquot incedunt hac via. Qui scripturam S. hoc pacto non deserunt, sed cum Ecclesia multo certius assequuntur: juxta illius regulas & præscripta rationis tutissimi, humanis divinisque legibus muniti, ita ut inexcusabiles sint, quotquot suo sibi in scripturis dii judicandis ingenio ac spiritu, ab hoc tramite deflectunt.*

*Quæret fortassis aliquis, quæ ratione universalem Ecclesiam, vel adire, vel adire possit homo vulgaris, qui in certa particulari Ecclesia versatur, ejus Pastorem audit, qui errate in Verbi divini propositione possit, patrem utique in errorem inducturus plerisque rudiorum in auditoribus, qui ignorent, quid sit universalis Ecclesiæ, aut ejus Doctorum sensum consulere?*

*Respondeo. Ita a studioso veritatis auditore Pastores quisque Doctoresque privati Ecclesiæ audiuntur, ut si intelligat sententiam articulorum fidei talem proponi, qualis & à majoribus excepta est, & in aliis Ecclesiis ejusdem tempotis, cum Romana sentientibus, prædicatur, causam dubitandi justam habere non possit, quia particularis Ecclesiæ doctrinam, non ut illius solum, sed ut universalem admittit. At verò, ubi per talis Ecclesiæ Doctores intellexerit, Majorum fidei placita, tanquam erronea aliasque ac præsertim Rom. Ecclesiam velut abetrantem perstringi, cum quia particularis solum Ecclesiæ doctrina traditur, opposita universali, hanc nec debet, nec potest secure mente admittere. Ita dum Christo obsequimur, dum in controversiis rebus nos juberet audire Ecclesiam, particularem quidē adimus, sed audimus sententiā universalis Ecclesiæ, hoc est ralem, quæ & cum veri Ecclesiæ, & cum aliis singulatibus horum temporum Ecclesiis convenit. Idem Vincentius Litin. libello ante cit. circa finem paucis adstruit. Diximus, inquit, hanc esse semper, & esse hodiēque Catholicorum consuetudinem, ut fidem veram duobus his modis approbent. Primum divini canonis (Scripturæ S.) autoritate. Deinde Ecclesia Catholica traditione. Non quia canon solus non sibi ad universa sufficiat, sed quia verba divina*

pro suo plerique arbitratu impetrantes, varias opiniones erroresque concipiant, atque ideo necesse sit, ut ad unam Ecclesiastici sensus regulam scriptura celestis, intelligentia dirigatur in his duntaxat precipue quaestionibus, quibus totius Catholici dogmatis fundamenta nituntur. Item diximus in ipsa rursus Ecclesia universalitatis pariter, & antiquitatis consensum spectari oportere, ne aut ab unitatis integritate in partes schismatis abruptamur, aut è vetustatis religione in hæresim novitatis precipitemur. Hæc neglegi non possunt, quin qui vis facile observet fidelium. Idèdque rori mundo conspicui hoc in errore fuisse Lutherus, ZWinglius, Menno, Calvinus aliqui superiores seculi hæretici, qui & ab antiquitate, & à consensu universalis ac Romanæ præcipue Ecclesiæ ab Apostolis Petro & Paulo in doctrina fundatæ, eorumque irrigatæ pro Christo sanguine avocabant. Apostolicæ enim horum duorum Principum Ecclesiæ primas in hoc consensu partes debere, quis poterit inficiari? Sed hanc infra quaestionem executendam suscipiemus. Hoc tantum nunc monuimus, ut si inter plures Ecclesias, hinc atque inde oppositas, de fidei articulo dissensus oriretur, cum hac parte nobis standum esse intelligamus, quæ Apostolicam istorum Principum Ecclesiam habet suffragantem, & unum Christi in terris vicarium Sacerdotem summum & Iudicem, ut supra Cyprianus monuit, intuetur.

§. VIII. Certa nota hæreticorum errantium, ab Ecclesia ad solam scripturam, hoc est, suum de illa provocare iudicium: uti Catholicorum in scripturis controversis Ecclesiæ iudicio acquiescere.

**S**i aliud nullum esse deprehensæ hæreseos augmentum, quàm quod in controversis fidei & morum articulis ab Ecclesiæ auctoritate ad scripturam solam provocarent, hoc unum sufficeret; quia illud hæreticorum adèd proprium est, ut nulli unquàm nisi hæretici universim fecisse comperti sint, contraque orthodoxorum semper fuerit, Ecclesiæ iudicio malle, quàm proprio acquiescere. Unde Origines tract. 29. in Matth. Dicit, qui seducere voluerit nos, & defendere contraria veritati. Ecce hic Christus, demonstrans v.g. hunc Evangelii locum. Alius autem erroris auctor dicit: Ecce hic Christus, offerens ad exemplum alterum textum, qui videtur defendere mendacis illius Verbum, quod proposuit vin-

dicare. Et sic ex lege, & Prophetis & Apostolis profert unusquisque mendacium illud, ut veritatem, &c. Sed nos illis credere non debemus, nec exire à prima, & Ecclesiastica traditione, nec aliter credere, nisi quemadmodum per successionem Ecclesiæ Dei tradiderunt nobis, &c. Veritas enim similis est fulguri egredienti ab oriente, & apparenti usque ad occidentem. Qualis est veritas Ecclesiæ Dei, ab ea enim lonus in omnem terram exivit, & in fines orbis terræ verba eorum. pl. 18. Et D. Basilius in lib. de Spiritu S. adversus hæreticos agens. Sanè, inquit, contra id quod dicunt, propositionem carere testimonio, nec in scripturis extare; illud dicimus: si nihil aliud receptum est abque scripturis, ne hoc quidem recipiatur. Sin plurima arcana citra scripturam recepta sunt nobis, cum aliis plurimis & hoc recipiamus. Arbitror autem Apostolicum esse, etiam non scriptis traditionibus adharere.

D. Augustinus de Gen. ad literam l. 7. c. 9. Omnes, inquit, hæretici Scripturas Catholicas legunt, nec ob aliud sunt hæretici nisi quod eas non rectè intelligentes. suas falsas opiniones contra earum veritatem pervicaciter asserunt. Et in Plal. X. Ecce peccatores tetenderunt arcum, credo scripturas, quas illi carnaliter interpretando venenatas inde sententias emittunt, &c. Et Tract 18. in Joan. Neque enim nata sunt hæreses & quadam dogmata pervertitatis illaqueantia animas, & in profundum precipitantia nisi dum scriptura bona intelliguntur non bene, & quod in eis non bene intelligitur, etiam temere & audaciter asseritur. Itaque charissimi valde cavetè hac audire dolemus, ad qua capienda parvuli sumus, & corde pio, & cum tremore sicut scriptum est, hanc tenentes regulam sanitatis, ut quod secundum fidem, quâ imbuti sumus intelligere valuerimus, tanquam de cibo gaudeamus, quod autem secundum sanam fidei regulam intelligere non poterimus, dubitationem auferamus, intelligentiam differamus. Quæ ultima Sancti viri admonitio negligenda non est, ut si in re fidei controversa non constet nobis quomodo ex communi fidei regula, per Ecclesiæ consensum recepta, intelligenda res sit, sententiam differamus, donec ab Ecclesia consentiente lis decisa fuerit. Idem de baptismo contra Donatistas etiam disertius affirmat. lib. 7. cap. 53. Nobis, inquit, tutum est in ea non progredi aliqua temeritate sententia, quæ nullo in Catholico regionali Concilio cœpta, nullo plenario Concilio terminata sunt. Id autem si cura securæ vocis asserere, quod in gubernatione Domini Dei nostri, & Salvatoris Iesu Christi universalis Ecclesiæ consensione roboratum est.

Vide quanta securitate veritatis te in hac sententia frui asseram,

ram, non te potest metus Pontificum, ne aberrent, nec Conciliorum inter se dissidentium, aut corruptorum suspicio, non multorum etiam gravissimorum viro-um in Ecclesia error in præcipitium abripero, si in dubia Pontificum Conciliorum & Patrum fide, ad Ecclesie raptum consensum, & (si nec hic quidem satis exploratus sit) ad receptam antiquius fidei regulam te convertas, & quidquid in illa Majorum tuorum præseribit Ecclesia, hoc immotus teneas, in ceteris controversis suspendas sententiam, dum communi atque indubitata consensione universalis Ecclesie definita res fuerit. Quare, si, ut quondam factum, vel Pontificum legitima electio, vel sententia, vel etiam fides in dubium vocetur, si conciliorum anceps ratio, si Ecclesia scissa vel sine capite, & Pontifici Pontifex, Concilium concilio opponatur, si ambigas, ubi & inter quos vera sit Ecclesia, ne errore pericliteris, ista in accepta à Majoribus fidei lege, & quotquot hanc solam infringere conantur, his temet, securus veritatis, objice, & quantum vis speciosam divinarum scripturarum, aut aliorum Doctorum prætensionem negliges. Omne quod Majorum hanc legem convellit, iure suspectum est. Præclarum Epiphani hæresi, s. monitum est. *Termini nobis positi sunt, & fundamenta, & edificatio fidei, & Apostolorum traditiones, & scriptura S. & successiones doctrina.* Adversus conjunctam hanc vim in fide Majorum porta Inferi nunquam prævalerunt. Si de hac fide Majorum non satis liqueat, aut suspende (id repetito) sententiam, aut siquam libeat tueri, hanc communi Ecclesie iudicio, quod de illa formari poterit, volens submitte.

Dicam hic rem paradoxo simillimam Fieri posse, ut quispiam hujus regulæ observator, etiam errando sine noxa aberret ac scelere. Exemplo res clara erit, senserunt olim Patres quidam, mille annos Christum in hoc mundo cum Sanctis in summa tranquillitate ligato Satana regnaturum esse; sensit Cyprianus cum quibusdam, iterandum esse baptismum hæreticorum; sensit Augustinus cum aliis, pueris etiam, ut salvi esse possent, Eucharistiam dandam, ideoque lactentibus, ut fruerentur solum præbuere calicem. Plurium errores non memoro illi omnes interpretatione scripturarum cō proveci sunt, priusquam de Ecclesie totius sensu consensuque fuisset exploratum. Tam apertæ pro illis S. literæ loqui videbantur, ut hæretici hujus ætatis nihil par istâ claritate sententiæ queant producere. Nam Chiliastræ Joannem Apoc. 20. v. 2. 4. &c. diuertè audiebant monentem, quod *ligato Satana, Sancti Martyres in*

*resurre-*



resurrectione prima, cum Christo, mille annis regnaturi sint, ac deinde Antichristus venturus. v. 6. & 7. Cyprianus illa ponderabat verba: *qui crediderit & baptizatus fuerit: ac fides ab hæreticis exulat, quomodo ergo credunt? Si non credant, invalidum baptismum est. Ergo iterandum.* Augustinus illas sequebatur Christi voces: *nisi manducaveritis carnem filii hominis, & biberitis ejus sanguinem, non habebitis vitam* Joh. 6. Ergo, inquit, sine hoc cibo infantes non vivent. Agite DD. Protestantes, vos ex sola scriptura docete, hos convinci de errore posse, per necessariam scripturæ his contradicentis sententiam; aut si id non potestis, herbam porrigite.

Certè ad veteris Ecclesiæ universalis consensum, vobis transeundum est, aut hærebit aqua, nihil, nec invicta quidem consequentia, stabilietis. Sed hoc fortasse extra lineam, quamvis non omninò extra. Illud præcipuè hic dico, in ejusmodi sententiis Veteres Ecclesiæ Doctores errasse, sed sine crimine; quia Ecclesiæ iudicio hanc opinionem submiserunt, parati etiam oppositum admittere, si universalis Ecclesiæ consensione fuisset roboratum. Quod si qui aliorum olim Patrum non fecerunt (ut de Origene & Tertulliano anceps est) eos ab hæresi non absolvimus, quæ cum pertinacia adversus hanc fidei regulam errores suos tuetur.

His rectè observatis, larvæ illæ adversariorum, quibus Catholicos frustra hoc loco terrent, dum adversus Pontifices, Concilia, Patres integra effarciunt volumina, ad unicam hanc lucem legemq, omnes evanescunt. Nam ut omnes hos nonnunquam aberrare faciamus, fundatissimam tamen hanc causam nostram labefactare non possunt. Ubi antiquæ fidei regula explorata est, huic semper tutò insistitur, ubi novis opinionibus de fide concettatur, ad totius Ecclesiæ consensum, meam vel suspendo, vel refero sententiam, quod tanta securitate facio, ut etiamsi materialiter (sic loquar) errem, formaliter aberrare nequeam.

*Hic Terminus esto immotus cunctis.*

Non possum hic duorum non meminisse, quæ in ore adversariorum plerumque sunt, cum ad solam scripturam S. in controversiis provocant, alterum, ex Irenæo recitant lib. 3. cap. 1. *Apostolos Evangelium, primum quidem præconiauisse, postea vero per Dei voluntatem in scripturis nobis tradidisse, fundamentum & columnam fidei nostra futurum.* Alterum est, quo illud verbum scriptum in rebus ad fidem salutemque necessariis clarum omnibus esse fidelibus dicitur, Davide teste, *lucerna*

*pedibus meis verbum tuum* psal. 118. v. 105. Sed umbram pro rebus sectantur, & ex obscura, ac metaphorica scriptura illius claritatem, præclaro scilicet argumento, tueri conantur. Demus Irenæum vera loqui. Non docet claris omnem Dei voluntatem verbis, non explicitè universa (ut ipsi fatentur adversarii) non articulis tradidisse rerum credendarum omnibus, quando de solo fidei fundamento & columna, non toto ædificio loquitur. Nihil itaque Irenæus loquitur, quod tot Patrum supra auditorum senatui adversetur: & si diceret, non esset unus contra plures audiendus. Mirum verò est, quod à Lucernæ modico inter tenebras lumine pro claritate argumentum ducant, & à pedibus ad totum corpus, ab obscura scripturæ sententia ad illius perspicuam evidentiā argumententur, adeòq; vel sic probando semetipsos confutent. David ipse, cum hæc diceret, ex tenebris ad lumen aspirabat: *Revela, inquit, oculos meos, & considerabo mirabilia de lege tua. Et oculi mei defecerunt in salutem tuam, & in eloquium iustitiæ tuæ.* v. 123. Velatos igitur & deficientes in se oculos agnoscebat, neque lucernam ad illorum evidentiā sufficere. Quomodo hoc velum detrahendum, & subveniendum deficienti? *Declaratio sermonum tuorum* (quæ Doctorum Ecclesiæ est) *illuminat, & intellectum dat parvulis* (v. 130.) Ecclesiæ se iudicio submittentibus. Nostram itaque per Davidem fitmant, non destruunt sententiam; neque, siquid evincerent, minus illud de verbi traditi, quam scripti claritate obtinerent, quibus ad mutuam illustrationem junctis, facile illud lumen indulgemus.

§. IX. Ipsimet Protestantes fatentur in controverso scripturæ sensu, Ecclesiæ de illo iudicium, cuilibet privati hominis iudicio præferendum esse.

**I**psi Protestantes, in hac controversia, quâ ad Scripturæ, S. sententiam, definitionemque ultimam provocatum est, & hinc privatus quispiam, inde Ecclesiæ Doctores, extra synodum, vel in synodo collecti, statuunt, suam opinionem esse S. Scripturæ conformem, fatentur, Ecclesiæ iudicium cujuslibet privati iudicio anteferendum esse. Ago autem de provocatione ad scripturam ultimam, sive ad fundamentalem illius regulam & sententiam, quæ per aliam regulam, firmiterque ulterius, nova provocatione non possit. De hoc enim iudicio, quod Verbo Dei tanquam legi, seu regulæ credendi, motivoque assentiendi, ultimo acquiescit, potissimum disceptamus. Calvi-



Calvinus lib. 4. *Instit. cap. 9. §. 13.* Sic habet. Libenter concedimus, si quo de dogmare incidat disceptatio, nullum esse, nec melius, nec certius remedium, quam si verorum Episcoporum synodus conveniat, ubi controversum dogma excutiarur. Multò enim plus ponderis habebit ejusmodi definitio, in quam communiter Ecclesiarum pastores invocato Christi spiritu consenserint, quam si quisque seorsum domi conceptam populo traderet, vel pauci homines eam privarim conficerent.

Theologi Palatini *in admonit. Christiana de libro Concordia cap. 12. & Paëus in Irenico c. 5.* Quid ergo, ajunt, erit faciendum, ut schisma rollatur, & vera ac solida concordia restituantur? Quid? nisi illud, quod fecerunt in tollendo schismate Antiocheno Apostoli, cum Antiochenis & aliis Ecclesiæ ministris ac Doctoribus: quod Episcopi Ecclesiarum in Samosatenco: quod Constantinus in Ariano: quod Theodosius in Nestoriano: quod Martianus in Eutychiano: denique quod fieri optat in controversiis præsentibus Augustana Confessio? synodus legitima & libera doctorum & bonorum virorum convocanda erit, in qua placidè, accuratè, & in timore Dei collatis sententiis, & examinatis rationibus, quid verbum Dei de controversiis pronuniet, Ecclesiis communi consensu exponetur.

Idem probat in sua Epanorthosi Eilbractus *cap. ult. Annot. 2.* Orthodoxi, inquit (Reformatos intelligit) ultro agnoscunt potiolem esse publicam Ecclesiæ ejusque legitimorum, communi consensu, receptam sententiam, quam hujus, vel illius Doctoris privatim conceptam. Verum tamen ex hoc nullatenus inferri debet, ullis hominibus quantumlibet multis, tribuendam esse auctoritatem S. Scripturæ majorem, ut ab illis ad hanc appellare non liceat. Quamobrem orthodoxi rectè distinguunt, inter definitionem, sive sententiam, sola judicantium auctoritate nitentem, & inter sententiam auctoritate S. Scripturæ fultam, atque hanc illa semper potiolem esse statuunt, sive à multis, sive à paucis recipiatur.

*Subjicit deinde*, Romanos auctoritatem Papæ omnibus Conciliis, & Ecclesiæ præferre, & determinationem sensus in scriptura S. ab Ecclesiâ, vel potius Papa suspendere, ut quorum definitioni velut infallibili acquiescendum sit. *Quæ & falsa sunt, & superius ab ipso dicta eversunt.* Cum in nullo apud nos fidei articulo reperiantur. Ecclesiam nobis audiendam esse fateamur, sive Verbum Dei traditum, sive scriptum, juxta consensum Patrum proponat. Verbo tamen Dei proposito, non ipsi

(nisi ut proponenti) assentimur; divina nos autoritas, non Ecclesia aut cum illa loquens Pontifex ad credendum impellit. Evertit idem Hilbrachus cum symmystis suis quæ proficitur, si privato cuilibet, indulgeat, ut a synodo sibi ad verjanti ad scripturam S. appellare. Nam sic privato simul indulgetur: ut quando inter hunc & synodum controversia est; *utra pars conformem magis eum scriptura sententiam tueatur?* suam ipse, neglectâ synodo, præferre queat. Quo facto publicum Ecclesiæ de scripturæ sensu iudicium, privati hominis iudicio posthabetur, quod est thesin supra positam evertere. Neque enim quando eadem utriusque scripturæ sententia proponitur e. g. Ario & synodo hinc *Pater major me est*: & inde, *ego & Pater unum sumus*; Arius jure dicet: se à synodi ad magis definitam & claram scripturæ sententiam appellare; quia synodus ejusdem scripturæ sententiam amplectitur; sed manifestum erit, Arium iudicium proprium iudicio synodi, quod pars utraque de sensu scripturæ format, præferre. Quam arrogantiam cum Protestantes meritò nobiscum damnent, ejusmodi provocationem hominum privatorum adversus Ecclesiam absolute damnare coguntur.

Lutherus deniq; suo hæc suffragio confirmabit. *De antiqua Ecclesia*, tom. 7. fol. 562. *Germ.* Ecclesia nec debet, nec potest mentiri, nec errores docere, ne in minimis quidem; cum Deus sit os Ecclesiæ, & Deus mentiri non possit, sic etiam Ecclesia nequit. Et in *Epist. ad Marchion. Brandeb* tom. 2. *Germ* fol. 243. Periculosum & horrendum est quicquam vel audire, vel credere, quod adversatur unanimi testimonio fidei, & doctrinæ sanctæ & Catholicæ Ecclesiæ, quam inde u'que ab initio per annos mille quingentos unanimiter servavit. Et ad *cap. 5. epist. ad Gal. edit prima*. Vero verius est, quod Hilarius, Cyrillus, Ambrosius, Augustinus & multi plures etiam sanctitate polluerunt, qui aliis, qui in cœnobiis degerunt, præferendi sunt. Enimvero Evangelium & fidem in Christum absque ulla hypocrisi purè & simpliciter tradiderunt; hæreticis restiterunt & Ecclesiam ab innumeris erroribus expurgarunt. Et contra *Zwinglium & Oecolampadium*. Si diutius steterit mundus iterum erit necessarium propter diversas scripturæ interpretationes, quæ nunc sunt, ad conservandam fidei unitatem, ut concilioium decreta recipiamus, atque ad ea confugiamus.

*Hic igitur testimonium* & Lutherus seipsum conficit, quando aliàs ipse in controverso scripturarum sensu, à Patribus, Conciliis,

ciliis, Uni versaque Ecclesia, ad scripturam, eâ, quâ ante monui, ratione provocat, & non (quod fallò jactat) scripturam illis, sed suum de scriptura iudicium, illorum iudicio anteposit. Ut cum ipse e. g. contendit : Paulum, cum dicit hominem *fide iustificari*, de sola fide intelligendum esse, ideoque hanc vocem suis etiam bibliis inserere, toti Ecclesiæ procaciter insultando ausus est. Ubi manifestum est Lutherum non ipsa scripturæ clarissimâ verba (quæ hoc loco deerant) sed suum iudicium, Ecclesiæ iudicio opposuisse, adeoque suamet sententia damnatum esse. Cum nec ratio, nec scriptura, nec ipse Lutherus tantam perversitatem arrogantiamque in sentiendo probare queat, quâ unus suum anteferat iudicium universis.

Porro cum scripturam ipsam clarissimâ ubiq; in rebus fidei salutisq; necessariis, sententia, tanquâ ex ore Dei prolata, contrariū ajunt decidere, neq; aliū præter hanc requiri iudicē, aut iudiciū, planè fallunt. Ut ex ipsorum testimoniis constare poterit, quibus de perspicuitate & obscuritate scripturæ cōcludunt.

Chamierus *Tom. 1. lib. 15. cap. 4. §. 16.* ex Gregorio de Valentia sic statuit. Duobus ait, modis fieri, ut ad salutem necesse sit credere aliquam fidei veritatem. Uno, cū absolute & simpliciter necesse est, ut veritatem hanc aut illam fidei noris, & credas: altero, cum (quia omnis infidelitas est prohibita) non licet tibi sine jactura salutis credere aliquem errorem, ulli veritati fidei contrarium. Inde fieri, ut etiam si aliquam fidei veritatem absolute non necesse habeas nosse & credere; sub conditione tamen debeas illam, & credere, & nosse: scilicet, si contingat tibi ejusmodi veritatem proponi, cum opposito errore. Porro priori modo paucarum admodum veritatum fidem & cognitionem omnibus fidelibus ad salutem esse necessariam: posteriori autem modo omnes omnino. Jam illas veritates priori modo necessarias perspicue ferè in scripturis ipsis doceri comprehendiq; in Apostolorum symbolo; alias autē prope infinitas secundo modo credendas majori ex parte contineri in scripturis obscurè, ideoq; (quod *subsumo*) ex clara illius sententia non cognosci.

Eilbrachtus hæc concludat in *via Comp. cap. ult. §. Videmus*, Catholici haud gravatè, inquit, fatentur, illas veritates, quæ simpliciter omnibus & singulis fidelibus ad salutem scitu credituque sunt necessariae, satis perspicue in S. literis exprimi. Hæc autem referunt articulos fidei principales, ejusmodi sunt. *Esse Deum, eumq; colendum esse, & fore remuneratorem colentibus ipsum. Christum esse filium Dei, Deum & hominem inor-*

tuum pro peccatis nostris; resuscitatum propter iustitiam nostram; regnare nunc ad dextram Patris, venturum ad iudicandum vivos & mortuos. Iustis aeterna vite premia, iniustis aeterna mortis supplicia irrogaturum, & alia id genus, tam clarè in S. literis tradita, ut à nemine eas recipientem in dubium vocari possint. Proinde de his rectè dici posse concedunt: *non esse obscura, nec dubia, nec iudice opus esse, qui de his sententiam ferat.* Imò si quis de iis iudicem requirat, hunc iure cæcis comparari, quibus iudice opus est, an sol meridie luceat. At de aliis veritatibus quæ tantum sub conditione (si scilicet sufficienter una cum oppositis erroribus explicatæ fuerint) ad salutem scitu credituque sunt necessaria, longè aliter statuunt. Nempe, eas non ita clarè in scriptura exprimi, quin ab illis, qui eam recipiunt, diversimodè intelligi, aut in dubium vocari queant. Necessarium proinde in his esse Iudicem, qui auditis & examinatis dissidentium rationibus, clarè sententiâ ferat; quinam S. scripturæ genuinū sensū perceperint, suaque dogmata ex principiis fidei indubitatis legitime deduxerint. *Hæc ille.* Quibus utrimque admissis, non est quod amplius de orthodoxæ Ecclesiæ iudicio, reliquis privatis anteferendo dubitemus. Ceterum quænam hæc Ecclesia sit, infra sup loco patebit.

#### ARTICULUS VI. De Deo trino & uno.

Hæc sancta scriptura a nos docet, in illa singulari & simplici essentia diyina subsistere tres personas, Patrem filium & Spiritum S. Patrem videlicet primam ordine causam & originem rerum omnium: b Filium autem ejus Sapientiam & Verbum æternum: Spiritum S. ejusdem virtutem, potentiam, & efficaciam: Filium ab æterno ex Patre genitum: Spiritum S. ab æterno ex Patre & Filio procedentem: quæ tres personæ non sint confusæ, sed distinctæ, nec tamen separatæ; sed coessentiales, coæternæ & coæquales. Denique in hoc mysterio approbamus, quod vetera illa quatuor concilia determinarunt, & omnes sectas à vetustis illis sanctis Doëtoribus, veluti Athanasio, Hilario, Cyrillo, Ambrosio & ceteris, ex verbo Dei damnatas, detestamur. OBSERVATIO.

In substantia rerum credendarū hic articulus cum Romano-Catholicis convenit. Fallit tamen in illo, quod hæc à S. Scriptura, ita ut ponit, doceri asserat. Nam quæ obsecro Scriptura docet: Spiritum S. à Patre, & filio procedere, quæ tradit hos esse coessentiales & coæquales? quæ cum simplici naturarū essentia distin-

a Deut. 4. v. 12. Matt. 28. v. 19. 1. Jo. 5. v. 7.

tionem

b 1. Jo. 1. Ro. 1. v. 3. 4. c Gen. 1. Jo. 1. v. 2. Col. 1. v. 16. Heb. 1. v. 2.

*tionem personarum* realem coniungit? Certè scriptura antè citata, id satis non præstat. Ideoq; necesse habuit Confessio ad veteris Ecclesiæ Concilia Sanctosq; Patres se convertere, ac Verbum Dei traditum Ecclesiæq; autoritatè nobiscum, venerari. Quod si ex animò fecerit, convenimus. *Vide quæ in art. 30. & finæ huius operis de conciliis dicemus.*

## ARTICULUS VII.

Credimus Deum, cooperantibus tribus personis, sua virtute, sapientia, & bonitate incomprehensibili condidisse universa, id est, non tantum cælum & terram omniaque eis contenta; sed etiam invisibiles spiritus, a quorùm alii in exitium præcipientes ceciderunt: & alii in obedientia perstiterunt. Itaque illos quidem dicimus, f ut sunt suapte malitia depravati, esse omnis boni, ac proinde totius Ecclesiæ perpetuos hostes: hos vero mera Dei gratia conservatos, g ministros esse illius gloriæ, & electorum salutis.

d 2. *Per. v. 24. Iud. 6. c Ps. 103. v. 20. 21 f Ioh. 8. v. 44 g Heb. 1. v 7. & 17.*

## ARTICULUS VIII.

Credimus h Deum omnia non tantum creasse; sed etiam regere, & gubernare, ut qui pro sua voluntate i disponat, & ordinet, quidquid in mundo evenit. l Negamus tamen illum esse autorem mali, aut eorum, quæ perperam fiunt, ullam culpam in ipsum transferri posse. m Cum ipsius voluntas sit summa & certissima omnis iustitiæ norma, n Habet autem ipse admirabiles potius, quàm explicabiles rationes, ex quibus sic utitur diabolus omnibus & peccantibus hominibus, tanquam instrumentis, ut quidquid illi malè agunt, id ipse, sicut iuste ordinavit, sic etiam in bonum convertat. o Itaque dum confitemur, nihil prius non interveniente ipsius providentia & ordinatione fieri, humiliter adoramus arcana nobis occulta, neq; in ea quæ captum nostrum superant, inquirimus. Imo verò usui nostro applicamus, quod scriptura quietis & tranquillitatis nostræ causa docet. p Deum videlicet, cui res omnes subiectæ sunt, paternæ sollicitudine pro nobis excubare, aded, ut ne pilus quidem capitis nostri defluat, absque eius voluntate. q Satanam autem & omnes nostros adversarios, sic tenete constriçtos, ut nisi potestate ipsis facta, ne tantillum quidem nobis incommodare possint.

E 5

S. I.

h *Psal. 104. i Prov 16. v. 4. Matt. 10. v. 29. Act. 17. v. 24. Rom 9. v. 11. l. Osea 13. v. 9. Et 1. Ioh. 2. v. 16 & 3. v. 8. m. Psal. 5. v. 5. & 11. Ioh. v. 22. n. Act. 2. v. 23. 24. 27. o. Rom. 9. v. 19. 20. & c. 11. v. 33. p. Math. 10. v. 30. Luc. 21. v. 18. q Gen. 3. v. 15. Ioh. 1. v. 6. & c.*

## §. I. Reformatio de autore peccati &amp; obdurationis.

**D** eum non ordinare ut fiat, nec velle peccatum credimus Da-  
vidi. *quoniam non Deus volens iniquitatem tu es.* Sed odisti  
omnes qui operantur mendacium. & Odio enim Deo sunt impius &  
impietas eius s Propter quam ab æterno priusquam natus esset,  
aut aliquid mali egisset, Esau odio habuit. Unde apud Jeremi-  
am queritur, *adificaverunt excelsa Baalim ad comburendos filios  
suos: gni in holocaustum Baalim: quia non precepit, nec locutus sum,  
nec ascenderunt in cor meum.* Quare licet Deus cuius vult mise-  
retur, & quem vult, (subtrahit gratiam, in pœnam peccati) in-  
durat, u, atque ira quosdam in reprobam sensum tradat, x Christi  
mortem, Josephi captivitatem, &c. decreverit. y nemini tamen  
mandavit Deus impiè agere. z Nemo igitur & malum dum tenta-  
tur, dicat, quoniam à Deo tentatur; Deus enim intentator malo-  
rum est. a Vertit tamen Deus omne malum ad finem bonum,  
quia universa propter semetipsum operatus est Dominus, impium quo-  
que in diem malum b supplicii ob scelera infligendi, non tamen sic  
ut velit mortem impij, spiritalem sed magis, ut convertatur à via  
sua. Ezech. 33. v. 11.

r Psal. 5. v. 5. s Sap. 14. 14. v. 9. t Ier. 19. v. 5. u Rom. 9. v. 18. x  
Rom. 1. v. 18. y Act. 4. v. 27. & Gen. 5. v. 19. z Eccli. 15. v. 21. a Iac.  
1. v. 13. b Prov. 16. v. 4.

## §. II. OBSERVATIO.

**S**atis ambiguū est, num Genevenses cum suo Calvino senti-  
ant, qui libro 1. Instit. c. 18. §. 4. & l 3 c. 23 §. 7. 8. & 9. docet,  
non permittente solum; sed volente Deo peccare & petire im-  
pios: an nobiscum, qui quidem statuimus ordinare Deum, ut  
malè acta in bonum convertantur; non tamen, ut quisquā ma-  
lè agat, hac enim definitione postremā, & indifferentiam huma-  
ni arbitrii ad malum bonumq; & divinæ voluntatis æquiritatem  
(quæ utraq; in S. literis testatissima nobis est) nemo satis tue-  
bitur: homini necessitatem, Deo impietate affinget, cum, quod  
Deus non fallente eventu ordinat, ille non possit non exequi:  
hic ut primus autor, ita causet, ut ipsius ordinatione posita, ne-  
cessariò sequatur, non posita, nullum sit. ideoque nunquam in  
alio justè puniturus sit nefas, quod suā, & inevitabili quidē or-  
pinatione patratum est. Nec excusandus intentione suā, quā ip-  
se ad bonum ordinando exequendoq; malum hominis actum  
refert, cum nec homo quidem malum operans, intendat aliud,  
quàm bonum, illo titulo à malitia perpetrati sceleris nunquam  
excipiendus. Sic ergo tales constringo. Qui bono intento ordi-  
nat



nat executioni actum legi divinæ adversantem, peccat; sed Deus ita (ut malè statuunt) ordinat executioni talem actum. Igitur peccat. Si dicant, ordinate actum, non ejus difformitatem cum lege. Contra est, quia ordinat quidquid habet realem entitatem; sed illam habet difformitas, quæ est relatio actus cum lege disconvenientis res utrique non figmentum. Eisdem ipsam quoque ordinat difformitatem, & est *volens iniquitatem*. Denique si odium Dei, intrinsecè malum, velit, vult sanè iniquitatem. Ut ut demum sentiant, aut nostram debent Reformationem admittere; aut clarissimæ scripturæ obnuntiari. Indurat Deus quandoque hominem malè sua gratia usum, eam subtrahendo; vult Deus malum sæpe, ut physicum & à morali pravitare distinctum, ipsam verò difformitatem cum lege in eodem execrante. Ita Amos. 3. v. 6. queritur, *non esse malum in civitate, quod non fecit Dominus*; & Sapiens rectè dicit c. 14. quod *odio sit Deo impietas*. At odio non potest esse, quod ipse ordinat & faciat, qui *nihil eorum odit, quæ fecit*. Sap. 11. v. 25. Manebit igitur carmen Davidicum *Dilexisti (ô Deus) iustitiam, & odisti iniquitatem*. Hanc tamen veritatem tueri non possunt, quotquot indifferentiam arbitrii ad bonum malumvè tollunt ab homine. Vis enim fontem & principium mali? Audi Deum apud Jerem. cap. 8. *Quare, inquit, aversus est populus ille, in Ierusalem, a versione contentiosa? Apprehenderunt mendacium, & noluerunt reverti*, ut Deus præceperat. An potuit ordinare ne reverteterentur, hoc est, nolle qui voluit? & non potius illi nolle, in quo erat malitia: & Deus velle, in quo erat bonitas? Iterum per Zachariam c. 7. *Hæc ait Dominus exercituum, dicens, iudicium verum judicate, &c. noluerunt attendere*, & c. fons igitur mali humanum arbitrium liberè malum bono, per Deum volito præceptoque, anteferens. Homo est peccati solus autor, non Deus, esset verò, si, ut confessio loquitur, ordinareret; non est, cum generali solum concursu, & libertati electionique humanæ accommodo, tanquam autor naturæ cooperatur. Quod particulatim homo causa sit, quæ hunc influxum virtutemque Dei operativam, à quâ dependet, liberè, ex propositione objecti moventis, determinet. Quemadmodum (ut crasso exemplo utar) qui ex fune suspensus est, ad autum trahentis per aërem sequitur; si tamen ad propositum murum volens impeerit, etiam proprio motu agetur: & ut illius trahens, ita huius ipse causa motus censebitur, licet illo cooperante feratur. Postremò sic causam evinco. Tam Deus vult, quod

quod fieri præcipit, quàm quod ordinat, sed Deus præcipit Adæ ne edat; ordinat, ut edat. vult igitur contradictoria. Iterum quod Deus ordinat, necessariò fit; quod non ordinat, fieri nequit. *Pom*i igitur *esus* fuit Adæ necessarius, non *esus* impossib. adcoq; Adam non peccavit. Quæ cū & Deo & homini convenite nequeant, nefas erit asserere (Deum justè peccata; ut fiat, ordinare.

§. III. Patres orthodoxæ Ecclesiæ ex S. scriptura reformant.

**N**ysquam, inquit, D. Augustinus tom. 3. de spir. & lit. c. 31. legimus in S. scripturis. Non est voluntas nisi à Deo. Et rectè non scriptum est, quia non verum est: Alioquin etiam peccatorum quod absit, auctor est Deus, si non voluntas nisi ab illo, quoniam mala voluntas jam sola peccatum est, etiam si desit effectus, id est, si non habeat potestatem. Porro cum voluntas mala potestatem accipit implere quod intenditur, ex iudicio Dei venit, apud quem non est iniquitas. Rom. 9. punit enim etiam isto modo. Et tom. 7. contra Articulos art. X. Detestanda & abominanda opinio est, quæ Deum cuiusquam male voluntatis, aut male actionis credit autorem, cuius prædestinatione nunquam extra bonitatem, nunquam extra iustitiam est. Universalis enim viæ Domini misericordia & veritas psal. 24. Adulteria enim & matronarum corruptelas non instruere novit sancta divinitas, sed damnare: non dissonare, sed punire.

Idem 18. quæstione super Exod. Ut tale cor haberet Pharaos, quod patientia Dei non moveretur ad pietatem, sed potius impietatem, vitij proprii fuit: quod verò facta sunt ea, quibus cor suo vitio tam malignum resisteret iussionibus Dei (hoc enim est quod dicitur induratum quia non flexibiliter consentiebat, sed inflexibiliter resistebat) dispensationis fuit divina, qua tali cordi non solum iusta, sed evidenter iusta pœna parabatur, quia timentes Deum corrigerentur. En patientia, seu permissio Dei, & mali autor resistens divinæ voluntati Pharaos, & mali ordinatio, ut per pœnam Pharaonis timentes Deum corrigerentur. Eadem serm. 88. de tempore ex variis scripturæ locis illoque in primis Rom. 2. prosequitur: An ignoras, quod patientia Dei ad pœnitentiam te adducit. Tu autem secundum duritiam cordis tui, & cor impœnitens thesurizas tibi iram in die ira? Ubi duritia Dei non est, nisi tolerantis; sed hominis Deo resistentis.

Ita Tract. 53. In Joh. ad cap. 22. v. 39. Non poterant credere, quia dixit Isaias: Excœcavit oculos eorum. Quare, inquit, non poterant, si à me queratur, citò respondeo; quia volebant, Malam quippe voluntatem eorum prævidit Deus, & per Prophetam prænun-



riavit ille, cui futura abscondi non possunt. Sed aliam causam, inquis dicit Propheta, non voluntatis eorum. Quam causam dicit Propheta? Quia Deus dedit illis oculos, ut non videant, & aures, ut nō audiant, & excæcavit oculos eorum, & induravit cor eorum Is. 6. Etiam hoc eorum voluntatem meruisse respondeo. Sic enim excacat, sic indurat Deus, deserendo, non adiuuando. En totam causam in voluntatem hominis, non Dei ordinationē ab Augustino translata. Unde & D. Greg. l. 31. Mor. c. 11. Pharaonis cor Dominus obdurasse legitur non quod ipse duritiam contulit, sed quod exigentibus eius meritis nulla illud de super, infusit timoris sensibilibus molliuit. Sed altius hanc sententiam à priscis licebit Patrib<sup>9</sup> repetere.

Tertullianus contra Marcionem lib. 2. c. 1. Ecce, inquiunt, (hæretici) ipse se conditorem mali proficitur Esa. 45. ego sum qui condo mala. Amplexi enim vocabuli communionem, duas malorum species in ambiguitate turbantem, quia mala dicuntur & delicta, & supplicia: passim volunt, eum conditorem intelligi malorum, ut & mali ia iniuste autor renuntiatur. Nos autem, adhibita distinctione, utriusque forme, separatis malis delicti, & malis supplicii, suum cuique parti desinimus autorem, malorum quidem peccati & culpa Diabolum, malorum verò supplicii & pœna Deum. Intelligunt igitur Calvinistæ suum Patriarcham hac in sententiâ priscas in orbem hæreses revocasse.

Chrysostomus in verba Geneseos 2. De arbore scientiæ boni & mali, ne comedas. Nam manifestum est, Deum noluisse Adam peccare, qui voluit eum ante delictum præstruere. Potuit Adam & Deo parere, quod noluit: & consentire Diabolo, quod maluit.

Philastrius contra Coluth. hæ. 31. Tentationes persecutionis, diverſaque angustia, Deo permittente, insurgunt peccantibus. Non enim fecisse malam Deum naturam dicit scriptura alicubi. Ecce enim omnia erant valde bona Gen. 1. & alibi propheta, quoniam Deus malum non fecit, nec delectatur in perditione vivorum.

Hieronymus ad Ephesios 2. Univerſa operatur secundum consilium voluntatis suæ: Non quo omnia quæ in mundo sunt Dei consilio & voluntate peragantur, (alioquin & mala Deo poterunt imputari) sed quo universa, quæ facit, consilio faciat & voluntate.

Concludo cum D. Ambr. de Paradiso c. 8. Non necessitatem Deus, vel illi Adæ pravaricationis, vel huic Iudæ prodicionis imposuit: quia uterque quod acceperat custodisset, à peccato abstinere potuisset. Contradicunt huic malè adversarii, qui ordinatione Dei omnia evenire sentiunt. Nam sic Adæ quoque, necessitatem edendi fatentur impositam, quamvis, ut ajunt liberè, non

coactū dederit. Admittunt igitur Adamum priusquam peccasset, jam libertate illa arbitrii quæ à necessitate est, fuisse destitutum; adeoque necessariò edisse pomum ac peccasse. Excusabilis itaque & ipse & posteris; quia quod à Deo ordinatum erat, & vitare, impossibile hoc perpetravit, nec quicquam egit iusta & rationabili pœna dignum. O. Augustini voces sunt, lib. 14. de vera relig. *Si necessitate (Adam) fecisset, nullo peccati crimine teneretur*, cui Heidelbergensis Catechismus q. 9. ut mox videbitur, satis favet. Tam heterodoxa igitur adversarij malint rejicere, quam à nobis pertinaciter dissentire.

## ARTICULUS IX.

**C**Redimus a hominem creatum purum & integrum, & imaginem Dei conformem suam ipsius culpa excidisse à gratia, quā acceperat; ac proinde b seipsum à Deo omnis justitiæ, & bonorum omnium fonte abalienasse, adeò ut ipsius natura sit prorsus corrupta, & spiritu excæcatus, & corde depravatus, omnem illam integritatem, sine ulla prorsus exceptione amiserit. c Et si enim nonnullam habet boni & mali discretionem. d affirmamus tamē quidquid habet lucis, mox fieri tenebras, cum de quaerendo Deo agitur, adeò ut sua intelligentia & ratione nullo modo possit ad eum accedere. e Item, quamvis voluntate sit præditus, qua ad hoc vel illud moveatur, tamen cum ea sit penitus sub peccato captiva, nullam prorsus habet ad bonum appetendum libertatem, nisi quam ex gratia & Dei dono acceperit.

a Gen. 1. v. 26. Eccl. 7. v. 30. b Gen. 6. v. 5. & 8. v. 21. Rom. 5. v. 12. Eph. 2. v. 2. & 3. c Rom. 1. v. 21. & 2. v. 18. & 19. d 1. Cor. 2. v. 14. e Ioh. 1. v. 4. & cap. 8. v. 36. Rom. 8. v. 7. & 8.

Catechismi Heidelbergensis, quæstiones.

**Q**uæst 8. An adeò corrupti sumus, ut ad bene agendum prorsus non simus idonei, & ad omne vi. ium proclives? R. Certè nisi per Spiritum S. regeneremur g

Quæst 9. An non igitur Deus homini injuriam facit, qui ab eo in lege sua flagitat, quæ præstare non queat? R. Minimè h, nam Deus hominem talem condiderat, ut ea præstare posset. Verum homo impulsore diabolo, sua ipsius contumacia se & omnem posteritatem divinis illis donis orbavit. l

§ I. Reformationis.

f Rom. 7. v. 18. & 2. Cor. 3. v. 5. Gen. 8. v. 21. Iob 15. v. 16. g Ioh. 3. v. 5. h Rom. 1. v. 23. Eccl. 7. v. 30. i 2. Cor. 11. v. 3. l Rom. 5. v. 19. Gen. 3. v. 7.

## §. I. Reformatio de libertate hominis &amp; gratia.

**C**Redimus quidem, quod post lapsum animalis homo, non percipiat ea quæ spiritus sunt, m & sapientia carnis inimica sit Deo, u ut nemo possit dicere Dominus Iesus nisi in spiritu S. o sed Deus sit, qui operetur in nobis, & velle, & perficere, pro bona sua voluntate. p Ita tamen ut à nobis simul jure exigit. Cum metu, & tremore salutem vestram operamini q & operamini non cibum qui perit, sed qui permanet in vitam æternam. r Unusquisque enim propriam mercedem accipiet secundum suum laborem; Dei enim cooperatores (συνεργοί) estis. s Convertimini itaque ad me, & ego convertar ad vos, t & hodie, si vocem ejus audiveritis, nolite obdurare corda vestra. u Ego sto ad ostium, & pulso, si quis aperuerit mihi januam, intrabo ad illum. x Aperi mihi soror mea sponsa, y quæ non habes necessitatem, sed potestatem voluntatis tuæ. z Ah quoties volui te congregare sicut gallina congregat pullos sub alas suas, & noluisti! a Væ vobis, qui semper spiritui S. resistitis. b Proferam vobis spiritum meum, & ostendam vobis verba mea, quia vocavi & renuistis, extendi manum meam, & non fuit qui adspiceret, &c. ego quoque in interitu vestro ridebo. c Unde licet Deus sit qui prior excitet, pulset, vocet, operetur in nobis quod hoc non sit volentis, neque currentis, sed Dei misentis. d Audire tamen, aperire, respondere, cooperari nostrum est, ut cum Paulo aliquando dicere liceat, Gratia ejus in me vacua non fuit, sed abundantiùs illis omnibus laboravi: non ego autem, sed gratia Dei mecum. e Videte part. 2. Conc. tr. 1. art. 18.

m 1. Cor. 2. v. 14. n Rom. 8. v. 7. o 1. Cor. 12. v. 3. p Phil. 1. c. v. 13 q Ib. v. 12. r Ioh. 6. f 1. Cor. 3. v. 8. t Zach. 1. u Ps. 94. v. 8. x Apoc. 3. 20 y Cant. 5. v. 2. z 1. Cor. 7. v. 37 a Matt. 23. v. 37. b Act. 7. v. 51. c Prov. 1. v. 23. d Ro. 5. v. 11. e 1. Cor. 15. v. 10.

## §. II. OBSERVATIO.

**S**I obvio, usitatoque p̄scis Patribus sensu, has scripturas admittant, nihil in hoc articulo dissidemus. Multi jam propriùs, deserto Calvino ac Luthero servilis arbitrii patronis ad veritatem redeunt, nec libertatem in civilibus & moralibus homini prolapsò auferunt: quibus etiam à ferali illa ordinatione liberorum actuum, per quam causæ determinantur ad unum, & libertas quoad speciem exercitiumque actus eripitur, recedendum est, ne umbram potius, quàm rem libertatis reliquissè videantur.

De supernaturalibus atque ad salutem spectantibus actionibus gravior nobis est disceptatio, videturque Confessio hanc (obscure licet) inferre, quando ait. *ad quarendum Deum bonumque homini nullam, nisi ex gratia & dono Dei libertatem relinqui.* Si enim hic sensus sit, solius esse gratiæ, voluntatem ad bonum supernaturale appetendum moveri, ut voluntas virtute sibi innata gratiæ non cooperetur, sed trahatur solum necessario obsequens, nunquam potens reluctari, nec facto ipso sæpius reluctans, damnabili opinione à nobis & S. literis divellitur: Si verò admittit, oblatam homini gratiam posse respui, ac posse eidem ita resisti, ut vel oppositum eligat voluntas, vel saltem omittat actum, ad quem gratia inclinatur, cum scriptura & SS. Patribus commodissime loquatur, vitabitque longissime errorem, in quem Calvinus olim, nunc etiam Jansenistæ præcipientes abeunt. Siquis tamen, cum moderatioribus Thomistis mediâ incedat viâ, hunc non damnabimus. Libertatem illam umbratilem, quæ intrinsicam necessitatem potentiæ actusque admittit, coactionem solam proscribit extrinsecam, seu violentiam, quæ voluntarium destruat, jure detestamur, tanquam vitæ aut miseræ desperatæ, aut stolidæ præfidentis fontem. Hoc ut melius assequaris, expono illam, quæ communior adversariorum est, sententiam. Asserunt voluntatem nostram ex lapsu Adæ, post amissam primam justiciam adedò debilitatam, ut ex se velle nihil possit boni ad salutem nostram spectantis; sed oppositum tantum huic bono malum, donec gratia divina per illam operetur. Et hoc quidem in sensu facile convenimus. Sed cum tradunt, gratiam hanc ita voluntatem inflectere, ut licet hæc spontaneo voluntarioque in bonum motu feratur, adedò tamen necessario ferri, ut rejicere hanc gratiam voluntas, eique resistere, vel eligendo in specie oppositum, seu bonum, seu malum, vel omittendo in exercitio actum, non possit: libera tamen maneat, quòd nemo per violentiam cogat, imò cogere omnino nequeat agentem; cum quidquid rationalis voluerit, omnino voluntarium sit. A brutis hæc re differre, quod, cum consilio & deliberatione autè inter objecta discernat, quam in unum præ alio feratur. Quare juxta illos libertas est *facultas agendi ex consilio sine coactione*, quæ radicaliter sit in intellectu, formaliter in voluntate resideat: juxta nos verò, est *facultas cum consilio agendi, vel non agendi, unumque præ alio, ex multis quæ ad certum finem conducunt, eligendi.* Cum qua ratione nulla neque necessitas intrinseca, neque coactio extrinseca

trinfeca potest consistere. Et hanc facultatem, si in homine fidei, ex scriptura, ratione & orthodoxæ Ecclesiæ sententia repetiri ostendimus, causa hæc manifestè nostra est, renentique veritati Protestantes accedere. Habet libertas illorum hoc protulit absurdum, quod voluntatem à gratia sic impelli sentiant, ut necessariò ejus impulsus sequatur. Quod igitur, vel agat, vel non agat, atque hoc potius, quam illud homo præstet, non homini, sed Deo adscribendum est. Irrita igitur omnis Dei, per se suosque Pastores admonitio, increpatioque est, quando nolle ac velle divinæ potestatis, non humanæ est potestatis. quomodo enim monere potest, ut nos salutem operemur, convertamur, aperiamus pulsanti; si ipse solus operatur in nobis, convertit, aperit? quomodo increpat his verbis, *volui & noluisse? extendi manum, & renuisti; dedi spiritum & restitisti*, cum illo per datam gratiam seriò volente, manum extendente, spiritum dante, nemo nolle, renuere, resistere potuerit? aut si fecerit, ceitum sit illum noluisse, adeoque (quod horrendum est) fallere, & mentiri? quomodo dicimur *laborare cum gratia, cooperatores Dei esse, necessitatem non habere, sed potestatem* Deum sequendi, nisi liberè voluntas præstat, quod potuit omittere? aut non præstat, quod exequi potuisset? Verùm audiamus, orthodoxam Majorum nostrorum Ecclesiam vos sanctè verèque ex verbo Dei reformantem, cui opinor, non lubebit refragari.

### §. III. Patres orthodoxæ Ecclesiæ ex scriptura reformant.

**C**lemens Romanus Apost. Const. l. 6. c. 20. *Hæc est lex bona & sancta, non coacta: si feceris, inquit, mihi aram ex terra facies. non dixit fac, sed si feceris, non imposuit necessitatem, sed potestatem, utpote libera, permisit.*

Irenæus lib. 4. c. 71. Quoties, ait, volui congregare filios tuos & noluisse? Matth. 23. *Veterem legem libertatis hominis manifestavit, quia liberum cum Deus fecit ab initio, habentem suam potestatem, sicut & suam animam, ad utendum sententia Dei voluntariè, & non coactum à Deo.* Ex cap. 72. *Propheta hortabantur homines iustitiam agere, bonum quoque operari, quia in nobis fit hoc &c. Nec tantum in operibus, sed etiam in fide liberum & sua potestatis arbitrium homini servavit Dominus: dicens: secundum fidem tuam fiat tibi. Matth. 8. Vade & sicut credidisti, fiat tibi. propriam fidem hominis ostendens, quia suam habet sententiam.* Origenes Philocaliæ

cap. 21. Videamus, quomodo Paulus velut potestatem arbitrii habentibus nobis loquitur, & tanquam in nobis ipsis, vel salutis, vel perditionis habentibus causam, ait. Rom. 2. An divitias bonitatis, ac patientiæ, ac longanimitatis contemnis, ignorans, quia benignitas Dei ad pœnitentiam te adducit? secundum duritiam autem tuam, & cor impœnitens, thesaurizas tibi iram, in die iudicii, & revelationis iusti iudicii Dei, qui reddet unicuique, secundum opus eius &c. Infinita quidem alia in sanctis scripturis reperies arbitrii libertatem constituentia. Et hom. 2. de diversis, in Joh. 1. Recipientibus dedit potestatem filios Dei fieri, non recipientibus dat adhuc spatium recipiendi. A nullo enim auferitur possibilitas credendi Dei filium, & possibilitas essendi Dei filium. Hoc enim in arbitrio hominis, & cooperatione gratiæ constitutum est.

Cyprianus lib. 1. Epist. 55. conversus ad Apostolos (postquam eum discipuli reliquissent) dixit: nunquid & vos vultis ire? servans scilicet legem, quâ homo libertati suæ relictus, & in arbitrio proprio constitutus sibi metipsum, vel mortem appetit, vel salutem.

Basilii magnus in Isaia cap. 1. Si volueritis & audieritis me. Hoc maximè loco velut ob oculos exhibet, libertatem arbitrii humana natura indultam. Si autem nolueritis. Ex eo, quod noluerunt, consecutum, quia nec audierunt. Ad eundem modum beatitudo omnis, & quæ in supplicio, quæve inter tot molestias traducitur vita, utrumque à nostra pendet facultate.

Chrysostomus in locum Isaia, si volueritis & audieritis me bona terræ comedetis. Si velle, & nolle vestrum non esset. Hoc est, si vivendi rectè, an secus libertas adempta nobis fuisset, nec bonus unquam cœleste munus digne perciperet, nec malus supplicium competens inveniret.

Hieronymus ad caput 5. Galat. In hac verba v. 7. curtebatis bene, quis vos impedivit non obedite veritati? persuasio hæc non est ex eo, qui vocat nos. Aliud inquit, est Dei opus, aliud hominum, Dei opus est vocare, hominum est credere, vel non credere. Et sicuti alibi de scripturis liberum hominis affirmatur arbitrium, ut ibi, si volueritis, & audieritis me II. I. Et iterum: Israel, quid à te Dominus Deus tuus? Exod. 19. & ex hoc vel maximè comprobatur. Verum simpliciores quique putantes, se deferre Deo, ut persuasio quoque in illius sit voluntate, abstulerunt vocem orationis NON, & sensum contrarium Apostolo reddiderunt. Si ve ergo in bonam, si ve in malam partem, nec Deus, nec Diabolus in causa est; quia persuasio non est ex eo, qui vocavit nos, sed ex nobis: quia vel consentimus, vel non consentimus.



Cyrillus Hierosolymitanus Catechesi 4. *Ex nostro arbitrio peccamus, ne quem audias differentem malè. Scis hoc dicere (Paulum Rom. 7.) quod nolo hoc facio, sed memineris etiam dicentis, si volueritis, & audieritis bona terræ comedetis Is. 1. & sicut exhibuistis membra vestra servire immunditiæ, & iniquitati ad iniquitatem, ita & nunc exhibite membra vestra servire iustitiæ in sanctificationem Rom. 8. & c. Libèrū arbitrium habet anima: & potest quidem Diabolus incitare, cogere autem, præter voluntatem, omnino nil potest. Subiicit tibi scortationis cogitationes, si vis probas, si nolis improbas. Si enim ex necessitate scortareris, cuius gratia Deus gehennam præparasset?*

S. Augustinus de gratia & liber. arbit. c. 2. *Revelavit Deus nobis per scripturas S. esse in homine liberum voluntatis arbitrium. Primum, quia ipsa divina præcepta homini non prodesse, nisi haberet liberū voluntatis arbitriū, quo ea faciens ad præmia perveniret, & c. Mandata sua custodiri, & fieri Deus jubet. quomodo jubet, si non est liberum arbitrium? Quid beatus ille de quo Psalm. 1. dicit: quod in lege Domini fuit voluntas ejus, nonne satis judicat voluntate sua hominem in lege Dei consistere? Deinde, tam multa mandata, quæ ipsam quodammodo nominatim conveniunt voluntatem, sicut est: Noli vinci à malo, sed vince in bono malum, Rom. 12. Nolite repellere consilia matris tuæ: Prov. 1. Noli intelligere, ut bene ageret. & noluerunt accipere disciplinā & c. Qui vult venire post me, abneget semetipsum. Matt. 16. Et Paulus 1. Cor. 7. quod vult faciat, non peccat si nubar, qui autem statuit in corde suo nō habens necessitatē servare virginitatem suam bene facit. Item dicit. 1. Cor. 9. si autem volens hoc facio, mercedem habeo. Et Timotheo 1. Tim. 4. noli negligere gratiam, quæ in te est. & ad Philemonem: ne bonum tuum velut ex necessitate esset, sed ex voluntate & c. Nempe ubi dicitur: noli hoc, & noli istud, & ubi ad aliquid faciendum, vel non faciendum in divinis monitiis opus volūtatē exigitur, satis liberū demonstratur arbitrium. Nemo igitur Deum causetur in corde suo, sed sibi imputet quisq; cum peccat. Neq; cum aliquid secundū Deum operatur, alienet hoc à propria voluntate. Quando enim volens facit, tunc dicendū est opus bonū, tunc speranda est boni operis merces ab eo, de quo dictū est, qui reddet unicuiq; secundum opera suā Matt. 16. Rom. 8.*

Br lib. 3. Hypognosticon c. 9. & 10. *Ait Paulus Apostolus. Rom. 8. spiritus adjuvat infirmitatem nostram. Nam quid oremus, sicut oportet nescimus, sed ipse spiritus postulat pro nobis, id est, postulare nos facit, gemitibus inenarrabilibus & c.*

*Est igitur liberum arbitrium, quod quisquis esse negaverit, catholicus non est: & quisquis sic esse dixerit, quod sine Deo bonum opus, id est, quod ad ejus sanctum propositum pertinet, nec incipere, nec perficere possit, Catholicus est. Quibus enim dicitur in psalmis, nisi liberum arbitrium habentibus: Venite filii, audire me, timorem Domini docebo vos? Psal. 33. Item à Domino in Evangelio Matth. 7. omnis qui audit verba mea hæc, & faciet ea. & iterum Iohan. 15. vos amici mei estis, si feceritis, quæ ego mando vobis. Et ab Apostolo Corinthiis 2. Cor. 8. Hoc enim vobis utile est, qui non solum facere, sed & velle cœpistis ab anno priore: nunc verò & facto perficite, ut quemadmodum promptus est animus voluntatis, ita sit & perficiendi? Quomodo autem unicuique secundum opera sua redderetur in die judicii, nisi liberum esset arbitrium? Et ideo, non est personarum acceptio apud Deum. Quicumque enim sine lege peccaverunt, sine lege peribunt, & quicumque in lege peccaverunt, per legem judicabuntur. Rom. 2. In omni itaque sancto opere prior est voluntas Dei, posterior liberi arbitrii, id est, operatur Deus, cooperatur homo.*

*Et rursum ut quorundam objectionibus occurreret, de gratia & libero arbit. c. 9. Non enim quia dixit: Deus operatur in nobis, & velle, & operari, pro bona voluntate Phil. 2. v. 13. ideo liberum arbitrium abstulisse putandus est. Quod si ita esset, non superius dixisset: cum timore & tremore vestram ipsorum salutem operamini, quando enim jubetur, ut operentur, liberum illorum convenitur arbitrium.*

*Etc 15. Ne autem putetur, nihil ibi facere homines, per liberum arbitrium, ideo in psalmo dicitur 94. Nolite obdurare corda vestra, & per Ezechiel. c. 18. Projicite à vobis omnes impietates vestras, quas impiè egistis in me, & facite vobis cor novum, & spiritum novum, & facite omnia mandata mea; ut quid moriemini domus Israel? dicit Dominus: quia nolo mortem morientis, dicit Adonai Dominus, sed convertimini & vivetis. Meminerimus Deum dicere, sed convertimini & vivetis: cui dicitur: converte nos Deus Psal. 84. Meminerimus Deum dicere: projicite à vobis omnes impietates vestras, cum ipse justificet impium. Rom. 4. Meminerimus ipsum dicere, facite vobis cor novum & spiritum novum, qui dicit: dabo vobis cor novum & spiritum novum dabo vobis. Ezech. 36. Quomodo ergo, quod dicit facite vobis, hoc dicit: dabo vobis: facere dare jubet, si ipse daturus est? quare dat, si homo salurus est? nisi, quia dat quod jubet: & adjuvat, ut faciat, cui jubet.*

Et



Et ibi. cap. 15. Non autem ego, inquit, sed gratia Dei mecum 1. Cor. 15. id est, sed gratia Dei mecum, ac per hoc, nec gratia Dei sola, nec ipse solus, sed gratia Dei cum illo.

Idem August. in Epistolam Joh. tract. 4. in verba: omnis qui habet spem hanc in ipso, castificat semetipsum: sicut & ipse castus est. 1. Joh. 3. v. 3. Videte quemadmodum non abstulit liberum arbitrium, ut diceret, castificat semetipsum, Quis nos castificat, nisi Deus? sed Deus te nolentem non castificat. Ergo cum adjungis voluntatem tuam Deo, castificas remetipsum. Castificas te, non de te, sed de illo, qui venit, ut habitet in te. Tamen quia agis ibi aliquid voluntate, idè & tibi aliquid tributum est, ut dicas: Adjutor meus esto, ne derelinquas me Psal. 26. Si dicis, adjutor meus esto, aliquid agis: nam si nihil agis, quomodo adjuvas?

En quanta scripturarum luce Sancti Patres atque imprimis D. Augustinus (quem adversarii sibi favere credunt) dissipet, quidquid vel olim, vel nunc, huic veritati de cooperatione liberi arbitrii caliginis objectum est, quam procul non solum coactionem, sed omnem necessitatem operantis submovet, & quàm solidum fundamentum jacet meritorum cooperationis liberæ? Cum quibus illa quæ adversarii ex S. literis atque ipso etiam Augustino producunt composita non difficilem intellectum, citra cujusquam interpretis glossemata consequuntur. Illa adversariorum corruptela, quæ ex parte aliqua scripturarum arguunt, neglecta parte altera, hic egregiè ab Augustino libro de gratia & libero arbit. c. 9. & 15. per necessariam locorum compositionem refellitur, cui opinor, prudens æquusque arbiter submisso judicio acquiescet.

§. IV. Protestantes, veteris orthodoxæ Ecclesiæ Doctores sibi in hoc articulo adversari, fatentur.

**Q**uandoquidem nihil potest confessione propria adversariorum validius adversus illos telum reperiri, audiamus quemadmodum erroris suæ se damnent sententiâ. Cum enim fatentur orthodoxam sibi in hoc articulo fidei Ecclesiam adversari, se heterodoxiz in illo tuendo reos faciunt.

Calvinus lib. 2. Instit. c. 3. §. 10. Voluntatem (Deum) movet, non qualiter multis seculis traditum est & creditum, ut nostræ postea sit electionis motioni aut obtemperare, aut refragari, sed illam efficaciter efficiendo. Illud ergo torius à Chrysostomo repetitum tum repudiari necesse est. Quem trahit, volentem trahit. Et ibi §. 7.

Hoc, *inquit*, perperam homini tribuitur, quod gratiæ præveni-  
enti pedissequa voluntate obsequatur. Ideo non rectè à Chry-  
sostomo scriptum est. *nec gratiam sine voluntate, nec voluntatem  
sine gratia quicquam posse operari.* Joan. cap. 2. §. 4. universè ple-  
ròsque Patrum arguit. Vereres, *inquit*, mihi videntur hoc consi-  
lio vires humanas sic extulisse, ne si impotentiam disertè essent  
confessi, Philosophorum cachinnos excuterent, &c. Tamen si  
verò Græci præ aliis, atque inter eos singulariter Chrysostomus,  
in extollenda humanæ voluntatis facultate, modum excessere-  
runt, veteres tamen omnes, excepto Augustino, sic in hac re, aut  
variant, aut vacillant, aut perplexè loquuntur, ut certi ferè nihil  
ex eorum scriptis referteliceat, &c. Nam, quasi integer staret  
homo, semper apud Latinos libeti arbitrii nomen extitit; Græ-  
cos verò non puduit multò arrogantius usurpare, vocabulum,  
siquidem *ἐπιβουλῆς* dixerunt, ac si potestas sui ipsius penes  
hominem fuisset, &c.

Centuriatores Magdeburg. in præfatione de secundo seculo A-  
postolis proximo sic habent. Admiratione simul & deploratione di-  
gnum est, quod tam citò magnæ obscuraciones magnorum ar-  
ticulorum fidei sensim inciderunt. Nam doctrina de libero ar-  
bitrio statim hoc seculo cœpit vitari, nimiumque viribus hu-  
manis tributū est. Et ib. Centur. 2. c. 4. Nullus ferè doctrinæ lo-  
cus, qui tā citò obscurari cœperit, atq; hic de libero arbitrio, &c.  
Autor responsionum apud Justin ad quæst. 103. plenius buccis in  
hæc verba erumpit. *Quid tota legis justitia? diligere Deum plus-  
quam seipsum, & proximum ut seipsum. quod quidē non est im-  
possibile hominibus volentibus.* Irenæus quoq; in eandem senten-  
tiam multa Prophetarum, Christi & Pauli dicta detorquet, quæ  
admodum in toro c. 72. l. 4. videre est. Ubi præter illa quæ nos  
supra citamus addit c. 72. omnia possibile sunt credenti, & va-  
de sicut credidisti fiat tibi, & omnia talia sue potestatis secundum  
fidem ostendunt hominem. Eodem modo Clemens liberum arbi-  
trium ubiq; asserit. ut appareat in ejusmodi tenebris, non tan-  
tū fuisse omnes ejus seculi Doctores, verū etiam in postero-  
ribus eas subinde crevisse & auctas esse. l. 2. Strom. ait. *Nos libera  
& absoluta potestate eligere, & vitare. à Domino datum est homi-  
nibus, accepimus à scripturis.* Id. in cent. 3. c. 4. de doct. Obscurata,  
inquiunt, maximè hoc seculo, sicut & superiori fuit doctrina de  
libero arbitrio. Et infra de inclin. Doct. Ex Tertul. ranquam abet-  
rante, tectitant illa ex initio libri de exhort. cast. Cum utrumque  
ex præceptis ejus didicerimus, quid velit & quid nolit, jam vobis est  
volun-

*voluntas eligendi alterum, sicut scriptum est. ecce posui ante te bonum & malum. gustasti enim de arbore agnitionis, & ideo non debemus, quod nostro expositum est arbitrio, in Dei referre voluntatem. Ex Origene Hom. 12. in Num. Israel quid Dominus Deus poscit à te, quàm ut timeas eum? Erubescant illi hæc verba, qui in homine negant liberum arbitrium. quomodo posceret Deus, nisi haberet homo in sua potestate, quod Deo poscenti deberet offerre? Et Cypriano l. 3. ad Quir. c. 52. Credendi & non credendi libertatem in arbitrio positam in Deut. Ecce dedi, ante faciem tuam, vitam & mortem. item apud Isaiam, si volueritis, & audieritis me, bona terræ comeditis, & in Evangelio Luca. regnum Dei intra vos est. Ex Methodio ser. de Resurrect. Quomodo verò etiam liberum arbitrium in hoc mundo apparet? In nobis enim situm est, ut credamus, & non credamus iudicium, quomodo velut futurum amplius expectari potest, in quo Deus unicuique juxta opera, & secundum studium retribuit?*

In cent. 4. De incl. doct. p. 163. aiunt, Patres omnes ferè hujus ætatis, de libero arbitrio confusè loquuntur. citatque Athanasium, Basilium, Nazianzenum, Epiphanium, Hieronymum, Gregorium Nyssenum libertatem arbitrii adstruentes. Et Cent. 5. c. 4. sicut, ajunt, prioribus aliquot seculis doctrina de libero arbitrio depravata est, ita hoc etiam non pauci Doctores synergiam voluntatis humanæ nondum renatæ in conversione ad Deum asseruerunt. Etiam si autem interdum bene & sanè videtur loqui, tamen tandem liberum arbitrium, in rebus etiam spiritalibus, in ipsa conversione statuunt. Ex Chrysost illud produciunt Hom. 45. in Ioh. c. 6. Nemo potest venire ad me, nisi Pater, qui me misit, traxerit eum. Hoc, inquit, non tollit nostrum arbitrium, sed divino egere auxilio ostendit, & non invitum, sed omni venire conatu contendentem. Et ad c. 2. Phi. ser. 2. in hæc verba: Deus operatur in nobis velle Operatur, inquit in vobis. ut velitis, non aufert à nobis arbitrii libertatem, sed ostendit quod à rectè faciendo, multam, ut velimus, promptitudinem accipiamus. Ex Augustino, què interdum in eodem modo loqui fatentur. de solut. quest. 1. Neque, ait, voluntatis arbitrium ideo tollitur, quia juvatur; sed ideo juvatur, quia non tollitur. Qui enim Deo dicit, adjutor meus esto, confitetur, se velle implere quod jussit, adjutorium poscere, ut possit. Citant deinde præ eadem opinionem Cyrillum, Theodoretum, Eulychium, Thalassium, Theodulum, Faustum, Marcum Eremitam, Johannem Bassianum ejusdem seculi viros.

Hæc Calvini & Centuriatorum confessio ab aliis quoque

Protestantibus confirmatur, sic Whitakerus de Eccles. q. 5. c. 7. Bellarmino occurrit. Respondeo, verum esse, quod Calvinus ait, & qui centurias scripserunt, in multis errarum esse à veteri Ecclesia, ut delimbo, de libero arbitrio, & de operum meritis, &c.

Pareus Comment in Apoc. c. 6. v. 5. Quin, ait, & præcipui Patres Græci & Latini, Ambrosius, Augustinus, Hieronymus, Chrysostomus, aliquos exinde hauserunt errores, de matrimonio & cœlibatu, de gratia, & libero arbitrio. &c.

Manifesta igitur Confessione adversariorum tenemus, nostras quas hodie contra ipsos ruemur sententias, à veteri orthodoxa Ecclesia traditas esse, namque quam defendunt heterodoxiam oppugnare esse. Quos ipsi errores Veterum proclamant, nos veritatem ipsam in propositis articulis esse profiteri illisque ac scripturæ sacræ, ejus sensum ab ipsis hausere Apostolis secutius assentimur, quam Luthero, aut Calvino Spiritum sibi Apostolicum, post tot secula, arroganti ausu, atque impudica fidei novitate vendicantibus.

Quod verò, & Calvinus, & Centuriatores aliquos SS. Patrum, atque imprimis Augustinum, velint suæ assertores sententiæ, producant, omnino frustraneum est: nisi fateantur, illos ad eò inconstantes præposteroseq; in doctrina fuisse, ut ipsis sibi contradixerint. Siqua liberi arbitrii dicatur servitus, si qua necessitas, aut captivitas feratur à Patribus: tunc de homine, vel non nato, vel peccatore, & gratia redemptionis destituto, cum Paulo (qui tales servos peccati vocat) rectè loquuntur. Hoc solum dicimus, in salutis negotio, ubi Spiritus Domini, ibi libertas est, 2. Cor 17. Hanc qui Patribus, nobisque clavam non eripit, relinquit inexpugnabiles.

✠ (o) ✠



## §. V. A P P E N D I X.

De impossibili legis divinæ observatione , Ex  
Catechismo Heidelber-  
genſi.

## Q U Æ S T I O CXIV.

**P**ossuntne illi, qui ad Deum conversi sunt, præcepta Dei perfecte servare ?

Resp. Minimè. *a* Verùm etiam Sanctissimi quique, quamdiu vivunt, habent tantùm exigua inima huius obedientiæ. *b* Sic tamen, ut seridè, & non simulato studio, non secundum aliqua tantùm ; sed secundum omnia Dei præcepta vivere incipiant. *c*.

*a* 1. *Ioh.* 1 v. 8. *Iac.* 3. v. 2. *Eccl.* 7. v. 21. *b. Iob.* 9. v. 1. *Psal.* 19. v. 16 *Phil.* 3. v. 13. *c. Psal.* 18. v. 15. & 119. v. 60. & 106. & 122. *Rom.* 7. v. 22.

## Q U Æ S T I O CXV.

*Cur igitur vult Deus legem suam adeò exactè & severè predicari, cum nemo sit in hac vita, qui eam servare possit ?*

Resp. Primùm, ut in omni vita magis magisque agnoscamus, quanta sit naturæ nostræ ad peccandum propensio, *d.* tantòque avidius remissionem peccatorum, & iustitiam in Christo expectamus. *e.* Deinde, ut hoc perpetuò agamus, illud semper meditemur, & gratiam Spiritus S. à Patre impletemus, *f.* quo indies magis ac magis ad imaginem Dei renovemur, donec aliquando tandem postquam ex hac vita discesserimus, propositam nobis perfectionem latè assequamur. *g*

*d* *Rom.* 3. v. 20. & 4. v. 15 & 5. v. 13. 20. *e* *Rom.* 10. v. 3. 4. *Deut.* 31. v. 11 & *c. f. psal.* 119. v. 4. 5. 33. & *e. g.* 1. *Cor.* 13. v. 9. & *c.* 1. *Ioh.* 3. v. 2. & *c.*

## §. I Reformatio ex S. literis.

**C**Redimus, quod non sit homo iustus super terram, qui aliquando non peccet; h quia in multis offendimus omnes, i & si dixerimus, quoniam peccatum nullum habemus, ipsi nos seducimus, I nisi quis gratia plenus sit m aut sanctificatus. n Nam quisquis natus est ex Deo, peccatum non facit o Licet enim reperiamus cum Paulo aliam legem in membris nostris, repugnantem legi mentis nostrae, ut perficere bonum non inveniamus, tamen liberat nos de corpore mortis huius gratia Dei per Iesum Christum p. Nam quod impossibile erat legi, cum infirmabatur per carnem, Deus fitum suum mittens, damnavit peccatum in carne, ut iustificatio legis impleretur in nobis, qui non secundum carnem ambulamus, sed secundum spiritum q Monente Paulo: Spiritu ambulate, & desideria carnis non perficietis r Nec regnet peccatum in vestro mortali corpore, ut obediat concupiscentiis eius. s. Qui enim dicit, se nosse Deum, & mandata eius non custodit, hic mendax est. t Et mandata eius graviora non sunt. u Omnia enim possum in eo, qui me confortat. x Deo promittente: Spiritum meum ponam in medio vestri, & gratiam, ut in praeceptis meis ambuletis, & iudicia mea custodiat y qui elegit nos in ipso ante mundi constitutionem, ut essemus sancti, & immaculati in conspectu eius in charitate. z Hoc enim est mandatum eius, ut credamus in nomine filii eius, & diligamus alterutrum, sicut dedit mandatum nobis. Et qui servat mandata eius in illo manet, & ipse in eo. In hoc scimus quoniam manet in nobis de spiritu quem dedit nobis. a Hoc David praestitit: scrutabor, inquit, legem tuam, & custodiam illam in toto corde meo b De quo Deus ipse Ieroboamo, non fuisti, sicut servus meus David, qui custodivit mandata mea, & secutus est me in toto corde suo. c Ita de Iosia dictum: Similis illi non fuit Rex, qui reverteretur ad Dominum in toto corde suo, & in tota anima sua, & in universa virtute sua, iuxta omnem legem Moysi. d Idem de Zacharia & Elisabeth. erant iusti ambo ante Deum, incedentes in omnibus mandatis, & iustificationibus Domini sine querela e. Possibile igitur mandatum est: diliges Dominum Deum tuum ex toto corde tuo &c. & proximum sicut teipsum

h Eccl. 7. v. 21. i Iac. 3. v. 2. l Iob. 1. v. 8. m. Luc. 1. n. lb. v. 66. o I. Iob. 3. v. 9. p Rom. 7. v. 18. 22. 24. q Rom. 9. v. 3. & 4. r Gal. 5. v. 16. s. Ro. 6. v. 12. t. I. Iob. 2. v. 4. u. I. Iob. 5. v. 3. x. Phil. 4. v. 13. y. Ezech. 36. v. 27. z. Eph. 1. v. 4. 2. I. Iob. 3. v. 23 b. Ps. 118. v. 34. c. 3. Reg. 14. v. 8. d. 4. Reg. 23. v. 25. e. Luc. 1. v. 6.

reipsum, ex quo mandato omnis lex pendet & Propheta. f. Omnis enim lex in uno hoc sermone impletur. g.

f. Deut. 6. Mat. 22. g. Gal. 3. v. 14.

## §. II. Observatio.

**N**ihil his scripturis clarius disertiusque excogitari possit: nihil prorervius eis, qui his audent, manifestā depravatione, obistere, & opimum sapientissimumque legis Christianæ conditorem in crudelem vācordemque Tyrannum convertere. Loquimur autem de lege, quam Deus homini post lapsum tuam in gratiam per Christum Redemptorem recepto deo. Quid igitur asserunt? *Deus talem renatis legem condidit, & severè exactèque præcipit, quæ tamen servari non potest.* Impiæ voces, & in Deum blasphemæ, & in hominem iniuriæ! Arguit Ioannes *quisquis dicit se nosse Deum, & mandata eius non custodit, mendax est.* Condemnat Paulus. *Iustificatio legis impletur in nobis nam omnia possum in eo qui me confortat.* Exemplis suis confundunt David, Iosias, Zacharias. Verbo. *qui diligit, legem implevit.* Ille autem, sic, ut legi par est, toto corde diligit, qui quis rebus creatis omnibus Deum æstimatione sua & amore præponit. De hoc enim jure dixeris, quod Deum super omnia, toto corde viribusque, seu potentijs creatis diligit. Si non intensione, qua potest (neque enim hoc lege illa, quæ strictæ interpretationis est, postulatur) certè extensione rerum potentiarumque omnium, quæ necesse est.

Sed neque lex illa quæ vetat, *non concupiscere*, obstat, quod loquatur homini, ut rationi utenti, cui innoxia debet esse concupiscentia, quæ rationem prævenit liberumque arbitrium, ideoque non præcipit aliud, quàm Paulus Rom. 6. ne assentiamur, seu *obediamus concupiscentiis*, & quod Siracides c. 18. v. 30. *post concupiscentias suas non eas.* Verùm ad tantam sentiendi perverſitatem adigit Protestant, quod soli omnia fidei, nihil operibus, & obedientiæ plenæ mandatorum Dei tribui æstimationis gratiæque coram Deo cupiant. Cum originalis peccati vitio, suisque imperfectiōibus opera bona nostra lethifere inquinantur: solo nomine bona, reipsa scelerata: sub titulo obedientiæ manifesta Legis prævaricatio: sub nomine gratitudinis deo præstitæ, ingrata & execranda divino Numini, ideoque in desperationem rectè operandi, & obsequendi Deo necesse sit homines conijci, nilque per legis obedientiam, præter sordes & inquinamenta Superis offerri.

Et hos fructus esse fidei Regeneratorum suorum dicunt. Ita ex his illos ore iudicamus. Nobis cum Sacra Scriptura, & sentire, & legibus satisfacere multò est jucundius; non quod negemus, *in multis nos offendere*; sed quod asseramus, nos & explere illam quovis in mandato posse, & facto ipso explere sæpius, tale opus præstando, quod legi conforme sit, & nulla labe inquinatum, quorum utrumque adversarij perperam repudiant. Verùm iis dictum quoque est, Mat. 19. 17. *Si vis ad vitam ingredi, serva mandata.* At servare non possunt, confessione sua. Ergo &c, concludant ipsi. Respondent. electis non imputatur peccatum; sed attribuitur justitia Christi, qui pro nobis legem implevit. Præclare! sentiunt igitur se, dum concupiscunt, & mæchantur, & occidunt, (nisi fortè rectius sentiant aliqua se horum præceptorum explere posse) non tamen peccatores censerì posse: nos verò, etiam si his præceptis satisfiat, scelestis flagitiorumque istorum reos censerì: Se cum Davide in adulterio, iustitia Christi oblectos, ad culpam pænamque non observari: nobis nec cum Abrahamo quidem obsequentibus turum esse à supplicio subterfugium.

Per veritatem, salutemque hic omnes obtestor. Videant, quantum una hæc res absconditis complectatur. Potuìtne fieri, ut homini in gratiam recepto, perque suum redempto sanguinem, tam malè Christus vellet, ut legem illi præscriberet, idque sub mortis interminatione, ni exqueretur, impossibile? Quomodo vult, ut legem impleat, quam negando vires, noluit ab eodem impleri? Nunquid eiusdem est dare, ut velle possit, qui præcipit, ut velit? Inter mortales Rex injustus ac Tyrannus est, qui impossibilia præcipit plectiturque neglecta, etiam cum sentit potuisse illa impleri: & piusquam Tyrannus Deus non fit, qui hæc imperat, æternisque suppliciis neglecta punit, etiam dum videt impleri non posse? Stulti hominis est, impossibili fini obtinendo adhibere media; & hoc Deo sapientissimo legislatori tribuamus? Imò lex nulla est, quæ impossibile præcipit, quia chimæram præcipit; ac putum nihil. Neque quæquam hæc potest obligare, cum vitare non tenearis, quod vitari non potest. An volare tenebimur, sine alis, si Deus jubeat, & non æquè infans sit, qui ista seriò imperet, quam qui conetur implere? At in Adamo, aiunt, vitare ante lapsum hæc peccata licuit, & legem implere. Iterum præposterè, legem gratiæ sub Christi regno accepimus, quid hæc ad Adamum, & statum longè diversissimum ab illo, in quem nos Christus transtulit?

Sed



Sed quis finis tam perversæ legis, quæ inexplebilis est? *Ut*, inquit, *discamus quanta sit natura nostra ad peccandum propensio, & iustitiam in Christo expetamus, gratiamque spiritus S. imploremus, quo magis magisque ad imaginem Dei renovemur.* Rursum ineptè. Nam quis unquam ex re impossibili suam imbecillitatem, aut vires mensus est? Ira enim Deus inter imbecilles quoque censendus esset, ut qui nihil possit, quod impossibile est. Deinde quomodo is, qui per fidem Protestantium iustificatus est, iustitiam Christi expectet, quam certa se fide novit possidere? quomodo oratione suâ, peccatis inquinatâ, & quâ ipsamet legem Dei violat, se sperat divino spiritu donari, magisque innovari ad imaginem Dei posse? Sic urgeo, vel possunt orare, ut oportet, Deusque exigit ad impetrandum; & sic præceptum hoc implebunt. Vel hoc illis est impossibile, & sic frustra petunt; quia nunquam impetrabunt. Demus tamen argumentum subsistere, nobis illud favebit. Nam oratio talis, utique à divino procedet Spiritu, & sic inquinata esse non poterit. Quod si de oratione concesseris, quidni de ipsa charitate Dei concedas? Nunquid enim *fructus illi spiritus S. qui sunt charitas, gaudium, patientia, castitas* Gal. 5. &c. infecti esse poterunt, aut ab illo quicquam fluere divino spiritu, quod sit inquinatum? Postremò, querendum ab his hominibus, nunquid præcepto fidei obsequi Protestantes queant, ut *sicut oportet credant*? Si possunt, dabitur præceptum observatu possibile: si nequeunt, fide ac cælo toto exciderunt. Neque nos ipsis suum errorem proficientibus credere tenemur, Sed res suâ absurditate indigna est, cui disputando immoremur. Paucis itaque *S. S. Patrum testimoniis absolvam.*

### S. III Orthodoxæ Ecclesiæ Patres ex facta scriptura nos instituunt.

**C**lemens Alexandrinus lib. 2, Stromatum. *Divinum verbum clamavit, omnes simul vocans* (venite ad me omnes qui laboratis &c. Matt 11.) *eos quidem vel maximè cognoscens, qui parituri erant, & tamen quoniam est in nostra potestate parères ut nulli possint causare prætextum ignorantia; iustam facie vocationem. Quod autem præstare possunt uniuscuiusque vires exigit.*

Irenæus lib. 4. cap. 72. *Non tantum in operibus, sed etiam in fide liberum & sua potestatis arbitrium homini servavit* dicens:

*dicens: omnia possible sunt credenti, vade, & sicut credidisti; fiat tibi.* Marc. 9. v. 22. & c. B. Basilius in regulis brevior. *Interrog.* 176. Diligite inimicos vestros, & benefacite his qui odierunt (Matt. 5. v. 44.) *sine dubio non praecepisset hoc, qui bonus & iustus est, nisi etiam facultatem, quae id faceremus fuisset largitus.* Et orat. in illud. Attende tibi & c. *impium, inquit, est dicere, impossibile esse spiritus praecepta.*

5. Cyprianus Tom. 1. Epist. 25. Ite, docentes eos servare omnia, quaecunque praecepi vobis. *Matt.* 25. Et Ioannes Apostolus mandati memor, in epistola sua postmodum ponit: in hoc inquit, intelligimus, quia cognovimus eum, si praecepta eius custodiamus. Qui dicit, quoniam cognovit eum, & praecepta eius non servat, mendax est, & veritas in illo non est. *Hac praecepta cum custodienda suggeritis, divina & caelestia mandata servatis.* Hoc est esse confessorum Domini, servare vocis suae inviolatam circa omnia, & solidam firmitatem & c. Et lib. de Univ. Eccl. *Iustitia opus est, ut promereri quis possit Deum Iudicem. Praeceptis eius & monitiis obtemperandum est, ut accipiant merita nostra mercedem.* Dominus in Evangelio, cum spei & fidei nostra viam compendio brevissime dirigeret. Diliges, inquit, Dominum Deum tuum de toto corde tuo, & de tota anima tua & c. *Matt.* 12.

S. Hilarius in illud *Psal.* 118. Latum mandatum tuum nimis. Latum, inquit, mandatum Dei est. & in omnia spei nostra genera diffunditur, ut non difficile sit, si voluntas adsit, praecepto Domini obtemperare.

S. Chrysostomus lib. 1. de Compunct. cordis. *Revera, inquit, ipse pronuntiavit de praeceptis suis, quod nihil in illis laboriosum sit, & nihil onerosum, dicens: Jugum enim meum suave est, & onus meum leve.* *Matt.* 11. & c. Non respicientibus nobis quae videntur, sed quae non videntur. 2. *Cor.* 4. 18. Et hom. 8. de poenit. Nequaquam Dominum accuses, haud mandat impossibilia. Multi & ipsa superant praecepta.

S. Augustinus de grat. & lib. arbit. c. 6. Certum est nos mandata servare si volumus *Eccl.* 15. v. 16. quia praeparatur voluntas à Domino *Prov.* 8. Ab illo petendum est, ut tantum velimus, quantum sufficit, ut volendo faciamus, de quo dictum est. A Domino grellus hominis dirigentur, & viam eius volet. *Psal.* 36. de quo dictum est. Deus operatur in vobis velle & operari. *Phil.* 2. Et lib. de nat. & gratia c. 69. Eo ipso, quo firmissimè creditur, Deum iustum & bonum impossibilia non potuisse praecipere, hinc admonemur, & in facilibus quid agamus, & in difficilibus quid petamus.

*Omnia*

*Omnia quippe sunt facilia charitati, cui uni Christi sarcina levis est* *Mat. 11. Secundum hoc dictum est: & praecepta eius gravia non sunt. 1. Ioan. 5. & c. Conuersus ergo quisque sicut tibi praecipitur ad Dominum Deum suum ex toto corde tuo, & ex tota anima tua. Mat. 22. mandatum Dei non habebit grave. Quomodo enim grave erit, cum sit dilectionis mandatum? Aut enim quisque non diligit; aut diligit, & grave esse non potest. Et ser. 61. de tempore, sed dicit aliquis, nulla ratione possum inimicos diligere. Mat. 5. In omnibus scripturis Deus tibi dicit, quia potes. Tu è contrario respondes non posse. Considera nunc, utrum tibi, an Deo debeat credi? Et ideo quia veritas mentiri non potest. Vanas excusationes suas relinquat humana fragilitas; quia nec impossibile aliquid potuit imperare, qui iustus est, nec damnaturus est hominem, pro eo quod non potuit vitare, qui pius est.*

#### §. IV. Ex ipsa Protestantium confessione veteris Ecclesiae sensus tenetur.

**C**ALVINUS *lib. 2. Inst. c. 7. §. 5.* Quod, inquit, impossibile legis observantiam esse diximus, solet vulgò absurdissima sententia videri, ita ut Hieronymus (*in explan. symb. ad Damasum*) non dubitaret anathema illi denuntiare. Quid visum sit Hieronymo, nihil moror: nos quid verum sit inquiramus.

Centuriatores in primo ab Apostolis seculo hanc doctrinam agnoscunt. *Cent. 2. c. 4. de oper. Clemens*, aiunt, vim originalis peccati non satis perspexit, & obedientiam legalem renatis omnino possibilem esse, magno errore, iudicavit. Et supra *de lege. Autor* responsionum in *Iustino* ad legis possibilitatem inclinatur, & exemplo probat Pauli, qui de se ipso pronuntiat, *se in iustitia legis fuisse irreprehensibilem* Phil. 3. v. 6. Ac cum obijci posset, Paulum respexisse illo dicto ad iustitiam externam coram hominibus: statim annectit exemplum *Zachariae & Elisabetha, qui fuerunt iusti coram Deo ambulantes in omnibus praeceptis* Luc. 1. v. 6. Quin & dictum Rom. 3. v. 20. confutat: *non iustificari ex lege carnem ullam; significans, hoc ideo dici, quia homines possible noliunt: non quia impossibilia non possint.* Haec illi plura ex istdem sequentia secula suppeditant. In altero enim ab Apostolis seculo fatentur: De legis possibilitate. *Origenes* multa tubinde inculcat: Ut ubi Decalogus exponit. ho. 8. in Exod. hoc videtur asseverare, *quod baptizati per omnia possint legem implere.* Idem ait *Auctor hom. in Cant.* Non est inordinatus sermo divinus, nec impossibilia praecipit. Et *Cyprianus* ser. de baptis. Christi. Quia, inquit, & quod agendum est scimus; & quod scimus facere possumus: praecipis mihi Domine, quod diligam te. Hoc & possum, & debeo. &c.

Pareus lib. 4. de Iustif. ita scribit. Fuerunt Patres, præsertim Græci, & qui ex Latinis ante Pelagiana cerra mina scripserunt, in quæstione de libero arbitrio & legis possibilitate admodum liberales. Nimis enim illis arrisit Philosophorum (ex quorum scholis plerique prodierant) doctrina de iustitia operum, quæ hanc quæstionem de legis possibilitate secum traxit. &c.

Pluribus in scriptura disertissima, & ratione firmissima, pro legis possibilitate invictè pugnante, testimoniis abstinco. Videant obsecro Adversarij, quidnam illud sit, quod ad desperatissimæ huius sententiæ consilium eisdem præcipiet, quæ omnem hominis ad legem obedientiam conatum infringit: cum non nisi planè amentium esse possit, id velle, quod posse nequeant; aut illud inchoatæ etiam obedientiæ, ut vocant, opus moliri, quod in se vitiosum Deoque execrabile esse, non ignorent. Si homines compello, id tantum obsecro, ut se rationis præditos esse meminerint, animamque possidere, de cuius hic salute disceptatur.

## A R T I C U L U S X.

**C**Redimus a totam Adami sobolem hac contagione infectam esse, quam peccatum originale vocamus, vitium videlicet ex propagine manans, non autem ex imitatione duntaxat, sicut Pelagiani senserunt, quorum omnes errores detestamur. Nec puramus necessarium esse inquirere, quinam possit hoc peccatum ab uno ad alterum propagari? Sufficit enim, quæ Deus Adamo largitus, non ipsi soli, sed etiam toti ipsius posteritati fuit data: ac proinde nos in ipsius persona omnibus illis bonis spoliatos, in omnem hanc miseriam & maledictionem incidisse.

a Gen. 6. v. 5. & 8. v. 21. Job. 14. v. 4. Matth. 15. v. 18. Rom. 5. v. 12, Ephes. 2. v. 1.

## A R T I C U L U S XI.

**C**Redimus hoc vitium esse verè peccatum, b quod omnes, & singulos homines, ne parvulis quidem exceptis, adhuc in ureto matrum delitescantibus, æternæ mortis reos coram Deo peragat. Affirmamus quoque, hoc vitium, etiam post baptismum esse verè peccatum, c quod ad culpam attinet, quamvis qui filii Dei

b Psal. 51. v. 7. Rom. 3. v. 6. & c. 5. v. 12. c Rom. 7. v. 7.

Dei sunt, minimè idcirco condemnentur, quoniam videlicet Deus, pro gratuita sua bonitate & misericordia, illud ipsis non imputat. Dicimus præterea d hanc perversitatem, semper edere fructus aliquos malitiæ, & rebellionis, adeò e ut etiam qui sanctitate excellunt, quamvis ei resistent, multis tamen infirmitatibus, & delictis sint contaminati, quamdiu in hoc mundo versantur.

d Rom. 7. v. 8. c Rom. 7. v. 18. & 19. & 2. Cor. 12. v. 7.

### §. I. Reformatio ex S. Scriptura de peccato Originali.

**C**Redimus concupiscentiam inhabitans nobis peccatum dici, sed quoddam pariat peccatum. g Unde Paulus inquit, si quod odi malum facio, jam non ego operor illud, sed quod habitat in me peccatum. Video enim aliam legem (concupiscentiæ) in membris meis, repugnantem legi mentis meæ, captivantem me in lege peccati. Infelix ego homo, quis me liberabis de corpore mortis hujus? Gratia Dei per Iesum Christum. h Nihil ergo nunc damnationis est eis, qui sunt in Christo Iesu, qui non secundum carnem ambulant. Lex enim Spiritus vita in Christo Iesu liberavit me à lege peccati & mortis. i Cum illo enim scimus, quia vetus homo noster simul crucifixus est, ut destrueretur corpus peccati. l Quocirca Paulus monet. Renovamini spiritu mentis vestræ, & induite novum hominem qui secundum Deum creatus est, in iustitia & sanctitate veritatis. m Exspoliantes vos veterem hominem, cum affectibus suis, & induentes novum, eum, qui renovatur secundum imaginem ejus, qui creavit eum. n Fecit autem initio Deus hominem rectum, & secundum se vestivit eum virtute. o Quare sicut per unius inobedientiam peccatores constituti sunt multi, ita per unius obeditionem iusti constituti sunt multi. Vbi enim abundavit delictum, superabundavit gratia. Ut sicut regnavit peccatum in mortem, ita & gratia regnet in iustitiam. p Si enim unius delicto multi mortui sunt, multò magis gratia Dei, & donum in gratia unius hominis Iesu Christi in plures abundavit. q Quid ergo dicemus? permanebimus in peccato, ut gratia abundet? absit. Qui enim mortui sumus peccato, quomodo adhuc vivimus in illo? An ignoratis quicunque baptizati sumus in Christo Iesu, in morte ipsius baptizati sumus?

G

Consequen-

f Rom. 7. v. 17. g Iacob. 1. v. 15. h Rom. 7. v. 20. & c. i Rom. 8. v. 1. l Rom. 6. v. 6. m Eph. 4. v. 23. n Colos. 3. v. 9. o Eccli. 17. v. 2. p Rom. 5. v. 19. q lib. v. 17.

Consepulti enim sumus cum illo per baptismum in mortem, ut quomodo Christus surrexit à mortuis, per gloriam Patris, ita & nos in novitate vite ambulemus. 1. Hac est annuntiatio quam audiimus ab eo, & annuntiamus vobis. Quoniam Deus lux est & tenebra in eo non sunt ulla. Si in luce ambulamus, sicut & ipse est in luce, societatem habemus ad invicem, & sanguis Iesu Christi filii ejus emundat nos ab omni peccato. s

1. Rom. 6. v. 1. s. 1. Ioh. 1. v. 5.

Credimus quoque, juxta Apostolum, audiendam legem, qua dicit, non concupiscas, t. monentem, ut non regnet peccatum in vestro mortali corpore, ut obediat concupiscentiis ejus. u. Spiritu ambulate, & desideria carnis non perficietis: caro enim concupiscit adversus Spiritum, & Spiritus adversus carnem, ut non quacunque vultis, illa faciat. Quod si spiritu ducimini, non estis sub lege. Qui enim sunt Iesu Christi, carnem suam crucifixerunt cum vitiis & concupiscentiis suis. x. Sufficit illis gratia Christi, nam virtus in infirmitate perficitur. y. Satisque est cum Paulo posse dicere: Condelector lege Dei secundum interiorem hominem, & mente servio legi Dei, quamvis carne legi peccati. z.

t. Rom. 7. v. 7 & Exod. 20. u. Rom. 6. v. 12. x. Gal. 5. v. 16. & 24. y. 2. Cor. 12. v. 9. z. Rom. 7. v. 22. & 25.

## §. II. Observatio.

**P**AULò disertius hic ex S. literis agere pro Concordia lubuit, ut detestandi erroris fundamentum, quo passionis Christi meritum dignitatemque, vel in peccatis destruendis prorsus enervant, vel in iisdem obvelandis turpissimè polluant, tanta vi scripturarum everterem.

Perperam adversarii, extra omnem Scripturam asserunt, *Originale Adams peccatum manere post baptismum quoad culpam, licet non imputetur*, idemque esse cum inordinata hominis concupiscentia. Illud enim rationalis in Adamo voluntatis, deliberatæque mentis fuit; & refractaria Deo voluntas, seu *inobedientia*, à Paulo Rom. 5. dicitur, quæ certè à concupiscentia differt. Si in Adamo, utique & in nobis, qui per ejusdem parentis nostri voluntatem, eademque inobedientiâ rei constituimur, & habemur nocentes. Cur igitur Paulus concupiscentiam,

centiam, quæ in nobis est, peccatum appellat? Respondeat ipse, tum quia *peccatum* (primi parentis) *per mandatum* (quod Deus nobis dedit) *operatum est in me omnem concupiscentiam*: tum quia *qua in me habitat concupiscentia*, *operatur malum*. Rom. 7. clarissimè Jacobus, quia *concupiscentia, cum conceperit, parit peccatum*. Jac. 1. Ita & solem calidum dicimus, quod calorem operetur; & ferrum, quod ab igne calefactum est. Utrumque, non propriè, sed metonymicè, usitatissima tamen loquendi formula. Quocirca negari non potest, pati jure, licet ex se propriè non sit, peccatum tamen concupiscentiam hanc appellari posse. Quod si igitur ex S. literis, & adversariorum concessis evicero, concupiscentiam in se, suaque natura peccatum non esse, causam hanc obtinui. Agedum probemus. Concedimus utrimque, (& manifesta experientia convicti id facimus) concupiscentiam in renatis per baptismum manere. Ac hæc veritas stare non potest, si concupiscentia sit peccatum. Quod sic manifestè diduco. Concupiscentia (ut adversarii tradunt) propriè peccatum est. Sed *sanguis Christi emundat nos ab omni peccato* 1. Joh. 1. Ergo emundat nos à concupiscentia. Hoc autem absurdum est, igitur & illud. Quod verò ab omnibus peccatis, & singularim quoque ab originali per Christi gratiam ita emundemur, ut nihil ex indignitate culpæ reliquum sit, quod sub pallio justitiæ Christi à divinis oculis, qui *iniquitatem non possunt respicere* (ridiculo probrosoque tam Deo, quam hominibus invento) subtrahatur, hoc iis, quas supra adduximus scripturis addè clarum est; ut illarum ac veritatis cæcus depravatusque hostis sit, quisquis noluerit assentiri.

*Nihil enim damnationis remanet, nihil, inquam, ergo nec culpæ, nec pœnæ, quâ damnemur. Et nihil in primis culpæ, unde omnis damnatio. Aut si culpæ manet indignitas & enim illa pœnæ dignitas, non tollitur damnatio. Et hæc isti dicant, qui scripturam pro regula fidei venditant? Iterum multi sunt, qui non secundum carnem ambulant, quomodo igitur in scelerata versantur concupiscentia? multi quos Christus liberavit à lege peccati & mortis æternæ, quomodo eidem ergo legi etiam nunc mente serviunt? Vetus homo in renatis crucifixus est, & destructum corpus peccati; quomodo idem ergo manet integrum, solumque obvelatum? induunt novum hominem in justitia & sanctitate, secundum illum (Adami) qui creatus est; exspoliant veterem cum actibus suis (concupiscentiæ utique)*

*& renovantur secundum imaginem creatoris sui, & quomodo simul in ipsis culpæ & concupiscentiæ foridibus, tanta ab Adamo & creatore Deo & dissimilitudine, separantur, quantâ culpa distat ab innocentia, velata injustitia à manifesta justitia?*

Sed quid ordine singulis immoramur? Paulus Rom. 5. & 6. quando Christum tradit per obeditionem reddidisse ablatam justitiam, ita ut *gratia, regnans per justitiam, superabundet, morituique simus peccato, & non permaneamus in illo*, potuimus loqui disertius! quantum igitur probum, patienti Christo, ne tantum quidem concedere ad promerendum, quantum Adamus ad demerendum peccando valuit; adeoque temerè & dignitatem Christi, & scripturarum veritatem conculcare! Pertinaces sola ratione confundo. Vel tantum valuerunt merita Christi, ut culpæ indignitatem ab homine tollerent: vel omnino id non potuerunt. Si primum, nihil huic facto obstat, nisi divina voluntas, quæ demonstrari non potest: si alterum, jam meritorum Christi infinita non est dignitas. D. Joannes postremò fulmen cum luce vibrat, quo omnes adversarios obtuit, quando *in emundatis à peccato, omnes, sicut in Deo, abesse tenebras* pronuntiat. Ad quam lucem qui volens cœcutit, dignus luce non est, tenebrarum filius.

Alterum est, non minus triste, quàm horrendum, quod *licet concupiscentia moribus resistamus, delictis tamen contaminemur*. Quid enim? an nolentes igitur peccamus, & Paulus verè deliquit, cum diceret, *non quod volo bonum hoc ago, sed quod nolo malum, cum mente quidem serviam legi Dei; sed carne legi peccati*? sic enim arguunt. Fallit igitur axioma, à Deo, & ratione nostris inscriptum mentibus, arque etiam ab Augustino consignatum licetis *nullum peccatum, nisi voluntarium* & alterum *ad nihil impossibile lex obligat*. fallit Deus ipse per scripturas, quando toties *si volueris, si nolueris*, ad legis observationem, aut neglectum requirit? *Ad quod volueris extende manum, quia ante hominem bonum & malum*. Eccli. 15. v. 17. Ante hominem, inquam, non ante brutum, nam reliquit illum Deus in manu consilii sui. ib. Non delinquit, qui nolens delinquit, malum talis cum Paulo perpetrat, sed abest peccatum: imò & virtus adest, quæ *in infirmitate perfitur, cum mente servias legi Dei, & non nisi bruta carne* (quæ sola est sceleris incapax) *legi peccati*. Verum opponunt nobis legem *non concupisces*. Sed quibus hæc scripta, nonne & ratione utentibus? vetat itaque de-

libera-



liberatam lex ista concupiscentiam. Unde & *lex mentis* ab Apostolo dicitur Rom. 7. v. 22. & in Hebræo non est propriè concupiscere, sed vox quæ tam rebus cælestibus, quam terrenis adhibetur. Optimus suorum verborum interpret Paulus est quando hoc a nobis præceptum exigere docet, *ut non obediamus concupiscentiis*. Omnis autem obedientia consistit in deliberata voluntate; rursusque cum monet, *ambulantes in spiritu, desideria carnis non persequere*, Christum sequentes *concupiscentias cum vitiis crucifigere*, de carnis desideriis & concupiscentiis rationis voluntatisque imperio subjectis loquitur, quibus refrenatis, & in spiritu dignè ambulent, & Christum sequantur. Aut igitur Dei spiritu, ac Christo duce, primis concupiscentiæ motibus vexatos destitui necesse est: aut tales noxia carnis desideria contra legem non perpetrare. Non jam differam de horrore abominandæ illius sententiæ, quæ eò calamitatis hominem præcipitat, ut nolens invitusque etiam peccet ac pereat, & nec dormiens quidem amensque peccare desinat: non de iniquitate legis istius dicam quæ cum à sapientissimo nomotheta feratur, tamen inevitabilia vitare jubeat hominem, cum à potentissimo conditore fixa sit, exigat à suo opere, quod non contulit; cum à justissimo lata sit Rège & Judice, postulet plectatque in homine, quod extra potestatem est. Cum Ecclesiastico concludo, *post concupiscentias tuas non eas* (cap. 18. v. 30.) & obsequeris Domino, qui jubet, ne concupiscas. Et, ut cum quibusdam demus legem hanc, *non concupisces*, omnes concupiscentiæ motus vetare, quo fortasse sensu Augustinus dixit (ser. 5. de Verbis Apostoli) *non implet legem infirmitas mea, sed laudat legem voluntas mea*; non tamen ea parte, quâ in voluntarios actus spectat, sub peccati reatu aliter adstringit deficientem, quum si mente deliberata eodem probet, quos mentem præveniens caro concitat. Ut cum Paulo *serviat mente legi Dei, dum carne servit legi peccati*, quod non est succumbere peccando, sed vincere pugnando: tum quod caro menti opposita sit incapax peccati: tum quod *non ego operer illud, sed quod habitat in me peccatum*. Quod verò rationalis homo non operatur, non potest esse peccatum, nisi pari impropriate, quâ concupiscentia, seu inclinatio ad hos motus peccatum appellatur, aut deficientis vel infirmæ naturæ vitium. Sic ipse communis loquendi usus obtinet, sic jam olim D. Augustinus Julianum 2. lib. instruxit. *Iamne, inquit, discernis, jamne perspicis, jamne respicis in baptismo fieri omnium remissio*

remissionem peccatorum, & cum baptizatis quasi civile bellum interiorum remanere vitiorum? Non enim talia sunt vitia, quae iam peccata dicenda sint, si ad illicita opera Spiritum concupiscentia non trahat, & concipiat pariatque peccatum. Passiones sunt, vitia sunt; frenanda, cohibenda, sananda sunt.

§. III. Patres veteris Orthoxæ Ecclesiæ ex S. Scriptura ostendunt nos per baptismum à culpa mundari.

**D**uplici testimoniorum genere Patres hanc veritatem ex S. literis stabiliunt: altero quo ostendunt, nos ab omni culpa perfectè in baptismo emendari: altero quo ipsam concupiscentiam peccatum non esse, nisi improprie, contendunt. A priori aulpicabimur.

Clemens Alexandrinus lib. 1. Pædag. cap. 6. *Tincti*, inquit baptisinate, *illuminamur illuminati*, in filios adoptamur, *adoptati perficimur, perfecti immortales reddimur*. Ego, inquit, dixi. *Dii estis & filii excelsi omnes*. Psal. 81. *Multis autem modis vocatur hoc opus*. Gratia, Illuminatio, Perfectum, & Lavacrum. Lavacrum quidem per quod peccata abstergimus. Gratia autem, qua remittuntur pœna qua peccatis debentur. Illuminatio autem, per quam sanctam illam & salutarem lucem intuemur, hoc est, per quam id, quod divinum est, perspicimus. Perfectum autem dicimus, cui nihil deest. Est enim revera absurdum, Dei vocari gratiam, qua non sit perfecta & undequaque plena.

Origenes homil. 14. in Lucam. *Parvuli baptizantur in remissionem peccatorum. Quorum peccatorum? vel quo tempore peccaverunt? vel quomodo potest ulla lavacri ratio subsistere, nisi juxta illum sensum, de quo paulò antè diximus: nullus mundus à sorde, nec si unius diei quidem fuerit vita ejus super terram?* Job 14. *Et quia per baptismi Sacramentum, nativitas sordes deponuntur, propterea baptizantur & parvuli. Nisi enim quis renatus fuerit ex aqua, & Spiritu S. non potest intrare in regnum cælorum.* Joh. 3.

Cyprianus de ablutione pedum. *Ornata & honorata est Ecclesia, quasi paradisus, in amplitudinis suæ umbelico (Gen. 2.) fontem continens gratia singularis, flumina creans in vitam æternam salientia. (Joh. 4.) Vivam habens originem & decursum perennem. Hinc egredientia quatuor Evangelii flumina per univers-*

universum mundum secum regenerationis evehunt lavacrum, & de abdito & secretissimo Spiritus S. munere, huius gratia liquor emanat, sic lavans quos parentalis labe infecerat, ut nec actualis, nec originalis macula, aut qua sui post ablutionem illam, vestigia derelinquat.

Chrysostomus homil. ad Baptizandos. Hæc, ait expurgatio lavacrum regenerationis dicitur. Salvavit enim, ait Apost. Tit. 3. nos per lavacrum regenerationis, & renovationis Spiritus S. Dicitur & illuminatio: Recommemorate namque, inquit, priores dies, quibus illuminati multam collustationem sustinuitis passionum. Hebr. 10. Vocatur & baptisma: Quotquot enim in Christo baptizati estis. Christum induistis Gal. 3. Vocatur & sepultura. Consepulti enim, ait idem, sumus per baptismum in mortem. Rom. 6. Vocatur circumcisio. In quo, inquit, circumcisi estis, circumcisione non manufacta, in exspoliationem corporis peccatorum carnis. Col. 2. Vocatur crux: Vetus enim, inquit, homo crucifixus est, ut convertatur corpus peccati. Sordes corporis Iudaicum lavacrum emundabat: divina autem gratia lavacrum, non corporis, sed anima maculam sordesque mundare conuevit Cum illius fontis divinos senserit rivus, solis radiis mundior elevatur, &c. Hoc quaritur, si omnia lavacri virtute mundantur? Et ideo accipe, qua sequuntur. Et hæc quidem (omnibus inquinati peccatis) fuistis, sed lavari estis, sed sanctificati estis. 1. Cor. 6. Nos quidem pollicemur vobis, ostendere totius malitiæ vinculis absolvi, & omni immunditia liberari eos, qui hoc lavacrum promerentur. Verum ratio longè maiora declarat. non enim mundos tantum, sed & sanctos, & iustos effectos ostendit, &c. Non lavacrum remissionis peccatorum dicitur, nec lavacrum purificationis, sed lavacrum regenerationis, quia non nobis simpliciter peccata concedit, nec simpliciter nos purificat, malis actibus implicatos, sed tanquam è calco generatos efficit.

Et homil. ad Neophytos. Ecce, ait, libertatis serenitate perfruuntur, qui tenebantur paulo ante captivi; & iustitia in sorte versantur qui fuerunt in confusione peccati. Non enim sunt tantum liberi, sed & sancti, non tantum sancti, sed & iusti: nec solum iusti, sed & filii: nec solum filii, sed & heredes, nec solum heredes, sed & fratres Christi, nec tantum fratres Christi, sed coheredes, nec solum coheredes, sed & membra, non membra solum, sed & templum, nec tantum templum, sed & organa Spiritus, Rom. 8. v. 17. & 1. Cor. 6. v. 19. Vides, quot sint baptismatis largitates? Sed multis quidem videtur, calescent

G 4

gratiam

gratiam in peccatorum tantum remissione consistere: nos autem honores computavimus decem. Hac de causa etiam infantulos baptizamus, ut non sint inquinati peccato, ut eis addatur sanctitas, justitia, adoptio, hereditas fraternitas Christi, ut ejus membra sint omnes, ut Spiritus habitatio fiant.

Ambrosius lib. 1. de sacram. cap. 4. Qui per hunc fontem transit, transit à terrenis ad caelestia, hoc est enim Pascha, id est transitus ejus: transitur à peccato ad vitam, à culpa ad gratiam, ab inquinamento ad sanctificationem. Qui per hunc fontem transit, non moritur, sed resurgit. Et epist. lib. 10. Ep. 84. Dum homo exterior abluitur, mutatur interior, & fit nova creatura de veteri, vasa ira in vasa misericordia transferuntur, & in corpus Christi convertitur caro peccati. Et de iis qui mysteriis initiantur. Dominus Iesus & ipse invitatus tanto studio charitatis, pulchritudinis, decoris, & gratia; quod nulla jam in ablutis delicta forderent, dicit ad Ecclesiam, pone me ut signaculum in corde tuo. Cani. 8.

D. August. de pecc. mer. & remis. l. 2. cap. 7. In eo quod scriptum est, qui natus est ex Deo non peccat, & non potest peccare, quia semen ejus in ipso manet 1. Ioh. 1. & siquid aliud eo modo dictum est, multum falluntur (haeretici) minus considerando scripturas. Non enim advertunt eò quoque fieri filios Dei, quo esse incipiunt in novitate spiritus 2. Cor. 4. & renovari in interiorem hominem secundum imaginem ejus, qui creavit eos. Col. 3. non enim, ex qua hora quisque baptizatur, omnis vetus infirmitas ejus abjicitur, sed renovatio incipit à remissione peccatorum. Et ibid. Intrinsecus exuimus veterem hominem & induimus novum, quoniam ibi deponimus mendacium & loquimur veritatem & cetera quibus Apostolus explicat quid sit, exui veterem hominem, & indui novum, qui secundum Deum creatus est in justitia, & sanctitate veritatis. Eph. 4.

Et de Gen. ad literam lib. 6. cap. 24. Quomodo renovari 2. Cor. 4. dicimur, si non recipimus hoc, quod perdidit primus homo, in quo omnes moriuntur 1. Cor. 16. Hoc planè recipimus secundum quendam modum. Non immortalitatem spiritualis corporis recipimus, quam nondum habuit homo, sed recipimus justitiam ex qua per peccatum lapsus est homo.

\* \*

#### §.IV. Alterum testimoniorum genus de concupiscentia, non nisi improprie cum Paulo peccatum appellata.

**S** Chrysostomus hom. 17. in Matthæi cap. 5. *Non simpliciter dixit, qui concupiverit, sed qui viderit mulierem ad concupiscendum, id est, qui concupiscentiam sibi videndo conseriverit, quique nullo omnino cogente, quiescenti anima feram subito immiserit. Hoc enim non jam natura, sed propria est desidia.* Et hom. 11. in epist. ad Rom. 6. *cum dixisset: ut deleatur corpus peccati, tum addidit, ut ne amplius peccato serviamus, huic enim ipsum volo esse mortuum; non quidem, ut deleatur, & moriatur: sed ut ne peccet. Et progressus manifestus, adhuc illud reddidit: qui enim mortuus est, justificatus est à peccato. De quolibet homine hoc ait, quod quemadmodum qui à vita discessit, in posterum peccato liberatur, mortuus cum jaceat, sic & is, qui à baptismo descendit. Quandoquidem enim, illic semel mortuus est, peccato omnino mortuus maneat oportet, &c.* Peccatum enim vobis amplius non dominabitur, non enim sub lege estis, sed sub gratia. Si igitur non amplius nobis dominaturum est peccatum, quâ tandem causa tot tantaque precipit, atque interdicit: dicens: ne regnet peccatum in mortali vestro corpore: & ne exhibeatis membra vestra arma iniquitatis peccato? &c. Mihi videtur Paulus non omnem hominis fidelis vitam significare, sed comparisonem facere baptismatis ac legis, id quod & alibi ait, his verbis 1. Cor. 3. *litera quidem occidit, spiritus autem vivificat. Nam ipsa quidem lex redarguit pratergressionem, gratia autem hanc tollit. Quemadmodum igitur illa redarguens constituit peccatum; sic hæc concedens non sinit esse sub peccato, quo fit, ut duplici ratione hac tyrannide liberatus, partim quod sub lege non amplius sis, partim quod gratia potius sis.* Et hom. 13 ad Rom. 7. *Non quod volo facio bonum, sed quod nolo malum. Porro si quod non volo ego facio, jam non ego perpetro illud, sed inhabitans in me peccatum. Vides, ut tum anima, tum carnis naturam criminibus liberans, omnem culpam in sceleratam transulit actionem. Nam si anima à malo abhorret, liberata illa est, & si id minimè perpetrat, liberatur & corpus, ac quacunque culpa est, ea omnis voluntatis est.*

S. Hilarius in Psal. 118. v. 28. *Viam iniquitatis amove à me. Promptum, inquit, erat dicere, iniquitatem amove à me, sed viam peccati, quâ ad peccatum pergere promptum est, amoveri à se*

depreatur, id est, omnia corporalium voluptatum desideria auferri, nec tentationem aliquam concupiscentia vel ignorantia, quā tanquam per viam ad peccatum itur, ingruere.

D. Ambrosius in Psal. 4. Irascimini, & nolite peccare. Si irascimini, inquit, nolite peccare; sed vincite ratione iracundiam. (Ita videlicet, non peccabitis irascendo.) Sed cum D. Augustino in primis nitantur Adversarii, quod is concupiscentiam nonnunquam peccatum vocet. Ille potissimum nobis hoc loco audiendus est, ut constet, quo id sensu faciat.

D. Augustinus in expositione epist. ad Rom. propos. 47. Nulla ergo condemnatio est nunc his, qui sunt in Christo Jesu. Rom. 8. satis ostendit condemnationem non esse, si existant carnalia desideria, sed si eis ad peccandum obediatur; similia habet ibidem propos. 17. & Exposit. ad Gal. c. 5. Et contra duas epist. Pelag. lib. 1. c. 10. Nulla ergo damnatio est iis, qui sunt in Christo Jesu, non enim damnatur, nisi qui concupiscentia carnis consentit ad malum. Idem de peccat. mer. & remis. lib. 2. c. 22. Nobis pudendum, quod imperio nostro caro non servit; quia hoc fit per infirmitatem, quam peccando meruimus, vocaturque peccatum habitans in membris nostris Rom. 7. Sic est autem hoc peccatum, ut sit poena peccati.

Et contra Julianum lib. 2. circa finem. Cum Apostolus clameret: scio, quia non habitat in me, hoc est in carne mea bonum. Velle enim adjacet mihi, perficere autem bonum non invenio. Ecce quantam nos pugnam cum mortuis habere peccatis ille strenuus Christi miles & fidelis Ecclesia Doctor ostendit, &c. Quamvis jam non eo modo appelletur peccatum, quo facit reum, sed quod sit reatu primi hominis factum, & quod rebellando nos trahere nititur ad reatum, &c. Quantum ad nos attinet sine peccato semper essemus, donec sanaretur hoc malum, si ei nunquam consentiremus ad malum. Sed in quibus ab ipso rebellante, si non lethaliter, sed venialiter tamen vincimur, in his contrahimus, unde quotidie dicamus, & dimitte nobis debita nostra. Matth. 6. Contra eundem lib. 6. cap. 11. Jam non ego operor illud, sed quod in me habitat peccatum. Rom. 7. Iam enim motus desideriorum malorum, non ipse operabatur, quibus non consentiebat ad perpetranda peccata. Peccati autem nomine, quod in illo habitabat, ipsam nuncupabat concupiscentiam; quia peccato facta est, & si consentientem traxerit, atque illexerit, concipit pa. itque peccatum Iac. 1. Confirmat idem lib. 1. Retract. cap. 15. (ne quis dicat, sibi non constituisse Augustinum) Hoc peccatum, de quo sic locutus est Apostolus, idem peccatum vocatur, quia peccato factum est, & poena peccati est, quando-

quidam

quidem de concupiscentia carnis dicitur. Neque rettactavit illud, quod in lib. 1. cap. 23. de nuptiis & concupiscentia dixerat. Si non sit quod scriptum est, non concupisces. Exod. 20. (ubi latè hoc mandatum sumit) fiat saltem quod alibi legitur : post concupiscentias tuas non eas. Eccli. 18 &c. Sic autem (concupiscentia) vocatur peccatum, quia peccato facta est, cum jam in regeneratis non sit ipsa peccatum : sicut vocatur lingua locutio, & manus vocatur scriptura, quam facit manus.

Quare quidquid denique ex Augustino & D. Paulo adduxerint adversarii locorum, ubi concupiscentia peccatum dicitur. Nunquam hæc evertisse ostendent, cum ex causa effectumque etiam ex natura sua, materialiter (ut sic dicam) & bruto more ad peccatum inclinatur, peccatum appellari queat: neque inde consequatur, tale formaliter, citra consensum, dicendū esse.

#### §. V. Ex Protestantium confessione patet, veteris orthodoxæ Ecclesiæ Patres favere Romanis.

**C**alvinus lib. 3. Instit. cap. 3. §. 10. Consentiunt omnes manere in homine regenerato mali fomitem. Neque opus est multum investigando laborare, quid hic veteres senserint, quando unus Augustinus sufficere ad id potest, qui fideliter magnaque diligentia omnes sententias collegit. Ex illo igitur sumant lectores, siquid de sensu antiquitatis certi habere volent. Porro inter illum & nos hoc discriminis videri potest interesse, quod ipse quidem, cum fideles concedat quamdiu in corpore habitant, sic illigatos teneri concupiscentiis, ut non possint non concupiscere, eum tamen morbum peccatum vocare (*proprie dictum*) non audet; sed ad illum designandum infirmitatis nomine contentus, tum demum fieri peccatum docet, ubi vel opus, vel consensus ad conceptionem accedit, hoc est, quando primæ appetitioni cedit voluntas, nos autem illud ipsum pro peccato habemus, quod aliqua omnino cupiditate contra legem Dei homo titillatur: imò ipsam pravitatem, quæ ejusmodi cupiditates nobis degenerat, asserimus esse peccatum.

Hæc Calvinus, qui cum Augustinum veterum sensu Patrum concedit universè loqui, concedit eosdem quoque suæ isti sententiæ adversarii: simulque illas, quas deinde in oppositum adducit ex Augustino sententias, contrarium non evincere, nisi ipse hæc statuens Calvinus contradictionis sit arguendus.

Magde-

Magdeburgenses Centuriat. sic habent de primo ab Apostolis seculo *Cent. 2. cap. 4* edit. ult. p. 45 *De lib. arbit.* Nullus ferè doctrinæ locus, qui tam citò obscurari cœperit, atque hic de libero arbitrio, ac virium humanarum potestate post lapsum, & hæc obscuratio corruptelas varias traxit, ut extenuationem peccati originalis & depravationem doctrinæ de merito Christi, &c. Speciatim quoque de Chrysostomo habent *Cent. 5. c. 4.* p. 280. Peticulosè admodum! Chrysostomus de efficacia baptismi loqui videtur, *Hom. 40. in cap. 15. epist. ad Corinth.* *solus Deus peccato liberare potest, quod in isto regenerationis lavacro facit. Mentem gratia tangit; hinc radicale peccatum evellit, &c.*

## ARTICULUS XII.

**C**Redimus ex hac corruptione & damnatione universali, in qua omnes homines naturâ sunt submersi, *a* Deum alios quidem eripere, quos videlicet æternò & immutabili suo consilio, solâ sua bonitate, & misericordia, nulloque operum ipsorum respectu in Jesu Christo elegit: *b* alios verò in ea corruptione & damnatione relinquare, in quibus nimirum justè suo tempore damnandis, justitiam suam demonstrat, sicut in aliis divitias misericordiæ suæ declarat. Nec enim alii sunt aliis meliores, donec illos Deus discernat, ex immutabili illo consilio, quod ante seculorum creationem in Jesu Christo determinavit, neque posset quisquam suavi sibi ad bonum illud aditum patefacere, cum ex natura nostra, *c* ne unum quidem rectum motum, vel affectum, seu cogitationem habere possimus, donec nos Deus gratis præveniat, & ad rectitudinem formet.

*a Rom. 9. v. 23. Eph. 1. v. 4. & 2. Tim. 1. v. 9. ad Tit. 3. v. 4.*

*b Exod. 9. v. 16. Rom. 9. v. 12. 15. 19. 22. & 2. Tim. 2. v. 20. c Jerem. 10. v. 23. Eph. 1. v. 4. & 4.*

## ARTICULUS XIII.

**C**Redimus quidquid ad salutem nostram requiritur, nobis in uno demum illo Jesu Christo offerri & communicari, ut qui cum nobis servandis sit datus, *d* simul etiam sit nobis factus sapientia, justitia, sanctificatio, & redemptio, aded ut quicumque ab eo declinat, misericordiæ Patris, id est unico refugio nostro renuntiet,

ARTI-

*d 1. Cor. 1. v. 30. Eph. 1. v. 6. & 7. Colos. 1. v. 13. & 14. Tit. 2. v. 14*



## ARTICULUS XIV.

**C**Redimus Jesum Christum, sapientiam *e* & filium æternum Patris, *e* naturam nostram assumpsisse; ita ut una sit persona Deus & homo; homo, inquam & corpore & anima passibilis, *f* nobisque per omnia excepto peccato similis, utpote cujus caro *g* sit verè semen Abraham & Davidis, *h* quamvis arcana & incomprehensibili Spiritus S. virtute fuerit suo tempore in utero Beatæ illius Virginis Concepta. Ac proinde omnes illas hæreses, quibus olim turbatæ sunt Ecclesiæ, ut illi veritati contrarias detestamur, ac nominatim quidem diabolicas Serveti imaginationes, Domino nostro Jesu Christo imaginariam Deitatem tribuentis: ut quem videlicet dicat ideam fuisse & exemplar omnium, & filium Dei personatum, sive figurativum appellat: denique corpusei fabricantis ex tribus increatis elementis compactum, ac proinde utramque naturam miscntis, & destruentis.

*c* *Ioh.* 1. v. 14. *Phil.* 2. v. 6. *f* *Heb.* 2. v. 17. & 4. v. 15. & 2. *Cor.* 5. v. 21. *Phil.* 2. v. 7. *g* *Act.* 13. v. 23. *Rom.* 1. v. 3. & 8. v. 3. *cap.* 9. v. 5. *h* *Matth.* 1. v. 18. *Luc.* 1. v. 35.

## ARTICULUS XV.

**C**Redimus *i* in una persona, quæ est Jesus Christus, verè & inseparabiliter duas illas naturas sic esse conjunctas, ut etiam sint unitæ: manente tamen unaquaque illarum naturarum indistincta proprietate, ita, ut quemadmodum in ista conjunctione, divina Verbi natura, proprietates suas retinens, mansit increata, infinita, *l* & omnia replens, sic etiam natura humana manserit mansuraque sit in æternum finita, suam illam naturalem formam, dimensionem, atque adeò proprietatem habens, cui nimirum veritatem humanæ naturæ non ademerit resurrectio, & glorificatio, sive assumptio, ad dexteram Patris. Itaque sic Christum consideramus in sua Deitate, ut ipsum sua humanitate non spoliemus.

*i* *Matth.* 1. v. 23. *Luc.* 1. v. 35. *Ioh.* 1. v. 14. & 1. *Tim.* 2. v. 5. & *cap.* 3. v. 16. *l* *Luc.* 24. v. 38. *Rom.* 1. v. 4. *Phil.* 2. v. 9.

## ARTICULUS XVI.

**C**Redimus *m* Deum immensam suam in nos charitatem, ac  
*m* *Ioh.* 3. v. 16. & 15. v. 3. bonitatem

bonitatem in eo demonstrasse, quod filium miserit, qui moreretur & resurgeret, & iustitiam omnem impleteret, ut nobis celestem vitam acquireret.

## ARTICULUS XVII.

**C**Redimus *n* eo unico sacrificio, quod Iesus Christus in cruce obtulit, nos esse Deo reconciliatos, o, ut pro iustis reputemur coram ipso, quoniam non possumus ipsi esse grati, neque adoptionis nostra fructu potiri, nisi quatenus peccata nobis ignoscit. Itaque testamur p Iesum Christum esse integram, & perfectam nostram ablutionem, in cuius morte plenam satisfactionem nanciscimur, quâ liberemur ab omnibus peccatis, quorum rei sumus, & à quibus absolvi alio remedio non possumus.

*n* 2. Cor. 5. v. 18. Heb. 5. v. 7. 8. 9. o 1. Pet. 2. v. 24. 25. p. Hebr. 9. v. 14. 1. Pet. 1. v. 18. 19.

## ARTICULUS XVIII.

**C**Redimus *q* totam nostram iustitiam positam esse in peccatorum nostrorum remissione, quæ sit etiam, ut testatur David, unica nostra felicitas. Itaque *r* ceteras omnes rationes, quibus homines existimant, se coram Deo posse iustificari, planè repudiamus, omnique virtutum & meritorum opinione abiecta, in sola Iesu Christi obedientia prorsus acquiescimus, quæ quidem nobis imputatur, tum ut tegantur omnia nostra peccata, tum etiam ut gratiam coram Deo nanciscamur. Denique credimus non posse nos, si vel tantillum ab hoc fundamento declinemus, reperire ubi quiescamus, sed potius inquietos semper fore, quoniam pacem cum Deo habere non possumus, donec certò nobis sit persuasum, nos in Iesu Christo diligi, quoniam in nobis ipsis omni odio digni sumus.

*q* Psal. 32. v. 1. Rom. 4. v. 7. 8. 2. Cor. 5. v. 19. 20. *r* Ad. 4. v. 12. Rom. 5. v. 19. & 1. Tim. 2. v. 5. & 1. Iohan. 2. v. 1.

### §. I. Reformatio artic. 17. & 18.

**C**Redimus, *a* quod credentibus in eum qui iustificat impium fides reputetur ad iustitiam, & *b* quod Deus nos sibi reconciliet per Christum, non imputans nobis delicta nostra, sed ipse pro nobis peccata sustinens, ut nos iustitiam Dei in ipso accipiamus.

*a* Rom. 4. v. 5. *b* 2. Cor. 5. v. 18. 19.

**m**us. c Sicut enim per inobedientiam unius nominis peccatores constitui sunt multi, ita per unius obeditionem iusti constituentur multi. d Non quidem ex operibus iustitia, qua fecimus nos, sed secundum misericordiam suam salvos nos facit, per lavacrum regenerationis, & renovationis spiritus S. quem effudit in nos abunde per Iesum Christum Salvatorem nostrum; ut iustificati gratia ipsius heredes simus secundum spem vite aeterna. e Christus enim factus est pro nobis iustitia, sanctificatio, & redemptio; quia f ipse est propitiatio pro peccatis nostris, & g per sanguinem illius effusum in redemptionem nostram habemus remissionem peccatorum: cum h emundet nos ab omni peccato. Ita, ut i charitas Dei diffusa sit in cordibus nostris, per Spiritum S. qui datus est nobis, & ex multis delictis gratia abundet in justificationem. Si enim unius delicto mors regnavit per unum, multo magis abundantiam gratia, & donationis, & iustitia, accipientes in vita regnabunt per unum Iesum Christum; qui l dilexit Ecclesiam, & tradidit semetipsum pro ea, ut eam sanctificaret, mundans lavacro aqua in verbo vite: ut exhiberes sibi gloriosam, non habentem maculam, aut rugam, aut aliquid huiusmodi, sed ut sit sancta & immaculata. m Erasmus enim aliquando tenebra, nunc autem lux in Domino, quare ut filii lucis ambulemus. Fructus autem lucis est in omni bonitate iustitia, & veritate. adeo ut n nulla maneat participatio iustitia cum iniquitate, nulla societas luci cum tenebris, nam o in malevolam animam non intrabit sapientia, nec habitabit in corde subdito peccatis. Renovamini igitur (Monet Paulus p) Spiritu mentis vestra, & induite novum hominem, qui secundum Deum creatus est, in iustitia & sanctitate veritatis, & deponentes mendacium, nolite locum dare diabolo; nolite contristare Spiritum S. in quo signati est, tollatur à vobis omnis malitia q ambulate in dilectione, sicut & Christus dilexit nos.

c Rom. 5. v. 19. d Tit. 3. v. 5. e 1. Cor. 1. v. 30. f 1. Ioh. 2. v. 2. g Col. 1. 14. h 1. Ioh. 1. v. 7. i Rom. 5. v. 5. & 15. l Eph. 5. v. 25. m 1b. v. 5. n 2. Cor. 6. v. 15. o Sap. 1. v. 4. p Eph. 4. v. 23. q Eph. 5. v. 2.

## §. II. OBSERVATIO.

**I**N superioribus articulis, si 1. ultimos exceperis, nihil est, quod orthodoxæ fidei repugnet: neque enim improba illa Calvinii multorum reprobatio adstruitur, neque alterum dogma impium, quod pro omnibus mortuus non sit ille (negata quibusdam mediorum ad salutem sufficientia) qui vult omnes salvos fieri, & neminem perire, 1. Tim. 2. defenditur. Quare hunc solum per manifestas scripturas errorē planē scdū corrigimus, quē

qui remissionem peccatorum nostrorum in sola obvelatione eorum à justitia intrinseca ipsius Christi per fidem apprehensa, ideoque nobis imputata constituit, & in ejusmodi remissione nostram justificationem collocat, propter quam Dei gratiam, seu favorem externum tantum mereamur: ut si de aibatum Æthiopem dicerem, qui sub candido laritarer velo, summum purgatum sub nive, ulcus sanatum, quod emplastro tegitur, ideoque hæc omnia grata esse in oculis utraque penitus insipientium. Mirum verò est, hanc fundamentalem plurimarum assertionum doctrinam, extra omnem Scripturam S. quæ tam monstruæ justificationis descriptionem nullibi iisdem expressè vocibus promittit, neque infallibili consequentiarum robore stabiliri, à quoquam veritatis salutisque amante defendi. *Non imputantur nobis peccata*, licet commissa quondam, cum per vivam in Christo fidem & pœnitentiam abolita sunt; *imputantur Christo* licet innocenti, cum ille luenda suscepit, *fides viva imputatur ad justitiam nobis*, quia illius initium est ac fundamentum, & quidem homini intrinsecum; ut hæc ipsa veritas extrinsecam Novatorum justitiam destruat, ab homine justificato extraneam, & in Christo positam, multòque id magis eminet, tot scripturis dilucidè justitiam salutiferam, non legalem solum aut imperfectam (ut loquuntur adversarii) ipso in homine collocantibus. Si enim ita per *obedientiam Christi* multi *justi* constituti sunt, sicut per *inobedientiam Adami* *injusti*, quis neger justitiam illorum non imputatam solum, sed intrinsecam esse, ut injustitia in posteris Adami est? paritas hæc utrimque requiritur. Iterum, quomodo potuimus *regenerari*, & *renovari per effusum in nos Spiritum S.* sine intrinseca illius receptione, atque immutatione? an potest aliquid regenerari sine novæ ejusquam rei in ipso productione? an renovari, sine absterisione saltem contractæ labis? Si *Christus nostra justitia & sanctificatio*, & *redemptio & propitiatio est*, scriptura modum quo sit indicat, non utique per imputationem (sic enim nequit esse nostra redemptio) sed efficienter, *per effusionem sanguinis sui in redemptionem nostram*, per quem *emundat nos à peccato*, *abundantiam gratiæ, & justitiæ, & charitatis nobis donat*, nosque accipimus. Et ne imperfecta hæc esse dona sentias; aded sanctificat animam, ut, *sine ruga, aut macula ulla peccatorum*, *sancta & immaculata* reperiatur, *tenebra nulla remaneant*, imò remanere omnino non possint quæ lucem eripiant, seu tollant gratiam, amicitiam

citiam cum Deo solvant; quod nulla sit participatio iustitia cum iniquitate, quæ hostem ex amico facit, idemque simul esse convertus & averfus Deo nequeat. Deniq; requiritur novus homo, qui secundum Deum in iustitia & sanctitate creatus sit, ideoque per hanc intrinsecè, juxta imaginem Dei, reparatus; cum in dilectione ambulare iubeatur, sicut Christus nos dilexit.

Neque verò quicquam favent illæ Apostoli voces 2. Cor. v. 21. quod Christus pro nobis peccatum factus sit, ut nos efficeremur iustitia Dei per ipsum. Ex quibus si arguas, nobis imputari iustitiam, licet intrinseca corruptione iniusti simus; sicut Christo peccatum, licet intrinseca virtute iustus manserit: retorquebo argumentum, dicamque ergo vel Christum per hoc verè peccatorem, filiumque Diaboli per imputationem peccati; sicut nos verè iusti filiique Dei (per talem iustitiam extrinsecam, juxta Adversarios) dici posses vel neutram partium ab extrinseca hac denominatione, vere propriæque (ut nos sentimus) iustam, aut improbam appellati: Quidquid hic discriminis attulerint, non sufficiet ad tantam utriusque dominationis constituendam differentiam, ut cum in uno propria sit, in altero tamen debeat impropria censeretur. Quare, ut peccatum nostrum Christo impuratur, quoad debitum satisfactionis in se receptum; ita vicissim Christi iustitia nobis imputatur, quoad satisfactionem (cui præstandæ impares fuimus) pro nobis Deo exhibitam: & sicut nobis propria fuit, mansitque iniustitia, ita Christo sua est manetque propria iustitia: rursumque, ut nostra iniustitia, non formalis, sed effectiva causa est pœnarum Christi; sic huius iustitia, non formalis, sed effectiva causa est, donorum gratiæ & justificationis nostræ. Quæ distinctio ubi semel animo imprefsa fuerit, facilè intelligimus, ex quo fonte nobis iustitia Christi, tanquam nostra imputari dicatur, nosq; à Christo gratis etiam justificemur, qui remissionem peccatorum, omnemque iustitiæ gratiam, per illius sanguinis effusionem, velut causam efficientem, aut meritoriam possidemus.

Sed imperfecta, inquit, nostra iustitia est, quæ coram divino iudicio, neq; sanctificare nos plenè, neq; salvare poterit. Fateor, si hæc à donis & gratia Christi separaretur, inanis est: cum his juncta sufficiens. Sic enim inquit, magnus affector veræ iustitiæ, omnia possum in eo, qui me confortat. Phil. 4. satis est, quod iustificati gratia ipsius heredes simus vita Tit. 3. & consortes divina natura 2. Pet. 1. Verum hoc aiunt erit sibi nimium tribuere, derogare Deo. Paulo monente, quid habes, quod non accepisti? si

autem accepisti, quid gloriaris? Rectè Paulus, sed isti perperam: nam cum gloriamur, in Domino gloriamur. Qui dixit, ego sum vitis, & vos palmites, idem dixit, palmes non potest ferre fructum, nisi manserit in vite: non tamen suum negavit succum palmiti, suum viti, licet ab hac suum ille traheret, eique ut principio deberet. Planè dignam non concedit virtutem viti, qui hanc negat, suam in palmitem vim succumque posse transfundere, sed hunc aridum relinquit, illi vigorem omnem communicat. Magna vitis imbecillitas est non posse in propaginem transferre, quod sibi communicatum est. Sic res habet in Christo, enervant virtutem meritumque ipsius, qui hanc transfundi ad regeneratos fideles per Christum posse negant; sed alienarum tantum sordium velamentum indignissimum faciunt, & plus ad propagandam in posteris injustitiam tribuunt peccato delinquentis Adami, quàm ad iustitiam communicandam virtuti patiens Christi.

§. III. S. orthodoxæ Ecclesiæ Doct. ex S. Script. reformant.

**D** Ambrosius in Epist. ad 2. Cor. 5. ubi Paulus ait, quod in Christo nova creatura simus, & Deus nos sibi reconciliat per Christum: quicumque inquit, in Christo baptizantur, Christum induunt. Itaque si in forma baptismi, & traditione manserimus exspoliati corpore non nudi invenimur, quia in interiori homine habitat Christus.

§. Chrysostomus in Epist. ad Ephes. 5. hom. 18. in verba: eratis aliquando tenebræ; nunc autem lux in Domino. sicut vulnus, inquit, quamdiu supernè tectum delitescit, & per ima excurrit, non curat ionem. Quamdiu quidem occultatur, tanquam in tenebris latet magna securitate, postquam autem fuerit manifestum, fit lux, & non manet peccatum. Quando ductus poenitentia est, & remissionem assecutus, nonne expurgata sunt tenebra, & vulnus curatum? (Et paulò post) Surge qui dormis, & exurge à mortuis, & illuminabit te Christus. Dormientem & mortuum dicit eum, qui est in peccatis. Tetrum enim odorem spiras ut mortuus; nec potest operari, ut qui dormit, & nihil videt. Discede à peccatis, & poteris videre Christum: nam qui malè agit, odit lucem & non venit ad lucem, sed hoc non solum dicit, de incredulis: nam multi ex fidelibus non minus sectantur vitium, quàm infideles. & sunt etiam qui multò magis, & idèò necesse est eis dicere: expetgiscere qui dormis, & exurge à mortuis, & illuminabit te Christus. Hoc quoque convenit eis dicere. Deus non est mortuorum, sed vivorum. Si ergo non est Deus mortuorum, vivemus.

Id hom. 3. de poen. inquit. Deus cum deleverit iniquitates

ps. 30. sic delet, ut neq; cicatrix neque cicatricis supersit indicium, non vestigium quodquam; sed & cum sanitate decorem elargitur. Post pœna liberationem, iustitiam inserit, & peccantem aquas non peccantii.

D. Augustinus lib. 6. contra Julian. c. 11. Tu à vestro dogmate non recedis, quo putatis, gratiam Dei per Iesum Christum Dominum nostrum, sic in sola peccatorum remissione versari, ut non adiuvet ad vitanda peccata, & desideria vincenda carnalia, diffundendo charitatem in cordibus nostris per ipsum S. qui datus est nobis Rom. 5. neque consideras eum, qui dicit: video aliam legem in membris repugnantem legi mentis meæ, & ab hoc malo, non se liberari clamat, nisi gratia Dei per Iesum Christum Rom. 7.

Idem Epist. 105. ad Sixtum, Post remissionem peccatorum nisi mundatam domum habitet spiritus S. nonne cum aliis septem redit spiritus immundus, & erunt novissima hominis illius peiora, quam erant prima? ne autem habitet spiritus S. nonne ubi vult spirat, & charitas Dei, sine qua nemo bene vivet diffunditur in cordibus nostris? non à nobis, sed per spiritum S. qui datus est nobis Rom. 5.

Idem de spiritu & littera cap. 9. Iustitia (inquit Apostolus) Dei manifesta est. Rom. 4. non dixit, iustitia hominis, vel iustitia propria voluntatis, sed iustitia Dei, non quâ Deus iustus est, sed quâ induit hominem, cum iustificat impium Rom. 4. Et Epist. 120. ad Honoratum cap. 20. Hac inquit, iustitia, quâ nos Dei munere iustificamur, significatur in psalmo illo 35. ubi scriptum est, iustitia tua sicut montes Dei, montes quippe Dei sancti eius sunt &c. sicut ergo quod legitur. Domini est salus pl. 3. non ea salus intelligitur, quâ Dominus salvus est, sed quâ salvi sunt, quos ipse salvos facit, sic etiam legitur Dei iustitia, in eo quod scriptum est. Rô. 10. ignorantibus Dei iustitiam, & suam volentes constituere: non est illa intelligenda quâ Deus iustus est; sed quâ iusti sunt homines, quos gratia sua iustificat. Inde enim salvi, unde iusti. Idem de spiritu & lit. cap. 27. Per unum hominem peccatum intravit in mundum, & per peccatum mors, & ita in omnes homines pertransiit, in quo omnes peccaverunt. Rom. 5. & ideo quia non est distinctio. egent gloria Dei iustificari gratis per gratiam ipsius. Ro. 3. qua gratia in interiore homine renovatio iustitia scribitur, quam culpa deleverat. Et ibid. cap. 3. 2. Charitas quippe Dei dicitur diffundi in cordibus nostris, Rô. 5. non quâ nos ipse diligit, sed quâ nos facit dilectores, sicut iustitia Dei, quâ nos iusti eius munere efficimur. & Domini salus, qua nos salvos facit, & fides Iesu Christi, qua nos fideles facit. Hac est iustitia Dei, quam non solum docet per legis præceptum,

verum etiam dat per spiritus donum. Idem de peccatorum meritis & remissione. cap. 9. In hæc verba 1. Cor. 15. v. 28. sicut in Adam omnes moriuntur, ita in Christo omnes vivificabuntur. Sicut, inquit, ille, in quo omnes vivificabuntur, præterquam quod se ad iustitiam exemplum imitantibus præbuit, dat etiam sui spiritus occultissimam fidelibus gratiam, quam latenter infundit & parvulis; sic & ille, in quo omnes moriuntur, præterquam quod eis, qui præceptum Domini voluntate transgrediuntur, imitationis exemplum est, occulta etiam tabe, carnalis concupiscentia sua, tabificavit in se omnes de sua stirpe vententes. Et ibid. cap. 10. Legimus iustificari in Christo, qui credunt in eum Gal. 2. propter occultam communicationem, & inspirationem gratia spiritualis quâ quisquis hæret Domino, unus est spiritus. 1. cor. 6. Idem de natura & grat. cap. ultimo. Charitas inchoata, inchoata iustitia est, charitas profecta, profecta est iustitia. charitas magna, magna est iustitia, charitas perfecta, perfecta est iustitia; sed charitas de corde puro & conscientia bona & fide non ficta 1. Tim. 1 quæ tunc maxima est in hac vita quando pro illa ipsa contemnitur vita. Sed miror, si non habet quod crescat, si de mortali cesserit vita. Vbiunque autem & quandocunque ita plena sit, ut ei non sit quod addiciatur, non tamen diffunditur in cordibus nostris, vel natura, vel voluntatis opibus quæ sunt in nobis; sed per spiritum S. qui datus est nobis, qui & infirmitati nostra opitulatur, & sanitati cooperatur. Ipsa est enim gratia Dei per Iesum Christum Dominum nostrum.

Hæc ex Patribus, atque Augustino in primis (quo frustra gloriatur) ad cognoscendam illam, quam ex S. scriptura pronuntiant, sententiam, sufficere iudico. Quæ vero ex parte opposita producuntur Patrum testimonia, iustitiam nostram, vel remissioni peccatorum, vel iustitiæ Christi tribuentia, nihil veritatis à nobis traditæ officiant: cum utraque ad perfectam iustitiam requiratur. Nam, sine remissione peccatorum, gratiæ divinæ iustitiæque sanctificantis incapaces sumus: nec eandem promeremur, sine iustitia satisficientis Christi, quæ nobis ita imputatur; ut nos, velut per illam à nobis profectam, satisfecisse Deo, gratiamque iustificantem (quæ in pristinum iustitiæ, ab Adamo possessæ, statum restituimur) promeriti videamur, ideoque per illam gratis, sine nostrorum operum meritis, non formaliter, verum efficienter, iustificamur. Nimis enim ridicula, Deoque & hominibus probrosa, illa palliata iustificatio est, quæ cum purissima Christi iustitia impurissimæ vitiorum in peccatoribus sordes, tanquam chimæra quædam ex repugnantibus inter se rebus, componuntur.



#### §. IV. Protestantes fuisset testimoniis ex Patribus erroris arguuntur.

**P**Ræpostera in hoc articulo de justificatione ( quo sequentes duo spectant ) Novarorum querela est, quod primorum seculorum Patres hic plerique à veritate deflexerint; cum de suo errore queri, atque erubescere deberent, quod ipsi adeò temerè veterem Ecclesiam deserant, veritati constanter insistentem.

Melanchthon queritur in 1. Cor. 3. quod statim initio scriptores veteres obscurarint doctrinam de iustitia fidei.

Calvinus lib. 3. Inst. cap. 11. §. 15. postquam Augustinum rectius de justificatione loquentem, præ Lombardo probasset: denique subiicit. Ac nec Augustini quidem sententia, vel saltem loquendi ratio, per omnia recipienda est. Tamen si enim egregiè hominem omni iustitiæ laude spoliât, ac totam Dei gratiæ transcribit, *gratiam tamen ad sanctificationem refert, quâ in vita novitatem per Spiritum S. regeneramur.*

Pareus lib. 2. de iustificat. fateor, inquit, in Patrum libris, quos habemus nonnulla legi, quæ sententiæ ( Bellarminianæ ) favere videntur.

Brigtmannus in Apocalyp. cap. 14. v. 2. concedit Athanasium, Basilium, Nazianzenum, Chrysostomum, Ambrosium, Hieronymum, Augustinum, modo iustitiam per unum Christum prædicasse, modò etiam tribuisse operibus.

Centuriatores idem sentiunt. Nam centur. 3. cap. 4 p. 55. Incommodiores Patrum sententias, ajunt, indicabimus, & videtur magna ex parte hunc summum articulum de justificatione obscuratum esse. Iustitiam enim coram Deo operibus tribuerunt & inter legalem iustitiam, & evangelicam ferè nihil discriminis perspicuè stenderunt. Ex Methodio Serm. de Resur lib. 2. hæc verba recitant. *Impotentiam naturalis boni Deus recuperavit misso filio, peccato ad interitum condemnato, ut non amplius fructificaret in carne iustificatio naturalis legis, & impleretur; redundans obedientia, in his qui non secundum concupiscentiam carnis ambulant, sed secundum concupiscentiam spiritus eiusque ductum.* Vbi per naturalis legis impletionem intelligit naturæ per gratiam instauratæ opera, cum ea juxta ductum spiritus S. exerceri tradat. Inducunt & p. 56. Originem Hom. 24. in Num. quod *Conversio sit opus quoque nostrum, cum regnum Dei intra nos sit.* Et p. 57 Cyprianum lib. 1. Epist. 12. de baptismo his verbis allegant.

Oportet mundari & sanctificari *aquam prius à Sacerdote, ut possit baptismo suo peccata hominis qui baptizatur, abluere: quia per Ezechielem Prophetam Dominus dicit, & aspergam super vos aquam mundam.* Ubi inquit Centuriat. Et hoc affirmare audeat, quod persona baptizans spiritum conferat, & baptizatum in-  
tus sanctificet. Quæ aliis deinde locis confirmant, nobis hæc pauca iussu-  
cunt.

De quarto Augustini seculo leviore Centuriatorum de doctrinæ huius inclinatione querelæ non sunt. Sic habent *Cent. 5. c. 4. p. 276.* Operibus de justificatione & acceptatione hominis coram Deo, etiam nimium tribuunt huius seculi Doctores. Interdum quidem satis commodè loquuntur, interdum vetò quasi oblitæ sui, in opera toto impetu delabuntur. Ex Chrysostomo hæc recitant. *Hom. 48. in Ioh. c. 7. Amplectamur iustitiam, cuius legem nullo pacto transgrediamur. Quem enim ex presenti vita fructum reportabimus, nisi hinc virtute præditi migraverimus? Sola anima virtute opus est, ipsa nos salvos facere, & sempiterno igni liberare sola poterit, ipsa nos ad celorum regnum transmittet. a.* Et *Hom. 5. in cap. 1 Mat. Vnusquisq; n. s. s. m., nulla in re alia spem suam, nisi post Dei misericordiam, in morum sanctitate constituent.* Ex Sedulio subiiciunt, in cap. 4. ad Rom. *Iustificat Christus eos tantummodo qui novam vitam exemplo resurrectionis eius susceperunt, & vetusta iniustitia & iniquitatis indumenta, velut causam mortis, abiciunt.* Hæc aliaque testimonia Centuriatores, ad vetus doctrinam suam ex veteri orthodoxa Ecclesia coguntur promere. De Augustino tamen altum hoc loco silentium est: adeo omnes hunc magis amicum optant, quam habent. Inconstantiam quam hoc loco tribuunt Patribus, figmentum est. Iustitia rectè uni Christo, tanquam causæ merito-  
riæ, ab illis tributa est; cum per hunc solum peccatores, & gratis quidem iustificentur, Unde cum eam nostris operibus, vel in alio genere causæ, vel in homine jam ante iustificato tribuunt, & secum & nobiscum orthodoxè sentiunt.

## D E F I D E

### A R T I C U L U S XIX.

**C**Redimus a. nos hac una ratione libertatem obtinere Dei invocandi, certâ cum fiduciâ, futurum, ut sese nobis Pa-  
trem

a. *Rom. 8. v. 10, & 8. v. 15, Gal. 4. v. 6. Eph. 3. v. 12,*

trem demonstret. Nec enim ullus nobis ad Patrem aditus, nisi hoc meditatote, pater: Atque ut in eius nomine exaudiamur, convenit, ut ab eo vitam nostram, tanquam à capite nostro, teneamus.

## ARTICULUS XX.

**C**Redimus nos *b. sola* fide fieri hujus iustitiæ participes, sicut scriptum est, ipsum passum esse acquirendæ nostræ salutis, ut quicumque crediderit in eum non pereat. *c.* Hoc autem id est, quod promissiones vitæ, nobis in ipso oblatæ, tunc ului nostro applicantur, & nobis redduntur efficaces, dum eas amplectimur, nihil ambigentes nobis obventura, de quibus ore Dei certiores simus. *d.* Itaque iustitia, quam fide obtinemus, pendet à gratuitis promissionibus, quibus nos à se diligit Deus declarat, & testificatur.

*b. Rom. 3. v. 27. Gal. 2. v. 16. & 3. v. 24, Ioh. 3. v. 15. & 16. c. Mat. 17. v. 20. Ioh. 3. v. 16. d. Rom. 1. v. 17. & 3. v. 24. 25. 28. 29.*

## ARTICULUS XXI.

**C**Redimus *e.* nos arcana Spiritus S. gratia donati fidei lumine, quæ sit gratuitum Dei Donum, & unis proprium, quibus Deo libuit illud tribuere; ut non habeant fideles, de quo in seipsis gloriantur, cum potius duplo sint obligatiores, quod cæteris præferantur. Sed & illud credimus *f. item* electis dari, *f.* non ut semel tantum in rectam viam introducantur; quin potius: *ut in ea ad extremum usque pergant.* quia, *g.* sicut à Deo initium est, ita etiam complementum.

*c. Eph. 1. v. 18. & 2. v. 8 & 1. Thess. 1. & 2. Petr. 1. v. 3. f. 1. Cor. 1. v. 8. Rom. 11. v. 29. Iuda 3. g. Phil. 1. v. 6. & 2. v. 13.*

## Catechismi Heidelbergensis quæstio 21.

**Q**uid est vera fides? *Resp.* Est non tantum certa notitia, quâ firmiter assentior omnibus, *i.* quæ Deus nobis in verbo suo patefecit; sed etiam *certa fiducia*, *i.* à Spiritu S. per Evangelium *m. in corde meo n. accensa*, quâ in Deo acquiesco, *ceterò statuens*, non solum alijs, sed *mibi* quoque remissionem peccatorum,

H 4

Aeternam

*b. Jac. 2. v. 19. Luc. 8. v. 13. i. Act. 24. v. 14. l. Hebr. 10. v. 1. Rom. 4. v. 20. Eph. 3. v. 12. m. 2. Cor. 4. v. 13. Rom. 10. v. 17. n. Rom. 10. v. 10.*

eternam iustitiam, & vitam donatam esse, o idque gratis ex Dei  
miseretordia p propter unius Christi meritum q.

o 2. Reg. 12. v. 13. psal. 102. v. 3. Mat. 9. v. 2. Rom. 10. v. 9. Gal.  
2. v. 20. & 2. Tim. 4. v. 8. p. Eph. 2. v. 8 & 9. q. Eph. 1. v. 7. Col.  
1. v. 14.

### §. 1. Reformatio art, De Fide.

**C**Redimus hinc esse vitam eternam, quod cognoscant (homines)  
solum Deum, vivum, & quem misit Iesum Christum. a Nam  
qui credit in filium Dei, habet testimonium Dei in se, & hoc est testi-  
monium, quoniam vitam eternam dedit nobis. b quia in illo habemus  
redemptionem per sanguinem eius, remissionem peccatorum, se-  
cundum divinitas gratia eius, qua superabundavit in nobis. c Gratia  
enim salvati sumus per fidem, & hoc non ex nobis. Dei, enim do-  
gma est, non ex operibus, ne quis gloriatur. d Quod si igitur ore tuo  
confitearis Dominum Iesum, & in corde tuo credideris, quod Deus  
illum suscitavit à mortuis, salvus eris, e si (ut Abram) in promissio-  
ne Dei non habita verus dissidentia, sciens quia quacunque promissit  
Deus potens est & facere: id enim reputabitur tibi in iustitiam. f  
In Christo enim habemus fiduciam & accessum in confidentia, per  
fidem eius, &c. In charitate radicati & fundati g Ita tamen, ut si-  
mul cum metu & tremore salutem nostram operemur, h. memo-  
res illius Davidici, servite Domino in timore, ne forte pereatis de  
via iusta. & Paulini: Tu fide stas, noli altum sapere; sed time. Sie-  
nim Deus naturalibus ramis non pepercit, ne forte tibi parcat. i  
Nam si cor nostrum non reprehenderit nos, fiduciam habeamus  
ad Deum, quoniam mandata eius custodimus, & hoc mandatum  
eius sit, ut credamus in nomine filii eius, & diligamus alterutrum.  
m tamen cum averterit se iustus à iustitia sua, & fecerit ini-  
quitate, morietur. n Quocirca qui stat, videat ne cadas. o sed  
cum David ex lapsu erecto precetur: Ne proicias me à facie  
tua, & spiritum S. tuum, ne auferas à me p Nam & Ni-  
colaus Antiochenus, qui plenus erat spiritu sancto & sapien-  
tia q & Simon Magus, qui credidit & baptizatus adhaerebat  
Philippo, i & quidam alij circa fidem naufragarunt, in  
quibus fuit Hymeneus & Alexander s & surgens pseudo-  
propheta

a Ioan. 17. v. 3. b 1. Ioan. 5. v. 10. c Eph. 1. v. 7. d Eph. 2. v. 8. e  
Rom. 10. v. 9. f Rom. 4. g Eph. 3 v. 12. & 16. h Phil. 2. v. 12. i psal.  
2. v. 11 l Rom. 11. v. 20. m. 1. Ioh. 3. v. 21. n Ezech. 18. v. 24. o 1  
Cor. 10. v. 12. p ps. 50. v. 13. q Act. 6. v. 3. s Act. 3. v. 12. 51. Tim. 1.  
v. 19.

propheta & seducens multos, & quoniam abundavit iniquitas, refrigeret charitas multorum, qui autem perseveraverit hic salvus erit. & Noli itaque altum sapere, sed time. Nam sunt impii, qui ita securi sunt quasi justorum opera habeant, sed hoc vanissimum iudico. u.

(Mat. 24. v. 11. u Eccle. 8. v. 14.

## §. II. Observatio.

**H**Æ similesque Scripturæ S. quæ nunc fidei, nunc fiduciæ, nunc charitati, nunc timori Dei, justificationem, salutem, perseverantiam, vitamque nostram tribuunt, pari veneratione audiendæ sunt, & autoritate admittendæ; quando nihil vetat, plano omnes plenoque sensu accipere. Nam ad primam gratuitamque peccatoris justificationem hæc omnes virtutes disponunt, nullæ illam promerentur.

Pugnant secum, & cum scripturis. Reformati, quando omnem salvificam fidem cum fiducia confundunt. Secum, quia cum justificationem nostram in applicatione iustitiæ Christi constituunt, diffiteri non possunt illâ nos fide justificari, quâ iustitiam pro nobis satisficientis Christi mente apprehendimus, nobisque illam applicamus. Sed hæc fides nequit esse fiducia, quod illa intellectus opus sit, hæc voluntaris: illa præcedat applicationem satisfactionis Christi, remissionemque peccatorum; hæc sequatur: illa velut objectum attrahat, hæc ab illo trahatur; illa in omnem veritatem à Deo revelatam feratur, hæc solis promissionibus adhæreat. Cum Spiritibus pugnant: tum illis, quæ aliis, quàm fiduciæ justificationem & vitam tribuant; tum iisdemmer, quæ soli fidei in Iesum Christum. Nam & Petrus ex eo solum capere, quod de Christo fateretur: *Tu es filius Dei vivi, beatus dicitur.* Matr. 16. v. 17. & *Magdalena dimissa sunt peccata multa, quia dilexit multum.* Et Paulus 1. Cor. 7. v. 10. asserit, quod *quæ secundum Deum est tristitia, pœnitentiam in salutem stabilem operetur.* Denique & ipsa fidei, quæ apud Paulum est definitio, quod sit (*ὑποστασις*) seu fundamentum rerum sperandarum, argumentum non apparentium, Hebr. 11. planè huic errori resistit. *Credere enim oportet (non ait fidere) accedentem ad Deum (utique fide salutifera) quia est, & quia remunerator est.* Huic fundamento, & spes, & fiducia nititur, nec ipsum utraque est fundamentum. Eadem fides argumentum est non apparentium (*ἡλεγχος ὁ βλαπομίνων*) sed argumentum, non nisi intellectus opus est, & res non ap-

parentes, quâ intelligibiles sunt, eodem referuntur. Hæc *fide intelligimus constructa esse secula verbo Dei* v. 2. at credere, Deum esse conditorem rerum omnium, actus fidei, non fiduciæ est; uti & cum Petro confiteri, *Christum esse filium Dei*, nisi, contra scripturam, hanc fidem esse divinam & salvificam non sentias. Datur igitur fides iustificans, quæ non sit fiducia.

Sed neque ejusmodi fiducia, quam fingunt adversarii, Christi fidelibus, citra peculiarem de suæ fidei & salutis certitudine revelationem, omnino datur. Audax certe Calvinistarum præsumptio est, statuere quod verè fidelis, fide ac salute suâ non possit excidere. Quæro enim (ut suum errorem palpent) ex qua scriptura propositionem hanc forment: ego Andreas, aut Joannes, ut oportet credo, vel fidem habeo veram vivamque, quæ nunquam defectura est. Solus Petrus audivit, *oravi pro te, ut non deficiat fides tua*, & Paulus jam in tertium cælum raptus, & arcanorum particeps, affirmare potuit, *certus sum, quia nihil me separabit à charitate, quæ est in Christo Iesu*. Sed quis istis suppar est? Extra scripturam, igitur est, quod credis *te* ut oportet credere, nec posse *tua* fide ac salute *te* excidere. Si ex conscientia tua argumenteris, *quod ipse Spiritus reddat testimonium Spiritui nostro, quod simus filii Dei* Rom. 8. v. 16. falli poteris non minus, quàm centenæ hodieum fanaticorum sectæ, quæ tuomet judicio in hac illatione falluntur, dum non norunt *probare Spiritus, an ex Deo sint*. Et verò demus, te nunc filium Dei, hoc testimonio fidei non falli, quis de futuro seculum te fecit? & quomodo *timere* poteris, *ne pereas de via iusta*, si fide certa tenes, te petire non posse? aut igitur, si potes excidere, credis quod falsum est; aut si non potes stultè times ne excidas. Iterum Deus nos fallit, cum minatur iusto se à *justitia* (utique salvifica) *sua avertenti mortem*. Nam quid minatur, si neque averti ab hac justitia is potest, neque mortem, qui fide vivat, incurrere? Quid Pastores Doctoresque, ipsæque S. literæ tot cohortationibus in justitia fideles tanto opere stabilire conantur, si fide certum sit, non posse tales excidere, & necessariò (ut postea intelligemus) fidem consequantur bona opera? Umbræ illi in Ecclesia futuri sunt, ad terrorem inutilem relictæ. De inani isto fiduciæ commento, jam nil ago sigillatim, cum abundè illud secunda part. Conc. discussum sit.

Sed quid argumentis ad tam crassum errorem expugnandum utimur, quando ex scripturis exempla adedò manifesta exhibe-

hibentur in fide naufragantium, ut qui hæc abnuat, fidem Christi Spiritumque S. amisisse, hic fide ac divino Spiritu destitutus omnino sit. Et quomodo denique per pseudo prophetas seducuntur illi, qui nunquam verâ fide ad Christum ducti sunt? An nulli quorquor per baptismum ritè Christo initiati sunt, fide semel susceptâ potuêre excidere? aut negandum, omnibus his fidem conferri, qui baptismo regenerantur? Videte rem stupendam, quam hoc dilemmate includo. Illi, qui toto orbe Christi baptismo, etiam in Romana baptizantur Ecclesia, vel regenerantur in verâ Christi fide, vel non regenerantur. Si regenerantur, ergo juxta Reformatos omnes etiam Romani vera fide, neque olim, neque nunc possunt excidere, suoque damnantur judicio Calvinistæ, quod ab illis, quorum fides salusque certissima est, Ecclesiam separent. Si non regenerantur, ergo apud hos Christi baptismus validus non est, & tenentur ad eodem iteratò baptizandos Calvinistæ, siqui transeant. Iterum, si in verè fideles Christianos nulla cadit defectio, (cum juxta Reformatos eorum liberi sancti sint, ita ut sine Bâptismo etiam salventur: nisi hæc tantum quorundam sit sanctitas, commento etiam magis ridiculo) impossibile fuit ab Adam verè fideli, quenquam nasci reprobum ac periturum, adeoque diluvium & flammæ Sodomiticæ immerentes plexuêre: vel totus etiamnum infernus ab hominibus vacuus est. Denique si verè fideles nequeunt deficere, nec David, nec Magdalena, nec Petrus, nec ipse Adam coram Deo prolapsi sunt, nam si in justificante fide perstitere, etiam in ipso facinore justierant, neque illis crimen imputatum est. idèoque si in hoc periissent facto, rectè cælum ex adulteriis, homicidiisque adire poterant, & hodiecum possunt Reformati omnes. Tam abominanda, nisi quis horreat, sensum omnem mentemque profligavit.

**§. III. Veteris orthodoxæ Ecclesiæ Doctores ex S. scriptura male reformatos melius in fide reformat.**

**D**E peccatorum remissione, aut justificatione non esse nos certos per fidem, multorum testimoniis Patrum orthodoxorum ex S. literis probatur.

D. Ambrosius lectm. 5. in Pl. 118. *Amputa, inquit David, op-*  
*probi;*

probrium, quod suspicatus sum. Sui volebas auferri opprobrium, quod suspicatus est. Vel quia cogitaverat in corde, & non fecerat: & pœnitentiâ licet abolum, suspectum tamen erat, ne fortè adhuc maneret ejus opprobrium; & ideo Deum precatur, ut illud auferat, quia solus novit, quod nescire potest etiam ipse, qui fecit &c. Vnde Apostolus, nihil mihi conscius sum, sed non in hoc iustificatus sum.

S. Chrysostomus hom. 11. in Epist. 1. ad Cor. Nihil mihi conscius sum, sed non in hoc iustificatus sum, qui enim iudicat me, Dominus est. ait Paulus. Duabus enim, vel tribus potius, rationibus incertum est nostrum iudicium. Prima quidem, quod etsi nobis nihil conscius sumus, ejus tamen indigemus, qui peccata nostra, certa ratione, corrigat: altera, quod multa opera nos latent &c. sed qui abscondita iudicat, ille certò iudicat.

S. Hieronymus in illud Iona 3. Quis scit, si convertatur, & ignoscat Deus? Ideo, inquit, ambiguum ponitur & incertum, ut dum homines dubii sunt de salute, fortius agant pœnitentiam, & magis ad misericordiam provocent Deum.

Et in illud Ecclesiasta 9. Sunt iusti atque sapientes, & opera eorum in manu Dei, & tamen nescit homo, utrum odio vel amore dignus sit, se & omnia in futurum servantur incerta. Sensus, inquit, est: inveni iustorum quidem opera in manu Dei esse, & tamen utrum amentur à Deo, an non, nunc eos scire non posse, & ambiguos fluctuare, utrum ad probationem, an ad supplicium? In futuro igitur sciens &c. Et lib. 2. adversus Pelagian. Qui hoc (nullius mihi con conscius sum) dicebas, nullius utique peccati sibi conscius erat; Sed quia loqueris: delicta quis intelligit? Ps. 18. ideo temperabat sententiam, ne fortè per ignorantiam deliquisset. Et Epist. 120. ad Fabiolam. Noli alium sapere, sed time. Rom. 11. v. 20. Dominus enim superbis resistit, humilibus dat gratiam. Jac. 4. Et qui se exaltat, videat ne cadat. Potentes potenter totmen: a patientur. Sap. 6 v. 8. Timor virtutum custos, securitas ad lapsum facilis. Vnde & in quodam Psalmo, postquam Dominus dixerat. Dominus regit me, & nihil mihi deerit, in loco pascuæ ibi me collocavit, jungit timorem, qui custos est beatitudinis, & insert: Virga tua & baculus tuus ipsa me consolara sunt Ps. 22. Et est sensus, dum tormenta formido, servavi gratiam, quam acceperam.

D. Augustinus de perfectione iustitiæ cap. 15. Quantalibet iustitia pradius sit homo, cogitare debet, ne aliquid in illo, quod ipse non videt inveniat, esse culpandum, cum Rex iustus sederit in throno, cujus cogitationem fugere delicta non possunt, nec illa, de quibus dictum



dictum est, delicta quis intelligit? Ps. 18. Cum ergo Rex justus sederit in throno, quis gloriabitur castum se habere cor, aut quis gloriabitur mundum se esse à peccato? (Prov. 20. v. 9.) nisi forte isti, qui volunt in sua justitia, non in ipsius Iudicis misericordia gloriari &c. Si cor nostrum non reprehenderit nos, fiduciam habemus ad Deum, & quæcunque petierimus, accipiemus 1. Joh. 3. Hoc enim agitur credendo, sperando, diligendo, corpus castigando, elemosynas faciendo, &c. ut cor mundetur, & peccatum omne tollatur. Et in Plal. 18. Expof. 2. Dicamus ab oculis meis munda me Domine. Quis enim delicta intelligit? Si videntur tenebra, delicta intelliguntur.

Item in Ps. 41. Ad me ipsum anima mea turbata est. Nunquid ad Deum turbatur? Ad me turbata est. Ad incommutabile reficiebatur, ad mutabile perturbatur. Novi quia justitia Dei mei manet, utrum mea maneat, nescio. Terret enim me Apostolus dicens: qui se putat stare, videat ne cadat. 1. Cor. 10. Et in Expof. Ps. 54. Videbunt justi & timebunt. Dixit Apostolus Phil. 2. in timore & tremore vestram ipsorum operamini salutem, quia dictum est in Psal. 2. servite Domino in timore, & exultate ei cum tremore. Quare cum timore? quia propter hoc ait Apostolus: qui se putat stare, videat ne cadat 1. Cor. 10.

Item de Verbis Apostoli scrm. 16. Erit quisquam vestrum, qui audeat dicere, justus sum? Puto enim hoc esse, justus sum, quod est peccator non sum. Si audes hoc dicere occurrit tibi Ioannes. Si dicimus, quia peccatum non habemus, nos ipsos decipimus, & veritas in nobis non est 1. Joh. 1.

Eadem testimonia evertunt abominandum illum errorem, qui docet fideles de sua perseverantia in justificatione & æterna salute securos esse, idcircoque in omnem vitæ licentiam abripit. Nam si ne quidem de præfenti gratiæ statu, quanto minus de futuro per fidem constare potest. Sed unius alteriusve testimonio hæc lubet confirmare.

Cyprianus lib. 3. ad Quir. c. 27. Baptizatum quoque gratiam perdere, quam consecutus sit, nisi innocentiam servet, in Evangelio κατὰ Ioh. est. c. 3. Ecce sanus factus es. jam noli peccare, ne quid tibi detectius fiat. Item in Epist. Pauli 1. Cor. 3. nescitis quia templum Dei estis, & Spiritus Dei habitat in vobis. Si quis templum Dei violaverit, disperdet eum Deus. De hoc ipso in 2. Paralip. 15. Deus vobiscum est, dum estis vos cum ipso. Si deteliqueritis eum, derelinquet vos.

D Hieronymus lib. 2. c. 1. contra Jovinianum, solvit illud, quod

quod ex Joanne 1. Joan. 3. & 5. adducunt. Omnis qui natus est ex Deo, non peccat, &c. Si inquit, Omnis qui natus est ex Deo, non peccat, & à Diabolo tentari non potest, quomodo precipit (Idem Joannes) ut caveant, ne tententur, & in eadem rursum epistola 1. Ioh. 1. Si dixerimus quia peccatum non habemus, ipsi nos seducimus, & veritas in nobis non est &c. Existimo quod Ioannes baptizatus ad baptizatos scripserit. Quid ergo? contraria sibi Apostolus loquitur? Minimè. In eodem quippe loco, cur hoc dixerit, statim edisserit. 1. Ioh. 2. Filioli mei, hæc scribo vobis, ut non peccetis, sed si quis peccaverit, advocatum habemus apud Patrem Jesum Christum justum & ipse est propitiarius pro peccatis nostris, &c. frustra enim habemus advocatum, si peccari non potest. Et c. 2. ib. Paulus inquit, electionis vas, castigat corpus suum, & in servitutem redigit, ne aliis prædicans ipse reprobus efficiatur 1. Cor. 9. Et ad Corinthios 2. c. 11. Timeo, inquit, ne sicut serpens decepit Evam in astutia sua, ita corrumpantur sensus vestri à simplicitate, quæ est in Christo. Et existimet aliquis securos nos esse post baptismum? Nec non ad Hebræos 6. impossibile est enim eos, qui semel illuminati sunt, & gustaverunt donum cælestis, & participes facti sunt spiritus S. gustaveruntque nihilominus bonum Dei verbum, virtutesque seculi futuri & prolapsi sunt, renovati rursus ad pœnitentiam, rursus crucifigentes sibi met ipsi filium Dei, & ostentui habentes. Certe de eos, qui illuminati sunt, & gustaverunt Dei donum cælestis, & participes facti sunt spiritus S. gustaveruntque bonum Dei verbum, negare non possumus baptizatos. Si autem baptizati peccare non possunt, quomodo nunc Apostolus dicit, & prolapsi sunt?

D. Augustinus de corrept. & gratia cap. 13. Quis ex multitudine fidelium, quamdiu in hac mortalitate vivit, in numero prædestinatorum se esse præsumat? quia id occultari opus est in hoc loco, ubi sic cavenda est elatio, ut etiam, per angelum satanæ ne extolleretur, tantus colaphizaretur Apostolus 1. Cor. 12. Hinc & Apostolis dicebatur Ioh. 15 Si manseritis in me, dicente illo, qui illos utique sciebat esse mansuros &c. Propter huius ego utilitatem secreti, credendum est, quosdam de filiis perditionis, non accepto dono perseverandi usque in finem, in fide qua per dilectionem operatur incipere vivere, & aliquamdiu fideliter ac iuste vivere, ac postea cadere. Et de Dono Perseverantiæ lib. 2. cap. 22. De vita, inquit, æterna, quam filiis promissionis promisit non mendax Deus, nemo potest esse securus, nisi cum consummata fuerit ista vita, quæ est tentatio super terram. Iob. 7. Sed faciet nos perseverare in se usque in eius

-vita

*vita finem cui quotidie dicimus: ne nos inferas in tentationem*  
*Matth. 6.*

Si quæ adversarii hoc loco testimonia è Patribus producant, per hæc vel sola, ceteritudo divinorum promissorum erga fideles, nobis ultro assentientibus, probatur; vel nostra, quantum illis nitimur, securitas. Sed hæc non tollit justum metum, cum Dei justitiam, nostramque fragilitatem intuemur. Ex diversis objectis & cognitionibus diversi necessariò in animis affectus generantur, nisi jam omnis ratio & philosophia apud hos Novatores sepelienda sit.

Confessione Adversariorum, in consensu Patrum Veterisque Ecclesiæ manifesto minimè indigemus. Siquis tamen hanc desideret, hic illa, quæ de libero arbitrio dicta sunt, tum quæ de Justificatione atque etiam pœnitentia postea fusius tradentur, consulat. His enim locis omnibus idem quoque error subvertitur.

## DE OPERIBVS ET MERITIS.

### ARTICVLVS XXII.

**C**Redimus a nos qui natura servi sumus peccati, hac eadem fide intercedente, in novam vitam regenerati. Recipimus autem per fidem hanc sanctè vivendi gratiam, dum promissionem illam Evangelicam amplectimur, quod daturus sit nobis Dominus spiritum S. b Tantum abest igitur, ut benè & sanctè vivendi studium fides exstinguat, ut etiam illud cieat, & inflammet in nobis. Unde bona opera necessariò consequuntur. c Ceterum quamvis Deus, ut nos plenè servet, regenere nos, & ad sanctam vitam formet: d tamen *profitemur bona opera, quæ duce ipsius spiritu edimus, non respici à Deo, ut per ea justificemur, aut filii Dei censerè mereamur*: quoniam perpetua dubitatione fluctuaremus, nisi satisfactione illa niteremur, per quam non omni noxæ Jesus Christus exemit.

s. i. Rej

a Rom. 6. & 7. Colos. 2. v. 13. & 3 v 10. & 1. Petr. 1. v. 3. b. Iac. 2. v. 14. Gal. 1. v. 6. & 1. Ioh. 2. v. 3. & 3. v. 3. & 5. v. 18. c Deut. 30. v. 6. Ioh. 3. v. 5. d Ps. 16. v. 2. Luc. 17. v. 10. Rom. 4. v. 1. & c. Tit. 3. v. 8.

## §. I. Reformatio ex S. literis.

**C**Redimus cum D. Paulo, & arbitramur hominem iustificari per fidem, sine operibus legis; quod sine lege, iustitia Dei manifestata sit, per fidem Iesu Christi e idēoque Apostoli gentes Iudaeizare volebant, scientes, quod non iustificetur homo ex operibus legis, nisi per fidem Iesu Christi f imō universē, non operibus iustitia, qua fecimus nos, sed secundum suam misericordiam salvos nos fecit per lavacrum regenerationis & ut iustificati gratiā ipsius, heredes simus secundum spem vitæ æternæ g Quid ergo dicemus invenisse Abraham Patrem nostrum secundum carnem? si enim Abraham ex operibus iustificatus est, habet gloriam, sed non apud Deum. Quid enim dicit scriptura? credidit Abraham Deo & reputatum est illi ad iustitiam. Legis igitur Moylaicæ, & carnis, seu naturæ opera non iustificant, ut de his omni gloriatio nostra exclusa sit.

Nec minus eidem credimus, quia apud Deum factores legis, iustificabuntur, h legis inquam gratia. Nam quid proderit si fidem quis habere se dicat, opera autem (Christiana legis) non habeat, nunquid fides poterit salvare eum? Fides si non habeat opera, mortua est in semetipsa. Abraham Pater noster, nonne ex operibus iustificatus est, offerens Isaac filium suum super altare? Vides quoniam fides cooperabatur operibus illius, & ex operibus fides consummata est? & suppleta est scriptura dicens, credidit Abraham Deo, & reputatum est illi ad iustitiam, & amicus Dei appellatus est. Videtis quoniam ex operibus iustificatur homo, & non ex fide tantum. Sicut ergo corpus sine spiritu mortuum est, ita & fides sine operibus mortua est. i Quare cum averteris se impius ab impietate sua, & fecerit iudicium & iustitiam, ipse animam suam vivificabit. l Joanne facente. Nos scimus quia translati sumus de morte ad vitam, quoniam diligimus fratres, qui enim non diligit manet in morte. m Charitas est, qua operit multitudinem peccatorum. n Ita enim nos spiritu ex fide (viva) spem iustitia exspectamus. Nam in Christo Iesu, neque circumcisio aliquid valet, neque praputium (per opera legis, aut naturæ) sed fides, qua per charitatem (ἐν ἐργαίᾳ) efficaciter mota) operatur. o Quia, si habuero omnem fidem, charitatem autem non habue-

c Rom. 3. v. 21 & 28. f Gal. 2. v. 15. &c. g Tit. 3. v. 5.  
h Rom. 1. v. 13. i Iacob. 2. v. 17. &c. l Ezech. 18. v. 27.  
m 1. Ioh. 3. v. 14. n 1. Pet. 4. v. 8. o Gal. 5. v. 6.

habuero, nihil sum &c. charitas patiens est, benigna est, charitas non emulatur, non gaudet super iniquitate, congaudet autem veritati, omnia suffert, omnia credit, omnia sperat, omnia sustinet p Verbo sine charitate fides mortua est, quæ per illam vivit & operatur.

p 1. Cor. 13. v. 2.

Credimus denique audiendum Paulum dum monet: Exhibete membra vestra servire iustitia (iam utique obtentæ) in sanctificationem: q ita, ut qui iustus est iustificetur adhuc. & qui Sanctus sanctificetur adhuc r. Qui enim parcè seminat, parcè & metet &c. potens est autem Deus omnem gratiam abundare facere in vobis, ut, in omnibus semper omnem sufficientiam habentes, abundetis in omne opus bonum. Multiplicabit ille semen vestrum, & augebit incrementa frugum iustitia vestra, ut in omnibus locupletati abundetis. s

q Rom. 6. v. 18 r Apoc. 22. v. 11. s 2 Cor. v. 6. & 10.

Credimus postremò, quod licet, gratia Dei sit vita aeterna, & qui operatur in nobis velle & perficere, secundum bonam suam voluntatem, u & quod cum omnia fecerimus, quæ praecepta sunt nobis, dicere consultum sit, servi inutiles sumus, quod debuimus facere fecimus: x tamen si quis se emundaverit à delictis, erit vas in honorem sanctificatum, utile Domine, ad omne opus bonum paratum y & audire poterit: Euge serve bone & fidelis, Quia super pauca fuisti fidelis, super multa te constituam, intra in gaudium Domini tui z Non fallit vox Christi: Qui manet in me, & ego in eo, hic fert fructum multum; a Qui autem manet in eo, & seminat in Spiritu, de Spiritu metet vitam aeternam. b Quia, unusquisque propriam mercedem accipiet secundum suum laborem c Quodque momentaneum, & leve est tribulationis, supra modum in sublimitate, aeternum gloria pondus OPERATUR in nobis d Patrem enim invocamus eum, qui sine acceptione personarum iudicat, secundum uniuscuiusque opus. e Promisit autem Deus coronam vita diligentibus se. f Et pietas ad omnia utilis promissionem habet huius vita, qua nunc est, & futura g Hinc Paulus gloriatur, sed in Domino, h Bonum certamen certavi, cursum consummavi, fidem servavi, de reliquo reposita est mihi corona iustitia, quam reddet mihi Dominus in

I

illa

r Rom. 6. v. ult. u Phil. 2. v. 13. x Luc. 17. v. 10.

y 2. Tim. 2. v. 21. z Mat. 25. v. 22. a Ioan. 15. v. 5.

b Gal 6. v. 8. c 1. Cor. 3. v. 8. d 1. Cor. 4. v. 17.

e 1. Petr. 1. v. 17. f Iac. 1. v. 12. g 1. Tim. 4. v. 8.

h 1. Cor. 1. v. 31.

*illa die iustus iudex.* i Non enim iniustus est Deus, ut obliuiscatur operis nostri. l Vel igitur audiemus. *Venite benedicti Patris mei possidete regnum, esurivi ENIM & dedistis mihi manducare, &c.* vel: *ite maledicti in ignem aeternum, esurivi ENIM & non dedistis, &c.* m Illi ambulabunt cum Christo in albis *QUIA DIGNI sunt* n sicut alii ibunt in ignem aeternum *QUIA indigni.* o

i 2. Tim. 4. v. 7. l Heb. 6. v. 10. m *Matth. 25. v. 35.* n *Apoec. 3. v. 4.* o *Matth. 3. & 7.*

## §. II. Observatio.

**E**Rror iste, quod bona opera necessariò fidem sequantur, jam supra profligatus est, ubi intelleximus Davidem, Petrum aliosque fideles cecidisse. Alter, quod Deus bona opera non respiciat, ut per ea iustificemur, ac salvemur, hic paulò disertius ex S. literis erat proscribendus. Ex quibus, nisi adversarii pervertè alias scripturas negligenter, dum alias suis erroribus opportunas audiunt, jam dudum lis omnis sublata esset. Opera naturæ & legis Moylaicæ proscribit à justificatione & Salute Paulus; opera gratiæ, seu legis Christianæ quæ fide Christi nituntur, admittit Iacobus, tam apertâ utriusque sententia, ut interpretis hæc non egeat, ita ille Abrahamum negat ex operibus iustificatum; hic asserit. Cum ille de Abrahamo *secundum carnem* loquatur; hic de eodem, *Isaacum super altare offerente* ex cuius tamen semine credidit Messiam venturum; ita ut fides in Messiam huic operi cooperaretur. Quare ille Abrahamum iuxta naturæ legem; hic ex fide Christi operantem considerat. Ut hodie dum quivis Christianus, nunc ex lege rationis, aut scripta, virtutes politicas: non iustificantes nunc ex fide Christi, verè Christianas, & ad justificationem salutemque spectantes exercere poterit. Sive igitur virtutum opera ante fidem, ut in gentilibus: sive extra fidem, ut in Christianis quoque, exercita consideres, nihil ad justificationem salutemque conferunt, & Pelagianismi rei sunt, quotquot secus loquuntur.

Illæ verò opera, quæ ex fide Christi procedunt, vel spectantur, prout justificationem peccatoris antecedunt, & sic, licet illam non mereantur, (ut quæ gratis confertur, quia indigno datur peccatori) tamen spes timor, pœnitentia charitas, quæ operantur peccata, iustificare suo modo dicuntur; quod ad justificationem, gratis conferendam, congruè disponant, idque

non

non tam vi sua, quàm illius, ex qua fiunt, divinæ gratiæ; ut fons totius justificationis illa verè dicatur.

Prout verò justificationem sequuntur, siue opera hominis iustificati Deoque grati sunt, ita & gratiam iustificantem augment, & gloriam salutemque merentur, idque non gratis amplius, sed quia jam à iusto facta, digna sunt, dignitate tamen radicaliter ex Christi meritis orta, atque in opera iustificati diffusa. *Sicut enim palme non potest ferre fructum, nisi manserit in vite, ita nec vos* (ait Christ. Joh 15.) *nisi in me manseritis.*

Iterum fides distinguitur à Jacobo Apostolo cap. 2. in mortuam, quæ sine operibus est, & vivam cui hæc sociantur, in quibus hæc iustificari homo dicitur, illa negatur, Protestantes eandem distinguunt ex parte objecti crediti, in historicam, qua credimus revelatis omnibus propter Dei revelantis auctoritatem: & iustificantem, qua Dei promissis ita, credo, ut his nixus firmissimè confidam, ex ipsius misericordia, propter Christi meritum mihi imputata, me salvum fore: vel (ut Calvinistæ volunt) certam esse salutem meam, vitamque æternam mihi donatam esse, ut *Cathech. Heidel. supra.* Verùm nos hoc fidei monstrum, quod hac compositione extra S. litteras conceptum est, jam supra rejecimus. Et certè si in hoc salvifica fides consisteret, immeritò Arius, Nestorius, Eutyches aliique in SS. Trinitatem olim injurii, hærescos damnati essent, cum solum in historica (ut appellant) fide, quæ non agit de promissis divinis, sed natura & essentia Dei, aberrarint. Nam hic articulus, *Credo Deum esse, unum in natura, in personis triplicem, & Patri filium aequalem in substantia, Spiritum S. utriusque, quia Deus hac revelavit,* vel est fidei iustificantis articulus, vel non est. Si sit, historica fides iustificat: si minus, præsci hæresiarchæ huic articulo repugnantes ab hæresi absolvuntur: quia fidem salvificam non oppugnarunt. Hic laqueus Protestantibus inevitabilis est.

Illud quidem ultro damus, mortuam hanc fidem, atque inutilem, sine virtutum ex illa dependentium operibus, ut fiducia, & charitate fore, adeòque nec sine his iustificare, libenter itaque assentimur sentientibus, quod fides viva sola perfectè siue quod idem est, operibus juncta fides (non autem opera sine fide iustificet.) Quia juxta Paulum hæc fides iustificat, *qua per charitatem operatur.* Ergo seclusa operatione charitatis non iustificat, quia operando iustificat, & disertè Jacobus, *sicut corpus sine spiritu mortuum est, ita fides sine operibus,* ut igitur

corpus operari non potest nisi per spiritum; ita nec fides, nisi per opera. Magis etiam Ioannes id exprimit, *Qui non diligit, inquit, manet in morte*. Denique ratio evincit, cum enim iustificare sit viventis opus fidei, debet ab ipsa profluere, quâ viva est. At non est viva nisi per opera, ergo nisi per opera perfectè non iustificat.

Porro quod opera iustificati hominis *incrementum* præstent *iustitia, operenturque* in illo gloriam, ac mercedem, *juxta laborem dignitatemque suam, æterna salutis*, non minus, quàm mala opera ob indignitatem, pœnam suam consequantur, tam disertè ex S. scripturis traditur, ut qui hæc audeat evertere, atque à communi detorquere sensu, sensum amisisse omnem videatur. Neque tamen cum hac pugnat sententia, quod nonnunquam *vita æterna* ab iisdem S. literis *gratia* dicatur: quia in sola gratia per Christum totum opus salutis nostræ fundatur; ut, hac sublata, tota spes salutis everfa sit. Sicut igitur idem homo, modò mortalis, modò immortalis, idque ex diverso solum respectu dici potest: ita nihil impedit, quo minus diverso quoque intuitu, eadè salus hominis, nunc merces ac debitum, nunc gratia ac donum appelletur. Cum salutarum hominis opus, neque prorsus Dei, neque prorsus hominis, sed utriusque sit. unde diversæ illæ appellationes ducuntur. Estque hic loquendi modus adeò generalis, ut ob præcisos imperfectosque mortalium conceptus, ubique locum reperiatur.

Absurda quæ adversarii ex nostra procudunt sententia; ut quod derogetur meritis Christi, & fragili nostrorum operum fundamento, de salute fluctuantes, innitamus, figmenta sunt, quibus se aliosq; decipiunt. Plus quàm illi, meritis Christi tribuimus, quorum in nobis gratiam sterilem esse non patimur, & huic, tanquam anchoræ spei nostræ, firmissimè, sine diffidentia, sed non absque salubri metu, inde Christi meritis, promissiisque firmati, hinc lubrica hominum in bono constantia territi, adhæremus. Illi contra, dum uni Christo ad justificationem salutemque suam tribuunt, sine sua cooperatione, omnia; curam bonorum operum, tanquam insectorum, mortalibus eripiunt, adeoque in hac desperatione synceræ virtutis, & erecta per solam fidem salutis confidentia, scelerei libertatem sub titulo necessitatis faciunt, ideoque pro vera in Deo fiducia, certam, cum hæreticis, pertinaciam amplectuntur. Cum impossibile illis sit hac in causa argumentum suæ certitudinis promere, quod hæretici nequeant usurpare.



§. III. Patres Orthodoxæ Ecclesiæ ex S. literis De  
operum Iustificatione & merito  
statuunt.

SS. Patrum in hac doctrina magnus consensus, &  
apertissima sententia.

**C**lemens Alexandrinus lib. 3. Strom. Hæc dicit Dominus  
Eunuchis, si custodieritis Sabbata mea, & feceritis quæ-  
cunque præcipio vobis, dabo vobis locum meliorem à filiis &  
filiabus. *Non sola enim iustificat castitas, sed nec Sabbatum Eunuch-  
i, nisi fecerit mandata.* Et lib. 6. *Quando audierimus, fides tua te  
salvam fecit; non accipiamus eum dicere absolute, eos salvos futu-  
ros, qui quomodocunque crediderint, nisi facta quoque fuerint con-  
secuta. Proportione habita sunt varia mansiones pro dignitate &  
meritis eorum, qui crediderunt.*

Origines cap. 2. ad Rom. *Ne fideles putent, hoc sibi solum suffi-  
cere, quod credunt; sed sciant iustum iudicium Dei, reddere uni-  
cuique secundum opera sua &c. Non expedit incircumcisum esse  
fide & operibus, ut sit circumcisis corde, qui fidem habet, & cir-  
cumcisis carne, qui opera habet, alterum namque sine altero re-  
probatur, quia & fides sine operibus mortua est, & ex operibus  
sine fide nemo apud Deum iustificatur. Sic ergo, ut ego, arbitror,  
dictum propheticum Exod. 44. convenienter aptabitur fidelium  
populo, quibus dicitur: omnis alienigena, qui est in vobis in me-  
dio domus Israel, circumcisis corde, & incircumcisis carne,  
non introibit in sancta mea. Hoc est nimirum quod & Dominus  
in Evangelio, dicit Ioh. 14. qui credit in me, mandata mea custo-  
dit. Et iterum, qui audit verba mea, & facit ea. Et non omnis qui  
dicit mihi Domine, Domine; sed qui facit voluntatem patris  
mei, qui in cælis est, ipse intrabit in regnum. Matth. 7. Vi-  
des ergo ubique fidem cum operibus iungi, & opera cum fide so-  
ciari.*

Idem in cap. 3. ad Rom. externum quidem opus ad fidem ju-  
stificantiem non iudicat necessarium, dum ait. *Dicit Apostolus,  
sufficere solius fidei justificationem, ita, ut credens quis tantummo-  
do iustificetur, etiamsi nihil ab eo operis fuerit expletum.* Sed cap.  
4. ad Rom. subiicit: *credentibus quidem Christo, nec tamen de-  
ponentibus veterem hominem cum actibus suis, fides reputari  
non potest ad iustitiam.*

D. Ambrosius nonnunquam solam fidem (vivam utique) in justificatione commendat. Sic verò loquitur lib. 2. offic. c. 2. *Scriptura divina vitam beatam in cognitione posuit divinitatis, & fructu bona operationis*. Hæc autem inquit Ioan. 17. est vita æterna, ut cognoscant te solum verum Deum, & quem misisti Jesum Christum. Et de operibus ita respondit Matt. 19. omnes qui reliquerit domum, vel fratres, propter nomen meum; centuplum accipiet, & vitam æternam. *Habet ergo vitam æternam fides, quia fundamentum est bonum; habent & bona facta, quia vir justus & dictis & rebus probatur.* Et ad Hebr. 4 cap. *Magna quidem res est fides, & salutaris, & sine hac salvari non possibile, sicut dictum est: sine fide impossibile est placere Deo* Heb. 11. *Sed sola fides non sufficit, operari per dilectionem fidem necessarium est, & conversari dignè Deo.* Et lib. 10. 82. *Qua nobis salve esse potest, nisi jejunio elucrimus peccata nostra, cum scriptura dicat, jejunium & eleemosyna à peccato liberat, Tob. 4. & 12. Qui sunt ergo hi preceptores, qui meritum excludunt jejunii? Nonne gentilium vox ista est: Manducemus & bibamus, &c.*

Basiliius Magnus in præf. de judicio Dei, in verba illa Christi: *Ite maledicti, venite benedicti, &c.* *Causam cur ita abs se discedere illos jubeat, subjicit: non quod aut quenquam interfecisset, inquit, aut fornicati esset. Sed quid? Quia bona opera facere neglexisset.* Esurivi enim & non dedistis mihi manducare, &c.

D. Chrysostomus quoque aliquando fidei soli ad stipulatus, de qua ait ad Philemonem hom. 2. fides efficax est, si habeat opera. Hom. 9. in Joannem sic loquitur. *Nolumus fidem ad salutem nobis satis esse existimare. Nam nisi vitam puram habuerimus, & hac celesti vocatione digna nos induerimus vestimenta, quibus ad nuptias admittamur, nihil nos eripiet; quin eodem, quo miser ille, afficiamur supplicio.* Matth. 22. Et hom. 30. ib. *Nunquid ergo satis est ad vitam æternam in filium credere? Minimè. Non enim omnis, qui dicit mihi, Domine, Domine, intrabit in regnum cælorum. Matth. 7. Cum ergo dicit: hæc est vita æterna, ut cognoscant te solum verum Deum.* Ioan. 17. v. 3. *Nolumus hoc nobis ad salutem satis arbitrari. Opus namque nobis est & vita & morum puritate pollere, &c.* Et hom. 70. in Matth. *Ne fideles sola se fide salvari posse confidant, de pœna malorum differit (Christus apud Evangelistam) ita infideles ad fidem; fideles verò ad rectò vivendum cohortatur.*

D. Hieronymus in cap. 5. ad Gal. *Exemplum fidei per charitatem operantis, de Evangelio illa meretrix tribuat, qua cum in-*  
domo

domo Pharisæi accubanti Domino pedes lavisset lacrymis, terfisset crinibus, linisset unguento, & Phariseo murmuranti Dominus parabolam 550. denarios debitoris proposuisset, adjecit Propter quod dico tibi, dimittuntur ei peccata multa, quia dilexit multum, & ad ipsam mulierem conversus ait: fides tua te salvam fecit, vade in pace. Luc. 7. Apertè enim, in hoc loco demonstratum est, mulierem istam habuisse fidem per charitatem operatam, qua multum valuerit in Christo.

D. Augustinus disertissimè ex S. literis hanc doctrinam explicat, & licet alicubi solius fidei, nempe vivæ, ad salutem sufficientis meminerit, tamen mentem plenius aperit. De fide & operibus cap. 14. Quoniam, inquit, hac opinio (Paulum fidem solam tanquam saluti sufficientem commendasse) tunc fuerat exorta: alia Apostolica Epistola Petri, Ioannis, Iacobi, Iudæ, contra eam dirigunt intentionem, ut vehementer adstruant, fidem sine operibus nihil prodelle. Sicut etiam ipse Paulus non quamlibet fidem, sed eam salubrem planeque evangelicam definiuit, cujus opera ex dilectione procedunt. & fides inquit, quæ per dilectionem operatur. Gal. 5. Vnde illam fidem qua sufficere quibusdam ad salutem videtur, ita nihil prodesse asseverat, ut dicat: Si habeam omnem fidem, ira ut montes transferam, charitatem autem non habeam nihil sum. 1. Cor. 13. Et in epist. Johan. Tract. 5. Non discernuntur, ait, filii Dei à filiis diaboli, nisi charitate. Qui habent charitatem nati sunt ex Deo 1. Ioh. 4. Qui non, non sunt nati ex Deo, &c.

Idem lib. 83. questionum, scripturas pro hac veritate coarcevat quæst. 76. Manifestum est, inquit, quod Paulus dicit Rom. 5. arbitramur hominem justificari per fidem, sine operibus. Non tamen ita intelligendum est, ut accepta fide, si vixeris, dicamus eum justum, etiam si malè vixerit. Ideo exemplo Abrahamæ & Apostolus Paulus utitur Rom. 4. quia sine operibus legis (quam non acceperat) per fidem justificatus est. & Iacobus c. 2. fidem ipsius Abrahamæ opera bona consecuta esse demonstrat. ostendens quemadmodum intelligendum sit, quod Paulus predicavit. Nam qui putant istam Iacobi Apost. sententiam contrariam esse illi Apost. Pauli sententia, possunt arbitrari etiam ipsum Apostolum sibi esse contrarium, quia dicit alio loco Rom. 2. v. 13. non enim auditores legis iusti sunt apud Deum, sed factores legis justificabuntur, & alio loco Gal. 5. v. 6: sed fides quæ per dilectionem operatur, & iterum Rom. 8. Si enim secundum carnem vixeritis moriemini, si autem spiritu facta carnis mortificaveritis vivetis, &c. quod &

*ipſe Dominus commemorat, dicens Mat. 7. Non omnis qui dicit mihi Domine, Domine intrabit in regnum cælorum, ſed qui facit voluntatem patris mei, qui in cælis eſt &c. Quapropter non ſunt ſibi contraria d. aurum Apoſtolorum ſententia Pauli & Iacobi, cum dicit unus, juſtificari hominem per fidem, ſine operibus Rō. 3. & alius, inanem eſſe fidem ſine operibus Iac. 2. quia ille dicit de operibus, quæ fidem præcedunt, iſte de ijs, quæ fidem ſequuntur. Sicut etiam in ſe Paulus multis locis oſtendit.*

Idem, quando gratis juſtificemur tradit in *psal. 18. Expoſ. 2. Omnes peccaverunt, inquit, ex Rom. 3. v. 23. & egent gloria Dei, juſtificati gratis, per ſanguinem ipſius, quia gratis, ideo gratia: non enim gratta niſi gratuita; quia nihil boni ante feceramus, unde talia dona mereremur &c. Ille autem non propter noſtram juſtitiam, ſed propter ſuam miſericordiam ſalvos nos fecit per laverum regenerationis Tit. 3.*

Idem docet, & gratiam & debitum vitam æternam dici, in *Ioh. Tract. 3. Pro quo merito accipis vitam æternam? Pro gratia. Si enim ipſa fides gratia eſt, & vita æterna quaſi merces eſt fidei. Videtur quidem Deus vitam æternam, tanquam debitam reddere. Cui debet a? fidei, quia promeruit eam per fidem. Sed quia ipſa fides gratia eſt, & vita æterna gratia eſt pro gratia. Aud: Paulum Apoſtolum conſistentem gratiam & poſtea debitum expetentem. Confeſſio gratia quæ eſt in Paulo? Qui prius fui blaſphemus & perſecutor & iniurioſus, ſed miſericordiam, inquit conſecutus ſum 1. Tim. 1. Indignum ſe dixit, qui conſequeretur; conſecutum tamen, non per merita ſua, ſed miſericordiam Dei. Audi illum flagitantem debitum, qui primò indebitam ſuſceperat gratiam. Ego enim, inquit, 2. Tim. 4. jam immolor, & tempus reſolutionis meæ iſtat. Bonum certamen certavi, curſum conſummavi, fidem ſervavi, de cetero reſpolita eſt mihi corona juſtitia. Iam debitum flagitat, iam debitum exigit. Nam vide verba ſequentia: quam reddet mihi Dominus in illa die juſtus iudex. Vt ante ſuſciperet gratiam, miſericordem patrem opus habebat; Vt premium gratia, iudicem juſtum. Hæc Aug. qui ſimilia planè tradit in lib 50. homil hom 14. c. 2 & in *Psal. 83. in verba, Miſericordiam & veritatem diligit Deus, Et in psal. 100. & Epist. 105 ad Sixtum.**

Alibi vitam æternam labore & paſſione noſtra emendam docet. Ita in *psal. 49. verba, congregate illi juſtos eius: Quos juſtos, inquit, niſi viventes ex fide, facientes opera miſericordiae &c. quibus dicit Paterfamilias Mat. 25. Venite benedicti patris mei, percipite. Quid percipite? Regnum, Pro qua rei Eſurivi & dedidiſis mihi*

mihi manducare. *Quid tam vile, quid tam terrenum, quam frangere panem esurienti? Tanti valet regnum calorum* Frange esurienti panem tuum, & egenum sine tecto induc in domum tuā, si videris nudum vesti. *1/a. 58. Si non habes facultatem frangendi panem, non habes demum quo inducas, non habes vestem, qua cooperias;* da calicem aquae frigidae *Matth. 10.* mitte duo minuta in gazophylazium *Mar. 12.* *Tantum emit vidua duobus minutis, quantum Petrus relinquens retia, quantum emis Zachaeus dando dimidium. Tantum valet, quantum habueris* Et in psal. 93. *Attende te hic habere laborem; sed attende qualem ille requiē pollicetur. Quid ait Apostolus? 1. Cor. 13.* Etenim quod ad praesens est temporale &c. aeternum gloriae pondus operatur nobis &c. *Aeternam vitam tibi daturus est Deus, cogita quanto labore emenda sit. Intendite fratres, venale est, venale est, quod habeo dicit tibi Deus, eme illud. Quid habet venale? Requiem venalem habeo, eme illam &c.*

Denique diversitas iustitiae in hoc mundo, & praemiorum in caelo ab eodem differtē traditur. Ut lib. 14. de Trinit. c. 17. *Duo, inquit, demonstrantur in psalmo, ubi legitur: qui propitius sit omnibus iniquitatibus tuis, quod fit in baptismo, deinde sequitur, qui sanat omnes languores tuos. ps. 102. quod fit quotidianis accessibus, cum hac imago renovatur. De qua re Apostolus apertissime locutus est, dicens: Et si exterior homo noster corrumpitur; sed interior renovatur de die in diem 2. Cor. 4* Renovatur autē in agnitione Dei, *hoc est. iustitia & sanctitate veritatis. Eph. 4. v. 15. & 24.* Et Tract. 67. in Evang. Joh. *Cum audiunt, inquit, in domo patris mei mansiones multae sunt, si quo minus dixissem vobis, quia vado parare vobis locū. Ioh. 14. a perturbatione recreantur, certi ac sedentes, etiam post pericula tentationum, se apud Deum cum Christo esse mansuros. Quia etsi alius alio est fortior, alius alio sapientior, alius alio iustior, alius alio sanctior, in domo patris mei mansiones multae sunt. Nullus eorum alienabitur ab illa domo, ubi mansionem pro suo quisque accepturus est merito. Denarius quidem ille aequalis est omnibus, quem Paterfamilias eis, qui operati sunt in vinea, jubet omnibus dari, Mat. 20. non in eo discernens, qui minus; & qui amplius laborarunt. Quo utique denario vita significatur aeterna, ubi amplius alio nemo vivit, quoniam vivendi non est diversa in aeternitate mensura. Sed multae mansiones diversae meritorum, in una vita aeterna, significant dignitates. Alia est enim gloria solis, alia gloria lunae, alia gloria stellarum. Stella enim a stella differt in gloria, sic & resurrectio mortuorum 1. Cor. 15. Tanquam stellae sancti, diversas mansiones, diversas claritates tanquam in caelo, sortiuntur in regno.*

Plura Veterum testimonia de iustificatione, & meritis bonorum operum non adduco, cum omnes factorum scriptorum libri redundant, & sicubi iustificationem tribuunt soli fidei, atcentque opera, vel agunt de fide viva, quæ spem & charitatem involvit: vel excludunt, opera fidem talem antecedentia, vel etiam externa iustificationem consequentia (nam sine his plures, à iustificatione accepta mori possunt & salvari) vel denique opera fidelis, in peccato constituti, negant iustificationem promereri, quæ omnia orthodoxæ veritati consentiunt. Quo verò iidem sensu, vitam æternam: nunc *gratiam* nunc *debitum*; nunc *mercedem*, cui *meritum* respondere necesse est, nunc *donum* appellent, satis vel ex S. literis, vel ex solo Augustino manifestum est. Nunc ipsa Adversariorum iustificatione erroris eisdem convincamus.

#### §. IV. Protestantes agnoscunt veterem orthodoxam Ecclesiam operum iustificationem & meritum professam esse.

**I**N hoc uno articulo de summa controversiarum agitur. In quo si nobis orthodoxam Priscorum Ecclesiam favere adversarii fateantur, causâ apertissimè ceciderunt.

Lutherus tom. 2. Germ. Jen. *de summa Mandat. Dei* fol. 480. Ego, inquit, neminem scio, qui de fide & operibus rectè iudicare potuerit, exceptis Apostolis, ad id ipsum electis, ut eam rem purè docerent, & doctrinæ fundamenta jacerent. In ceteris libris omnibus id nequaquam invenitur, ut ita mirum non sit, eam doctrinam nostris temporibus aded peritisse.

Calvinus, ubi operum bonorum pretium expendit, hæc de Veterum Patrum sensu profitetur. *Instit. lib. 3. cap. 11. § 2.* post quæstionem positam. *An opera nostra apud Deum gratiam promereantur?* Respondet. De *meriti* nomine id mihi præfari necesse est Quicumque primus illud operibus humanis, ad Dei iudicium comparatis apravit, eum fidei sinceritati pessimè consuluisse. Uti sunt, fateor, passim verusti Ecclesiæ scriptores, atque utinam vocolæ unius abusu erroris materiam posteris non præbuisent. *Hæc ille*, non expendens, toties in S. literis *meriti* vocem necessario supponi, quoties *mercedis* memoria est; merces enim nulla est, nisi ubi est meritum.

Pareus idem locis diversis fateatur, singularim *Comment. in Genes.*

*Genes. cap. 26. v. 5.* Non negamus, ait, Patres merita humana passim adstruere. *Augustinus* de civit. Dei lib. 16. cap. 36. de hoc loco disputat; an majora & potiora fidei & obedientiæ Abraham merita fuerint, quàm Isaac. *Et infra.* Sed merita fidei & obedientiæ statuit, id est, opera impetrantia à Deo præmia gratuita, manifesta vocis καὶ ἀρχαῖς.

Hospinianus *part. 1. hist. sacr. in dedicat. Epist.* de Patribus concludit. Et ne, ait, de singulis dicendum sit. Omnibus ferè hoc vitium fuit, quod viribus humanis nimium tribuerent. Etsi enim interdum asseverent, sola fide in Christum nos justificari, tubinde tamen operum fermentum simul aspergunt. *Hac ille.* Sed tamen Augustinum sibi, ut ratus maximè faventem, vendicare ridiculè conatus est.

Magdeburgenses in præfatione ad secundum seculum Apostolis proximum, candidè de hujus ævi Patribus enuntiant. Articulū, ajunt, justificationis non satis perspicuè explicatur, & operibus justificatorum plusquam debebant adscripserunt. *Ac deinde Cent. 2. cap. 4. de operib. & perf.* Obscurari, inquiunt, cœpisse Clementis ætate doctrinam de fine bonorum operum, ex ipsius Clementis scriptis apparet. Numquam enim videas cum in hac parte satis sibi constare, sed à sententia sua subinde variare, & interdum ea ponere, quibus sibi manifestè contradicat: ut cum salutem æternam alias fidei, alias operibus, alias utriusq; simul adscribit, &c. Ita, inquit, lib. 5. Strom. gratia servamur, sed non abjūque bonis operibus. Et libro 6. quando audierimus, fides tua te salvam fecit: non accipiamus, eum dicere absolute, &c. ut supra.

Similia, inquiunt, apud Theophilum lib. 2. deprehendas, legem, ait, & præcepta sancta communicavit nobis Deus: qua si homo servaverit, salutem consequi, & resurgens hæreditatem incorruptibilem nancisci poterit.

Ita illi de proximo ab Apostolis seculo, ubi istas Clementis, quas perperam appellant, contradictiones, non pro veritate amplectimur; quod idem S. Scriptura cum illo dicat, & jure dictam supra vidimus.

De Patribus ætatis tertiæ *Cent. 3. c. 4.* ajunt, per hos magna ex parte hunc summum ait. de justificatione obscuratum esse. Justitiam enim coram Deo operibus tribuerunt. Ita Origines lib. 1 in Job. Proculdubio, quod omnia jussè (Job) disposuerit & judi. avertit, non reveritus personam, non accipiens munera, non despiciens oppressum, non spernens viduam, non obliviscens orphanum: pro his omnibus, & ex his omnibus, atque per  
has

hac cuncta erat iustus. Et Methodius apud Epiphan. in serm. de Resur. Impotentiam, inquit, naturalis boni, ob quam languebat (homo) à concupiscentia in corpore sita, superatâ Deus recuperavit misso filio suo &c.

Et de bonis operibus subjiunt. Magis, quam superioris seculi, Doctores hujus ætatis, a vera doctrina Christi & Apostolorum (ita hi somniant) de bonis operibus declinarunt. Opera enim electitia multa excogitarunt, & inculcarunt. Quemadmodum immodicis Tertullianus castitatem laudibus extollit & pudiciâ. Zachæo lib. 4. contra Marc præcipuam causam iustificationis fuisse ait, quod Isaia 58. præceptum, frange esurienti panem tuum, impleverit.

Illud quoque Origenis tract. 32. in Mat. citant. Qui profitentur quidem fidem in Iesum, non autem præparant se bonis operibus ad salutem, assimulantur virginibus fatuis. Et libro 8. in Epist. ad Rom. Sciendum quia opera, quæ Paulus repudiât, & frequenter vituperat, non sunt iustitia, quæ mandantur in lege; sed ea in quibus hi, qui secundum carnem legem custodiunt, gloriantur, id est, circumcisio carnis, vel sacrificiorum ritus, vel sabbatorum observatio, & neomeniarum. Hæc & similia sunt opera, in quibus dicit, neminem potuisse salvari. Et ibidem. Si in præsentī seculo dat Deus unicuique gratiam, secundum mensuram fidei, sine dubio & in futuro dabis unicuique gratiam, pro mensura meritorum.

De Cypriano sic habent. sensit 15. lib. 3. Epist. 25. meritorum præcedentium defensione obvelari peccata subsequentiâ. Quo errore, & disciplina, id est, bonis operibus, tribuit; quod sit custos spei, retinaculum fidei, & faciat in Christo manere semper, jugiter in Deo vivere, & ad promissa cœlestia, & divina præmia pervenire. Et ser. de orat. qui quotidie delinquimus, delicta nostra sanctificatione assidue repurgemus. Sic & serm. 1. de Eleemos. ex professo sentit, peccata commissa post baptismum eleemosynâ & bonis operibus extingui. Semel inquit, in baptismo peccatorum remissio datur, assidue & iugis operatio, baptismi instar imitata, Dei indulgentiam largitur. Idque probare conatur dictis scripturæ, ut Tob. 4. Eleemosynis & fide purgantur peccata. Et Eccli. 3. Sicut aqua extinguit ignem, sic eleemosyna peccatum. Item ex dicto Christi Joh. 5. v. 14. Ecce sanus es: vide ne quid pecces, ne quid gravius tibi accidat: ratiocinatur bonis tuendam esse salutem, & amissam recuperandam.

Ex quartæ ætatis Patribus pauca è muleis tangam. Cent.

4. cap. 4.



4. cap. 4. *Lactantius*, inquit, asserit lib. 7. cap. 27. *Deum dare nobis aeternam salutem, propter virtutes nostras, labores, arumnas.* Hilarius in Mat. cap. 7. *De nostro est beata illa aeternitas promerenda, praestandumq; aliquid ex proprio & c.* Nazianzenus orat. de cura pauperum *Eleemosynis & fide purgantur peccata. Misere-scendo igitur purgemur, pulchra hac herba anima nostra abstergamus sordes & c.*

Præter hos citant in eandem sententiam Nilum in *Gnomis Chromatium de octo Beat.* D. Ambrosium lib. 1. Ep. 82. Theophilum Alexandrinum lib. 3. *Paschali*, B. Ephrem. lib. de vera Pœnit. c. 1. *De Beat. anima* c. 2. *De extr. iud.* c. 1. & *serm. de Virg.* D. Hieronymum in cap. 3. ad Gal & alibi. Ac sic denique concludunt. Jam cogitet pius lector, quàm procul hæc ætas, in hoc articulo, de Apostolorum doctrina (Protestantium dicendum erat) de seiverit.

Ex quinto seculo, magna Patrum series, justificationem & salutem operibus quoque nostris meritisque tribuentium, inducitur, Cent. 5. cap. 4.

Chrysostomus hom. 6. in Joh. c. 1. *Primum errata tua in Deum confiteare, ut iustificeris. Hinc David.* dixi pronuntiabo adversum me iniquitatem meam Domino, & tu remisisti impietatem cordis mei & c. *Audi Danielem,* peccata tua eleemosynis redime & c. Et hom. 48. in Joh. c. 7. *Si Noe, si Iob, si Daniel nobis pater esset, nihil conferrent, si propriis meritis vacui reperiremur.* Et hom. 20. in Joh. c. 2. *Nostris ipsorum operibus salutem consequi totis viribus adnitamur.* Item hom. 41. & 61. in Joh. c. 11. hom. 72. in Joh. c. 14. Hom. 1. in Gen. c. 1. hom. 5. in Mat. c. 1. ser. 1. in c. 1. ad Eph. & c. Augustinus, aiunt, nimium interdum operibus tribuit, ut de peccat merit & remis. Dominus quadam salubri remedia, contra reatum & vincula peccatorum, etiam post baptismum dare & valere dignatus est, opera scilicet misericordie, cum ait, dimittite & dimittetur vobis, date & dabitur vobis. Item cap. 4. & c.

Prosper ait lib. 1. de vita Cont. c. 19. *Nec opera sine fide, nec fides sola sine operibus iustificat.* Et in Epilog. 1. de Promiss. & Præd. Dei in ara contriti cordis immolari holocausta, non sine incenso orationum omnium sanctorum, quibus me ab omni peccato expiari posse confido. Citatur & S. Leo serm. 2. & 5. collect. & Epist. 9. ad Theod. Maximus hom. de diversis, Eufychus in c. 4. Levit. Sedulius in c. 4. ad Rom. Salonius in Prov. Thalassius hecat. 2. Theodulus in cap. 4. 3. & 10. ad Rom. Eucherius in L. 3. Reg. Salvianus lib.

*lib. 3. & 4 de Provid.* De quibus omnibus, vel autores, vel Centuriatores consuli poterunt. Mihi veteris orthodoxæ Ecclesiæ sensus tam manifestè in omnium eminere scriptis videtur, ut qui hunc neget, lucem soli negare videatur.

### ARTICULUS XXIII.

**C**Redimus *a* omnes legis figuras adventu Jesu Christi sublatas esse, quamvis earum veritas & substantia nobis in eo constet, in quo sunt omnes impletæ. Legis *b* tamen doctrina & prophetis nobis utendum est, tum ad vitam nostram formandam, tum ut eo magis in promissionibus Evangelicis confirmemur.

*a Rom. 10. v. 4. Gal. 3. & 4. Colof. 2. v. 17. b 2. Tim. 3. v. 16. & 2. Petr. 1. v. 19.*

## DE INVOCATIONE SANCTORVM.

### ARTICULUS XXIV. Pars I.

**C**Redimus *c* quoniam Jesus Christus *datus est nobis unus advocatus*, d qui etiam præcipit, ut ad Patrem suo nomine confidenter accedamus *e* *Nique nobis licet, alia forma preces concipere, nisi ea quam nobis Deus verbo suo dictavit.* *f* Quidquid homines *de mortuorum sanctorum intercessione commementi sunt, nihil aliud esse, quàm & fraudes fallacias Sathanae*, ut homines à recta precandi forma abduceret.

*c Tim. 2. v. 5. & 1. Ioh. 2. v. 1. d Ioh. 16. v. 33. e Matth. 6. v. 9. Luc. 11. v. 2 f Act. 10. v. 25. & 14. v. 15. Apoc. 19. v. 10.*

#### §. I. Reformatio ex S. literis.

**C**Redimus, quod *unus sit Mediator Dei & hominum Iesus Christus*, qui dedit redemptionem semetipsum pro omnibus. *g* *Quem & advocatum habemus apud Patrem, quia ipse est propitiatio pro peccatis nostris ac totius mundi.* *h* Sed & *Moyſes*, sine sanguine mediator fuit, *i* *sequester & medius inter Deum & homines* *l* per alios & ipse mediatores Deum placans *Iacobi*, inquit, *in coram Domino quadraginta diebus ac noctibus, quibus eum suppliciter deprecabar, ne deleſet vos, & orans dixi: recordare servorum tuorum Abraham, Isaac, & Iacob: ne aspicias duritiam populi, &c.*

Hoc

*1. Tim. 2. h 1. Ioh. 2. i Gal. 3. v. 19. l Deut. 5. v. 5. m Deut. 9. v. 25.*

Hoc olim Jacob docuerat, *invocetur nomen meum super pueros hos, & nomina Patrum meorum.* n Jobum amici monebant, *ad aliquem Sanctorum convertere* o Jacob ipse, post Deum invocatum, aiebat. *Angelus qui eruit me de cunctis malis, benedicat pueris istis.* p Quare nihil vetat, & nos his orandi formulis uti. n Gen. 48. v. 16. o Job. 5. v. 1. p Gen. 48.

Deushujus vitæ mediatores adhibendos suadet. *Ite ad servum meum Iob, orabit pro vobis & faciem ejus suscipiam.* q Israelitæ rogant *Samuelem ne cesses clamare pro nobis ad Dominum D.N. ut salvet nos.* r Et D. Paulus, quantumvis sanctus, obsecro, inquit, vos fratres, per D.N.I.C. ut adjuvetis me in orationibus vestris apud Deum. f Sed & alterius vitæ mediator fuit Angelus Raphael, qui obtulit orationem Tobia ceram Domino t & viginti quatuor seniores ceciderunt coram agno habentes singuli citharas, & phialas aureas odoramentorum, quæ sunt orationes Sanctorum. u Nec ignorare nos possunt, qui spectaculum facti sumus Angelis x & mandavit Deus Angelis, ut custodiant nos in omnibus viis. y nam sunt administratorii spiritus missi propter eos, qui hereditatem capiunt salutis. z Ut nec homines ignorant qui digni habentur illo seculo, æquales enim Angelis sunt, & filii Dei a qui enim vicerit, habebit potestatem super gentes. b Quid? quod majus sit gaudium in calo super uno peccatore penitentiam agente. quàm super 99. iustis? c Si aliquando invocatus Abraham, nescivit suos & Israel ignoravit eos d indignos averfando; scivit tamen, quod haberent Moysen & Prophetas, quos audire possent, & deberent e Horum intercessio verò post mortem potens est, ut Deus fateatur. Si steterit Moyses & Samuel coram me, non est anima mea ad populum istum, f

q Job. 42. v. 8. r 1. Reg. 7. v. 8. f 1. Rom. 15. v. 30. t Tob. 12. v. 12. u Apoc. 5. v. 8. x 1. Cor. 4. y Psal. 90. v. 11. z Heb. 1. v. 14. a Luc. 20. v. 35. b Apoc. 2. v. 26. c Luc. 15. v. 7. d Isa. 63. v. 16. e Luc. 16. v. 29 f Ier. 15. v. 1.

Credimus quoque audiendum sequendumque. *Dominum Deum unum adorabis, & illi soli servies* (λατρεύσεις) g & cavendū, ne quis juxta Platonicos nos decipiat per philosophiam, & inanem fallaciam, &c. ac seducat in humilitate & religionis Angelorum. h Ideoq; Joannem absterritum, ne Angelum, qui in persona Dei dixerat, ego sū primus & novissim⁹, & ego sum a & te initiū & finis I

110

g Matt. 4. v. 10. h Col. 2. v. 8. & 18. i Apoc. 1. v. 17. & 21. v. 6.

Ut Deum adoraret: *vide ne feceris, conseruus enim tuus sum. Deum adora.* l Tamen Angelos sanctosque tanquam Dei amicos rectè veneramur & adoramus, ita uterque Tobias, cum audisset. *Ego sum Raphael Angelus, unus ex septem, qui adsumus. ante Dominum, trementes ceciderunt in terram super faciem suam.* m Et cum aperuisset Dominus oculos Balaam, & uidisset Angelum stantem in via evaginato gladio, adorauit eum pronus in terram n Ita Josue, dicente Angelo: *Sum princeps exercitus Domini, cecidisti pronus in terram,* & adorans ait: *quid Dominus loquitur ad seruum suum?* o Et Rex Saul Samuele post mortem appaente: *eum intellexit quod esse Samuel, inclinauit se super faciem suam in terra, & adorauit.* p Nihil igitur vetabit, horum nos exempla hoc in obsequio imitari.

l *Apoc. 1. v. 17. & 21. v. 6.* m *Tob. 12. v. 15.* n *Num. 22. v. 31.* o *Ios. 5. v. 14.* p *1. Reg. 28. v. 14.*

## §. II. OBSERVATIO.

SI has omnes æqua ratione scripturas ponderes, intelliges illorū fallaciam, qui solum Mediatorem intercessionis Christum, solam adorationem religiosam Deo debitam, nobis conantur, scripturis ceteris oblitteratis, persuadere. Unum hoc ubique fallendi est artificium. Multa ex S. literis, vel oculis, vel intelligentiæ mortalium subducere, aut nonnisi detorto depravatoque sensu exponere. Ita se aliosque hi magistri fraudum volentes decipiunt.

Primò, cum de natura cultus, *quis, ille, & cui* debeat, lis tota sit: & nos, juxta veram certamque Philosophiam, hunc distinguamus, ex triplicis objecti diversitate, hoc est *increate excellentia*, quæ solius Dei est: *creata supernaturalis*, quæ gratiæ & gloriæ in beatis est: tum denique, *creata naturalis*, quæ est excellentia quædam politica, quâ alius in rep. præ alio eminet, ac necesse omnino sit, ex tanta objectorum, rationumq; mouentium diversitate, cultus quoque existere diversitatem: tamen addè nos præposteros aduersarii in hac causa fingūt, ut idololatrias faciant, hoc est, dicant nos cultum Deo debitum transferre ad creaturas, sive, quod idem est, tam nos esse hebetes, & peruersos; ut non distinguamus cultū excellentiæ creatæ debitū, à cultu qui defertur excellentiæ increatæ. Potestne tanta sentiendi perversitas, vel in nos cadere, qui hæc faciamus; vel in illos, ut intolerabili hæc nobis affingant injuria? Imò, potestne fieri

fieri adversus intentionem & professionem nostram, dum excellentiam creatam, ( licet supernaturalem ) veneramur in sanctis, ut dicamur excellentiam illis tribuere increatam, infinitis objecti & rationum intervallis distiram ? Estne mens ac Philosophia in hominibus, qui hæc de nobis sentiunt : aut pudor & religio, si non sentientes asserunt ?

Quæto ab adversariis, si Turcæ Christum venerentur, ut Prophetam Dei excellentem, an debito, divinoque illum honore prosequantur ? Negabunt cerrè. Quæ causa ? nunquid verus est Deus, quem venerantur ? Verus, dicent ? sed ipsi, ut ralem sua intentione non venerantur, cum excellentiam illi solum creatam tribuant. Age igitur, & ediffere, qui fieri possit, ut nos, qui in sanctis & creaturam, & non nisi propter excellentiam creatam eandem veneramur, habeamur idololatræ ?

Si dicant, nos increatam sanctis tribuere excellentiam ; facere enim omniscios, facere omnipotentes, tanquam Deum, facere mediatores, cum unus tantum Christus sit : non probant, sed calumniatur. Dicimus, sanctos hæc saltem intelligere, quæ ad illorum statum spectant, atque ad eosdem diriguntur, aliequin inferiores forè hominibus in terra, quæ absentium quoque voluntatem communicatione nuntiorum intelligunt.

Quod si ramentis sanctis omnium, quæ fuerunt, sunt, eruntque, in hoc mundo scientiam tribueremus, imò si & illorum quæ in omnem æternitatem futura sunt ; an ideo hæc scientia esset omni ex parte, qualis Dei est, infinita, quæ & ab æterno fuit, & omnium possibilium rerum cognitionem amplectitur ? En cæcos convitiatores, quibus his figmentis adversus veritatem tam incompotis grassari lubet. Sed mirantur, quemadmodum è cælis nostra hic vota etiam intueantur. An non mirantur solem, qui cum ipse in cælo sit, suis tamen in terra radiis etiam specus illustrat ? Et quomodo, ait vir maximus, *non omnia vident qui videntem omnia vident* ? De omnipotentia frigidius est, quàm ut responso dignum sit, hominis in terra vox eiat, *omnia possum in eo, qui me confortat*. Qui per Deum magna operantur, *gloriantur etiam cum eodem in Domino*. Sed hic ( ajunt ) cum tribuat, possitque per seipsum omnia : inviter quoque, *Venite ad me omnes, qui laboratis & onerati estis, & ego reficiam vos* ? Ut quid ad rivulos verimur, cum possidemus fontem ? *12.* Qui sic invitavit, idem quoque dixit, *ite ad servum meum Iob*. Eundem, cum perdere Israelitas veller, Moyses tenuit vivus, Onias mortuus. *2. Mach. ult.* uterque mediator, non san-

guinis, aut redemptionis, qualis solus Christus 1. *Tim.* 2. sed intercessionis, qualis ipse non solus; verum omnes, tam mortales, quam immortales homines angelique, qui centenis exemplis inintercessisse pro aliis leguntur. Ut si hoc argumentum de solo mediatore intercessionis Christo quicquam evincat, tollat omnem etiā hominum pro se invicem apud Deum intercessionem. Quod si per intercessionem advocatus & mediator homo possit esse hominis, neque ideo Christi mediatoris officium evertitur, quid est, cur beatis & Angelis id nequeat concedi?

At scriptura inquit, omnem Angelorum cultum prohibet. *Re.* Non omnem, sed illum qui Deo est debitus, qualem, olim Philosophia Platoniorum deceptri, quidam Angelis habebant (de quibus Iren. lib. 1. c. 20. Tertull. August. l. 8. de civ. c. 12. & alii videri possunt.) Unde monet Paulus *ne per inanem Philosophiam decipiatur*. Verbo, omnis latria proscribitur: hoc præcepto. *Dominum Deum adorabis, & illi soli servies*; dulia si non præcepta, saltem nulli est verita. Sed vox *δουλεύειν* *servire* ajunt, etiam in divino cultu usurpatur à scriptura ut *Matth.* 6. v. 24. imò & *λατρεύειν*, colore quandoque cultui ad Deum non spectanti tribuitur. Apud Latinos quoque culrus religiosus magis Deum, quam homines spectat. *Re.* Si hæ voces grammaticè spectentur, generales esse non diffitemur. At cum veterum recentiumque Theologorum placito, ad hoc, quod intendimus, significatione pressiori usurpentur, satis erit de hoc usu constare, cum nostra de rebus, non verbis sit controversia. Si magis opportunas nobis voces suggerere adversarii poterunt, ultro hinc de vocibus cedemus. Latriam interea pro cultu tantum divino, ut plerumque scriptura facit, duliam pro cultu servorum Dei, cum ipsa vox *δoulos* servum designet, religiosum cultum promiscuè usurpabimus, ut & vox *adoro* & *προσκυνέω*, tam in creaturarum, quam Dei veneratione adhibentur; licet illa pro principali significato, quod est, *adorare Deum*, à nonnullis usurpetur. Sat est de vocibus ultro citroque convenisse. Vicerunt Catholici, si constet illos in sanctis non venerari excellentiā increatam, nec civilem tantum, sed alterius ordinis supernaturalem gratiæ gloriæque divinæ, quam à naturali tam ceterum est distingui, quam ceterum est supernaturalia dona à naturalibus toto genere separari: ab increata verò qui distingui negaverit, inter homines ratione præditos

ditos habendus non est. Ut autem securi sint non nisi creatam nos excellentiam venerati; Ego præ'enti scripto, ex sentu totius Ecclesiæ Romanæ, detestor execetorque universos tanquam lætæ divinæ majestatis eos, hostesque illius gravissimos, quotquot alicui creaturæ, divinum honorem, excellentiamque tribuunt incretam. Anathema illis, universisque tam abominando sacrilegio faventibus.

Jam verò perditis illis falsariis, & criminatōribus, qui innoxii idololatriæ adeò detestandæ scelus, sine teste ac Judice legitimo imponunt, tamquam profigatæ mentis desperatæque salutis hominibus, idem anathema dicimus, atque ut Dei, veritatis, religionis, pacisque hostes, nisi resipiscant, execramur. At æquiores omnes futuros existimem, quàm ut cum tam iniquis censeari velint, neque tam æquam nostram contestationem probare.

### §. III. Orthodoxæ Ecclesiæ Patres cultum sanctorum longo usu certisque Scripturis S. In-victè stabiliunt.

**Q**uandoquidem ex adversariis nonnulli Sanctorum cultum in veteti Ecclesia primis seculis ignorum fuisse contendunt, ab æqualibus Apostolorum, & proximè succedentibus, quædam nobis petenda erunt, quæ historiz saltem fidem sustinebunt. Mattheus Epist. ad Burdeg. cap. 3. *Dum*, nquit, *altaria Damonum in pulverem redigerentur, aram ignoti Dei Act. 17. ad consecrationem reservari jussimus. Quâ d. dicata in nomine Domini Dei Israel, & ipsius Testis Stephanus, qui pro eo à Iudeis passus est.*

Clemens lib. constit. Apost. cap. 8. (si qua scripti fides) ait. *De Martyribus dicimus vobis, ut apud vos in omni honore sint, quemadmodum & apud nos in honore habiti fuerunt B. Iacobus Episcopus & S. noster condiaconus Stephanus. Ii enim à Deo beatitudinem sunt consecuti, immutabiles in bonis, securi in laudibus, de quibus David dicebat psal. 115. pretiosa in conspectu Domini mors sanctorum. Et Salomon memoria justorum cum laude. Proverb. 10.*

Dionysius Eccles. hierarch. cap. 3. pat. 3. De sanctis inquit: *Non mortificati, sed in divinam penitus vitam à morte translati sunt. Inspice autem, ut sacris quoque memoriis adscripti sunt Novit*

enim, ut ait scriptura, qui sunt ejus, & pretiosa in conspectu Domini mors sanctorum ejus psal. 115.

Justinus in 2. Apol. p. 2. illum (Deum inquit) & eius filium qui venit, nosque hac docuit, & aliorum sequentium similiumque bonorum Angelorum exercitum, & spiritum propheticum colimus & adoramus &c. Vide Originem hom. 3. in diversos. In Job. lib. 2. & 3. In lament. Jerem. De principiis lib. 2. c. 12. & alibi, ubi vel docet sanctos de cœlo nos intelligere, pięque ac icctę invocari: vel conceptis ipse precibus disertę invocat, ac veneratur.

Idem diversis locis facit *Basilium Magnū*, ut homil. 20. de 40. Martyr. Sape, inquit, laborastis, ut unum pro vobis orantem haberetis. *Quadragesima sunt hi unam orationis emittentes vocem*, Ubi enim sunt duo vel tres in nomine Domini congregati, ibi est Deus, & Homil. 26. de Mamante Martyre.

Ira S. Ephrem in sermone de SS. Martyr. eisdem invocat. S. Gregorius Nazianzenus orat. 18. de laud. S. Cypriani, eundem supplex implorat. Ut & S. Basilium orat. 20. & in Epitaphio. S. Athanasium orat. 21. Deo, inquit omnes vivunt, qui secundum Deum vixerunt, etiamsi ex hac vita migrarint. Unde & Deus, Deus Abraham, Deus Isaac, & Deus Jacob dicitur, ut viventium Deus non mortuorum Matth. 22. &c. O charum & sacrum caput, tu nos utinam benignus desuper & placidus adspicias &c.

D. Ambrosius lib. de viduis. Magnis, inquit, tenebatur febribus, & rogaverunt illum (Petrus & Andreas Christum) pro ea. Luc. 10. Et tu habes proximos: qui Deo pro te supplicent, habes Apostolos proximos, habes martyres proximos &c. Iste qui pro sacro rogat Petrus & Andreas frater ejus, tunc pro effinitate poterant, nunc jam possunt pro nobis, & pro omnibus impetrare. Vide eundem de fide Resurrectionis in fine, & in cap. 22. Lucę.

Chrysostomus homil. 2. in psal. 50. Cum esset Ezechias vir iustus, rogavit Deum, & prostratus lacrymis precabatur, ultionem de adversariis postulans. 4. Reg. 19. venit ad eum *Isaias propheta*, & dicit: protegam hanc civitatem propter me, & propter David servum meum, David mortuus est, & merita eius vigent. O rem admirandam & ineffabilis clementia! homo mortuus vivo patrocinatur. Vide eundem homil. 27. in March. & 42. in Gen. & 60. ad pop. Antioch. & serm. de adoratione caren.

D. Hieronymus contra Vigilantium cap. 2. Quis, o insanum caput, aliquando (ut Deum) Martyres adoravit? quis hominem



*minem putavit Deum* : Nonne Paulus & Barnabas, cum à Lycanibus Jupiter & Mercurius putarentur, & iis vellent hostias immolare, sciderunt vestimenta sua & se homines dixerunt *Act. 14* quod & de Petro legimus, qui Cornelium se adorare cupientem manu sublevavit, & dixit. Surge, nam & ego homo sum. *Act. 10*. Vide eundem ad Eustochium de Epitaphio Paula, in vita S. Hilarionis, & alibi.

D. Augustinus super Genes. quæst. 61. *In verba*: Exurgens autem Abraham adoravit populum terræ *Gen. 23*. *Quæritur*, inquit, *Quomodo scriptum sit*, Dominum Deum tuum adorabis & illi soli servies? *Deut. 6*. cum Abraham sic honoraverit populum quendam gentium, ut etiam adoraret? sed animadvertendum est in eodem præcepto non dictum: Dominum Deum tuum solum adorabis sicut dictum est, illi soli servies, quod est græcè λατρεύσεις: talis enim servitus, non nisi Deo debetur. Vnde damnantur idololatra, id est eiusmodi servitutem exhibentes idolis, quæ Deo debetur. Nec moveat, quod alio in loco, in quadam scriptura *Apoc. 16*. & 22. prohibet Angelus adorare se. Talis enim apparuerat Angelus, ut pro Deo possit adorari, & idè fuerat corrigendus adorator Et de Trin. lib. 1. cap. 6. *Iubemur non servire creaturæ, sed Creatori*. *Rom. 1. v. 25*. non eo modo, quo iubemur per charitatem servire invicem *Gal. 5. v. 14*. quod est græcè ὁ ἀλλήλων, sed eo modo, quo tantum Deo servitur, quod est græcè λατρεύειν.

Idem Tom. 3. locut. l. I. c. 200. *Iacob benedicens*, Nepotes suos Ioseph, ait inter cetera: Et invocabitur in his nomen meum, & nomen Patrum meorum *Gen. 48*. Vnde notandum, non solum exauditionem, sed etiam invocationem dici aliquando, quæ non Dei, sed hominum sit Et tom. 4. Annot. in J. b. c. 19. *Miseremini mei, miseremini mei* (vos amici) *Angelos*, inquit, videtur postulare, ut pro eo deprecantur, aut certè sanctos, ut pro peccante orant. Et in festo Apostol. Petri & Pauli *Serm. 5. qui est de sanctis 29*. Et ponebant infirmos, ut umbra saltem transeuntis Petri adumbraret eos. *Act. 5*. Si tunc opem ferre poterat umbra corporis, quantum magis nunc plenitudo virtutis; Si tunc supplicantibus proderat aura quadam pererantseuntis, quantum magis gratia nunc permanentis?

Idem de vera Religione cap. 55. *Qui quis Angelorum diligit hunc Deum certus sum, quod etiam me diligit. Quisquis in illo manet & potest humanas sentire preces, in illo me exaudit. Quisquis ipsum habet bonum suum, in ipso me adjuvat, nec mihi eius participationem potest invidere.* Et de Civit. Dei lib. 22. cap. 29.

Si propheta Helizus puerum suum Giezi absens corpore vidit accipientem munera, quæ dedit ei Naaman Syrus, &c. 4. Reg. 5. quando magis in illo corpore spirituali vid. bunt Sancti omnia, non solum si oculos claudant: verum etiam unde sunt corpore absentes? Tunc enim erit perfectum illud, de quo loquens Apostolus 1. Cor. 13. ex parte, inquit, scimus, & ex parte prophetamus, cum autem venerit quod perfectum est, quod ex parte est evacuabitur. Et de cura promeritis gerenda. c. 14. Quomodo quid hic ageretur Abraham pater nesciebat ubi sciebat, esse Moysen & Prophetas, &c. ubi noverat, deivitem illum in deliciis; pauperem vero illum Lazarum in lat oribus doloribusq; vixisse? Nam & hoc illi ait: memento fili, quia percepisti bona in vita tua, Lazarus autem mala Luc. 16. v. 25.

#### §. IV. Propria adversariorum testificatione constat Sanctorum cultu & veteri orthodoxa viguisse.

**B**Eza in præfatione ad Nov. Test. Ipsa, ait, temporum historia manifestè probat optimis etiam illis temporibus, si cum posterioribus conferantur, eam fuisse Episcoporum partim ambitionem, partim futilitatem & ignorantiam, ac multorum etiam apertissimam, & desperatissimam improbitatem, ut Satanam planè ex libris eorum præfuisse, vel ipsi cæci facillimè perspiciant. Jam enim jaciebat Satan prima mortuorum invocationis fundamenta. Et infra, Invalefcebat eorum tempore mortuorum invocatio, & stulta opinio cælibatus. Quos pudendos errores apertè defendit Hieronymus.

Centuriatores. postquam Cent. 2. c. 4. falsò dixissent, consuetudinis invocandi sanctos in Doctoribus hujus seculi nulla vestigia con'piciuntur, mox tamen retrahere sententiam videntur, cum addunt, nisi quis pro incommodo dicto accipiat hoc, quod apud Irenæum lib. 5. est. Sicut illa (Eva) seducta est, ut effugeret Deum: sic hæc (Maria) sua est obedire Deo; uti Virginis Eva Virgo maria fieret advocata. Ubi manifestè alius præter Christum, pro nobis advocatus agnoscitur. Poterant iidem Centuriatores Iustinum quoque consulere supra à nobis productum, si reliquos autores aspernarentur. Et verò si in tanta hujus seculi scriptorum penuria, nemo esset, qui invocationis meminisset (quomodo enim singulos autorum singulas hæc attigisse materias prudenter statuamus?) an proxima, ad hujus veritatis testimonium, secuta non sufficient?

In altero certè seculo cent. 3. cap. 4. palam fatentur & agnoscunt, invocationem SS hisce verbis. Videas in Doctorum hujus seculi scriptis non obicura veltigia invocationis sanctorum. Habes ejus formulam apud Origenem l. 2. in Job sub finem *O beate Iob, ora pro nobis miseris, ut etiam nos terribilis Dei misericordia protegat, & eripiat ab omnibus oppressionibus maligni &c.*

Et Autor Homil. in canticum hom. 3. omnes Sancti, inquit, qui de hac vita discesserunt, habentes adhuc charitatem erga nos, qui in mundo sunt, fiduciantur curam gerere salutis eorum, & adjuvare eos precibus suis, atque interveni tuo apud Deum, non erit inconveniens asserere. Scriptum namque est in Machab. libris ita: Hic est Jeremias Prophetia Dei, qui semper orat pro populo.

Origenes sentit hom. 16. in Job. Sanctos Martyres pugnare nobiscum, & nos adjuvare orationibus suis.

Cyprianus lib. 3. Epist. 15. *Lapsus*, dixit, auxilio Martyrum apud Deum adjuvari Idem ex aut. reterm. de Sreila & Magis, tum ex Eusebio lib. 1. c. 5. probant.

In tertio seculo Cent. 4. c. 4. disertissima pro invocatione Sanctorum à Centuriatoribus occultari ex instituto non poterant.

Athanasius de incarnat. Verbi, ait, *S: adoras hominem Christum, id quod ubi inhabitet Dei verbum, unâ opera adora quoque Sanctos, ob Deum qui in illis domicilium habet.* Et in Evangelio de S. Deip. Audi, inquit, filia Davidus & Abraha, & inclina aurem tuam in preces nostras & ne obliviscaris populi tui. Ad te clamamus &c. Ave gratiosa, Dominus tecum, intercede hera, & Domina, & Regina & Mater Dei pro nobis. Ista proflus (subjiciunt Centuriatores) idololatriam spirant. Basilus ab iisdem orat. in 40. Martyres citatur, de quo nos lupia

Gregorius Nazianzenus orat in laudem S. Basilii. Tu sacrum, inquit, & divinum caput, ex alto nos respice, & carnis stimulam, aut tuis siste precibus; aut scriber me ferre persuade. Et orat. in Cyprianum. Tu nos ab alto propius respice, nostrumque sermonem ac vitam dirige, & sanctum ovile hoc pascere, aut unâ rege.

Ambrosius in preceatione præparantis Midam. *Ut efficax*, inquit, hac mea sit deprecatio, B. Maria Virginis suffragia peto, Apostolorum intercessionem imploro, Martyrum preces depono, Confessorum orationes expostulo. Similia citant ex lib. de Viduis. Sed alibi l. 3. de Spir. S. c. 12. malè aliud sensisse statuunt, cum dicit. *Dom Deum tuum adorabis* Matth. 4. Ne quis hoc derivet ad Virg. Mariam, erat templum Dei, non Deus templi. Hoc enim idem contra Antidicomatianas

marianitas & Collyridianos statuit, quod Epiphanius contra eandem Deiparam videlicet cum Christo divinæ naturæ participem facientes, deiecit. Sic ille inter cetera lib. 3. contra hæreses. *Revera sanctum erat corpus Maria, non tamen Deus. Revera Virgo: p[er] a erat Virgo, & honorata sed non ad adorationem (tanquam Deus) nobis data.*

Prudentius in hymno ad D. Laurent. *Indignus agnosce & scio, quem Christus ipse exaudiat; sed per patronos Martyres, potest medelam consequi.*

His concludo, quia ad reliqua secula, in tam manifesto veritatis deprehensæ in veteres argumento, nequaquam transire, necesse est. Ceterum sicui adire hic quoque Centuriatores placeat, is Cent. 5. cap. 4. *de oratione* videat.

#### §. V. PARS II. ARTICULUS XXIV.

**R**epudiamus etiam quæcunque alia media, excogitarunt homines, ut sese divinæ itæ eximant, utpote quæ sacrificio, & morti Christi tantundem derogent, quantum illis tribuitur.

#### Ex confessione Helvetica, & Confœderatorum.

**C**Ap. IV. Rejicimus non modò gentium idola, sed & *Christianorum simulachra*. Negavit se Christus venisse ad solvendum legem & Prophetas. At lege & Prophetis prohibitz sunt imagines [Exod. 20. 4.] Negavit Corporalem suam Ecclesiæ profuturam præsentiam, Spiritu S. se nobis perpetuò adfuturum promissit. Quis igitur crederet umbram, vel simulachrum corporis aliquam conferre piis utilitatem? Et quando beati Spiritus ac Divi cælitæ, dum hic viverent, omnem cultum sui averterunt [Act. 10. v. 26. Apoc. 19. v. 10.] cui verisimile videatur Divis cælicibus, & angelis suas placere imagines?

Cap. V. Multò verò minus credimus Reliquias Divorum adorandas esse, aut colendas. Veteres isti Sancti satis honorasse videbantur mortuos suos, si honestè mandassent teritæ reliquias, postquam astra petisset Spiritus.

#### §. V. Reformatio de imaginibus & reliquiis SS.

**E**xecrematur *simulachra gentium, argenti & aurum, opera manuum*

num hominum a, omnelque qui appellarunt Deos opera manuum suarum; b vel qui mutaverunt gloriam incorruptibilis Dei in similitudinem imaginis corruptibilis hominis, & volucrum, & quadrupedum & serpentium; vel (qui figmenta, pro Deo, amplexi) commutaverunt veritatem in mendacium, & coluerunt ac servierunt creatura potius, quàm Creatori: c vel, qui immolant Damonis, & non Deo. d In tali idolo non vult coli, qui dixit: assimilasti me, & adaequasti, & comparasti me, & fecisti similem, qui fertis aurum de sacculo, & argentum statera ponderatis, conducentes aurificem, ut faciant Deum, & procidunt & adorant. e Non enim habetis Deos alienos coram me, nec facies tibi sculptile, neque omnem similitudinem eorum, qua in cælo desuper, vel in terra deorsum, non adorabis ea, neque coles. f. Universè omnibus dictum: Non facietis vobis idolum, & sculptile, ut adoretis: quemadmodum fecerunt vitulum in Horeb, & adoraverunt sculptile, & oblit sunt Deum, qui salvavit eos g dicentes: hi sunt Dii, qui eduxerunt nos de Ægypto. g Ceterum nihil prohibet, citra ejusmodi cultum, hoc facere, quod Salomon, a, qui omnes parietes templi per circuitum sculpsit, variis celaturis, & fecit in iis Cherubin. h honorate quoque ut lo sue pronus cecidit in terram, coram arca Domini, tam ipse, quam omnes seniores Israel i & David cum summo honore ex domo Obeded marcam transtulit. l Nam Philisthai qui sine reverentia contrectare ausi erant, puniti sunt. m Israelitæ verd jussi sunt adorare scabellum pedum eius (arcam) quoniam sanctum est. n Rei tamen creatæ honor divinus tribui non debet. Unde Serpens aneus erectus à Moysè est, ut populus à serpente percussus, eius conspectu sanaretur o sed postquam incensum tanquam Deo immolarent, licet figura Christi esset, Rex Ezechias destruxit. p Ergo omnia in hoc cultu licita, præterquam quod soli Deo debitus honor & adoratio, signis non sit præstanda.

a Psal. 113. b Sap. 13. c. Rom. v. 23. & 25. d. 1. Cor. 10. v. 20. e Isa. 46. v. 5. f Exod. 20. v. 2. g Psal. 105. & Exod. 32. h 3. Reg. 6. i Jos 7. v. 6. l 2. Reg. 6. m 1. Reg. 5. n Psal. 98. v. 5. o Num. 21. v. 8 p 4. Reg. 18. v. 4.

Credimus quoque, Reliquias Sanctorum venerandas, tanquam templa Spiritus S. q membra Christi i glorioso olim Christi corpori conformanda. s Ut Moyses fecit ossibus Iosephi, quæ transtulit in terram promissionis, t & corpori Moysi ipse Dominus, quod sepelivit in valle terra Maob contra Phogor, & non cognovit homo sepulchrum

K 5

q 1. Cor. 6. v. 19. i Eph. 5. v. 30. s Phil. 3. v. 21. t Exod. 13. v. 19.

chrum eius, u Archangelo etiam Michaële pro corpore illius contra  
 Daemonem decertante. x. Iosias quoque, aliorum ossi: flamma abolitis,  
 ossa sancti Propheta reperia asservari iubet, dum contra idololatriam  
 destructis idolis pugnat, y De Ch isto prædictum, issum gentes de-  
 precabantur, & erit sepulchrum eius gloriosum. z Christi simbriam  
 tangit Hemorrhossa, & sanatur. a Ioannes Baptista, audet dicere,  
 non esse se dignum, qui solvat corrigiam calceamenti eius. b D. Pau-  
 li Apostoli iudaria, & semitæ: Etia Dæmones fugabant, sanabant a-  
 gros c ipsa Petri umbra agros innumbrans morbos absterxit. d Virga  
 Aaron, quæ frondebat, in arca, servabatur, & super arcam erant  
 Cherubim. e Ad palli Elia attactum aqua Iordanis divisa, viam fece-  
 runt. f Elisæ ossa solo contactu mortuum ad vitam revocarunt. g De  
 terræ patre præceptum Moyse. h. Solve calceamenta de pedibus,  
 quia locus in quo stas, terra sancta est. h Similem igitur honorem,  
 reverentiamque habere ossis, sepulcris, locis, vestibus, aliisque  
 reliquiis sanctorum laudabile est.

u Deut. 34. v. 6. x Iuda. 9. y 4. Reg. 23. v. 17. z Isa. 11. v. 11.

a Mat. 9. v. 20. b Ioan. 1 v. 27. c Act. 9. v. 12.

d Act. 5. v. 16. e H. br. 9 v. 5. f. 4 Reg. 2. v. 8.

g 4. Reg. 13. v. 21. h Exod. 3.

## §. VII. Observatio.

**H**ic articulus ex prioris evictione suisque scripturis clarus  
 facilisque est, arque ideo etiam à Genevensesibus negle-  
 ctus, & solū generatim insinuat. Quæ de modis huius cultus,  
 qui in relatione consistit, nonnulli per reflexos speculantur, &  
 eritantur actus, ad fidei momentum non spectant. Ubi Theologi  
 hærent, rustici etiam quoad exercitium rem esse plenam obvi-  
 amque sentiunt. Nam quidquid in religioso cultu, vel imaginibus,  
 vel reliquiis defertur, totum refunditur spectatque ad Sanctos,  
 Deumque, qui designatur. Unde si quis argenteam e. g. statuam,  
 etiam propter artificiam, vel pretium amem, hoc ad religionem  
 omnino spectare nequit. Si verò amem, quia ad repræsentati Chri-  
 sti memoriam amoremque excitat; honoret etiam, quia tam di-  
 lecti nobis Domini, vel speciem aliquam, vel præsentiam con-  
 tactumque in sepulchro proponit; totus ille honor non nisi ad  
 Dominum, in quam honorans mente fertur spectabit: ideoque  
 si falsæ nonnunquam reliquæ, pro veris supponerentur, non ta-  
 men colam nisi illum, quem specto in reliquiis, nec errabo nisi in  
 materia, uti is qui hostia, sed per errorem non consecrata,  
 Christum

Christum adorer, non tamen adoraret nisi Christum, quia ubicunque is fuerit, ad hunc ferrur adorantis animus. Tota rerum illarum observatio in ipsum Dominum refunditur.

Hæc tam manifesta sunt, ut ab ultima etiam plebecula Catholicorum queant palpari, in qua ego jam ab annis 50. tam stupidum caput non reperi, quod reliquias vel imagines, more gentilium, Dei alicujus loco haberet: vel longè etiam, quàm gentes perversius, divinum illi cultum exhiberet, quod novit non esse Deum. Gravius aliquid dicturus sum. Aio impossibile videri, ut divinus honor rei habeatur, aut veneremur, ut Deum, quod non credimus esse Deum. Nam *quomodo* honorabunt, aut *invocabunt Deum, in quem non crediderunt?* ait Paulus Rom. 10. Fides necessariò omnis divini honoris & invocationis est fundamentum. Quem non credo Deum, nec honoro ut talem, nec invoco, nisi insanus sim, & contra propriam mentem sine mente pugnem. Quæ Calvinus, Molinæus, Amesius, alique ad subversionem S. scripturæ moliantur, ac si hæc traderet, Judæos etiam ob similem cultum, quem non simulacris, sed vero Deo in iis culto detulissent, esse damnatos, omnino frivolum confictumque ex scripturis ante recitatis cognoscitur, quæ dicit, quod *vel ipsa idola, opera manuum suarum, vel creaturas, aut figmentum capitis sui, aut Demones pro Diis habuerint*: neque alia simulacra proscibit, quàm quæ adorantur colunturque, ut Dei alieni: nisi se ipsam ipsa destruat, cum Cherubim admittit. Unius Serpentis figura argumētum est, quæ cum in illa honoratur Dei potentia, placuit; cum ipsa, ut Deus, immolatis colitur, displicet.

Atque quantum honor delatus intuitu Dei, & cur id pati nunc ratione non queat? Ipsi Reformati, nunquid honorem habent figuræ panis Ecclesiastici in cæna, scriptis Christi figuris in S. Bibliis, totique verbo Dei non civili cultu, sed quia Dei est? & quo illud tuerentur pacto, nisi prototypon religiosè venerentur in typo? Quando hi imagines, reliquiasque, vel Christi, vel sanctorum à templis ad fimeta & ignes proscibunt, vellētne imaginem suam, aut ossa, è domo & sepulchris ad fimeta & patibulum transferri? Ipsos relinquam hac in re iudices, meque ad alia transferam. Poterunt interea Cromvelliſtas hac de re consule ex Anglia, ut cum his expendant; an sine dedecore illorum Princeps ex sepulchro ad patibulum translatus sit?

## §. VIII. Veteris Orthodoxæ Ecclesiæ usus sententiaque exponitur.

**N**E prorsus hunc locum sine Patrum suffragiis transiliam, non nullos audiemus, adjuncta tamen historicorum veterum autoritate: cum historicæ quæstionis sit, utrum imagines olim cultæ sint?

Tertullianus lib. 3. Adversus Marcionem c. 22. sic differit. *Deus similitudinem vetans fieri omnium, quæ in cælo, & in terra, & in aquis, ostendit causas idolatriæ scilicet substantiam cohibentes: subjicit enim, non adorabis ea, neque servietis illis. Exod. 20. Serpentis autem ænei effigies postea præcepta Moysi à Domino, non ad idolatriæ titulum pertinebat; sed ad remediandos eos, qui à Serpentibus infestabantur. Et taceo de figura remediis. Num. 21. Sic & Cherubim, & Seraphim aurea Exod. 25. in arcæ figuratum exemplum, cerè simplex ornamentum, accomodata suggestui, longè diversas habendo causas ab idolatriæ conditine, ob quam similitudo prohibetur, non videntur similitudinum prohibitarum legi refragari, non in eo similitudinis statu deprehensa, ob quem similitudo prohibetur.*

Eusebius Cæsariensis demonst. Evang. l. 5. c. 9. Apparuit Deus Abraham ad quercum Mambre. Gen. 18. *quamobrem ad hoc usque tempus, iis locum tanquam divinus ad honorem illorum qui illic Abraham apparuerunt à vicinis populis celebratur, & spectatur adhuc firma terebynthia, & qui ab Abraham excepti sunt hospitio pictura sic expressit, ut duo quidem utrimque tertium, ut honore præstantiorem medium habeant. Sit autem hic declaratus nobis Dominus ipse servator noster, quem etiam ignari venerantur, qui divinis oculis credunt.*

Athanasius Alexandrinus Intetr. ad Antiochum Princ. c. 38. *Quemadmodum Jacob cum esset à vita discessurus fastigium virgæ Joseph adosavit: Heb. 11. v. 21. non virgam ipsam honorans, sed eum qui virgam tenebat: ita nos Christiani non alia ratione imagines colimus: nisi quemadmodum etiam, cum filios nostros & Patres osculamur, animi nostri desiderium indicamus. Sicut & Judæus olim legis tabulas, & duo Cherubim aurea, & sculprilia quondam adorabat: non lapidis aurius naturam colens, sed Dominum, qui ea, ut fierent, præcipiebat.*

Sozo-



Sozomenus lib. 5. c. 20. narrat. Quod, cum certus factus esset Iulianus Apostata, Casarea Philippi aclam esse Christi statuum: quam mulier quæ sanguinis profluvio laborabat (Mat. 9.) cum esset morbo liberata, ibi collocarat; eam deturbavit suamque in ejus loco posuit. Quo facto ignis violentus de cælo lapsus, statuum eam circa pietus dissecuit &c. Christiani verò statuum Christi in Ecclesiis posuerunt, ubi etiam adhuc custoditur. Vixit hic scriptor quinto Christi nati seculo.

D. Athanasius in libello de passione imaginis Christi, qui in 7. Synodo generali est recitatus, sic habet cap. 4. Postquam curati sunt (perunctione sanguinis Christi, quæ ex imagine fluxerat) cuncti qui agitudine detinebantur, cucurrit omnis multitudo Iudeorum ad domum S. Ecclesia qua in eadem urbe erat, ubi & Metropolitani invenerunt, cujus provoluci v. stigiis, se peccasse, se graviter deliquisse, magnis vocibus fatebantur. Is cum ab eis perquireret omnem rei gesta veritatem. Sanctam iconam Domini Salvatoris eidem demonstrantes, annuntiaverunt cuncta qua in ea exercuerant, & qualiter ab ista lancea sanguis & aqua emanavit ex latere ipsius, nec non de mirabilibus ab ea ostensis ipsi retulerunt per ordinem. Ille verò interrogabat, qualiter icona ipsa ab eis fuisset reperta; & si ab aliquo eam accepissent. At illi retulerunt ei, quod quidam Christicola per oblivionem in cellula Synagoga proxima dimisisset eandem iconam, dum se ad alium locum transferret hospitandi gratia. Qui statim iubetur inquiri. & repertus in præsentia Domini Metropolitanus statuitur. Cumque ab eo studiosissimè fuisset interrogatus, quomodo icona ad se devenisset, vel à que tam mirabiliter posita esset, respondit dicens, quod Nicodemus qui ad Iesum nocte venerat, propriis manibus eam composuisset, & moriens Gamalieli tradidisset, Gamaliel autem Doctoris gentium Pauli Magister, cum diem sibi cerneret adesse Iacobo eam reliquit, & Iacobus Symeoni, & Symeon Zachao, & sic per successionem temporum in Ierosolyma perduravit, usquequo subversio illi usibus parata est quadragesimo & tertio anno post ascensionem Domini Salvatoris ad cælos &c. Quo tempore icona cum ceteris rebus ecclesiasticis deportata, usque hodie in Syria permansit, quam ego ipse à parentibus ex hac luce migrantibus mihi traditam jure hereditario usque nunc possedi. Hac certa, & manifesta ratio est de icona sancta Dom. Salvatoris, qualiter de Iudea in Syria partes pervenit.

Nicephorus Callistus. l. 6. hist. Eccl. c. 16. Sanctorum Apostolorum Petri & Pauli, ipsiusque ad d. Christi, & que eum supra naturam captum mirificè genuit Virginis Matris, coloribus adumbratas

bratas, imagines plurimas ad hunc usque diem conservatas esse novimus. Ac Lucas quidem Apostolus ipsas accuratè, opus id exorsus, manibus suis depinxit. Deinde verò ex veteribus alii quoque viri, pro eo atque parerat, veluti servatores suos, in signis & picturis servantes, idem fecere. Idem de imagine Christi ad Augarum (alii Abagarum) missa, ex antiquis monumentis l. 2. c. 7. probat, uti & de alia Christi, quàm Matris, & à Rege Persarum in magna veneratione habita.

S. Damascenus adversus iconomachos, atque imprimis Leonem Imp. multis testimoniis scripturæ & Patrum [quibus propinquus ætate fuit] imaginum honorem ruetur. Sic habet l. 4. orth. fidei c. 7. *Vt ille magnarum divinarum eruditione præditi Basilius, ait, c. 18. libro de Spiritu S. Imaginis honor ad exemplar transit. Exemplar, porro est id, cuius effigies exprimitur, ex quo forma hinc ducta sit. Quid ergo causa sit, quam obrem Mosaicus populus tabernaculum illud, quod cælestium rerum, imo universa creatura imaginem ac formam gerebat, adoraret? Exod. 33. Ait quippe Moysi: vide, ut omnia facias, juxta formam tibi ostendam in monte. Exod. 25. Quid Cherubim illa, quæ propitiatorium obumbrabant, an non humanarum manuum opera? At scriptura divina eos, qui sculptilia adorant Dæmonii quæ victimas offerunt, insectatur. Siquidem tum Græci, tum Iudæi sacrificabant. Verùm Græci Dæmoniis, Iudæi autem Deo, ac proinde Græcorum quidem sacrificium reiciebatur ac damnablebatur: Iudæorum autem Deo gratum & acceptum erat.*

Denique ex secunda Synodo Nicena quæ est 7. generalis, & à 350. Episcopis celebrata est, tanta autoritate Patrum & Scripturæ S. imaginum cultus stabilitur, ut facile illa quæ ex quibusdam Conciliis adversus hunc producuntur concidant. Recitatur in hac synodo act. 2. præclara Epistola Adriani 1. Pontificis ad Constantinum Impet. & Irenæum matrem, ubi postquam docuisset Constantinum Mag. Ecclesias passim imaginibus ad Christi D. & Sanctorum reverentiam exornasse, (de quibus Damasus Papa, in vita S. Sylvestri diserte) subjicit ex Epistola D. Basilii contra Julianum: *Confiteor filii incarnatam ὁικονομίαν: deinde S. Mariam, quæ secundum carnem illum peperit, hanc Deiparam vocans. Suscipio etiam SS. Apostolos, Prophetas, & Martyres, qui pro me apud Deum supplicant. quo per illorum mediationem propitius mihi sit Deus noster. Quam ob causam & historias imaginum illorum honoro & palam adoro. Hoc enim nobis traditum à SS. Apostolis non est prohibendum: sed in omnibus Ecclesiis nostris eorum historias erigimus.* Adscit

Adfert deinde Chrysostomi, Cyrilli, Athanasii, Ambrosii, & B. Stephani Episcopi Bostrensis testimonium. Et hic quidem sic inquit: *Omni imago, sive Angelorum sive Prophetarum, aut Apostolorum, aut Martyrum, aut alioquin, in nomine Domini Dei facta, sancta est, non enim ipsum lignum honoratur, sed ipsum quod in ligno datur contemplandum, atque ita per recordationem Veneratio exhibetur. Omnes enim Principes etiam si pessimi sint peccatores, adoramus & reverenter salutamus. Quid vetat igitur, quominus non liceas sanctos Dei ministros venerari, & in memoriam eorum imagines statuere?*

Plus igitur non exigimus à Protestantibus, quàm SS. Patres, veteres historici, ratio, ususq; perpetuus, vel expunit, vel exigit. Hæc si præstent, detestentur licet nobiscum idololatriam omnem, & antiquæ orthodoxæq; Ecclesiæ vestigiis inhæreant. Imo si alio fine imagines Christi Sanctorumque a se amotos nolint quàm ne per imbecillitatem phantasie suæ in idololatriam incidant, omittant sanè, negligantque & soli sese Deo honorando colendoque ex animo impendant, sic etiam nobiscum facient: modò illos, qui citra idololatriam his utuntur, non rejiciant.

### §. IX. De reliquiis Sanctorum orthodoxæ sensus Ecclesiæ.

**C**lemens Rom. Constit. Apolt. l. 6 c. 29. *Eorum, inquit, qui apud Deum vivunt, ne reliquia quidem corporum in honorata sunt.* Siquidē Elisæus Propheta, postquam defunctus est, mortuum suscitavit à pyratibus Syriæ occisum. Attigit enim corpus ejus corpus Elisæi 4. Reg. 13. & excitatus revixit. *Quod quidem nunquam accidisset, nisi corpus Elisæi sanctum esset.*

S. Basilius Mag. in psal. 115. *Pro legis Judaica ritu, si qui moriebantur, horum morticina habebantur abominationi. Contra mors, si cuiuspiam irrogatur pro Christi nomine, pretiosa censetur reliquia Sanctorum ejus.* In priori lege dicebatur Sacerdotibus & Nazariis illud: non contaminabitur super ullo mortuo. *Leu. 21. & si quis tetigerit cadaver, immundus erit Num. 6. & hoc: lavabit vestimenta sua Num. 19 nunc è diverso Martyris ossa quisque attigerit, ob gratiam corpori insidentem, sit quadamtenus sanctificationis participes.* Quare pretiosa in conspectu Domini mors sanctorum ejus.

D. Ambrosius Epist. 85. *Respexit sanè humilia Dominus, qui latentes sub ignobili cespite Reliquias Sanctorum (Gervasii & Protasii) sua Ecclesia revelavit.* Suscitans à terra inopem, & de stercore erigens pauperē, quos videris, ut eos cum principibus populi sui collo-

collocarit psal. 112. &c. Cognovistis, imò vidistis ipsi multos à Damoniis purgatos, plurimos etiam, ubi vestem sanctorum manibus contigerunt, iis quibus laborabant debilitatibus absolutos &c. Succedant triumphales victima in locum ubi Christus hostia est. Sed ille super altare, qui pro omnibus passus est, isti sub altare, qui illius redempti sunt passione. Idem Ier. 91. de iildem. Quia celebritatem vestram invidis animis ferre non possunt (Ariani) causam celebritatis odere, atque amentia in tantum prodant, ut negent Martyrum merita, quorum opera etiam Damones consentiunt. Dicebat Diabolus: Jesu fili Dei vivi, qui venisti ante tempus torqueris nos? Mat. 8. & cum hoc audirent Iudai, ipsi tamen Dei filium denegabant. Et nunc audistis clamantes Damones, & consentientes Martyribus, quod poenas ferre non possint, & dicentes: quid venistis, ut ante tempus nos tam graviter torqueatis. Et Ariani dicunt: non sunt isti Martyres, nec torquere Diabolum possunt, nec aliquem liberare. Negant cacum illuminatum, sed ille non negat se sanatum &c. Hoc est Christo non credere. Ipse enim dixit: Et maiora his facietis. Joan. 14.

Et scim. 93. vel in edit Basileensi 29. Honoremus B. Martyres, principes fidei, intercessores mundi, pracones regni, coheredes Dei, Quod si dicas mihi: quid honoras in carne iam resoluta atque contempta, de qua nulla iam Deo cura? Et ubi est illud charissimi, quod ipsa Veritas loquitur per Prophetam? Pretiosa, inquit, in conspectu Domini mors Sanctorum ejus. psal. 115. Et iterum: mihi autem valde honorificandi sunt amici tui Deus. pl. 138. Honorare debemus servos Dei, quanto magis amicos Dei, & de quibus alio loco dicitur, Dominus, inquit, custodet omnia ossa eorum, & unum ex his non conteretur. pl. 33

S Ephrem Encomio in S S. Martyres, Semper, inquit Sanctis Reliquiis gratia adest Spiritus S. quae cuncta in eis miracula edidit, quoniam viriliter Christum coram hominibus in magna patientia confessi sunt. Quare & ipse eos coram patre suo, & Angelis praedicavit. &c. Mar. 16. v. 22.

S. Hieronymus in hoc argumento contra Vigilantium haeticum acer disertusque est in Epist. 53. ad Riparium, sic ait Honoramus autem Reliquias Martyrum, ut ejus, cujus sunt Martyres adoremus. Honoramus servos, ut honor servorum redundet ad Dominum, qui ait. Qui vos suscipit, me suscipit. Mat. 30. Ergo Petri & Pauli immunda sunt reliquia? Ergo Moysi corpusculum immundum erit, quod juxta Hebraicam veritatem, ab ipso sepultum est Domino? Deut. 34. Et quotiescunque Apostolorum & Prophetarum

phetarum omnium basilias ingredimur, toties idolorum templa veneramur, accensique ante tumulos eorum cerci, idololatria insignia sunt? Plus aliquid dicam, quod redundet in auctoris caput. Ergo & Domini corpus in sepulchro positum immundum fuit &c. Si non sunt honoranda Martyrum Reliquia, quomodo legimus: Pretiosa in conspectu Domini mors sanctorum ejus? Pl. 115. Si illa mortuorum polluant contingentes, quomodo Elisæus mortuus mortuum suscitavit? 4. Reg. 14. &c. Pluribus hic contra Vigilantium differentem consule.

D. Augustinus De sanctis serm. 11. Videte quem eidem locum apud homines mercantur, qui apud Deum locum sub altario meruerunt. Dicit enim scriptura Apoc. 6. Vidi enim sub ara Dei animas occisorum propter Verbum Dei, & propter testimonium Jesu Christi quod habebant. Sub ara, inquit, vidi animas occisorum. Quid reverentius, quid honorabilius dici potest quàm sub illa ara requiescere, in qua Deo sacrificium celebratur? &c. Non immerito, inquam, consortio quodam illic occisis tumulus constituitur, ubi occisionis Dominica membra ponuntur, ut quos cum Christo unius passionis causa devinxerat, unius etiam loci religio copularet. Faveant Protestantes hos Sanctorum Reliquiis memoriarque honores, & nobiscum erit concordia.

### §. X. Confessione adversariorum veritas agnita.

**P**rotestantes iconomachi, quantumvis inviti diffiteri non possunt in veteri orthodoxa Ecclesia frequentem imaginem, Reliquiarum, Crucisque honorandarum usum viguisse, divinisque etiam miraculis illustratum esse. Nonnulla ex Centuriatoribus producemus.

De festis & cultu Reliquiarum sic habent in seculo Apostolis proximo cent. 2. c. 6. Et de festis quidem ex Ignatio. Epist. ad Philadelp. Dies festos nolite inhonorare, quadragesimam verò nolite pro nihilo habere, imitationem enim continet Dei conversationis. Qui locus adeò his censoribus displicet, ut dicant (more refutandi sibi consueto) suspicionem falsationis non abesse. Et paulò post subjiciant De Dominico diximus ex testimoniis Ignatii & Justinii. Legitur quidè & de aliis festis, sed non alibi, quàm in historia Rom. Ecclesiæ, ut de festo Epiphaniæ, de Natalitiis Apostolorum, in quibus sint consecrandæ Virgines In historia de decretis Pii Pontif. Sed ex Eusebio l. 4. c. 15. non obscure apparet, Christianos jam sub Antoninis consuevisse celebrare memorias SS. qui martyriū fecissent, agere annuos & solennes conventus

ad eorum sepulcra, non superstitione (quod facile ad mittimus) aut culru quodam (quod Romani negamus) Sic enim Christiani, qui Polycarpi ossa condunt: dicunt. *Non tantum ossa illius natli condidimus, ubi id fieri decebat. Vbi etiam quoad fieri potest congregatis, cum exultatione & gaudio, Dominus natalem Martyris sui diem, cum ad memoriam eorum, qui antea certarunt, & futurorum exercitationem ac preparationem celebrare largietur.*

De seculo secundo ab Apostolis hæc habent Cent. 3. c. 6. de ritibus baptismi. Origenes signo crucis baptizatos signari solitos ostendit hom. 2. in Pl. 38. Cujus ritus etiam Tertullianus lib. de relur. carnis meminit. Meminit & manuum impositionis, & signationis etiam Cypr. lib. de hæret. rebaptiz. & c. Idem Centuriatores ib. de ritu sepult. addunt. De festivitatis memorie Sanctorum quædam Origenes narrat l. 3. in Job. Sic Cyprian. ad Presbyt. Rom. diligenter jubet annotari dies, quibus Martyres decedant: ut commemorationes eorum in Martyrum memoriis celebrari possint. Ibidem & de oblationibus & sacrificiis in Martyrum memoriis celebratis dicit. *Significet mihi, inquit l. 3. Epist. Cypr. dies, quibus in carcere Beati fratres nostri ad immortalitatem gloriosa mortis exitu transeunt: & celebrentur hic à nobis oblationes, & sacrificia ob commemorationes eorum.* Est & oblationum frequens mentio apud Tertullianum, oblationes, inquit, lib. de Cor. mil. pro defunctis, pro natalitiis annua die facimus.

In seculo tertio ab Apostolis hæc narrant Cent. 4. c. 6. de translationibus. Cum Sacerdotes Apollinis Juliano Antiochia juxta fontem Castalium litanti dixissent, sepulchrum Babylæ Martyris, quod in vicinia erat in causa esse, quod Apollo non daret responsa, mandavit ille, ut Galilæi (sic appellans Christianos) venirent & sepulchrum Babylæ Martyris auferrent. Igitur universa Ecclesia conveniens, matres & viri, Virgines juvenesque immanse exultatione succincti trahebant longo agmine arcam Martyris, psallentes summis clamoribus, & cum exultatione dicens: *confundantur qui adorant sculptilia, & qui confidunt in simulacris suis.* Pl. 97. ut Ruff. l. 1. c. 35. & Socrates l. 3. c. 18.

Ritum denique in lavandis & transferendis Martyrum corporibus observatum in occidentalibus Ecclesiis Ambros. Epist. 85. ad soror. indicavit, ad hunc modum. *Primum inventa, seu studio, seu casu, Sancti alicujus reliquia populo monstrabantur, & cujus essent Martyris, significabatur. Deinde ordine cōponebantur, & transferabantur ad aliquod templum: ubi vigilia sequebantur tota nocte: habebatur concio de vita istius Martyris: fiebant miracula (31 Ambrosio isti credimus) agri enim, qui vestes saltem Sanctorum manu contigissent, sanabantur, obsessi liberabantur &c.*

Nota,

Nota, lector improbam censuram de fide *Divi Ambrosii*, quam *D. Augustinus* postea, se aliisque testibus fulciet.

*Ibid. de discipl. Christ.* Ad omnem incellum crucis signo fronte consignarunt, sicut Hieronym. ad Eust. ostendit, & alibi fieri precipit, *Claudas*, inquit, *cubiculū pectoris & crebro signaculo crucis munias frontē tuam, ne exterminator Ægypti in te locū reperiāt. Testatur Ruff.* l. 2. c. 19. pro thoracib. Serapis, Alexandrinos jā conversos signū Crucis per singulas domos ad ingressū substituisse.

In quarto ab Apostolis seculo Centuriatores farentur plurimis exemplis Cent. 5. c. 6. de cerem. Tempia Sanctorum honorē edificata esse, eademq; picturis, & imaginib. exornata, Reliquias eorū solenniter cultras multisq; miraculis celebratas. Pauca ex multis decerpam. Ex Nicephoro l. 14. c. 43. dicunt; *ante urbem Antiochia templū Babyla Martyris, etiā hac tempestate, duravit. Ex Victore persecut Vandal.* l. 1. *ante muros Carthaginis duo templa fuisse Cypriani, unū in eo loco ubi interfectus est; alterum ubi corpus ejus sepultum.* Rursum ex Nicephoro l. 15. c. 24. & 25. tradunt, in extructa à Leone templa fuisse *vestem Mariæ ex Palestina translata.* Et infra. *Templa auro ipsa picturis, vasis aureis, & aliis rebus etiam immodicè ornare atque locupletare studuerunt.* Quæ licet Centuriatores de superstitione accusent, nos etiamnum, ut sincera probamus. Sed videat lector perversitatem istorum hominum, illas quas recitant historias ubique sua tantum crisi, nullo veritatis historice argumento corrumperentium.

*Ibid. in §. de Reliquiis* ajunt inter cetera. Constantinopli extra muros in quodā occulto subterraneo oratorio 40. Martyres ad Sebasten Armeniæ sub Licinio passi. Thyrsi Martyris apparitione (*si credere fas est*) reperiuntur, qui in thecam inclusi juxta Thyrsū collocati sunt, cultu addito peculiati. Huic inventioni se interfuisse scribit Sozomenus l. 9. c. 2. *Sic scilicet malos spiritus imposuit deditis superstiosis cultibus* &c. Sic & Ignatiū Reliquiæ Antiochiam sunt illatæ, & in templum, quod ipsi structū erat, reconditæ, addito festo in ejus honorē sub Theodosio posteriore, ut Evagrius narrat l. 1. c. 16. & Nicephorus l. 14. c. 14.

Augustinus quoq; l. 2. c. 8. de Civit Dei. c. 8. de Reliquiis S. Stephani scribit, magnum cōcursum multitudinis ad eas in Africā usq; factum, miraculisq; fuisse celebres. Sed quod addunt *superstitione & illusione dementatos populos.* Centuriatorū figmentū est, non Augustini dictum. Nam D. August. hoc loco ad probandam miraculorum apud sepulchra Sanctorum veritatem multa congerit. Et sic inter cetera, inquit. *Quisquis adhuc prodigia, ut credat, inquirat, magnū est ipse prodigiū* (audiant Protestantes) *qui*

*mundo credente non credis. &c.* Etiam nunc sunt miracula in Christi nomine, siue per sacramenta ejus, siue per memorias Sanctorum ejus &c. Probat deinde specialiter per exempla Sanctorum Gervasii, & Protasii Mediolani, & 40. Martyrum Hipponensium, cum B. Stephani, refertq; ex contactu florum & vestium oleiq; inde relati cæcos illuminatos, mortuosq; excitatos, & quidem 70. fere intra biennium apud Hipponem regium, nonnullis etiam ex tabulis publicis recensitis, ut de Petronia clarissima femina, & fratre ac sorore misero tremore percussis. Luber verò ad defensionem D. Ambrosii cujus supra fidem Centuriatores maligne sugillabant, quædam ejus verba ex hoc cap. adficere. *Miraculum, ait, quod Mediolani factum est, cum illic essemus quando illuminatus est cæcus ad multorum notitiam potuit pervenire; quia & grandis est civitas, & ibi erat tunc Imperator, & immenso populo testes gestæ est, concurrente ad corpora Martyrum Gervasii & Protasii, quæ cum laterent, & penitus nescirentur, Episcopo Ambrosio per somnum revelata sunt, ubi cæcus ille depulsis veteribus tenebris diem vidit.* Et in lib. 1. Retr. c. 13. eadem confirmat. *Non est, inquit, sic accipiendum quod dixi (non semper durare miracula) ut nunc in Christi nomine fieri miracula nulla credantur. Nam ego ipse, quando istum ipsum librum scripsi, ad Mediolanensium corpora Martyrum cæcum illuminatum fuisse jam noveram, & alia nonnulla, qualia tam multa etiam istis temporibus sunt, ut nec omnia cognoscere, nec ea quæ cognoscimus, enumerare possimus.*

Ipsa quæ ab Adversariis producuntur ad hunc cultum evertendum argumenta, ejusmodi sunt, ut stabiliant potius, quàm evertant. Post Eliberrinum (quod solum agit de iis imaginibus subinovendis quæ cultu divino, ut ab Ethnicis quibusdā etiam Christi imagines adorabantur) tria præcipuè Concilia adducunt Constantinopolitanum sub Leone Isaurō unum, & alterum ibidem sub Constantino Copronymo, quemadmodum habet Paulus Diacon. l. 21. & 22. Tertiū Francofurdienſe sub Carolo Magno: & in prioribus quidem aiunt, omnes proſus imagines abſolitas, in poſtremo toleratas quidem ad memoriam, ſed cultum latriæ, ſeu adorationem prohibitam. Verum ſibi iſtis hic laqueum collocant. Vel enim probant hæc Concilia ut legitima, & ſic tenentur Sanctorum cultum & bonorum operum merita agnoſcere à Constantinopolitano Concilio ſub anathemate recepta, de in cum Francofurdienſi, imagines in templis tolerare, & ſolum latriæ cultum proſcribere (ut Magdeburgenſes Cent. 8. 9. c. 9. agnoſcunt vel improbant, tum quod ſine au-  
torita-



toritate summi Pontificis celebrata sint , tum quòd à se invicem dissentiant , ideòque nemo prudens omnibus simul possit subscribere, ac postremò, quia Constantinopolitana ab improbis & Ariana hæresi infectis Imper. coacta sint, & sic aliud nihil conficitur quàm , ut ex pugna hac improborum adversus imagines, illarum usum in Ecclesia constanter perstitisse intelligamus. Quamvis verò Iconomachi illi tyranni multis eas locis destruxerint , tamen in occidente ubi vis absuit etiam post Francofordiense Concilium ubique perstitere. Quia tamen in hoc Concilio Nicenum II. quod est generale VII. per Adrianum Pontificem approbatum , confirmatumque deinde per Leonem Pont. damnatum, idque ex mala quorundam informatione, quasi Niceæ decretum esset, imaginibus Sanctorum, ita ut *Deifica Trinitati, servitium & adorationem impendendam* (ut habent libri Carolini in præfat) ideòque legati Pontificii nollent subscribere, ipse etiam Adrianus huic se concilii decreto objecerit, ut Magdeb. l. c. fatentur , hujus Concilii autoritas eà ex parte vacillat.

Imò & per se ipsum destruitur , cùm inter ceteros Canones statuatur : nullum Concilium sine Papæ autoritate legitimum esse. Vident igitur Protestantes ex hujus Concilii admissione suam se causam tueri non posse, imò ram ad Pontificis auctoritatem, quàm usum imaginum agnoscendum teneri.

Patres non improbant, nisi cultum idolatricum imaginibus Cruci aut Reliquiis præstitum, quem & nos detestandum existimamus. Olim autem proclivior hæc in re error Christianorum inter gentes erat , ac deinde Judæi & Mahumerani quoque Christianos aversebantur , quod simulacris non minus, quàm gentes uterentur ; cum cultum utrorumque diversissimum non satis distinguerent. Unde mirum non est, quod toties olim in Ecclesia adversus imagines sit decertatum , & à quibusdam etiam Patribus acius declamatum. Erant & hæreses in Christianis, ut eorum , qui Deum censebant corporeum, cujus homo similitudo esset. Unde Clemens imagines improbasse videtur, quæ ad Deum exprimendum fierent. Quidam ex Platonicis Angelos , alii Collyridiani Deiparam pro Dea habebant ideòque adversus ejusmodi imaginum adoratores multis egit Epiphanius. Quæ non tantùm non obsunt , sed etiam integritatem Catholicorum tuentur , qui adversus omnem abusum imaginum semper vigilantes, tolli illas maluerint , quàm quicquam in cultu suspectum

tolerari. Modò, cum ejusmodi pericula, inter tot præsertim ob-  
servatores Adversarios, procul absint, jure adversus omnes icon-  
omachos illas tuemur.

Nec obstat, quod verbis quandoque adorationem divinam præ se ferentibus utamur, ut Ecclesia dum Canit: *O Crux ave, Spes unica* &c. Nam has figuratas locutiones esse, nimis apertum est. Quis enim tam nos amentes esse censeat, qui spem in ligno, non verò patiente Christo, collocare nos aseat? Hoc igitur simile phrasi maximè palam omnibus facimus, signum non esse, in quo colendo nostra figatur intentio, sed eò transire mentem, quò illam signum deducit. Unde patet, his ipsis quoque, quibus Adversarii nos oppugnant, argumentis, causam nostram magis magisque firmari, ut nisi pertinaciter desipiant, manus nobis ad concordiam jure sit porrigenda. Quod si qui Theologorum inter Catholicos sentiant, excellentiam quandam creatam, ex relatione in his signis existere, quæ majorem civili cultu venerationem in iis ipsis absolute spectatis requirat, horum loquendi ratio turò negligitur; cum citra ipsum signatum, & relationis terminum hæc dignitas evanescat. Disputantium in scholis quæ sita sunt non scita religionis.

### §. XI. Pars III. Articuli 24. De Purgatorio.

**D**Enique purgatorium arbitramur figmentum esse, ex eadem officina profectum, unde etiam manarunt vota monastica, peregrinationes, & interdicta matrimonii, & usus ciborum, ceremonialis certorum dierum observatio, confessio auricularis, Indulgentiæ, ceteræque res omnes ejusmodi, quibus opinantur quidam se gratiam & salutem mereri. Ea verò omnia non tantum relinimus propter falsam meriti opinionem ipsis adjunctam, sed etiam quoniam sunt humana commenta, & jugum ex hominum autoritate conscientis impositum.

a Mat. 15. v. 11. *Ab. 10. v. 14. 15. Rom. 14. v. 1. &c. Gal. 4. v. 9. Colos. 2. v. 16. & 1. Tim. 4. v. 3. &c.*

## §. XII. Reformatio de Purgatorio.

**A**gnosceamus duplicem finem æternum hominum & alios horum *benedictos*, alios *maledictos*: b alios *salvos*, alios *condemnandos* fore, c æternum inquam, quia dictum: ibunt hi in supplicium æternum, justi autem in vitam æternam d Iustorum enim anima in manu Dei sunt, & non tanget illos tormentum mortis hujus e Nihil enim damnationis est iis, qui sunt in Christo Iesu. quia si domus terrena nostra habitationis dissolvitur, habemus domum non manufactam æternam in cœlis. g Nihil tamen coinquinatum regnum Dei subire potest. h Et, de omni verbo otioso, quod locuti fuerint homines, rationem reddent in die judicii. i Omnis etiã qui moritur iratus fratri suo, reus erit iudicio, & qui dixerit fratri suo *vaca*, reus erit concilio. l eradetur iudici, & missus in carcerem, non exibit inde, donec reddat novissimum quadrantem. m Qui verò dixerit contra Spiritum S. non remittetur ei, neque in hoc seculo neq; in futuro. n Discrimen itaq; magnum, & in hac, & in altera vita pœnarum est. Ille enim servus, qui cognovit voluntatem Domini sui, & non fecit, vapulabit multis; qui autem non cognovit, & fecit digna plagis, vapulabit paucis. o Uniuscujusque enim opus manifestum erit, dies enim Domini declarabit, quia in igne revelabitur, & uniuscujusque opus quale sit, ignis probabit; an superadificaverit super fundamentum salutis suæ, quod est Christus, aurum, argentum, & lapides pretiosos; an ligna, scœnum, & stipulas. Si cuius opus manserit, quod superadificavit, mercedem accipiet: si cuius opus arserit, detrimentum patietur, ipse autem salvus erit, (quia in Christo salutis fundamento stetit) sic tamen quasi per ignem, p qui stipulâ, lignoq; consumpto, expurgabit, Quocirca Iudas Machabeus, collatione facta, mille drachmas argenti misit Ierosolymam offerri pro peccatis mortuorum sacrificium &c. quod sancta & salubris esset cogitatio pro defunctis exorare, ut à peccatis solvantur: bene & religiosè de resurrectione cogitans. q Nam quid facient, qui baptizantur, seu pœnitendo affliguntur, pro mortuis, si omnino mortui non resurgunt? r Hæc igitur, & credere necessarium, & imitari fas est.

L 4

§. XIII

b Mat. 25. v. 34. c Marc. ult. v. 16. d Mat. 25. v. 46. e Sap. 3. v. 1.  
f Rom. 8. v. 1. g 2. Cor. 5. h Apoc. 21. v. 27. i Mat. 12. v. 36.  
l Mat. 5. v. 22. m Luc. 12. v. 26. n Mat. 12. v. 32. o Luc. 12. v. 47  
p 1. Cor. 3. v. 12. &c. q 2. Mach. 12. l 1. Cor. 15. v. 29.

## §. XIII. Observatio.

**M**anifestum ex scriptura S. est, æternum hominis finem, vel esse in supplicio, vel in gloria. Neque per hunc excludi vel finem Abraham, seu Patrum extra cælum diversorium, in quo Lazarus Samuel aliique quievêre; vel temporales pœnas inter extremum judicii diem sententiamque ultimam judicis medias, quibus expurgentur homines; quia ex Evangelio constat, universum orbem cum suis incolis igne expurgandum, & quod ante hunc diem mortui purgationem sustineant illi, qui *fundamento salutis Christo scænum & stipulas & lignum*, aptam igni materiem *superadificaverunt*: hoc est, jam in Christo justificari, venialibus tamen delictis cœssenderunt. *Nihil enim inquinatum Deus calumq; patitur.* Quo ibunt igitur Protestantes nostri, qui in delictis ejusmodi, quæ *justus etiã septies de die incurrit*, repente discedunt; imò universi, quotquot se originali labe perpetuò inquinatos non diffitentur, si in cælo nulli inquinamēto locus sit, in purgatorio non expietur? Mors certè, quæ est quædam animæ corporisq; dissolutio, hanc infectionem non destruit: aut si id, supra naturam suæ operationis facit, cur in omnibus non facit peccatoribus? vel, quâ ex scriptura hanc illius vim cognoscimus? Si fortè adversarij nobis illud Prophetæ ingerant, Ezech. 18. *Si impius egerit pœnitentiã omnium ipsius iniquitatũ non recordabor*: quare sentiunt ejusmodi pœnitentẽ in vita à labe originali, ejusq; pœnis non expurgari? an plus a morte poterit, quàm vivens præstitit? A page ejusmodi, inter prudentes homines, deliramentis. Sed regerent in Catholicos eadem. Et quomodo, dicent, à morte culpa, si qua manserit, expiabitur, quãdo vitæ meritq; tempus exspiravit? Quærã ego, quomodo fieri possit, ut quod veniale delictum est, (ideòq; eternũ esse, ex natura culpæ pœnæq; nequear) non expietur, in igne probante stipula/q; consumente? quomodo Moysi, & David peccata dimissa non sint nisi temporalis conditione pœnæ adjuncta? unde nihil hic divinæ potentæ objicitur impossibile, siue Deum sentias statim à morte culpã, sub conditione pœnæ sustinendæ remittere, siue illam cum pœna finiri. Estq; hæc curiosa magis Theologizantium, quàm utilis ad propositum quæstio. probum fidelẽ, non oportet scire, sed credere. Satis nobis esse debet, quod intelligamus quorundam à morte dari peccatorum *temporalem carcerem & remissionẽ*. Si tamen in tam diserta scriptura à nobis Protestantes disceptiant, malo ego SS. Patrum, quàm nostra definitione S. literarum sententiam cognoscere.

## §.XIV. Prisci orthodoxæ Ecclesiæ Patres ex S. literis Purgatorium esse testantur.

**T**ertullianus tom 3. lib. de anima c. 35. *Hæc erit amicitia observatio sponſionis, ne quid eius postea resumās, ex his quæ ei petierasti, quæ illi redidisti; ne te, ut fraudatorem, ut pacti transgressorem iudici Deo obijciat, & iudex te tradat Angelo executionis, & te in carcerem mandet infernum, unde non admittaris, nisi modico quoque delicto moræ resurrectionis expenso.* Luc. 12.

Idem de corena mil. cap. 3. more Machabæorum in Ecclesia oblationes pro defunctis continuari docet. Et in lib. de Menog. c. 10 ad viduam ait. *Pro anima eim (mariti) oret & refrigerium interim adposulet ei, & in prima resurrectione consortium, & offerat annuis diebus dormitationis eius.*

Origenes hom. 35. in Lucam. *Quod si magnam pecuniam debuerimus, sicut ille qui scribitur Luc. 12. decem millia tal. debuisse, quanto tempore claudamur in carcere, non possum manifesto pronuntiare. Si enim qui parum debet, non egreditur, nisi solvat minutum quadrantem, utique qui tanto debito fuerit obnoxius, infinita illi ad reddendum secula numerabuntur.*

Cyprianus lib. de laudibus Mart. *Legis scriptum esse, usque ad quadrantem nos ultimum reddere. Sed hæc pars ablata Martyribus. Etenim qui salutis æternæ cupiditatibus freti, vita huiusce desideria vicerunt, hos experti doloris universi, Domini propitiatio corenas.* Et l. 4. Epist. ad Antonianum. *Aliud, inquit, est ad veniam stare, aliud ad gloriam pervenire: aliud missum in carcerem non exire inde, de nec solvat novissimum quadrantem: aliud statim fidei, & virtutis accipere mercedem: aliud pro peccatis longo dolore cruciatum emundari & purgari diu igne, aliud peccata omnia passione purgasse.*

Eusebius Emis. hom. 3. de Epiphania. *Hi verò, inquit, qui temporalibus pœnis digna gesserunt, ad quos sermo Dei dirigitur, quod non exeat inde, donec reddant novissimum quadrantem per fluvium igneum transibunt.*

D. Ambrosius cap. 12. Lucæ in eodem loco. *Quadrantem in balneis, ait, dari solere, reminiscimur, cuius oblatione, ut illic levandi quisque accipit facultatem, ita & hic accipit eluendi, quia minus cuiusque peccatum supra scripta genere conditionis eluitur, cum tamdiu exercetur noxiæ pœnis, ut commissi supplicia erroris expendat.*

D. Bernardus de obitu Humberti. *Illud scitote, quia post hanc vitam in purgatoriis locis centupliciter qua fuerint neglecta rependuntur, usque ad novissimum quadrantem.*

Et quanta consensione per diversa secula orthodoxi Patres eandem Christi sententiam, eodem sensu amplexi sint. Videamus idem de Apostolo.

O.igenes hom. 12. in Jerem. *Recedentes ex hoc seculo, & pro peccatis torquebimur, & pro iustitiis recipiemus premia, qua meremur. Si enim. post fundamentum Iesu Christi, non solum in tuo corae aurum & argentum, & lapidem pretiosum (si tamen habes aliquid auri vel argenti) superædificaveris, verum & ligna, fœnũ, & stipulam (1. Cor. 3.) quid tibi vis fieri, cum anima sei in cœta fuerit à corpore? Vtrumnam ingredi via in sancta cum lignis tuis, cum fœno, & stipula, ut polluas regnum Dei? an propter lignum, fœnum, & stipulas foris residere, & pro auro, argento & lapide pretioso nihil mercedu accipere? Sed neque hoc æquum est: Quid igitur sequitur, nisi ut primum propter ligna ignis tibi detur, & consumat fœnum, lignum, vel stipulam? &c. Primum quippe propter iniustitias tormenta perpetimur, deinde propter iustitiam coronamur. Similia habet hom. 13. in Jerem. & hom. 25. in Numeros & hom. 6. in Exod. Ubi hæc in cæteris adjicit. *Aurum terra illius bonum esse dicitur, quam habituri sunt sancti.* Et sicut fornax probat aurum, sic homines justos tentatio. Eccl. 27. *Veniendum est ergo omnibus ad ignem, veniendum est ad conflatorium. Sed enim & conflatur, & purgat filios Juda. Malach. 3. Sed & illuc cum venit, si quis multa opera bona, & parum aliquid iniquitatis attulerit, illud parum tanquam plumbum igne resolvitur ac purgatur, & totum remanet aurum purum.**

Tertullianus lib. 5. adversus Marcion. cap. 6. *Christus futurus est fundamentum credentium in eum, super quod prout quisque superstruxerit, dignam scilicet, vel indignam doctrinam, si opus eius per ignem probabitur, si merces illi per ignem rependatur, creatoris est.*

D. Ambrosius in 1. Cor. 3. *Cum Paulus dicit; sic tamen quasi per ignem, ostendit quidem illum salvum futurum, sed pœnas ignis passurum, ut per ignem purgatus fiat salvus, & non sicut per fidi aeterno igne perpetuum torqueatur. Idem habet sermon. 20. in psal. 118.*

Sanctus Hieronymus in illud Amos Prophetæ. *Capite quarto, facti estis sicut torris raptus de incendio. iuxta illud, inquit, quod in Apostolo legimus 1. Corinth. 3. ipse autem saluus erit*

erit quasi per ignem. Qui autem salvatur per ignem, quasi torris de incendio rapitur. Idem docet Iupet Ilaix verba ultima c. ult. & lib. 2. in Jovinianum post medium.

D. Augustinus post psal. 37. Domine, ne indignatione tua arguas me Non sim inter illos, quibus dicturus es : Itc in ignem æternum, Matth. 25. neque in ira tua emendes me; ut in hac vita purges me, & talem me reddas, cui emendatorio igne non sit opus. propter illos qui salvi erunt, sicutamen quasi per ignem. Quare? nisi quia hic ædificant super fundamentum ligna, fœnum, stipulam?

Ædificarent autem aurum, argentum, lapides pretiosos, & de utroque igne securi essent, non solum de illo æterno, qui in æternum cruciaturus est impios, sed etiam de illo, qui emendabit eos, qui per ignem salvi erunt. &c. gravior erit ille ignis, quàm quidquid potest homo pati in hac vita.

Hactenus Patres ex iisdem Scripturæ locis uno sensu hanc veritatem tradentes audivimus: nunc eosdem ex diversis quoque Scripturæ locis probantes audiamus.

Patres idem ex diversis Scripturis probant.

**S** Ephrem in testamento suo. Et nunc volo fratres mei commonefacere & adhortari vos firmiterq; constabilire, ut post meum exitum ac transitum assidue memoriam mei in vestris precibus faciatis, &c. Mortui enim in viventium commemorationibus atque oblationibus recreabuntur. Audi patienter, quæ scripta sunt : & si volueris, prudenter etiam intelliges, quæ dicuntur. Servus Dei Moyses in benedictionibus, nonne Ruben usque ad tertiam generationem benedixit Dent. 33. Si ergo non redimuntur mortui, quâ de causa Ruben, usque ad tertiam generationem benedixit Moyses? Et si non est resurrectionis memoria, Audi quid clamet Apostolus Paulus dicens 1. Cor. 15. Si omninò mortui non resurgunt, cur & baptizantur pro mortuis? Qui enim erant sub lege, ad expectationem resurrectionis in mysterio detinebantur, conclusi in eam fidem, quæ revelanda erat. Gal. 3. v. 23. legistis. 2. Mat. 12. quod in oblationibus sacrificiorum Sacerdotes in lege mundabant etiam eos, qui suis iniquitatibus in bello vulnerati erant.

Pleni enim operibus iniquitatis & iis quæ scripta erant tenebantur. Quantò autem magis novi Testamenti Sacerdotes Christi delere meritis poterunt debita eorum qui decedunt, in sanctis oblationibus & precibus linguarum suarum?

D. Augustinus de civit. Dei l. 21. c. 13. Temporarias pœnas

alii in hac vita tantum; alij post mortem: alij & nunc, & tunc; veruntamen ante iudicium illud severissimum novissimumque patiuntur & c. Nam quibusdam, (Mat. 12.) quod in isto remittitur, remitti in futuro, id est, ne futuri seculi aeterno supplicio puniantur, jam supra diximus. Et ibid. c. 24. Facta resurrectione mortuorum, non deerunt, quibus post pœnas, quas patiuntur spiritus mortuorum imperiatur misericordia, ut in ignem non mittantur aeternum. Neque enim de quibusdam veraciter diceretur, quod non eis remittatur, neque in hoc seculo, neque in futuro, nisi essent quibus etsi non in isto, tamen remitteretur in futuro. Et serm. 41. de sanctis, illo ait, transitorio igne, de quo dixit Apostolus 1. Cor. 3. ipse autem salvus erit, sic tamen quasi per ignem, non capitalia, sed minuta peccata purgantur. & c.

Idem tom. 4. de cura pro mortuis gerenda cap. 1. In Machabæorum libris (lib. 2. cap. 12.) legimus oblatum pro mortuis sacrificium. Sed etsi nusquam in scripturis veteribus omnino legatur, non parva esset universa Ecclesia, qua in hac consuetudine claret autoritas; ubi in precibus Sacerdotis qua Domino Deo ad eius altare funduntur, locum suum habet etiam commendatio mortuorum.

D. Gregorius lib. 3. Dial. cap. 39. De quibusdam levibus peccatis esse ante iudicium, purgatorius ignis credendus est, pro eo quod Veritas dicit Mat. 12. quia si quis in S. spiritu blasphemiam dixerit, neque in hoc seculo remitteretur ei, neque in futuro. In qua sententia datur intelligi, quasdam culpas in hoc seculo, quasdam verò in futuro posse laxari.

### §. XV. Ipsimet Protestantes veteris orthodoxæ Ecclesiæ sensum de Purgatorio fateri coguntur.

**Z**Winglius in Epichereh de Canone Missæ, tom. 1. fol. 186. Orandi, inquit, & sacrificandi pro defunctis morem Chrysostomus & Augustinus ab Apostolis usque ad Manasse tradiderunt.

Bollingerus eius collega Dec. 4. serm. 20 Verum est, inquit, quod Papistæ aiunt, Veteres orasse, & sacrificasse pro defunctis & c. Serm. 12. de Verbis Apostoli, inquit, Augustinus Hoc à Patribus traditum universa observat Ecclesia, ut pro orthodoxis sacrificium corporis & sanguinis Christi offeratur.

Calvinus in libro de vera Ecclesiæ reformatæ ratione. Non nego, inquit, fuisse vetustissimam consuetudinem orandi & sacri-



sacrificandi pro defunctis] Et quoniam magna est vis con-  
 uerudinis vel potius regnum, ideo tandem Chrysostomo, Au-  
 gustino, Epiphanio ac similibus probatam fuisse, quasi à Ma-  
 joribus fuisset tradita. Chrysostomus Apostolis fert acceptam.  
 Nempe ut alia multa, quæ tum vulgo recepta essent, tamen ig-  
 notæ erant originis. Et lib. 3. Inst. c. 5. n. 7. ait: superstitione &  
 præpostero zelo non catuit factum Judæ Machabæi, qui obla-  
 tionem misit pro mortuis in Jerusalem. *Agnoscit itaque hic A-  
 ristarchus, sed damnat factum.* Centuriatores de secundi seculi  
 Patribus Cent 3. c. 4. de Purgat. aiunt. Semina purgatorij in a-  
 liquot locis apud Originem subinde sparsa videas. Sic. hom. 3.  
 in psal. 36. *Venimus ad illum ignem in quo uniuscuiusque opus*  
*quale sit ignis probabit, & (ut ego arbitror) omnes nos venire ne-*  
*cesse est ad illum ignem, etiamsi Paulus aliquis sit, vel Petrus, venit*  
*tamen ad illum illum ignem; sed illi tales audiunt; etiamsi per ig-*  
*nem transeas, flamma non urget te. Eccli 28. v. 26.* Et lib. 5. con-  
 tra Cels. singulos, quibus per ignem, vel pœna sit simul, vel medi-  
 catio offerenda, ignis iste amburit, non tamen exurit; ut qui nihil  
 habens, quod per ignem sit absumendum, &c.

In Centuria eadem cap. 6. de ritu sepult. sic. habent. Est obla-  
 tionum frequens memoria apud Tertullianum, oblationes, in-  
 quit de cor. Milit. *pro defunctis, pro natalitiis annua die faciemus.*  
 Cyprianus etiam lib. 3. Ep. 6. & lib. 4. Epist. 5. in Martyrum  
 commemorationibus oblationes, & sacrificia fieri solita indi-  
 cat. Tale quiddam & alibi lib. 1. Epist. 9. habet, ubi eas obla-  
 tiones sacrificia vocat *pro dormitione mortuorum.*

De seculi tertij Patribus fatentur apertè purgatorij illos me-  
 minisse. Lactantius lib. 7. cap. 21. *Sed & justos cum judicaverit*  
*Deus, etiam igni eos examinabit, Tum quorum peccata, vel pondere,*  
*vel numero prævaluerint, perstringentur igni atque amburentur.*

Hieronymus lib. 18. Comment. in Eia. *Sicut Diaboli & om-*  
*nium negatorum atque impiorum credimus aterna tormenta; sic*  
*peccatorum impiorum, & tamen Christianorum, quorum opera in*  
*igne probanda sunt, atque purganda moderatam arbitramur &*  
*mixtam clementiam iudicis.*

De quanti seculi Patribus, in confessio res est, quanquam Cen-  
 turiatores parcè eos cirent. Ex Chrysostomo enim, postquam  
 limbum Patrum subterraneum esse locum tradidissent, de Au-  
 gustino subijciunt. Purgatorium concedere videtur, in Enchi-  
 rid. ad Laur. c. 69 *Posse nimirum fieri post hanc vitam ignem pur-*  
*gatorium, per quem salventur, qui hic taliter vixerant.* Defunctos

item

item aliorum precibus sublevari August. ib. c. 10. aperte asserit. Neque negandum est defunctorum animas pietate suorum viventium relevari, cum pro illis sacrificium Mediatoris offertur, vel elemosyna in Ecclesia fiunt. Sed eis hac profunt, quæ cum viverent, ut hac sibi postea prodesse possent, meruerunt, &c. Idem libro de cura pro mortuis affirmat cap. 1. & c. 5. inquit, ergo fidelis mater filiis defuncti corpus desideravit in basilicam Martyris poni: siquidem credidit eius animam meritis Martyris adjuvari, hoc quod ita credidit supplicatio quadam fuit, & hac profuit, si quid profuit.

Calvinus omnino perversè de veteribus atq; imprimis Augustino l. 3. Iust. c. 5. §. 10. inquit. Abrepti etiam ipsi fareor in errore fuerunt. Nempe ut inconsiderata credulitas privare iudicio, solet hominum mentes. Interea, quàm dubitanter preces pro mortuis commendat, lectio ipsa demonstrat. Monicam matrem suam in libris Confessionum Augustini narrat, vehementer rogasse, ut sui memoria in peragendis mysterijs fieret ad alacritate. Anile scilicet votum, quod filius non exegit ad normam scripturæ, sed pronaturæ affectu probari alijs voluit. Liber autem de cura pro mortuis agenda, ab eo compositus, tot hæsitaciones continet, ut suo frigore merito debeat stulti zeli calorem extinguere, si quis mortuorum patronus esse appetat. Ita hic homo, cum Augustini sensum de scriptura ac veritate ferre non possit, superbè aspernatur, eumque anilibus deliramentis, & puerili hæsitacione contra scripturam pugnantem introducit. Credite hæc Calvino posteri, si cum illo, quàm Augustino sapere, & judicari malitis.

## PARS IV. ARTICULI XXIV.

### §. XVI. De cœlibatu & votis.

**F**RAUS & fallacia Satanæ sunt vota monastica, interdicta matrimonij, &c.

Ex Confessione Helvetica universim recepta.

**C**Ap. 18. Cum sciamus certò Monachos, & Monachorum Cordines, vel sectas, neque à Christo neque ab Apostolis institutas, docemus nihil illas Ecclesiæ Dei utiles esse, imò perniciosas. Tamen si enim quondam cum essent solitarij, & manibus sibi victum quærentes &c. fuerint tolerabiles, tamen nunc quales

quales sunt, videt & sentit universus orbis. Prætexunt nescio quæ vota, & vivunt votis suis vitam prorsus contrariam.

Cap. 19. Qui cœlitus habent donum cœlibatus, aptiores sunt curandis rebus divinis, quàm qui privatis familiæ negotijs distrahuntur. Quod si adempto rursus dono unctionem senserint durabilem, meminerint verbi Apostolici 1. Cor. 7. Melius est nubere, quàm uri. &c. Scimus Apostolum dixisse. Honorabile est connubium inter omnes & cubile impollutum. Heb. 13. &c. Numeramus autem cum eodem Apostolo inter dogmata satanica illorum doctrinam, qui matrimonia vituperant.

## §. XVII. Reformatio ex S. literis.

**C**Redimus, honorabile esse conjugium in omnibus legitimè iunctis, a. & spiritu erroris duci sic nubere prohibentes. b. Sunt tamen etiam Ennuchi qui se castraverunt propter regnum Dei, sed non omnes capiunt verbum hoc. c. Quare qui matrimonio jungit Virg. suam bene facit, & qui non jungit melius facit, beator erit, si sic permanserit, secundum consilium meum, ait Apostolus. d. Qui se non continent, nubant. e. oportet autem Episcopum esse sanctum & continentem, & (si quidem conjugatus fuerit) non nisi unius uxoris virum. f. sicut & vidua olim ad ministerium eligebatur, qua fuerat unius viri uxor. g. De his prædixit Itaias, colent eum hostijs & muneribus, & vota vovebunt Domino, & solvent. h. Et iisdem dicit Dom. Eunuchus, si tenuerint fœdus meum, dabo eis in domo mea nomen sempiternum. i.

a. Heb. 13. b. 1. Tim. 4. v. 2. c. Mat. 19. v. 12. d. 1. Cor. 7. c. ib. f. Tit. 1. v. 6. & 8. g. 1. Tim. 5. v. 10. h. Isa. 19. v. 21. i. ib. 56.

Credimus & hoc esse Christi consiliū. Si vis perfectus esse, vade & vende omnia qua habes, & da pauperibus, & habebis thesaurū in cœlo. l. Et si quis vult venire post me, abneget semetipsū, tollat crucem suā & sequatur me. m. Et omnis qui reliquerit domū, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet & vitam æternam possidebit. Idq; fecisse, qui dixerunt, Ecce nos reliquimus omnia & secuti sumus te. n. His igitur consilijs exemplisque, ut non teneatur, cum citra hæc diligi Deus possit ex toto corde. ita tamen laudabiliter insistit Ecclesia fidelium, illasque damnat, quæ cum luxuriata fuerint in Christo, ob incontinentiam, nubere volunt; habentes damnationem, quia primam fidem irritam fecerunt. o. Si votum voveris, ne moreris reddere, quia requireret istud Domi-

1144

l. Mat. 29. v. 21. m. Mat. 16. v. 24. n. Mat. 19. v. 27. o. 1. Ti. 5. v. 11

*num. p. Nemo enim mittens manum ad aratrum, & respiciens retro aptus est regno Dei. q. Quemadmodum Ananias cum Saphira uxore sua, cum mentitus esset spiritui sancto, & fraudasset de pretio agri, malè petijt Act. 5.*

*p. Deut. 23. v. 21. q. Luc. 9. v. 62.*

### §. XVIII. OBSERVATIO.

**P**Luribus hæc in part. 2, Concord. scripturis S. exposui, quæ hic paucis propono. Plana earum de cœlibatu, sive continentia clericorum sententia est: nisi quod Paulus obscurius loquatur, cum dicit, *oportere Episcopum unius esse uxoris virum, qui filios subditos habeat &c.* Hoc enim, si de tempore præsentis lumen sit, & illo quo sonat rigore, nemo nisi maritus, & nec omnis, sed qui habet filios, eoque ut par est subditos, ad Episcopatum idoneus erit. Quod cum nec adversarijs placere possit: non elio hæc sensu, quam quo postea idem Apostolus de viduis Ecclesiæ ministrantibus loquitur, accipienda sunt: *Vidua eligatur, qua fuerit unius viri uxor.* Digamiam igitur utrobiq; Apostolus submovet, atque ut hic, ita & illic de præterito conjugio loquitur. Quod ex eo quoque certum redditur, cum Episcopum simul velit esse continentem (*ἐνχρηστὸν*) sed continentia, seu *ἐνχρηστία*, omnem veneris usum tollit, etiam conjugalis. Unde Encratitæ dicti hæretici, qui conjugio abstinabant, & Paulus ipse dicit, *qui se non continent, nubant.* Connubium igitur non continentium est. At continentibus vult Paulus Episcopos & Diaconos Tit. 1. Tim. 3. ergo à conjugio abstinentes. Nimium itaque perversi interpretes sunt, qui hic Paulum hoc docent agere, ne duas simul uxores Episcopus habeat, quasi verò hoc ullis Christianis, etiam Laicis, unquam concessum sit, quod neque Ethnicis, neque Judæis Pauli temporibus usitatum fuit: aut etiam viduas Paulus noluerit, quæ simul duobus essent maritis obnoxix. Risum illa apud prudentes merentur, non responsionem. Sed quid, inquires, refert, si de præteritis uxoribus agatur, pluresne, an unam tantum successivè habuerit, eligendus in Episcopum, cum nihil hic sceleris appateat? Respondet Augustinus lib. de bono coniug. c. 18. *De sacramento agitur, non de peccato. Nam in baptismo peccata omnia remittuntur, propter sacramenti autem sanctitatem, sicut scemina, etiamsi catechumena fuerit, vitata, non potest per baptismum inter Virgines consecrari: ita non absurdè visum est, eum, qui excessit uxorum numerum singularè, non peccatum*

*occasum aliquod commississe, sed normam quandam sacramenti amississe.* Nolumus tamen asserere conjugium ex natura sua, vel etiam divina lege, cum statu clericali pugnare. Nam Apostoli suo id tantum exemplo, institutoque Ecclesiastico introduxere, Christi consilium de uxore relinquenda secuti, non præceptum reveriti. Unde si majus Ecclesie bonum ex conjugio indulto speretur, dispensari ab eadem poterit; ut in orientalibus, alijsque nonnullis factum cognovimus. Verum Protestantium ministri in muliebri choragio Apostolos duces volunt, Paulo quæten-  
te: *nunquid non habemus potestatem mulierem sororem circumducendi sicut & ceteri Apostoli?* 1. Cor. 9. At magnū discrimen inter sororem & uxorem mulierem est. Concilium 1. Nicenum sororem, Amitam, & Matrem clericis domi suæ indulget can. 3. præter has, aliam mulierem non concedit, cui Ancyranum, Neocæsariense, & Carthaginense 2. accedit, ab orthodoxæ Ecclesie Patribus celebrata. Deinde cum Apostolus, ne alijs gravis esset suâ sæpe industria impensisque; viveret, ut hic pater, muliere ad lavandum coquendumque utebatur, non ad stimulum carnalem infringendum: cujus remedium à Deo, non ut Ministri Verbi ab uxoribus, quærebat. 2. Cor. 12.

Cum obijciunt, cælibatum esse omnis impuritatis officinam, tantum moneo, ut suas suorumque; Protestantium familias exequantur. Ab illustrioribus domibus usque ad ipsa Ministrorum recta transeant; dicantque, an hac ætate sua majora inter cælibes Romanorum, an inter conjugatos Protestantium flagitia emineant: Nullum ego statum ab omni virio immunem esse sentio. Ceterum plerique illorum qui sola se fide justos sentiunt; quod in hoc argumento de se experiuntur, illud de alijs judicant: Uti Lutherus Calvinusque; duces. vitæ sermonisque exemplo testantur. *Si quis vestrum sine peccato est, primus in nos lapidam mittat.* Ullusne ex vestra reformatione qui profiteri audeat, se nunquam concupisce uxorem, aut rem proximi sui? Plus dicam. Quisquamne ex vobis est, qui audeat profiteri, se illam possidere fidem, quæ omnem concupiscentiam illicitam absterferit? Videte dilemma; quod adversarijs hoc loco discutendum relinquam. Aut talem experiuntur se possidere fidem; quam necessario sequantur bona opera; ideoque proscribat omnem voluntariam concupiscentiam; aut contra talem; cum qua adhuc sceleta ipsa & concupiscentia hospitentur, ita ut mœchi perpetui & adulteri in vita maneant. Nam qui videt mulierem ad concupiscendum eam, jam mœchatus est eam in

corde suo. Si primum, quid est, cur nequeant continenter omnes vivere, etiam cœlibes? si posterius, suo iudicio veram fidem non obtinent; quia tam *bona*, ut volunt, *arbor malos fructus non parit*, & ubi talia regnant flagitia, fides viva exular.

Ad consilia Evangelica quod attinet, malo illa consilio ab Adversarijs negantur, peiori violantur, præpostero verò prorsus sensu inter præcepta collocantur. Magnum discrimen inter præceptum, & consilium est. Præceptum dere bona, consilium de meliori: *benè facit, qui matrimonio se jungit; melius qui non jungit*. 1. Corinth. 7. Christianæ legis præceptum commune est omnibus, ut *non concupisces uxorem proximi*, consilium paucorum: ut *non omnes capiunt verbum hoc, quod non expediat nubere* Matth. 19. præceptum necessitatem adfert & obligat, consilium libertatem relinquit; ideoque sine culpa pœnaque negligi poterit, ut non potest quod præceptum est. Quare Apostolus Corinthijs Virginitatem foaturus, negat, se illis præceptum dare, sed *consilium*. De Virginibus, inquit, *præceptum Domini non habeo, consilium autem do &c. bonum est mulierem non tangere, hoc aut, ad utilitatem vestram dico, non ut laqueum vobis injiciam* supra v. 25. &c.

At inquit, mandatum Christi est: *estote perfecti*, Matth. 5. Et *diliges Dominum Deum tuum ex toto corde &c.* Matth. 22. Et *super omnia charitatem habete*, quod est *vinculum perfectionis* Col. 3. Sub hoc igitur præceptum cadit, quidquid ex Christi vel Apostolorum consilio cuiuscunque perfectionis consequendæ studio feceris, neque tamen his omnibus, satis unicum hoc charitatis præceptum implebis, multò minus superogabis quippiam. Resp. cum hoc præceptum Charitatis David, ex toto corde Deum secutus, 3. Reg. 14. & Iosias Rex 4. Reg. 23. impleverit, clatum est præcisè aliud non præcipi, quàm ne quicquid Deo in æstimatione & amore præferamus; sed ut corde, mente, animâ totâ, ad Deum ita conversi simus, ne ulli creaturæ, Deo in amore prælatæ, adhærescamus. Et hoc est, Deum super omnia diligere. Ita etiam jubemur *perfecti esse, sicut pater cœlestis perfectus est*, quod facimus cum inimicos propter Deum amamus imitatione & exemplo illius, *qui solem suum oriri facit super bonos & malos*, licet ipsius perfectionem non assequamur: hoc enim insanum esset, vel Deum præcipere, vel nos conari. Quod si tamen cum Augustino sentias, præceptam hic omnis charitatis perfectionem esse, quæ non nisi in altera expleri vitæ possit, ita ut ad hanc contendere hic pro viribus teneamur.

Non

Non tamen ideo media nobis omnia præcepta sunt; sed liberum erit nubere, cum volueris, vovete, dare bona pauperibus, ac relinquere omnia, cum placuerit. Quia hæc media universè non præcipi, sed suaderi nimis ex scriptura manifestum est, quæ in his *non vult laqueum iniicere*.

Verùm instant. Non obligantur omnes; sed illi solum, qui donum e.g. continentiae a Deo sunt consecuti, ad cœlibatum; qui proximum in necessitate egentem reperiunt, ad largienda bona; quos Christus vocat, ad obedientes sequendum, ut adolescenti Evangelico factum est. Matth. 19. Sed hæc vigilantium somnia sunt, scripturâ tale nihil definiente. Ipsos hic testes Protestantium cœlibes, viduosque postulo; an negent sibi liberum esse uxorem vel ducere, vel non ducere? & an certò intelligant aliqui, se habere donum continentiae, sibi que præceptum esse datum, quo ad servandam continentiam obligentur? Rursum, an præcepti huius violatores sint, qui, cum se non continent, uxorem tamen habere nequeunt, & abstinere multis annis coguntur? Quando, & quo ætatis, aut viduitatis anno, conjugij præcepto obligari incipiant, ac transgressores habeantur? Quæro iterum, quibusnam ex Protestantibus, & qua occasione præceptum sit, *Si vis perfectus esse, vade & vende omnia qua habes, & da pauperibus, & veni sequere Christum?* An forrè ex illis nemo est, qui velit hoc modo perfectus esse, & Apostolum sequi monentem, *imitatores mei estote, sicut & ego Christi?* Si teneti se ad vendenda & danda omnia pauperibus nemo Protestantium existimet, tunc concedere quoque necesse est se non teneri ad talem perfectionem; sed consilij hanc esse non præcepti: sin tenentur, ubi sunt, inter illos, qui huic præcepto obsequantur? Verùm Patres hac in te æquos audiamus interpretes.

## §. XIX. Reformatio ex primis præcipuisque orthodoxæ Ecclesiæ Patribus per eandem scripturam S.

**S** Ignatius Martyr ad Philadelp. *Virgines subditæ estote Christo in incorruptibilitate, non execrantes nuptias, sed quod melius est sectantes* 1. Cor. 7. &c. Et ad Antioch. *agnoscat, cui se consecravit.*

Clemens lib. 13. Constit. cap. 1, *Si juniorem in viduali statu*

constitueris, & illa non ferens in iuventute viduitatem nupserit, dedecorabit gloriam vidualis gradus, & rationem Deo reddet, non quoniam secundas nuptias secuta est, sed quoniam suam professionem non servavit, luxuriata in Christo 1. Tim. 5. Quare non temere oportet facere professionem, sed cum consilio & consideratione: præstat enim non vovete, quam vovete, & non reddere. Eccle. 5. v. 3. Idem ibidem cap. 14. De Virginitate præceptum non accepimus, volentium autem potestati id requiritur, tanquam votum, 1. Corinth. 7. Illud tamen admonemus, ne facile aliquid promittant, quoniam Salamon ait, melius est non vovete, quam vovete & non reddere. Eccl. 5. Virgo igitur ipsa sit sancta corpore & animâ, ut templum Dei. &c.

Clemens Alex. lib. 3. Strom. Sed Apostoli quidem, ut erat consentaneum, ministerio, quod dirvelli non poterat, prædicationi scilicet attendentes, non ut uxores, sed ut sorores circumducebant (1. Corinth. 9.) mulieres, quæ unâ ministratura essent, apud mulieres, quæ domos custodiebant.

Tertullianus lib. de Retur. carnis cap. 708. Nos quoque, ut possumus à cibo excusamus, etiam sexum à congressione subducimus, quot spadones voluntarij! Mar. 19. quot Virgines Christo maritatae! quot steriles utriusque natura infructuosas genitalibus structi! Et lib. de cultu tæmin. Si ergo uxores quæque sic habendas demonstrat Apostolus 1. Cor. 7. tanquam non habeantur, propter angustias temporum: quid de vanis his instrumentis (cultus) earum? Non enim & ita multi faciunt, & se spadonatus assignant propter regnum Dei, Matth. 19. tam fortem & utique permissam voluptatem sponte ponentes? Et lib. de exhort. cast. cap. 13. in fine. Ordinari in Ecclesia solent, quæ Deo nubere maluerunt, quæ carnis suæ honorem instituerunt, quæque jam se illius pudoris filias dedicarunt, occident in se concupiscentiam libidinis, & totum quot intra paradisum non potuit admitti. Et libro de jejun. cap. 11. Votum, cum à Deo acceptatum est, legem imposterum facit per auctoritatem acceptatoris. Exinde enim faciendum mandavit, qui factum comprobavit. pl. 75.

Origenes in cap. 19. Mar. tract. 7. Non omnes capiunt verbum hoc, sed quibus datum est. Quoniam autem quidam calumniantur, quod Christus ait: quibus datum est: quasi excusationem habentes, & volentes quidem esse in castitate, non autem prævalentes. Quibus est respondendum, si quidem accipimus simplici-



*simpliciter, quod dictum est (sed quibus datum est) non autem attendentes, quod alibi dicit: petite & dabitur vobis, & omnis qui petit accipit. Mat. 7. aut fideles non sumus, aut scientes scripturas. Qui enim vult capax esse verbi, quod de castitate positum est, petat credens dicenti, & accipiet. Et in lib. numer. hom. 23. Si oratio iusti, sicut incensum offertur in conspectu Domini psam. 140. & Apostolus dicit iis, qui in conjugio sunt: nolite fraudare invicem, nisi forte ex consensu ad tempus, ut vacetis orationi. 1. Cor. 7. Certum est, quia impeditur sacrificium indesinens iis, qui conjugalibus necessitatibus serviunt. 1. Cor. 7. v. 33. unde videtur mihi, quod illius solius sit offerre sacrificium, qui indesinenti & perpetuo se deo verit castitati.*

Eusebius lib. 1. demonstr. Evang. c. 9. Oportet, dicit sermo divinus, Episcopum unius uxoris virum esse. 1. Tim. 3. Veruntamen eos, qui sacrati sunt, atque in Dei ministerio cultuque occupati, continere deinceps seipsos à commercio uxoris decet.

Basiliius Magnus in libro de vera Virg. Cum virginitatem Domino professæ sint, carnali postea voluptate, malè blanda delinitæ ac devictæ stupri scelus honesto conjugij nomine obtegere cupiunt. 1. Tim. 5. v. 11. &c. Non se fallat, qui à virginitatis curriculo ad carnis vitia deflexit. Conjugium quippe illi in peccatum reputabitur; primum quidem quia pessimum coniunctionis huius fundamentum voluptatem jecit, pravaricationisque malum: deinde quia causa non esset libera, neque enim mortuus est vir ejus, ut cui vult nubat. 1. Cor. 7. Vivente immortali viro, merito censetur adultera, quæ mortalem hominem ob carnis vitia Domini thalamis intulit. Nam quod solenne legitimumque connubium sponsus ille occupavit, & virginitatis habitus, & federa, & conventa cum illo, & præterea processus ipse testatur, &c. Nec sanè congruè, his quæ sunt eiusmodi, illud Apostolicum, aptari potest, quoniam cum fornicatæ (κατασκευασται) à Christo fuerint, nubere volunt habentes damnationem, quoniam primam fidem irritam fecerunt. 1. Tim. 5. idem inferius. Si in resurrectione neque nubent neque nubentur, sed sunt sicut Angeli Dei, efficiuntur filii Dei Mat. 22. Et hi professi qui virginitatem servant Angeli sunt, &c. (Postea subiicit) Non iubet, neque imperat hanc rem: excellens quiddam, & supra naturam, supraque legem, ac virtutis studio dedita anima propriam esse non ignorans. Cum enim audisset, dicentem sibi: non expedit nubere, volens illius excellentiam pandere: non omnes, inquit, capiunt. Quem & D. Apostolus sequens de virginibus

ginibus nihil decernit; sed cum interrogaretur imitatus est Dominum dicens: De virginibus autem præceptum Domini non habeo, &c. Item paulo post Et sunt Spadones qui seiplos absciderunt propter regnum cœlorum *Matth. 19.* qui semet, propter regna cœlorum, ad virginitalis præclarum certamen exercent, coniugiumq; & simul omne sæculum eius servanda causa contemnunt, regnumq; cœleste cum sudore gloriosiſſique laboribus capeſſunt, &c.

Idem in ſeq. Epistoſola ad Virginem lapſam. Revoca, inquit, in memoriam honeſtam profeſſionem tuam, quam profeſſa es coram Deo, & Angelis & hominibus: venerandam congregationem, & ſacrum Virginum chorum, &c. ubi reverendus ille tuus habitus? ubi honeſti mores, & veſtis frugalis Virginem decens? & honeſtus expudore rubor: & decorus ex continentia ac vigiliis affloreſcens pallor? &c. Quomodo facta eſt meretricis civitas fidelis Sion? *Iſa. 1.* quomodo autem non ipſe Dominus ad aliquam ex his qui nunc in ſpiritu Hieremia, obambulans dixeris? (*Jer. 18*) vidisti quæ fecit mihi Virgo Iſrael? ego deſpondi iſtam mihi in fide & integritate, in juſtitia; & in iudicio, & in miſericordia ac miſerationibus, quemadmodum per Oſeam Prophetam *c. 2. v. 19* ipſi promiſi, ipſa autem dilexit alienos. Et vivente me viro immortalis adultera appellatur, & non timet alteri viro commiſceri. Quid verò promiſus ille divinus ac B. Paulus ſub quo mediator ac Doctore Domino coniuncta es? Ego enim te conjunxi uni viro Virginem caſtā, ut aſſiſteres Chriſto *2. Cor. 11.* ſublatis membris Chriſti feciſti membra meretricis, *1. Cor. 6.* &c.

Idem de Inſtit. Monach. Ser. 1. Ne quid, inquit, profeſſione noſtra indignum faciamus, neve ſimili atque Ananias *Act. 5.* iudicio efficiamur obnoxii, Licebat enim initio Anania poſſeſſiunculam ſuam Deo non polliceri, atque vovere, (nonne manens, ait Petrus tibi manebat?) Sed poſtquam humana gloria cupiditate inductus, quidquid in bonu habebat per profeſſionem Deo conſecravit, quo videlicet egregio iſtiusmodi ſaſto hominum de ſe admirationem excitaret, de pretio autem callidè poſtea neſcio quid intervertiſ, eiusmodi adverſum ſe indignationem Dei provocavit.

Epiphanius hæreſi 61. contra Apoſtolicos. Aliqua, inquit, ſcriptura, aliqua in traditionibus S. Apoſtoli tradiderunt, quemadmodum dicit ſanctus Apoſtolus *1. Corinth. 11.* verſ. 2. ſicut tradi di vobis, & alibi *cap. 14.* verſ. 33 ſic doceo, & ſic tradidi in Eccleſiis, & *Corinth. 15.* verſ. 2. ſic teneris, niſi fruſtra credidiſti. Tradiderunt itaque S. Dei Apoſtoli peccatum eſſe poſt decretam virginitalatem ad nuptias converti, &c. Docet nos Apoſtolus dicens :

*dicens: 1. Tim. 5. Juniores viduas rejice: postquam enim lascivierunt contra Christum nubere volunt, habentes judicium, quod primam fidem rejecerunt. Si itaque & ea qua post mundi experientiam vidua fuit, atque Deo dicata, & postea nupsit, iudicium & condemnationem habebit quod primam fidem reiecit, quando magis qua citra mundi experientiam Deo dicata Virgo fuit, & nupsit, contra Christum lasciviit, & maiorem fidem reiecit?*

Idem hæresi 59. contra Catharos. *Revera non suscipit S. Dei prædicatio, post Christi adventum, eos, qui à nuptijs mortua ipsorum uxore secudis nuptijs conjuncti sunt, propter excellentem Sacerdotii honorem & dignitatem 1. Tim. 3. Et hac certò S. Dei Ecclesia cum sinceritate observat. Sed adhuc virventem, & liberos gignentem unius uxoris virum non suscipit, sed eum qui se ab una continuit, aut in viduitate vixit. Diaconum, & Presbyterum, & Episcopum, & Hypodiaconum, maxime ubi sinceri sunt canones Ecclesiastici. At dices mihi omnino in quibusdam locis adhuc liberos gignere. Sed hoc non est iuxta canonem, sed iuxta hominum mentem, qua per tempus elanguit, & propter multitudinem, cum non inveniretur ministerium. Nam quod decentius est, id semper Ecclesia per spiritum S. bene disposita videns, ut cultus divini indistracti peragerentur. Si enim id etiam populo præcipit S. Apostolus 1. Cor. 7. v. 32. ut ad tempus vacent orationi; Quando magis Sacerdoti, ut indistractus sit, inquam, ad vacandum jecundum Deum Sacerdotio? Idem tradit in doctrina fidei Apostolus.*

Oecumenius in 7. cap. prioris ad Corinth. Si nupserit Virgo, non peccavit. *Virginem hoc loco appellat, non eam, qua Deo consecrata est, sed innuptam puellam. Nam qua Deo consecrata est, si nupserit Christo, reddit adulterum eum, cui nubit.*

Cyprianus serm. de singul. Cleric. *De continentia non solum Paulus, sed nec Dominus voluit certum definire præceptum, dicens: non omnes capiunt verbum istud, sed quibus datum est. Et iterum, qui potest capere, capiat. Matt. 19. Et Epist. 62. ad Pompon. Si superveniens maritus sponsam suam jacentem cum altero videat, nonne indignatur & fremit. Quid? Christus Dominus & Iudex noster cum Virginem suam sibi dicatam, & sanctitati suæ destinatam iacere cum altero cernit, quam indignatur & irascitur? &c. Si autem de iis aliqua corrupta fuerit deprehensa, 1. Tim. 5. agat pœnitentiam plenam, quia qua hoc crimen admisit, non mariti, sed Christi adultera est.*

S. Ephrem. in respons. ad quendam fratrem sciscitantem: *Ad*

quem hoc dictum pertineat: Melius est nubere quam uri 1. Cor. 7. Apostolum, inquit, audedicentem. Volo omnes homines esse sicut & meipsum; sed unusquisque proprium donum habet ex Deo: alius quidem sic, alius verò sic, perspicuum scilicet hinc inter seculares, illosque qui seculo renuntiaverunt, fecisse discrimen. Etenim neque solutos vetat legitime matrimonium contrahere: neque eos qui seculo abdicaverunt à continentia lege liberat. Solutis siquidem concedit dicens, propter fornicationem autem unusquisque suam uxorem habeat. Ceterum qui seculo renuntiaverunt precipit continentiam, dum dicit: omnis autem, qui in agone contendit ab omnibus se abstinet, &c. 1. Cor. 9. Si quovis verba illa concerneret, melius est nubere, quam uri: nemo hanc ipsam virtutem unquam excoluisset: non Helias, Thesbites, non Eliseus, non Ioannes, non quicumque se castraverunt propter regnum cœlorum, castamque suam carnem servaverunt. Mat. 19. Sed neque ipse continens fuisset Apostolus, nisi respexisset in retributionis mercedem. Nonne & illi corpore circumamicti erant? Apostolum audi dicentem: in carne ambulantes non secundum carnem militamus &c. 2. Cor. 10. Clarum itaque, quod & ipsi oppugnati sint, tanquam carnem circumferentes. Veram resistenter strenuè. Unde & Apostolus: castigo corpus meum, & in servitutem redigo. 1. Cor. 9. &c. Oscitanterne audies te per Apostolum compellantem? noli negligere gratiam quæ in te est. 1. Tim. 4. &c. ne te forte pravariatorem constituas, rursus edificans quæ destruxisti. Sed redde Domino vota tua, quoniam scriptum est: melius erit te non vovete, quàm cum voveris, non reddere. Deut. 23.

S. Ambrosius lib. de Viduis. Honorabile conjugium, sed honorabilior integritas, nam & qui matrimonio jungit virginem suam benefacit, & qui non jungit melius facit. Quod igitur bonum est, non est vitandum: & quod est melius, eligendum est. uti

Et lib. 3. de Virgin. Contra Jovinian. Initiatas (inquit adversarius) sacris mysteriis, & consecratas integritati nubere prohibes. Utinam potuisses (respondet Ambrosius) revocare nupturas. Si hoc improbum, improba ergo sunt vota omnium, improba vita Angelorum, qui enim non nubunt, neq; nubentur, erunt sicut Angeli in cœlo, &c. Discutiamus utrum Christus integritatem docueris, an repudiandam putaverit Et sunt, inquit, Mat. 19. Spadones qui seipso castraverunt propter regnum cœlorum Vocant in eandem culpam etiam Ioannem Baptist. Causa illius passionis certè hac

*hæc fuit : non licet, inquit. Matt. 14. tibi habere uxorem fratris tui. Si hoc de uxore hominis, quando magis de Virgine Deo consecrata? Idem ad Virginem laplam. Dicer aliquis: melius est nubere, quam uri. Hoc dictum ad non pollicitam pertinet, ad nondum velatam. Ceterum qua se sponndit Christo & Sanctum velamen accepit, jam nupsit. Idem in 1. ad Corinth. c. 9. Nunquid non habemus potestatem mulierem circumducendi? Mulieres, inquit, desiderio doctrinae Dominicae, & cupida virtutum sequebantur Apostolos, & ministrabant eis, & sumptus, & servitia. Sicut & Salvatorem sunt secuti ministrautes ei de facultatibus suis. Luc. 8. Et in Enarrat Pl. 36. circa medium Considera discessisse de monasterio, valedixisse jejuniis, continentia renuntiassse, indulgere delicis, studere luxuria &c. nonne de his pulchrè dixeris, effusi sunt gressus eorum &c. Vide plura cap. 6. de Inst. Virg. & l. 10. Epist. 81. l. 5. Hex. lib. 2. com. in Luc. l. 1. offic. c. 50. Epist. 1. ad Tim. & alibi.*

S. Hieronymus lib. 1. contra Jovin. Non dicit Paulus 1. Tim. 3. Eligatur Episcopus qui unam ducat uxorem, & filios facit, sed qui unam habuerit uxorem & filios in omni subditos disciplina. Certè confiteris, non posse esse Episcopum, qui in Episcopatu filios faciat, alioquin si deprehensus fuerit, nõ quasi vir tenebitur sed quasi adulter damnabitur. Sed & hoc inferendum, si Laicus, & quicumque fidelis (satis dignè) orare non potest, nisi careat officio conjugali 1. Cor. 7. 5. Sacerdoti, cui semper pro populo offerenda sunt sacrificia, semper orandum est: Si semper orandum, ergo semper cendum matrimonio. Vide eundem adversus Vigilantium cap. 1. In castitatis, paupertatis, & obedientiæ consiliis, votisq; commendandis idem autor profusus est, legatur ad Eustochium. Deme triadem, Heliodorum, Hedibiam, Pammachium &c. per S. scripturas, pristinumq; Ecclesiæ usum hæc universa confirmantem.

S. Chrysostomus in libro quoque de Virginitate hæc ipsa tuc tur. Et c. 3. 8. in illud Pauli 1. Tim. 5. postquam repudiario Christo lascivire cœperint, nubere volunt, & illud 1. Cor. 7. matrimonio solutis ac viduis dico, præstare eis, sic manere, ut ego: tamen si se non continent, contrahant matrimonium, subjicit c. 39. qua vidua mera sit, ei, si velis nubere permittit: at qua perpetuo vidua agere Deo promissit, atque interim nubis, eam vehementer damnat, qua idum cum Domino pactum calcet. Non ergo his sed illis dicit. tamen si se non continent, contrahant matrimonium; satius est enim, matrimonium contrahere, quàm ardere.

D. Augustin. in eodem argumento multis locis prolixus est, Tom. 6. de sancta Virginitate c. 4. judicant hæc verba, qua sibi

*factum nuntiansi Angelo Maria reddidit. Quomodo inquit Luc. 1. fiet istud, quoniam virum non cognosco? quod profecto non diceret: nisi Deo Virginem se ante vovisset: Et cap. 14. Quoniam, ait, devotiss. remissisve peccatis adeunda est vita aeterna, in qua est quaedam egregia gloria, non omnibus in aeternum victuris, sed quibusdam ibi tribuenda, cui consequenda parum est, liberatum esse à peccatis, nisi aliquid ipsi liberatori voveatur, quod non sit criminis non vovisse, sed vovisse ac reddidisse laudis sit. Consilium, inquit, do, tanquam misericordiam consecutus à Deo, ut fidelis essem 1. Cor. 7. Et ibid c. 30. Vos etiam, qui hoc nondum vovistis, qui potestis capere, capite Mat. 19. perseveranter currite, ut comprehendatis (1. Cor. 9.) tollite hostias quisque suas, introite in atria Domini (Pl. 95.) non ex necessitate, sed potestatem habentes vestrae voluntatis 1. Cor. 7. Neque enim sicut non mœchaberis, non occides: ita dici potest, non nubes: illa exiguntur, ista offeruntur: si ista fiant, laudantur; nisi fiant illa, damnantur. In illis Dominus debitum imperat vobis; in his autem siquid amplius supererogaveris, in reddendo reddet vobis. Luc. 10.*

*Idem de bono viduitatis cap. 8. Quæ se non continent, nubant (1. Cor. 7.) antequam continentiam proficiantur, antequam Deo voveant, quod nisi reddant (Pl. 75.) jure damnantur. Cum enim in deliciis egerint in Christo, nubere volunt; habentes damnationem, quoniam primam fidem irritam fecerunt, 1. Tim. 5. Id est, voluntatem ad nuptias, à proposito continentia, deflexerunt Irritam quippe fecerunt fidem, qua prius voverant, quod perseverantia implere noluerunt. Et de adult. Conjugiis lib. 1. cap. 15. Qui dat nuptum benè facit, & qui non dat nuptum, melius facit. 1. Cor. 7. v. 38. ibi enim utrumque licet, & hoc aliquando, aliquando illud expedit. Nam illis, quæ non continent, utiq; expedit nubere, & quod licet, expedit; qua autem voverint continentiam, nec licet, nec expedit Et ib. c. 20. Ne adulterinis conjugiiis harendo pereant in aeternum, solemus eis proponere etiam continentiam Clericorum, qui plerumq; ad eandem sarcinam capiuntur invitati, eamque susceptam usq; ad debitum finem, Domino adjuvante, perducant, Deus enim est, qui operatur in iis velle, & perficere. Phil. 2. v. 13. Et de opere Monach. c. 4. Quidam non intelligentes: non sororem mulierem 1. Cor. 9. (cum ille diceret. Nunquid non habemus potestatem sororem mulierem circumducendi?) sed uxorem interpretati sunt. Fefellit eos verbi Græci γυνή ambiguitas, quod & uxor & mulier eodem verbo græcè dicitur. Quanquam hoc ita posuerit Apostolus, ut falli non debuerint: quia neque mulierem tantummo-*

tummodo ait, sed sororem mulierem : neque ducendi, sed circumducendi, &c. quod ipsius Domini exemplo faciebant. Luc. 8. v. 3.

Idem in Plal. 75, ad finem. *Alius vovet*, relinquere omnia sua distribuenda pauperibus Mat. 19. & *ire in communem vitam*, in *Societatem Sanctorum*. Magnum votum vovit. Vovete & reddite Domino Deo vestro. *Quisque quod vovere voluerit vovent*, illud attendat, ut quod voverit, reddat : *Vnusquisque Deo, quod vovet*, si respicit retrorsum, malum est. Luc. 9. v. 62. &c. *De die judicii, cum Dominus* Luc. 17. minaretur, quid ait? Mementote uxoris Loth. Omnibus dixit. *Quid enim fecit uxor Loth? liberata est à Sodomis, & in via posita retrorsum respexit : ubi respexit, ibi remansit.* Gen. 19. Et in Plal. 132. *Primò habitaverunt in unum*, qui omnia quæ habebant, vendiderunt, rerumque suarum pretia ad pedes Apostolorum posuerunt : sicut in *Actibus Apost.* legitur. c. 4. v. 34. & distribuebatur unicuique sicut opus erat, & nemo dicebat aliquid proprium, sed erant illis omnia communia. v. 32. 36. *Et quid Unum? Et, erat illis, inquit, anima una, & cor unum in Deum. Ergo ipsi prius audierunt* : ecce quàm bonum, & quàm jucundum habitare fratres in unum. *Primi audierunt, sed non soli audierunt* Non enim usque ad illos tantum ista dilectio & unitas fratrum venit. Venit enim & ad posteros ista charitatis exultatio, & votum Deo. Vovetur enim aliquid Deo, & dictum est, vovete & reddite Domino Deo vestro. Psal. 75.

Hæc ex SS. Patribus propter varias quas opponunt Adversarii difficultates prolixius aliquantò prosecuti sumus, quas expositas solutasque his locis videbunt. Jam si exempla veterum requirant, legant D. Hieronymum in Catalogo script. Eccl. de S. Marco, & Philone Judæo. ac S. Hilarione B. Athanasium in vita S. Antonii. Vitam Cypriani à Pontio ejus Diacono scriptam, S. Chrysostomi, à Georgio Patriarcha Alex. S. Martini à Severo Sulpitio. Pauli Nolani à Gregorio Turon. & D. Ambrosio Epist. 36. ad Sabinum. D. Augustini à Possidio &c. His orthodoxæ Ecclesiæ exemplis Romanam hodie Ecclesiam insistere intelligant, suam ab omni hoc instituto procul abesse. Sed audiat hac de re ipsorum Protestantium sententia.



§. XX. Confessione propriâ Adversarii ortho-  
doxæ Ecclesiæ sensum agno-  
scunt.

**C**Alvinus *lib. 4. Instit. c. 4. §. 10.* Peccatunt, *inquit de Patribus,* hic nonnihil immodica severitate, quod plus requirere voluerunt in Episcopo, quam Paulus requirat, ac præsertim successu temporis cœlibatum. Et *c. 12. §. 23.* Quod sacerdotibus interdictum fuit conjugium (à Syricio Papa circa an. 400.) id factum est impia tyrannide. Et *§. 27.* Hæc quia videbantur reverentiam Sacerdotio conciliare, magno plausu etiam antiquitus recepta esse fateor.

Idem *cap. 13. l. 4.* postquam insigni falsitate nihil his seculis integritatis in Monasticis repetiri, contendisset, & hoc argumento institutum totum conatus esset evertere, (*Ut si quis ob justitiam multis locis neglectam, omnia judicum tribunalia eversa vellet*) denique *§. 17.* sic ait. Hoc ab ultima memoria fuit observatum, ut alligarent se continentiae voto, qui cotos se Domino dicare vellent. Fateor certè antiquitus quoque receptum fuisse hunc morem, sed eam ætatem sic ab omni vitio liberam fuisse non concedo, ut pro regula habendum sit, quidquid tunc factum est.

Hospinianus *de Origine Monach. lib. 3. cap. 12.* Errone 10. dicit. *Clemens Alexandrinus* diserte voti cœlibatus mentionem facit *lib. 2. Strom. &c.* Dabo igitur fuisse Clementis hujus ætate, hoc est circa An. Christi 175. Virginitatis seu continentiae & cœlibatus professiones ac vota. Jam tum enim cœperunt ejusmodi deflectere à Verbo Dei, & variis *ἑτεροδότησις* nimium tribuere, &c. Clementem post aliquot annos secutus est *Cyprianus* qui in libro de habitu Virginum expressè voti mentionem facit, Idem *Hilarius* in *Pl. 64.* *Epiphanius* hæc *c. 61. matrimonium post votum contractum peccatum esse dixit.* *Augustinus lib. 1. de Adult. con. ad Pollentiam c. 24.* dicit, *cum qui voverit, aut virginitatem aut continentiam non debere uxorem ducere.* Et in *Plal. 83.* *Virginem sacratam si nupserit post votum editum, adulteram Christi reputari.* Imò de bono viduit, *Lapsus tales graviores esse adulteriis &c.*

*Chamierus tom. 3. l. 20. c. 9. §. ult.* ad objecta ex *Basilio, Hieronymo, Augustino &c.* Non negamus, *inquit, istos de abnegata re-*  
rum



tum proprietate scripsisse. Nempe jam tum Monachatus in admiratione erat. Et. c. 17. §. 19. Superfunt, *inquit, de votis*, auctoritates veterum, quas multas Bellarminus collegit, primò Conciliorum, tum Paparum & Imper. denique Patrum singulorum. Nec nos sanè ignoramus posse longè plures colligi, & quidem tantò, quantò posteriora erunt secula. Itaque si nihil nisi numerantur suffragia, fatemur Papistis esse pararum triumphum.

Centuriatores quoque coguntur jam in primo à Christo seculo, in illa scriptorum paucitate, hunc cultum Dei agnoscere Cent. 2. c. 4. *De Virginitate*. Ex Ignatii, ajunt, Epistolis apparet, homines jam tum paulò impensius cœpisse amare & venerari Virginitatis statum. Nam in Epist. ad Antioch. ait. *Virgines videant, cui se consecrarint*. Et ad Heronem *Virgines custodi, tanquam Sacramenta Christi*. Item ad Tatens. *Eas qua in virginitate sunt honorate, sicut sacras Christi*. Et Paulò antè de perfectione Variis ajunt de perfectione opinionibus Clemens luit, materiam relinquens copiosam ad extitendam & stabiliendam opinionem de perfectione.

Dereliquis seculis nihil attinet prolixius hic memorare, cum nostris testimoniis, quæ evetti nequeunt, uti & confessione adversariorum abundè res firmata sit. Et vanus ille conatus sit, quo nituntur vororum usum à primis seculis proscribere. Quando non omnia religionis mysteria in scriptis adèd paucis consignata fuisse, credendum sit; & sufficiat posteriora secula meminisse eorum, quæ à Majoribus observata, licet non scripta, fuerant. Verùm si Ignatio *Sacramentum* fuit Virginitas Christo dicata, quomodo hæc sine promissione erat, ac sine crimine poterat retractari? quod Christo sacratum est, sacrilegum est profanati.

Addo ex Magdeb. cent. 2. c. 5. de Matciont. Hic, ajunt, initio Virginitatem professus, postea Virginem deperiit, cui & vitium obtulit. Pater igitur, qui erat in Ponto Episcopus, rei indignitate & infamiâ commorus, Ecclesiâ eum ejecit, qui cum iccirco profugus, nec Romæ posset recipi, ad improbum consilium versus, Cerdonis hæresin amplexus, propriâ illam astutiâ adauxit. *Ex qua historia* clarum est, tunc & virginitatis professionem usitaram fuisse, & semel hanc professis mulieribus uti nefas fuisse. Alias facilè lapso remedium data in ministerio uxor fuisset; juxta illud Pauli, *qui se non continent nubant*: neque iccirco, aut ab aliis proscribendus, aut desperandum ipsi fuerat.

## ARTICULUS XXV.

**C**Redimus, *a* quoniam non nisi per Evangelium sumus Christi compores, oportere sacram & inviolabilem *lura* ejus auctoritate in Ecclesia sancitam conservari, *b* ac proinde requiri in Ecclesia Pastores, quibus onus docendi verbi & administrandorum Sacramentorum incumbat, *c* quos etiam honore prosequi, & reverenter audire oporteat, siquidem legitime vocati officio suo fungantur: minimè id quidem quasi Deus ejusmodi adminiculis & subsidiis inferioribus egeat, sed idcirco potius, quoniam ita illi videtur nos hoc veluti freno adhibito regere. Itaque fanaticos illos omnes detestamur, qui quantum in se sacrum ministerium, sive prædicationem Verbi, & administrationem sacramentorum abolita cupiunt.

*a* Rom. 1. v. 16 & 10. v. 17. *b* Mat. 19. v. 18. 20. Eph. 1. v. 22. & 4. v. 11. *c* Mat. 10. v. 20. Luc. 10. v. 16. Isa. 13. v. 20. Rom. 10. v. 14.

## ARTICULUS XXVI.

**C**Redimus *d* igitur nemini licere sese cœtibus subducere, & in seipso acquiescere; sed potius omnibus simul tuendam & conservandam esse Ecclesiæ unitatem, sese communi institutioni & jugo Christi subjiendo, ubicunque Deus veram illam disciplinam Ecclesiasticam constituerit, *e* etiam si Magistrarum edicta reclamant, à quo ordine quicunque seipsos sejungunt, ordinationi Dei resistunt.

*d* Psal. 5. v. 8. 22. & Ps. 42. v. 5. Eph. 4. v. 11. Hebr. 10. v. 25.  
*e* Act. 4. v. 19. & 5. v. 29. Hebr. 10. v. 25.

## ARTICULUS XXVII.

**C**Redimus *f* summo studio & prudentia discernendam esse veram Ecclesiam, cujus nomine nimiam multi abutuntur. *g* Itaque affirmamus ex verbo Dei, Ecclesiam esse fidelium cœtum, qui in verbo Dei sequendo, & pura religione colenda consentiunt, in qua etiam quotidie proficiunt crescentes & confirmantes se mutuo in Dei timore, ut qui quotidiano progressu & profe-

*f* Jer. 7. v. 4. 8. 11. Mat. 3. v. 9. & 7. v. 22.  
*g* Eph. 2. v. 20. & 4. v. 11, & 1. Tim. 3. v. 15.

profectu indigeant, *b* quos etiam, quantumcunque promoveant, oporteat tamen assidue ad remissionem peccatorum confugere, *i* Minime tamen inficiamur, quin fidelibus hypocritæ & reprobi multi permisti sint, sed quorum malitia Ecclesiæ nomen delere non possit.

*h* Rom. 3. v. 24. & 5. v. 10. *i* Mat. 13. v. 3. & 2. Tim. 18. v. 19.

## ARTICULUS XXVIII.

**I**Taque dum hoc ita esse credimus, a simul etiam palam affirmamus, ubi Verbum Dei non recipitur, nec ulla est professio obedientiæ, quæ illi debetur, nec ullus Sacramentorum usus, ibi propriè loquendo, non posse nos judicare ullam esse Ecclesiæ. *Papisticos igitur conventus damnamus, quod pura Dei veritas ab illis exulet, in quibus etiam Sacramenta fidei corrupta sunt, adulterata, falsificata, vel penitus etiam abolita, in quibus denique omnes superstitiones & idolomania vigent.* Ac proinde arbitramur *b* omnes eos, qui sese ejusmodi actionibus adjungunt, & iis communicant, à Christi corpore seipsos separare. Quia tamen in Papatu exigua quædam Ecclesiæ vestigia, ac præsertim baptismi substantia remansit, cujus etiam efficacia *c* ab eo non dependet, à quo administratur, fatemur illic baptizatos, secundo baptismo non egere, *quamvis, propter admixtas corruptiones, non baptizandos illic infantes offerre possit, quin seipsum polluat.*

*a* Mat. 10. v. 14. *Ioh.* 10. v. 4 & 1. Cor. 3. v. 9. *b* 1. Cor. 6. v. 19. & 2. Cor. 6. v. 14. *c* Mat. 3. v. 11. & 28. v. 19. *Mar.* 1. v. 8. *Act.* 1. v. 5.

### §. I. Reformatio ex S. Scriptura.

**C**redimus non solum innotescere Christi Ecclesiæ quod in ea gentes baptizentur & doceantur facere omnia præcepta Christi, *k* & dignos fructus poenitentia; sed etiam quia adificati sumus super fundamentum Apostolorum in ipso summo angulari lapide Christo Iesu, in quo omnis adificatio constructa crescit, *m* quia illa nobiscum est omnibus diebus usque ad consummationem sæculi, *n* dans quosdam quidem Apostolos, quosdam autem Prophetas, alios verò Evangelistas, alios autem Pastores & Doctores usque ad consummationem Sanctorum in opus ministerii, in adificatione corporis Christi, quod est Ecclesiæ, donec occurramus omnes in unitatē fidei, & agnitio-

*k* Mat. 28. v. 18. *l* 1. Cor. 3. v. 9. *m* Eph. 2. v. 10. *n* Mat. 28. v. 10.

agnitionis filii Dei: Vt iam non simus parvuli fluctuantes, & circumferamur omni vento doctrina o Observetis itaque eos (monet nos Paulus) qui dissensiones & offendicula, prater doctrinam, quam vos didicistis faciunt, & declinate ab illis; p Ut idipsum dicatis omnes, & non sint in vobis schismata q Si quid controversæ, inter te, & fratrem orietur, dic Ecclesia: si Ecclesiam non audierit sis tibi sicut Ethnicus & publicanus r Ita enim oportet nos converjari in domo Dei, quæ est columna & firmamentum veritatis s in qua est, unus Dominus, una fides, unum baptisma, t quam Christus ita dilexit Ecclesiam, & seipsum tradidit pro illa, ut illam sanctificaret, mundans lavacro aquæ in verbo vite, ut exhiberet ipse sibi gloriosam non habentem maculam aut rugam, aut aliquid ejusmodi, sed ut esset sancta & immaculata &c. Nos autem membra sumus corporis ejus, de carne ejus, & de ossibus ejus. u In quo corpore divisiones ministrationum sunt, unus autem Dominus &c. Ecce enim in uno Spiritu omnes nos in unum corpus baptizati sumus, sive Iudei, sive gentiles, x in hac Ecclesia prepositi audiendi sunt, sive in synodo collecti, ut Act. 15. Petrus monet: visum est Spiritui S. & nobis, nihil ultra imponere vobis oneris, quam hæc necessaria &c. y sive extra Synodum, monente Paulo, Obedite prepositis vestris, & subjacete illi, ipsi enim per vigilat quasi rationem pro animabus vestris reddituri. z Tales autem perpetuo in Ecclesia eminebunt Davide prædicente: Pro patribus tuis nati sunt tibi filii: constitues eos Principes super omnem terram, memores erunt nominis tui in omni generatione & generationem propterea confitebuntur tibi populi in æternum. a Hoc regnum Ecclesiæ est, de quo Daniel. in diebus autem regnorum istorum (sub Romanis imperatoribus) suscitabit Deus regnum cæli, quod in æternum non dissipabitur, & regnum ejus alteri populo non tradetur, comminuet autem & consumet universa regna hæc, & ipsum stabit in æternum. b Eritq; ut indeficiens, sic conspicuū omnibus gentibus. Erit enim in novissimo dierum mons domus Domini præparatus in vertice montium, & fluent ad illum populi, & properabunt gentes multe, & dicent, venite ascēdamus ad montem Domini, & domū Dei laceb; & docebit nos in viis suis, & ibimus in semitis ejus. c Nec enim potest civitas abscondi supra montem posita, neq; accendunt lucernam, & ponunt eam sub modio; sed

o Eph. 4. v. 11. p Rom. 16. v. 17. q 1. Cor. 1. v. 10. r Mat. 18. v. 17. s 1. Tim. 2. v. 15. t Eph. 4. v. 5. u Eph. 5. v. 25. & 29. x 1. Cor. 12. v. 4. & 13. y Act. 15. v. 28. z Hebr. 13. v. 17. a Psal. 44. v. 17. b Dan. 2. v. 44. c Micha. 4. v. 1,

ed super candelabrum, ut luceat omnibus qui in domo sunt. d Erit huic Dominus in lucem sempiternam, & populus ejus omnes iusti in perpetuum hereditabunt terram germen plantationis Dei e Et sient in gentibus semen eorum, & omnes qui viderint eos agnoscant, quia isti sunt semen, cui benedixit Dominus. f Et porta inferi non prevalebunt adversus eos g Signa autem eos qui crediderint hac sequentur, in nomine meo demonia eicient, super agros manus imponent, & bene habebunt. h

d Mat. 5. v. 15. e Isa. 60. v. 20. f Ib. 61. v. 9. g Mat. 16. h. Marc. ult.

## §. II. Observatio.

**S**I has de Ecclesia Christi scripturas universè expendere Protestantes, facile citra controversiam à Synagogis Satanæ veram Ecclesiam fidelium discernere, neque ex sola verbi Dei sequela, & puro religionis cultu eam statuerent agnoscendam. Licet enim hæc Ecclesiæ orthodoxæ propria sint, tamen non minus nobis obscurum est, quænam Ecclesiarum, Verbum Dei sequatur, & puram religionem colat, seu ritè Sacramenta Christi utatur, quàm quæ ex omnibus sola orthodoxa sit, quia Ecclesiarum quælibet profiteretur, se unam esse, quæ pure Verbum Dei sequatur, & Sacramenta ritè distribuatur. igitur ad hæc signa cognoscenda aliis nobis signis opus est; ad hanc litem dirimendam aliis argumentis, vulgo notioribus utendum est. Quæ cum Sacræ nobis literæ abundè suppedirent, non est quod in tenebris luctemur, nisi ex iis simus, qui magis diligunt tenebras, quàm lucē.

Ecclesia Dei, quia vulgo non minus hominum, simplicibusque atque indoctis patere debet, quàm ptoeribus gentium eruditisque ac sapientibus, non potest in tam subtili latere scrutinio, quale est agnitio conformitatis doctrinæ ipsius, cum Verbo Dei. Nam ad hanc præter sacrarum scripturarum absolutoriam cognitionem, cujusque etiam Ecclesiæ, quæ in disquisitionem venire poterit, disciplina penitus exhaurienda sit, ac postremo subtilissima exquisitissimaque ponderatione censeenda utrimque ac penetranda omnia, ut constare queat, quænam omnium, cum verbo Dei ex amussim conveniat. Quod examen si ad Catholicæ requiratur inventionem Ecclesiæ, dicam ego cum Protestantibus quod non solum hæc invisibilis, sed etiam irreperibilis vulgo sit. Quam immane inter hos censores & S. Scripturam sententiarum divorcium est! hæc clarissimis nobis depingit notis, & nunquam, cum simul

concurrunt, fallentibus, demonstrat Ecclesiam: illi signum nobis exhibent, ipso etiam signato propemodum obscurius. Illa jubet nos ad ipsos convertere Apostolorum Principes oculos, ut intelligamus, quoniam ipsi loco, quâ in gente Christi fidem ædificare cœperint, quomodo ædificatio illic constructa creverit usque ad præsentem diem, historia orbis notissima, qui his Doctores Pastoresq; ad ædificationem hujus corporis Christi, quod est Ecclesia, post Apostolos & Evangelistas successerint: hi nos ducunt ad novicios sectarios ab illo manifestè divulgatos corpore, heri natos; nullis fratres ejusdem Ecclesiæ antecessoribus, quorum Confessiones fidei nulla ætas omni ex parte ita formatas intueri est, qui discessione manifesta omnibus schismata in Ecclesiam intulerunt, idèoque juxta Apostolū declinandi sunt. Illa jubet ad talem nos convertere Ecclesiam oculos, quæ ut domus Dei immutabilis, & firmamentum immortæ veritatis, in eodem sensu sententiaque rerum, ad fidem salutemque necessarium, semper perstitit, nihilq; eorum, quod veræ aliquando fidei professa est, unquam deseruit, hi ad laceram, & in mille sectas discedentem nos ducunt Synagoram. Ubi quotannis prope aliis aliisq; rerum credendarum articulis suâ fidem circumscribunt, nunc scindunt, nunc uniunt Ecclesias. Verbo, nondum statuere secum possunt, qui & quot articuli ad salutem creditu necessarii sunt. Similes suis antesignanis Luthero, & Calvino, in doctrinæ semel cœptæ inconstantia; dissimiles nunc etiam, in juratis ab iisdem fidei articulis. Illa nos ducit ad sanctam Ecclesiam, quæ suos in baptismo ita sanctificat, ut macula & ruga nulla peccati relinquantur, hi ad impuram, quæ suos in sordibus originalis concupiscentiæ immerfos fœdè destituit, neque ideo (tam sancti capitis, quale Christus est, membra efficit.

Illâ uno Ecclesiæ omnes jungit in corpore, ubi alii capitis, alii ceterorum membrorum capiti per obedientiam subjectorum, tanquam in bene ordinatâ rep. funguntur munere: hi nulla in corporis compage sociata autè membra ostendant, diversa hinc inde, & professione, & ordinè ostendant capita, monstrum verius, quàm rectè formatæ corpus Ecclesiæ. Illa insignè veræ Ecclesiæ dignitatem & regnum exhibet: cujus Principes toto orbe conspicui, spirituale, super omnes etiam orbis monarchas, regnum longè latèq; per orientem occidentemq; statim ab ipsa origine hucusq; extenderunt: frustra potentissimis gentium Tyrannis ferro flammaque obtinentibus; ut si ex hominibus consili-

consilium hoc aut opus esset, jam diu fuisset dissolutum : nunc autem, cum ex Deo sit, dissolvi non potuerit : Actor. 5. vers. 39. hi, vel Dominos seculares spirituali Christi regno, prodigiola compositione præponunt : vel ignobiles locis plerique, & contempnas vulgo animas præficiunt, qui exorare magis, quam autoritate Christi impetrare obsequium à suis cogantur. Illa regnum omnium seculorum, nunquam dissipandum, civitatem in monte conspicuam, domum Domini in vertice montium, quæ omnibus semper gentibus aperta fuerit, abscondi nunquam potuit. Hi obscuram congregationem multis seculis, genuinâ in luce non apparentem, cujus vox & doctrina corruptæ, notæ adulterinæ, aspectus difformis, quæ fidem habuit, sine auditu, instructionem veritatis, sine aperta prædicatione : corpore prædicta fuit, sed vix tamen visibilis. Vitam habuit, sine signis vitæ, quæ inter pures integrosque Doctores ac Pastores consistere vix potuit integra seculis quinque ; decem tamen seculis inter hos corruptos iterit, quæ cum à coramaneis videri agnosci que non posset ; à Luthero tamen ejusque asseclis & posteris tanto personarum temporumque intervallo est observata. Illa nobis ostendit Ecclesiâ toto propagatam orbe, omniumque accursu gentium celebratam, fatentibus universis ( præter solos obrectatores adversarios ) hic reperiri semen cui benedixit Dominus, hi nobis in unius Europæ angulo, aut ceteræ angustis terrarum spatiis circumscriptam Congregationem offerunt, in qua nemo benedictionem, unionemque in uniformi sacrorum & religionis cultu, sed extinctam pietatem, dissipationem sacrorum, neglectum bonorum operum : solius tantum fidei, & verbi Dei jactationem & cathedris inanem deprehendat, quibus illud Pauli inculcandum : non auditores legis justi sunt apud Deum, sed factores legis justificabuntur, Rom. 2. v. 13.

Verum faciamus Protestantium Ecclesias plures non tantum legem audite, sed etiam sequi ( quando & in Catholicis prævaricatores legis repetiuntur ) Ecclesia tamen Catholica sola est corpus Christi ( ut August. Epist. 50. ad Bonifacium Comitum ) cujus ille caput est, salvator corporis sui. Extra hoc corpus neminem vivificat Spiritus S. Quisquis ergo ( ait idem Ep. 152. ad Donat ) ab hac Catholica Ecclesia fuerit separatus, quantumlibet laudabiliter se vivere existimet, hoc solo scelere, quod à Christi unitate disjunctus est, non habebit vitam, sed ira Dei manet super eum. Postremo, ut conclu-

dam. Scriptura nobis proponit Ecclesiam, in qua potestas relicta est ad contestationem veræ fidei, quam illa sequitur, Demones ab obsessis corporibus expellendi, & morbos ægrotantium curandi. Protestantes verò Ecclesiam hac potestate destitutam, idcircoque jure suspectam de integritate suæ fidei ostendunt. Ut tot signis ad Romano Catholicæ demonstrationem concurrentibus, quæ simul juncta fallere nequeunt, iisdem inter Protestantes deficientibus, jam nobis ultra dubium esse, per tantam scripturarum claritatem nequeat, quænam orthodoxa sit mater Ecclesia, in cujus gremio vita & salus nostra reponatur. Cum August. igitur hanc observationem concludam, qui tom. 6. in Epist. contra Manich. c. 4. ita differit. *Vt omittam, ait, sapientiam, quam in Ecclesia Catholica esse non creditis, multa sunt alia, quæ in ejus me gremio iustissimè teneant. Tenet consensus populorum atque gentium, tenet autoritas miraculis inchoata, spe nutrita, charitate aucta, vetustate firmata, tenet ab ipsa sede Petri Apostoli, cui pascendas oves suas post resurrectionem Dominus commendavit, usque ad præsentem Episcopatum. Sacerdotum successio, tenet postremo ipsum Catholica nomen; quod non sine causa, inter tam multas hæreses, sic ista (Romana) Ecclesia sola obtinuit; ut cum omnes hæretici se Catholicos dici velint, quærenti tamen peregrino alicui: ubi ad Catholicam conveniatur? nullus hæreticorum vel basilicam suam, vel domum audeat ostendere. Ista igitur tot ac tanta Christiani nominis charissima vincula rectè hominem tenent credentem in Ecclesia Catholica.*

Quæ in art. 28. supra de corrupta Sacramentorum administratione, aliisque superstitionibus finguntur, illorum infra vanitatem discutiemus. Nunc aliquos SS. Patrum ex S. scripturis nobiscum de Ecclesia loquentes audiemus.

### §. III. Veteres orthodoxæ Ecclesiæ Patres veram nobis ex S. literis Ecclesiam ostendunt.

**I**renæus lib. 4. c. 43. *Iis qui sunt in Ecclesia presbyteris obaudire oportet (Heb. 13.) his qui successionem habent ab Apostolis (Eph. 2.) sicut ostendimus. qui cum Episcopatus successione charisma veritatis cæterum accepere. (Eph. 4.) Reliquos verò, qui abstant à principali successione, & quocunq; loco colliguntur, suspectos habere, vel quasi hæreticos & male sententia, vel quasi scindentes, & elatos, & sibi placentes Rom. 16. & 2. Petr. 2. v. 10. Et supra 1. 3. c. 3. Qui volunt audire, numerent ab Apostoli constitutos E-*  

*pisco*



piscopos usque ad nos. Sed quoniam longum est omnium Ecclesiarum successiones enumerare : maxima & antiquissima , & omnibus cognita à gloriosissimis duobus Apostolis Petro & Paulo Roma fundata & constituta Ecclesia sunt &c.

Tertullianus de præscript. adversus hæret. 32. Sic. quæ audent se inferere atati Apostolica, edant origenes Ecclesiarum suarum volvant ordinem suorum Episcoporum, ita per successiones ab initio decurrentem , ut primus ille Episcopus aliquem ex Apostolis, vel Apostolicis viris habuerit autorem & antecessorem, Eph. 2 sicut Ecclesia Romanorum Clementem à Petro ordinatum edit &c.

Origenes tract. 29. in Mat. Quodcumq; ( qui scijs faciunt ) professi fuerint, de scripturis, & de mysteriis, quæ sunt in iis ad demonstrationem, nolite credere, quæ dicuntur. Veritas enim similis est fulguri egredienti ab oriente, & apparente usq; ad occidentem. Mat. 24. Qualis est veritas Ecclesie Dei, ab ea enim sola sonus in omnem terram exivit & in fines orbis terræ verba eorum Ps. 18. Et tract. 30. lib. Non debemus attendere eis, qui dicunt. Ecce hic est Christus : non autem ostendunt in Ecclesia, quæ plena est fulgore ab oriente usque ad occidentem, quæ plena est lumine vero, quæ est columna & firmamentum veritatis 1. Tim. 3. In qua tota totus est adventus filii hominis, dicentis omnibus, qui ubique sunt. Ecce ego vobiscum sum omnibus diebus vitæ, usque ad consummationem seculi Mat. 28.

Cyprianus Tom. 1. Epist. 76. Novatianus in Ecclesia non est, nec Episcopus computari potest , qui Evangelica & Apostolica traditione contempta, nemini succedens à seipso ortus est Et iccirco Dominus insinuans nobis unitatem , de divina autoritate venientem, ponit, & dicit: Ego & Pater unum sumus. Ioh. 10. Ad quam unitatem redigens Ecclesiam denuo dicit : Et erit unus grex, & unus Pastor. ib. Si autem grex unus, quo modo potest gregi annumerare, qui in numero gregis non est ? aut Pastor haberi quemodo potest, qui ( manente vero Pastore, & in Ecclesia Dei ordinatione succidanea presidente ) nemini succedens, & à seipso incipiens alienus sit, & prophanus ?

Eusebius Cæsar. præpar. Evang. lib. 1. c. 3. Certum est Salvatorem nostrum prædixisse. doctrinam suam in testimonium omnium gentium, per universum terrarum orbem prædicatum iri. Mat. 24. v. 14. Et Ecclesiam, quæ postea virtute sua constituta est, invictam atque inexpugnabilem fore, nec unquam futurum, ut à morte superaretur, sed firmam fore semper atque immobilem, tanquam in lapide stabilitam, atque fundatam Mat. 16.

D. Ambrosius lib. 2. de vocat. gentium c. 6. *Credimus providentia Dei Romani regni latitudinem praparatam, ut nationes vocanda ad unitatem corporis Christi 1. Cor. 12. prius jure unius consociarentur impietatis, quamvis gratia Christiana non contenta sit eosdem limites habere quos Roma: qua per Apostolici Sacerdotii principatum amplior facta est arce religionis quam solio potestatis.* Et lib. 1. Com. in 1. cap. Lucæ Cum Ecclesia ex gentibus, hoc est ex peccatoribus congregata sit, quomodo ex maculatis maculata potest esse. Nisi primo per Dei gratiam quod abluta à delicto sit Eph. 5. deinde, quod per qualitatem non peccandi abstineat à delictis? Et lib. 7. Com. in c. 11. Luca. Cum immundus Spiritus exierit ab homine, ambulat per loca inaquosa &c. Hoc de Iudeis plebe dictum ambigi non potest, quæ Dominus à regno suo in superioribus segregavit. Unde omnes quoque hæreticos & schismaticos à regno Dei & ab Ecclesia intelligo segregatos. Et ideo non Dei, sed immundi spiritus, omnes schismaticorum hæreticorumque, liquide clare esse cõventus.

Theophilus Alex. Epistola ad Epiphanium ( quæ est apud Hieronymum Ep. 67. ) Dominus, inquit, qui locutus est ad Prophetam Ierem. 1. ecce constitui te hodie super gentes & regna, eradicare, & suffodere, & disperdere, ac rursum ædificare, & plantare, singulis temporibus eandem, Ecclesia sua largitur gratiam, ut integrum corpus conservetur, & in nullo hæreticorum dogmatum venena prævaleant: quod quidem nunc videmus expletum. Nam Ecclesia Christi quæ non habet maculam, neque iugam aut aliquid ejusmodi Eph. 5. egredientes de cavernis suis Origenis colubros Evangelico ense truncavit.

S. Chrysost. in Pl. 147. Ecclesiam Deus munit validius, quam Ierusalem, portæ inferi non prævalebunt adversus eam Mar. 16. In principio itaque, & Imperatores & Reges, & populi, & civitates, & Demonum phalanges invaserunt Ecclesiam. illa tamen omnia fracta & dissoluta sunt, & interierunt, ipsa autem crevit & in tantam proposita est altitudinem, ut ipsos etiam celos superaverit. Et in Demonst. adversus gētes. A die, quæ dictum est (super hanc Petram ædificabo Ecclesiam) constat Ecclesia solida, & stabilis, & invicta, flores, & fulgens, & indies magis & vigēs, crescens, & plus roboris sumens; & omnibus, qui ab illodie usque ad Domini adventum futuri sunt præstans.

Cyrillus Alex. In I<sup>a</sup>. lib. 1. c. 2. Sion intelligibilis Ecclesia scilicet, supra omnem creaturam aspectabilem, & inaspectabilem evolat &c. ut mons intelligibilis, & domus Dei jure dici possit. Est illustris utpote supra colles elevata Mach. 4. De qua illud merito dici poterit, quod illustris exempli causa à Salvatore dictum est.

non

non potest civitas abscondi supra montem posita Mat. 5. Et. l. 5. c. 54. Qui verè à Deo docti sunt, eos nemo potest ladere eorum, qui inanitate verborum uti solent; sed pacem habent apud Deum amore cum ipso colligati. & iustitiam colentes. Hoc aedificat Ecclesiam. & eam sanctam rectam conservat, ne putet: Christo protegente, & concedente ut in concussa sit, & immota. Adversus hanc enim portæ inferi non prævalebunt Mat. 16. De ea namque scriptum est Ps. 77 & ædificavit velut unicuinque sanctuarium suum in terra, fundavit illud in æternitatem. Sanctuarium ejus Ecclesiā esse dicimus, quæ hostibus horribile cornu erigit. Fundata in æternitatem à Christo.

Pacianus Epist. 3. Ecclesia est virgo sancta, castissimis sensibus sponsa Christi, sed etiam uxor. & conjunx de viro sumpta (Christo) ideoque os de ossibus ejus, & caro de carne Gen. 2. Nam de hac David dicit: Uxor tua sic vitis abundans, in lateribus domus tuæ, filii tui sicut novellæ olivarum, in circuitu mensæ tuæ Ps. 127. multus igitur huic Virgini partus & proles innumera, quæ totus impletur orbis, quæ circumfluit semper alvearibus populosum fervet examen &c. Ecclesia est non habens maculam, neque rugam Eph. 5. hoc est hæreses non habens. Ceterum peccator & poenitens non est Ecclesia macula, quia quamdiu peccat & non poenitet extra Ecclesiam (quatenus viva est fide) constitutus est, ubi desinit peccare, jam sanus est. Hæreticus verò vestem Domini Ecclesiam scindit, intercipit, vitiat, irrugat.

D. Hieronymus in Matth. c. 28. Qui usque ad consummationem seculi cum discipulis se futurum esse promittit & illos ostendit semper esse (in successoribus) victuros, & se nunquam à credentibus recessurum. Et contra Lucifer. c. 9. In illa Ecclesia permanendum est, quæ ab Apostolis fundata Eph. 2. usque ad hanc diè durat. Sicubi audietis eos, qui dicuntur Christi, non à Deo Iesu Christo, sed à quoquā alio nuncupari, ut Marcionitas, Valentinianos, Montenses sive Campitas scito non esse Ecclesiā Christi, sed Antichristi synagogā. Ex hoc enim ipso, quod postea instituti sunt, eos se esse indicant, quos futuros Apostolus prænuñciavit 1. Tim. 4. Hæc Luther. & Calvin. expendant. S. August. contra lit. Petil. l. 2. c. 32. in omnem terram exivit sonus eorum, & in fines orbis terræ verba eorum Ps. 18. Hinc fit, ut Eccl. vera neminè lateat. Unde & illud quod in Evangelio ipse dicit: nō potest civitas abscondi supra montem posita. Mat. 5. Ideoque in eodem Ps. 18. connectitur, in sole posuit tabernaculum suum, id est, in manifestatione. Et Ps. 47. Hæc est lucerna, quæ sub modio non occultatur. Mat. 5. omnibus nota, omnibus diffamata. Et in Epist. Joh. Tract. 2. Quid amplius dicturus sum, quam

cacos, qui tam magnum montem non vident, & qui contra lucernam in candelabro positam oculos claudunt? Mat. 5.

Idem lib. 3. contra Cresconium c. 64. *Evangelium crescendo, fructificare non cessat, donec in omnibus cum fuerit pradicatum, veniat finis. Sic enim Dominus ait: Et pradicabitur hoc Evangelium in universa orbe in testimonium omnibus gentibus, & tunc veniet finis Mat. 24. nisi forte etiam in tantum vos (hæreticos) precipitat insana superbia, ut hoc, quod pradicatum est de parte Donati (Calvini, aut Lutheri) putetis accipiendum, non de illis Ecclesiis, quas Apostoli plantaverunt. Et in Epist. Joh. Tract. 3. In verba. A nobis exierunt, sed non fuerunt ex nobis &c. Aut, inquit, à nobis exierunt, aut nos ab ipsis? Sed absit, ut nos ex ipsis. Habemus enim testamentum dominicæ hereditatis, recitamus, & ibi nos invenimus; dabo tibi gentes hereditatem & possessionem tuam terminos terræ Ps. 2. Tenemus hereditatem Christi: illi non tenent, non communicant orbi Terrarum.*

§. IV. Protestantes, quamvis reformatores veteris Ecclesiæ videri cupiant, eam tamen, sibi met contrarii, semper incorruptâ alicubi perstitisse agnoscunt.

**D**uo hic fatentur Protestantes, quibus inexplicabili sese laqueo induunt. Primum, reformasse se Ecclesiam suorum Majorum in errores toto orbe prolapsam: alterum Christi tamen Ecclesiam, veros semper Doctores Pastoresque retinuisse, rum deinde legitimum Sacramentorum usum, quod hæc in sua Ecclesia Christus perpetua esse voluerit. Quæ duæ propositiones se necessario invicem evertunt. Nam cum in legitima doctrinâ & sacramentorum usu veram Ecclesiæ formam exteriorem constituent, ut ex art. Confessionis Gallicæ 27. & 28. aliorumque consensu liquet, reformari Ecclesia universe nec potuit, nec debebat, cum formâ sibi debitâ privari non sit. Aut si omnino fuerit, mendax scriptura est, quæ illius nobis faciem conspicuam, æternamque tot locis promisit. Quod cum affirmare non audent, stabunt in sua illa assertionem Protestantes. Ipsos de utraque propositione paucis audiamus.

Reformasse se Ecclesiam omnium voces adedò constantes sunt, ut hoc titulo etiam glorientur. *Lutherus* hujus autor Reformationis, de præcipuo articulo innovatæ religionis, qui est de fide sola justificante in lib. *de summa Mandator. Dei* sic ait; se neminem scire, qui de fide & operibus rectè judicare potuerit, exceptis Apostolis, in ceteris libris id nequaquam reperiri.

Ita

Ita ut mirum non sit, eam doctrinam nostris temporibus adeo periisse, & extinctam esse. *Et tom. 4. præfatione in Eccles. Scholæ Theologicæ fidem certissimam in Christum, cum universa Christi cognitione prorsus extinxerunt. Et de incertitudine gratiæ in cap. 4. ad Gal. fol. 376.* Ista sententia fuit articulus fidei in toto papatu, quo doctrinam fidei prorsus obruerunt. *Et in brevi confes. de fide speciali* ait, principio suam doctrinam novam, & supra modum scandalosam fuisse per universum mundum. *Eaque de causa in colloquio Germ. c. de Schvvermeris,* Waldenses à se dissidere agnoscit (quos alij frustra conciliatos vellent) quod, ut inquit, Waldenses, licet sancti operarij, non credant tamen fidem absque operibus iustificare.

Sic apud Smithæum lib. 2. *Calvinus* in præfat. Instit. Et lib. 1. c. 2. §. 2. & cap. 5. §. 15. *Baleus* cent. 4. script. Britan. c. 6. *Schleidanus* l. 11. f. 158. alijque fatentur, solam istam fidem in papatu fuisse penitus amissam, prorsus extinctam, à nemine traditam, omnino oppressam, totam ignotam, ex memoria hominum deletam, &c.

De ceteris articulis fidei necessariis everfis, tot alibi testimoniis constar, quor Roman-Catholicos articulis volunt reformari. Et verò si de uno tantum fidei iustificantis articulo sublato ab Ecclesia constaret, planum est, non potuisse formam orthod. Eccl. subsistere, cum hæc ad unius articuli necessarij everisione concidat.

Contrariam assertionem singulari non ita pridem Tractatu Gisbertus Voëtius in libro cui titulus *de sperata causa papatus* pro unitate continuæ successionis ab Apost. ad Eccl. reformatas utque defendenda suscepit; sed in suam suorumque hanc fabam caput excudit. Hoc palmarum eius argum. est, quo evincere se causam proficitur.

*Vtra & genuina Christi Ecclesia fuit & debuit esse successive à temporibus Apostolorum, ante & usque ad tempora Lutheri.* Sed Reformata Protestantium Ecclesia est vera Ecclesia. ergo &c. Majorem supponit, ut certam & receptam. In minori tantum, per 12. articulos probanda laborat, in quibus etiam art. 8. proponitur usus baptismi & cæna receptorum à vera Eccl. Sacram. quæ ut habetur art. 9. symbola & sigilla sint promissionis divinæ. Item art. 10. bona opera ex præscripto legis art. 11. jejunium, art. 12. cultus ex instituto art. 13. Ecclesiæ unitas atq; universalitas exhibetur. Juxta hæc igitur perpetuam, idèd q; semper visibilem ante Lutherum Ecclesiam fuisse necesse est, Verum si hic argumen-



tum observasset, quemlibet hæreticum, ut Syverckfeldianum Socinianum, &c. eodem se clypeo tueri posse, atq; e. g. subsumere, *sed nostra Sociniana Ecclesia vera est.* Ergo & perpetua, fortè cautiùs conclusisset. Deinde notas, quas ponit, si ve articulos veri Christianismi, nos toto hoc opere evertimus. Denique vetus ante Lutherum Ecclesia, Voëcio non diffidente, Sacramenta quoque ordinis, matrimonii, extremæ unctionis & confirmationis, missæ sacrificium, oblationes pro defunctis, religionis vota, Monasticumq; institutū, aliaq; id genus observavit: Doctores, illius operum merita, satisfactiones, indulgentias & plura eiusmodi constanter inculcarunt. Ergo juxta Protestantes totus Dei cultus in Ecclesia corruptus fuit, neq; pura verbi Dei prædicatio, incorruptusque Sacramentorum usus ante Lutherum perpetuus fuit, aut si hic incorruptus censendus est, Catholicorum successio in vera doctrina cultuque divino probatur. Sed audiamus Protestantes disertius successionem agnoscetes.

Melanchthon in *loco com. de Ecclesia.* Semper ait, in conspectu sit hoc Pauli dictū, *quos elegit, hosq; vocavit.* quotiescunq; de Ecclesia cogitamus, intueamur cœtum vocatorū, qui est Ecclesia visibilis, nec alibi electos ullos somniamus, nisi in hoc cœtu visibili: Nā neq; agnosci, neq; invocari Deus aliter vult, quàm ut se patefecit. nec alibi se patefecit, nisi in Ecclesia visibili, in qua sola sonat vox Evāgelij. *Et quod hac intercidere nūquā possit, docet in orat. de Ecclesia.* Si enim, inquit, nulla est visibilis Ecclesia in hac vita, quomodo agnoscentur, & ministri Evangelij, & auditores? Et quæ Ecclesiæ judicia erunt, de quibus scriptū est, *dic Ecclesiæ?* quæ erit testimoniorum autoritas de temporibus, de receptis libris, de controversiarū judiciis? quomodo discernemus inter cives & hostes? quorum expetenda sit societas, qui fugiendi?

Zacharias Ursinus in *explicat. cateches. q. 54. postquam n. 2. dixisset:* Visibilis Ecclesia est cœtus in genere humano amplectentium & profitentium integram & incorruptam doctrinam legis & Evangelij, & utentium sacramentis secundum institutionem divinam, &c. in quo alii regenerati, alij hypocritæ. *quærit denique n. 7. Quid sit credere Ecclesiam sanctam Catholicam?* & resp. Est credere temper fuisse, & esse, & fore talem Ecclesiam in mundo. Et in cœtu visibili Ecclesiæ semper esse aliquos verè conversos, & me ex horum numero esse, proindeq; esse unum invisibilis & visibilis Ecclesiæ membrum ac perpetuò mansurū.

Pareus in *Cat. Expl. prologomeno generali* 1. Necesse est inquit, Ecclesiam in hoc mundo conspici, ut sciant electi, cui se cœtui

de-

debeant adjungere in hac vita; quia extra Ecclesiā non est salus.

Whitakerus hanc suorum hominum contradictionem distinctiuncula frigida nequiequam conatus est eludere, q. 3. in *Eccl. c. 2. resp. ad 5. arg. Bellarm.* ad testimonia Partum producta, quæ Ecclesiam Christi apostatare & perire non posse docebant, respondit: Nos non dicimus Ecclesiam omnium gentium, aut apostatasse, aut perijisse, &c. *ac postea ad 2. rationem Bellar.* subjicit. Illi dicunt Ecclesiam semper visibilem esse, idem & nos. Sed illi clarè semper & ab omnibus videri, nos obscurè aliquando, & non nisi à paucis, &c. nam in paucis Ecclesiam aliquando consistere dicimus, qui tamen alicubi sunt, & videri possunt. Item *quæst. 6. c. 2. in fine sic ait.* Pastorum quidem & Doctorum successio, nunquam est in Ecclesia Christi interrupta, suos enim Pastores Christus in Ecclesia sua semper habet, licet non semper in uno acque eadem loco. Et hoc modo Ecclesiam suam conservat Deus. Idem Gallica confessio supra art. 25 profitetur. Similia habent *Piscator* de *Eccl. Aphorif. 10. & 14. Polanus* *Synt. Theol. l. 7. c. 7. Keckermannus* l. 1. *syst. Theol. c. 6.* Jam verò *Magdeburgenses* per singula exhibent secula in pluribus articulis doctrinam hodiernæ Rom. *Eccl. & Past. Doctoresque* eiusdem fuisse non inficiantur. Ut si Ecclesia Luther. & Calv. aut quorumcumque denique nobis adversariū, juxta illorum confessionē, visibilis semper extiterit, jure non patem solum, verum & majorem doctrinæ Doctorumque illorum testificationem exigamus, si nos locum movere contendant. Imò fidenter asseramus, nec unum quidem unicum, aut Doctorem, aut fidei confessionē ab illis produci posse, quæ in necessariis fidei articulis undequaque consentiant. Unde manifestum redditur, nullo ne probabili quidem argumento ab ijs defendi posse, quod illorum ante Lutherum Ecclesia per tredecim secula unquam comparuerit, multò minùs, quod visibili perpetuaque successione sit propagata, ideoque quocunque se vertant, sive ad paucos, sive ad multos visibiles, sequi invicem consequentes, semper causa excidunt, neque aliud hic agunt, quam quoddā S. litteris divellantur, novisque ac novis sese contradictionibus implicent, dum competissimæ in omni historia veritati adversantur.

Possent fortè pro effugio obtendere Adversarij, quod Ecclesiam non omnibus quidem, sed iis locis, quibus corrupta fuerit, reformatint. Sed hoc omninò vanum est. Nam illos, qui nobis contradicunt, in rebus ad fidem necessarijs articulos in nulla probata Ecclesia, aut concilio ante se, per superiores ad Christum usque ætates, exhibere poterunt, licet nonnunquam exor-

bitantem inter plurimos aliquem Ecclesiæ Doctorem, aut improbatum hactenus synedrium vixq; alios nisi obtorto in suam sententiam collo rapiant. Deinde non pauca sunt ipsam fidei substantiam concernentia, quæ multis ante se seculis & Luth. & Calv. & alij in Ecclesia prorsus oblitterata esse fatentur, ut supra de fide justificante vidimus; at ablato uno necessario ad salutem articulo, fidem, orthodoxamque Ecclesiam intercideret necessum erat, contra unius igitur Ecclesiæ corruptæ partem adversarij nihil moliti sunt, sed Catholicam universè oppugnarunt, quæ cum, ipsis fatentibus, nunquam interciderit, veritati orthodoxæ sese impiè opposuerunt.

### ARTICULUS XXIX.

**C**redimus veram Ecclesiā a. gubernari debere illa politica, si-  
ve disciplina, quam Dominus noster Jesus Christus sanc-  
vit; ita videlicet, ut in ea sint Pastores, presbyteri, si-  
ve seniores & Diaconi; ut doctrinæ puritas retineatur, vitia cohibeantur,  
pauperibus & reliquis calamitosis, prout opus est, consulatur,  
& sacri coetus ædificandis, tum parvis tum magnis habeantur.

a. *Act. 6. v. 4. Eph. 4. v. 11. & 1. Tim. 3. v. 1. ac Tit. 1. v. 5. &c.*

### ARTICULUS XXX.

**C**redimus homines veros Pastores ubicunque locorum collo-  
cari fuerint, eadem & equali inter se potestate esse præditos sub  
unico illo capite summoque & universali Episcopo Jesu Chri-  
sto. ac proinde nulli Ecclesiæ licere sibi in alius imperium, aut  
dominationem vindicare.

b. *Mat. 18. v. 2. & 20. v. 26. & 2. Cor. 1. v. 23. & 1. Pet. 5. v. 3.*

### §. I. OBSERVATIO.

**C**redimus quod omnis anima potestatibus sublimioribus subdita  
sit, & qui his resistunt, ipsi sibi damnationem acquirant, ideoq;  
subditi esse debeant, non solum propter iram (seu pœnam) sed etiam  
propter conscientiam. c. Hinc & in Eccl. ab Apost. constituti Episc.  
ut erat Tim. & Tit. 9. ut quæ deessent, corrigerent, & constituerent  
per civitates presbyteros d. & Diaconos pudicos, & sobrios, e idque  
cum impositione manuum, f. sicut fuerunt Apost. constituentes per  
civitates Presbyt. & Diac. g. illa lege, ut Episc. ceteris præessent quos  
spiritus S. posuit regere Ecclesiam Dei h. non quidem ut dominantes  
in claris; sed ut forma gregis facti ex animo i. sicut Christus ipse, qui  
cum esset Dominus & Magister i. erat tamen in medio discipulorum,  
sicut

c. *Rom. 13. v. 1 &c. d. Tit. 1. v. 5. e. 1. Tim. 3. v. 8. f. Ib. c. 4. v. 14.*  
g. *Act. 6. & 14. v. 22. h. Act. 20. v. 28. i. 1. Pet. 1. v. 2. l. Joh. 13. v. 14.*



sicut unus qui ministrat. m. Jutis potestate tamen utendū, licet circumspectē, ut Paulus monet Timotheum, *adversus presbyteros accusationē noli recipere, nisi sub duobus aut tribus testibus. Peccantes coram omnibus argue, ut ceteri timorem habeant.* n. Hac & Paulus usus in Corinthios, *Tanquam, inquit, non venturus sim ad vos, sic inflati sunt quidam. Quid vultis in virga veniam ad vos an in charitate, & spiritu mansuetudinis?* o. Sic idem confirmans Ecclesias, *præcipiebat eis custodire præcepta Apostolorum & Seniorum p. & olim, qui superbiit nolens obedire sacerdotis imperio, qui eo tempore ministrabat Domino, ex decreto iudicis moriebatur.* q. Hic verò ordo & in Christi Ecclesia semper fuit, ut sub uno summo Sacerdote in terris regeretur. Uti enim David regnum politicum defertur, his verbis: *Tu pascis populum meum?* r. sic Petro, per Christum similibus Ecclesiasticum *pascere oves meas.* s. juxta promissionem, *dico tibi, quia tu es Petrus (cephas seu petra) & super hanc petram ædificabo Ecclesiam meam, & tibi dabo claves regni calorum.* t. Erat enim primus Apostolorum Simon, qui dicitur Petrus. u. Qui & Ierosolymis in Concilio, eius loci Episcopo Iacobo prælatus, sententiam in exorta lite primus exposuit definitivæque assentientibus cum Iacobo eius auctoritati reliquis. x. Christum quidem Deus dedit caput super omnem Ecclesiā, qua est corpus ipsius. y. verum ita, ut vir caput est mulieris, sic Christus Ecclesia. z. ( tibi quoque coniectam caput habentis. ) Nam, ut primum nostrum fundamentum, præter quod aliud statui non potest, Christus est; ita fundati quoque sumus super fundamentum Apostolorum & Prophetarum, ipso summo angulari lapide Christo Iesu. b. subordinata hæc capita, fundamenta, & potestates sunt exclusis secularibus, non minus, quam in Monarchia seculari populus Regi, Rex cum populo, Deo subijcitur. Hinc Ecclesia regno. c. quod sub visibili est Rege, ovili d. quod sub Pastore, domui e. quæ sub patrefamilias, Humano corpori, f. quod sub pari est capite, comparatur. Hoc regnum Daniel prædixit. Regnum tertium aliud erit æreum, & imperabit universa terra, & regnum quartum erit velut ferrum &c. In diebus autem regnorum istorum suscitabit Deus regnum cæli, quod in æternum non dissipabitur. g.

§. II. Ob-

m. Luc. 22. v. 27. n. 1. Tim. 5. v. 19. o. 1. Cor. 4. v. 19. &c. p. Act. 15. v. 41. q. 1. Deut. 17. v. 12. r. 2. Reg. 5. v. 2. s. Ioh. 21. v. 17. t. Mat. 16. v. 18. u. Mat. 10. Marc. 3. Luc. 6. x. Act. 15. v. 7. y. Eph. 1. v. 22. z. Eph. 5. v. 23. a. 1. Cor. 3. v. 11. b. Eph. 2. v. 20. c. Dan. 2. Luc. 1. d. Ioh. 10. v. 16. e. 1. Tim. 3. v. 15. f. Cor. 12. g. Dan. 2.

## §. II. OBSERVATIO.

SI ambigua hæc esset scriptura, tamē pro ratione, & optimi in Ecclesia regiminis forma standū esset: nunc qui in tam deserta Verbi divini sententia de Ecclesiastica monarchia ambigit, hic mihi non ex fidelium tantum, sed hominum penē censu sensuq; excidere videtur. Quam absurdū illud, quod cum episcopis nonnunquam Presbyteri nomen detur, iccirco paris hos illosque dignitatis habere! ut si hominem non minus, quā bovem dicam animal, iccirco distinguendi non sint. Estne alicubi hoc dictum Presbyteris, quod Episcopis & summis Sacerdotibus ut constituent per civitates Presbyteros & Diaconos ut causas dijudicent, plectant nocentes, præsint cum imperio, regant Ecclesiam Dei? hæc qui jurisdictionis concessæ negat esse argumenta, ignorat quid sit jurisdictio, qui secularibus in Ecclesiam Dominis tribuit, Christi regnum, quod de hoc mundo non est. Joh. 18. mundo impie subijcit. In quod apud sectatios (Principum secularium hac in causa rursissimos adulatōres) usque ad eodē evilescit; ut Christi regnum, divinumq; illud ministerium spretum despectumq; infimis passim Ministris Principum ad servitutem obsequiumq; substratum sit: neque Minister Christi in gregaria nobilitate locum reperiat, quando tantus illius officij honor atq; existimatio inter orthodoxos relicta est. ut summi hunc etiam Principū locum capebant, & xpē ministerium hoc imperio seculari præoptent. Non fallit nos Christus. Si quis mihi ministraverit honorificabit eum pater meus Jo. 12. v. 26. Nec olim Deus de suis loquens ministris: quicumq; glorificaverit me, glorificabo eum: qui autem contemnunt me erunt ignobiles. 1. Reg. 2. v. 30

Jam verd & illa, quæ in Ecclesia Dei à temporibus Apostolorum ad nos dimanavit subordinatio, quā ipsi etiam diversarum toto orbe Ecclesiarū Episcopi uni summo visibiliq; in terris capiti subijcerentur, nimis à Protestantibus perversè cōtra divinas humanasq; boni imperij, debitæq; observantiæ leges, contra rationem, usumq; perpetuum, ac summi Numinis (quod in uno maximè intuemur capite) reverentiam, infringitur; sed ab illis qui nisi hoc submoto noxiâ vitæ morumq; nequeunt libertatē tueri. Nulli universè à Christo dictum præterquam Petro. *pasce oves meas*, nulli ante hunc *claves* exhibitæ, in nullo pari titulo & prærogativa fundata est Ecclesia, nemo præter illū primus appellatus est, qualis, cum vocatione non esset, dignitate esse debuit. Et tam manifestis Dei vocibus etiam nū Protestantes oblectantur; Unū expendo testimoniū, ut vim agnoscant. Cum dic-

ceret *pasce oves meas*, cōstat supra reliquos illi Apostolos aliquid à Christo collatum; quodd ad quæstionem, *diligis me plus huius* (Apostolis videlicet ceteris) & tam emphaticam, ut ter repetita sit, universæ illi oves Christi commissæ sint, adeoq; & ipsi Apostoli, (nisi hos oves Christi esse negaveris) idq; ideo, quod ut in Christū amore, sic potestate æquū esset eminere ceteris. Jam ante hac idem, Christus futurum præmonuerat, cum quando lapsuro dicebat, *Et tu aliquando conversus confirma fratres tuos*; tum quando prædixit, & *eris unū ovile, & unus pastor*, non Christus: de quo rō *eris pastor*, locū non habuit; cum de facto ipse supremus pastor esset: Nemo igitur præter D. Petrū eiusq; in hoc *pasce* officio successores, cum ut ovile, sic pastor deberet esse perpetuus, & fundari Ecclesia in solo Petro eiusq; fide æternū non posset. Ita de Christo & Ecclesia jam olim Davide præcinētur *Pro Patribus tuis nati sunt tibi filii, constitues eos Principes super omnem terram, memores erunt nominis tui in omni generatione.* pl. 44. v. 17

Putant se hanc vim scripturarum posse elidere, ne quid Petro præ reliquis concedant Apostolis, cum dicunt Mar. 16. *supra Petrum fundari Ecclesiam*, nihil aliud esse, quam supra fidem veram in Christū, quā Petrus confitebatur v. 17 *Tu es Christus filius Dei vivi*. hæc autem perpetua fides est, in qua iure fundari Ecclesia dicitur. Verū hi scripturam ac veritatem deserunt, si aliud velint, quā fidem professionemq; hanc Petri causam esse, seu rationē fundandi in ipso ac successoribus Ecclesiam. Fides Petri Christum impellit, ut cum præ reliquis ille Apost. solus Christū profiteretur, ipse præ reliquis quoq; *beatus* sit appellatus, ipse *petra* dictus, super quam fundaretur Ecclesia, v. 18. ipsi *claves* traditæ sint, cum verbis, *Tibi dabo: non vobis*. Dignumq; observatu est, quod sicut hic Petro Christus ob præminētē fidē præ reliquis fundamentū Ecclesiæ suæ constituit; sic alibi Joh. 21. ob excellentiam amoris sui declarat ovilis Pastorem. Ergo ne aliquis, contra tam disertam scripturam, hanc Petro, in ceteris Apostolis præminentiam eripere poterit? aut profanis illam tradere in Ecclesia potestatem regendi Principibus, adeo Apostolorum Principi arctē devinctam, ac sanctē demandatam?

At existimant reliquis Apostolis eandem potestatem concessam à Christo Mat. 18. v. 18. cum ait *quacūq; alligaveritis super terram, erunt ligata & in cælo & c.* Verum hic non de singulorū, ut in Petro, sed Ecclesie potestate agitur, cum præcedat: *Dic Ecclesia, & si Ecclesiā non audierit, erit tibi sicut Ethnicus*, contulisse, verò Apost. dependentem ab Ecclesia & Petro eius capite non negabi-

negabimus. cum idem Joh. 20. quoque confirmetur. Et hac potestate usos constat, quando præcepta & leges dedere, ut e. g. de arcendis ab Episcopatu digamis, cum statuitur, ut *Episcopus sit unius uxoris vir*, 1. Tim. 3. Neque hæc vis ad solos restricta Apostolos fuit, cum Act. 16. v. 4. jubeantur fideles *custodire decreta*, non *Apostolorum* tantum, verum & *seniorum*: non liberè, citraque obligationem, conscientia, ut aiunt, nisi cum timeatur scandalum; sed *necessitate propter conscientiam*. *Qui enim potestati resistit, Dei ordinationi resistit*. Rom. 13. & *qui præpositos audit, Christum audit, qui verò spernit, Christum spernit*. Luc. 10. Ut mirum sit, Protestantes tam leviculis argumentis, quibus Judæi jubentur *tantum facere, quæ Deus precipit, & nihil ad verbum hoc addere*. Deut. 8. & 12. Christiani *liberi esse à mandatis hominum* 2. Cor. 3. Mat. 13. &c. aut *non esse servi hominum* 1. Cor. 7. v. 23. priora velle cum omni potestate Ecclesiastica everttere. Neque enim hic de alijs mandatis, aut additionibus vitandis tractari potest, quàm quæ verbo Dei adversantur. Nam alioquin omnis scriptura præter Deuteronomium, atque omnium hominum mandatū repudiandum, tam in re civili, quàm Ecclesiastica esset. Nulla lex nisi divina, nullum superiorum imperium, nulla esset subditorum erga hoc expectanda obedientia, omnis pœna humanarum legum prævaricatoribus inflicta iniqua esset; quia is, qui in foro conscientia & coram Deo absolutus esset, his nisi injuriâ, non maneret obnoxius. Quid? quod ipse Deus sibimetipsi suis in mandatis adversaretur, cum tam Ecclesiasticæ, quam civili potestati aded vult fideles obsequi, ut per Paulum moneat Rom. 13. *eos qui resistunt, damnationem sibi acquirere* & Mat. 18. dicat *Ecclesiam non audientes esse sicut ethnicos & publicanos*. Et quisquam neget tales adversus conscientia delinquere, qui æqua hominum mandata negligere, nisi divinatorum simul mandatorū prævaricatores, non possunt? Sive igitur adiaphora ex se opera, sive mores ritusque uniformiter usurpandos præcipiant: modò nihil divinæ legi adversetur, justè semper imperantibus erit obsequendum: non solum ratione scandali (quod aut nullum, aut imprudens esset, si constaret neminem ex conscientia teneri) verum debitæ obligationis causa. & sanè foret in omni repub. plusquam barbarica confusio æquitatis, & reverentiæ ergà Dominos, legumque omnium violatio perimescenda, si impia hæc persuasio animos occupasset; neminem ex conscientia ad hominū mandata obligati. Videant hoc loco omnes Christiani orbis Principes, quæ discrimina universis in quacunque etiam civili re-

pub. Proceribus immineat, dum hac opinione invalescente, cuius subditorum fas erit, ad verbum & legem Dei suorum expendere mandata Dominorū, & siquidem ipsi, huic esse conformia non sentiant, tum sibi existiment, omne imperium excutiendū, & ut ajunt, *magis obediendum Deo, quā hominibus*. Nam ut hoc verissimum; ita falsissimum sæpe iudicium est, quo ipsi Magistratum suorum imperia cum S. literis convenire non autumant. Quid? quod etiam tum, quando S. hæc literis saltem ad- versari non intelligunt, statuere tamen liceat, se in conscientia ad eorum observationem non teneri, æquumq; non esse, ut *qui in libertatem filiorum Dei asserti sunt, servi hominum constituantur*. Quod si in regimine Ecclesiastico sentiant: nihil est cur quoque in civili, ambobus, sic loquar, pedibus non sequantur. Calvino jam dudum vexilla præferente (Inst. l. 3. c. 19. §. 14. & 15.) Nulla certè gens aut natio tam barbata reperta est hætenus, quæ tantam subditis adversus Dominos libertatem indulserit, quantam novitia hæc sectariorum temeritas inexit, qui dum unius in Ecclesia Pontificis jurisdictionem non sustinent, omne Principum & rerump. imperium convellunt. Audite tubam Evangelicam Lutheri de capriv. Babylonica. *Nulla est alia remedii spes, nisi revocato libertatis Evangelio, secundum ipsum, semel extinctis omnium hominum omnibus legibus, omnia judicemus & regamus, Amen*. Et Melanchthon c. 13. Epist. ad Rom. *Si quid Magistratus præcipit contra jus divinum, ne obtemperes, sed pertinaciter repugnes, ut cum præcipit bellum suscipi adversus Turcas*. Ita hi novi Evangelii Præcones prætextu Verbi divini; suo ex cerebro omnia dijudicant, ut babylonicam in orbem confusio- nem, & ἀναρχίαν reducant.

§. III. Orthodoxæ Ecclesiæ scriptores Monarchicum Ecclesiæ Romanæ regimen ex S. literis, historiis & conciliis œcumenicis demonstrant.

**Q**uia plura sunt, quæ hoc articulo disenti possunt, Veteris Ecclesiæ sensum expeditionemque per quosdam paragraphos distribuam.

1. Honorem & obedientiam supremo Magistratui, tam Ecclesiastico, quàm civili, vi mandati deberi, ex S. literis tradunt.

S. Ignatius in Epist. ad Smyrn. *Honorare oportet & Regem (1. Pet. 2. v. 17.) Nec enim Rege quisquam præstantior, nec quisquam similis in rebus omnibus creatis. Nec Episcopo quicquā majus in Eccl. (Art. 20. v. 28) qui Deo consecratus est, pro totius mundi salute.*



S. Martialis Epist. ad Tholos. c. 8. *Principi Stephano etiam obedire debetis in omnibus, quia Princeps vobis à Deo constitutus est, à quo omnis potestas in cælo & in terra Eph. 3. v. 15.*

S. Cyprianus tom. 1. Epist. 55. *Ne putent sibi visa aut salutis constare rationem, si Episcopis & Sacerdotibus obtemperare noluerint: cum in Dent. c. 17 Deus dicat, Et homo quicumque fecerit in superbia, ut non exaudiat Sacerdotem, quicumque fuerit in diebus illis, morietur homo ille, & omnis populus cum audierit, timebit. Neque enim aliunde hæreses obortæ sunt, aut nata schismata, quam inde, quod Sacerdoti Dei non obtemperatur, nec unus in Ecclesia ad tempus Sacerdos, & ad tempus Iudex vice Christi cogitur, cui secundum magisteria divina obtemperaret fraternitas universa.*

D. Gregorius Nazian. orat. 17. ad cives Naz. *Lege præclare constituta sanxit, quâ servi heris suis, & uxores viris, & Ecclesia Christo, & discipuli magistris ac Pastoribus dicto audientes esse & parere jubentur. Eph. 6. & Colos. 3. Ita nobis etiam præscribitur, ut sublimioribus potestatibus pareamus, non solum propter iram, sed etiam propter conscientiam, Rom. 13.*

S. Augustinus in exposit. ep. ad Rom. *propositione 74. Quoniam dixit, necessitati subditi estote, Rom. 13. ne quis non integro animo, & pura dilectione subditus fieret huiusmodi potestatibus, addidit dicens: non solum propter iram, sed etiam propter conscientiam, id est, non solum ad iram evadendam, quod potest etiam simulate fieri; sed ut in tua conscientia certus sis, illius dilectione te facere, cui subditus fueris iussus Domini tui.*

## II. Petrus summum Ecclesiæ post Christum caput constitutus est.

**C**lemens Romanus Epist. 1. ad Iacob. Simon Petrus veræ fidei merito, & integræ prædicationis obrentu, fundamentum Ecclesiæ est definitus. Mat. 16. *Qua etiam ex causa, Domini ore cognominatus est Petrus Job. 1. v. 43. qui fuit primitia electionis Domini, Apostolorum primus Mat. 10. cui & primo Deus Pater filium revelavit, cui & competenter beatitudinem contulit. Mat. 16. qui & vocatus est, & electus est, & conviva Domini, & comes effectus, tanquam bonus & probatissimus discipulus, qui obscuriorẽ mundi plagam occidentis, velut omnium potentior illuminare præceptus est.*

Tertullianus de pudicitia c. 21. *Super te, inquit, ædificabo Ecclesiam meam, & dabo tibi claves, non Ecclesia, & quæcunque solveris, vel allegaveris, non quæ solverint vel allegaverint. Sic enim & exitus docet, in ipso Ecclesia extructa est, id est per ipsum. Et tom.*

3. in Scorpiaco c. 10. Si adhuc clausum putas calum, memento claves eius hic Dominum Petro, & per eum Ecclesia reliquisse.

Hippolytus in orat. de consum. mundi Princeps, inquit, Petrus fidei petra, quem beatum iudicavit Christus Deus noster. Mat. 19. ille Doctor Ecclesia, ille primus discipulorum. Marc. 3. qui regi claves habuit, docuit me.

Origenes c. 6. ad Rom. Et Petro cum summa rerum, de pascendis ovibus traderetur. Job. 20. & super ipsum, velut super terram fundaretur Ecclesia, nullius confessio virtutis alterius ab eo nisi charitas exigitur & Tim. 6. in Mat. Non modica ait, differentia est, quod Petro quidem data sunt claves, non unius cœli, sed multorum cœlorum, ut quæcunq; ligaverit super terram, non tantum ligata sint in uno cœlo, sed in omnibus cœlis, & quæ solverit, &c. Mat. 16. Ad eos autem, qui multi sunt ligatores & solutores in terra, sic dicit, ut solvant & alligant non in cœlis, sicut Petrus, sed in uno cœlo, quia non sunt in tanta perfectione, sicut Petrus, ut alligent & solvant in omnibus.

Athanasius Ep. ad Felicem. Tu inquit es Petrus, sicut veraciter dicit divinum eloquium, & super fundamentum tuum Ecclesiae columnæ sunt confirmatæ. Mat. 16.

Marcellus 1. Pont. Ipse est caput totius Ecclesiae, cui ait Dominus, Tu es Petrus & super hanc Petram ædificabo.

S. Basil. in Præm. de jud. Dei. B. Petrus ceteris prælatus fuit discipulis, cui magnificentius quàm reliquis omnibus datum testimoniū est, magisq; quàm reliqui omnes beatus appellatus, cui claves regni cœlestis commissæ, &c. Mat. 16. Et in hom. ult. de pœn. Pet. dixerat. Tu es filius Dei excelsi: & vicissim audierat, se esse petram. Ita laudatus à Domino. Licet enim petra esset, non tamen petra ut Christus: ut Petrus petra erat. Nam Christus verè est immobilis petra: Petrus verò propter petram. Axiomata namque sua largitur aliis. Largitur autem eis non evacuatus, sed nihilominus habens. Lux est & vos estis lux mundi, inquit. Sacerdos est, & facit Sacerdotes.

S. Cyp. de simpl. Pærl. sive de unit. Eccl. Vnam inquit esse Ecclesiam spiritus S. in persona Domini designat. cant. 6. una est columba mea, perfectæ & mea: una est matri suæ electa genitrici suæ. Hanc Eccl. unitatem, qui non tenet, tenere se fidem credit. Qui Eccl. renititur & resistit, qui cathedram Petri super quam fundata est Eccl. deserit, in Ecclesia se esse confidit? quando & B. Ap. Paul. idem doceat & sacramentum unitatis ostendat dicens Eph. 4. unū corpus, & unus spiritus, una spes vocationis nostræ, unus Dominus, una fides, unum baptis, unus Deus. Quam unitatem firmiter tenere &

vindicare debemus, maxime Episc. qui in Eccl. praesidemus, ut Episcopatum quoque ipsum unum, atq; indivisum probemus. Nemo fraternitatem mendacio fallat, nemo fidei unitatem perfida pravariatione corrumpat. Episcopatus unus est, cuius à singulis in solidum pars tenetur.

Ibidem docet quomodo reliquorum Apostolorum potestas, licet par, ab uno tamen Petro, ut primo, dependerit. Petro, inquit, post resurrectionem suam dicit: pascere oves meas Ioh. 21. super illum unum aedificat Ecclesiam suam. Mat. 16. & quamvis Apostolis omnibus, post resurrectionem suam, parem potestatem tribuat, & dicat: Sicut misit me pater & ego mitto vos; accipite Spiritum S. si cui remiseritis peccata, remittentur illi, si cui retinueritis tenebuntur: Io. 20. tamen, ut unitatem manifestaret, unam cathedram constituit, & unitatis eiusdem originem ab uno incipientem, sua auctoritate disposuit: Hoc erant utiq; & ceteri Apostoli, quod fuit Petrus, pari consortio praediti & honoris & potestatis (in Apostolatu) sed exordium ab unitate proficiscitur; primatus Petro datur, ut una Christi Ecclesia, & cathedra una monstretur.

S. Ephr. Syr. in panoplia spirit. hac, inquit, fretus princeps Apost. ord. Petrus, cum filium Dei vivi Jesum confessus esset, claves regni caelestis accepit, potestatem caelestium ac terrenorum omnium obtinuit. Et intransfigur. Domini. Sicut Moyses ait, veteris, sic hic novi Testamenti princeps.

Julius I. Pont. in epist. 1. ad Episc. Orient. Sicut in uno corpore multa membra habemus, omnia autem membra non eundem actum habent: ita multi unum corpus sumus in Christo: singuli autem alter alterius membra (1 Cor. 12.) connexio totius corporis, unam sanitatem, unam pulchritudinem facit, & hac quidem connexio totius operis unanimiorem requirit, sed praecipue exigit concordiam sacerdotum: quibus etsi dignitas communis non est, tamen ordo generalis est. Quoniam & inter beatissimos Apostolos, in similitudine honoris fuit quadam discretio potestatis, & cum omnium par esset electio, uni tamen (Petro) datum est ut ceteris praemineret. De qua forma orta est quadam Episcoporum distinctio, & magna ordinatione praevium, ne omnes sibi omnia vendicarent.

S. Ambr. in c. 24. Luc. Contristatur Petrus quia tertio interrogatur, amas me? &c. Sim. Jo. diligis me? utique tu scis Domine, quia amo te. Dicit ei Jesus pascere agnos meos. Bene conscius sui, non ad tempus assumptum, sed jam dudum Deo cognitum Petrus testatur affectum. Quis est alius, qui de se hoc profiteri possit? & ideo, quia solus profuerit ex omnibus, omnibus antefertur. Et in c. 1. Gal.

ubi



*ubi Paul. ait : Post annos tres ascendi Hierosolymam videre Petrum. Dignum, inquit, fuit ut cuperet videre Petrum, qui primus erat inter Apostolos, cui delegaverat Salvator curam Ecclesiarum. Vide eundem Ambrosi. lib. 4. de fide c. 3. Et in cap. 9. Lucæ & serm. 47. 68. 84. & alibi.*

S. Chrysostomus alibi, supra confessionem, seu fidem Petri ; alibi supra ipsum, ut petram ædificatam Ecclesiam dixit, ut intelligas utrumque, hoc est fundamentum simul & rationem fundandi per fidem, velut lapides & calcem, requiri. Sic habet hom. 9. de Pœnit. Petrus ille Apostolorum princeps in Ecclesia prior amicus Christi, qui revelationem ab hominibus non accepit, sed patre, sicut illi Dominus testatur : Beatus es Simon Bariona, quia caro & sanguis non revelavit tibi &c. Petrum cum dico, petram nomino indebilem, crepidinem immobilem, primum discipulorū &c. Sic. ho. 83. in Mat. inquit. Qui super Petri confessionem Ecclesiam ita fundavit atque munivit, ut nullum periculum, neque mors ipsa posset ipsum superare. Mar. 16. Et Hom. 4. de verbis Isaïæ Alij inquit, sunt termini regni, alij sacerdotij, hoc regnum illo majus est. Neque enim ex his, quæ videntur, hic declaratur Rex. Sacerdotij jus è supernis descendit : Quæcunque ligaveris super terram, erunt ligata &c. Maïor hic principatus, quia Rex submittit caput manui Sacerdotis. Vide eundem hom. 33. in Matth. & 81. in Johan. & 55. in Matth. Et in Catenas &c.

Cyrillus Alexand. lib. 12. c. 64. Cum Salvator à discipulis quaereret. Vos autem, quem me esse dicitis? Petrus ut Princeps caputq; ceterorum, primus exclamavit, Tu es Christus filius Dei vivi.

S. Hieronymus in cap. 16. Mat. Sicut, inquit, ipse lumen ( Christus ) Apostolis donavit, ut lum. ē mundi Mat. 5. appellarentur, ceteraque ex Domino sortiti sunt vocabula, ita & Simoni, qui credebat in petram Christum ( 1. Cor. 10. ) Petri largitus est nomen ac secundum metaphoram petra, recte dicitur ei, ædificabo Ecclesiam meā super te. &c. Prudens lector inquirat, quomodo post tantam beatitudinem: Beatus es Simon Bariona &c. nunc audiat. Vade tetro me Satana : scandalum mihi es : aut quæ sit tam repentina conversio, ut post tanta premia Satanas appelletur. Sed si consideret ( qui hoc querit ) Petro illam benedictionem, ac beatitudinem, ac potestatem, & ædificationem super eum Ecclesia, in futuro promissam, non in præsenſi datam, intelliget, ædificabo, inquit, super te Ecclesiam, & portæ inferi non prævalerunt adverſus eam, & dabo tibi claves. omnia in futuro. Vide eundem ad c. 2. Epist. ad Gal. lib. 1. Dialag. adv. Pelag. c. 4. Epist. 54. ad Marcellam & 89. ad Augustinum.

D. Augustinus modò per Petram Christum intelligit, modò Petrum super quem fundetur Ecclesia, Et in lib. 1. Retract. c. 27. inquit, *harum autem duarum sententiarum, quæ sit probabilior, eligat lector.* Verùm, cum sic accipiat, (verba recito) *ac si Petrus ab hac petra (Christo) appellatus, personam Ecclesia figuraret, quæ super hanc petram adificatur, & accepit claves regni cælorum,* Petri dignitati per hoc nihil decedit, cum Ecclesiam funderet in hac petra unà cum Petro, qui in hoc corpore Ecclesiæ caput ab eodem Augustino varijs locis, ut Tract. 56. & 124. in Joh. contra Donat. lib. 2. c. 1. Contra Ep. Manich. c. 4. & alibi agnoscitur. Nam quis est, qui in Christo, ut primo fundamento, & angulari lapide Ecclesiam neget fundari? Audiamus eundem S. August. in quæst. V. & N. Testam. q. 75. *Salvator,* inquit, *cum pro se & Petro dari jubet (didrachma Matth. 17.) pro omnibus exsoluisse videtur, quia sicut in Salvatore erant omnes causæ magisterii; ita & post Salvatorem in Petro omnes continentur.* Ipsum enim constituit caput eorum, ut pastor esset gregis dominici. Nam inter cetera Petro dicit. *Eccce Satanas expostulavit, ut nos ventilet sicut triticum: ego autem rogavi pro te, ut non deficiat fides tua; & tu tandem conversus, confirma fratres tuos.* *Quid ambigitur? pro Petro rogabat: & pro Iacobo & Ioanne non rogabat, ut ceteros taceam.* Manifestum est in Petro omnes contineri. Rogans enim pro Petro, pro omnibus rogasse dignoscitur. Semper enim in Præposito populus, aut corrigitur, aut laudatur.

III. Successores Episcopi Romani, ubi Petrus vitæ & primatu defunctus est, in eandem, non Apostolatus (quæ personalis erat) sed primatus in Ecclesia universa dignitatem venerunt.

**P**Riori veritate invincibiliter stabilita, hæc necessariò consequitur: Cum Christus fundamentum Ecclesiæ in petra perpetuum constituerit, quod portæ inferorum subvertere non possent. Potrò Romæ Petrum fuisse, atque illic pro Christo passum, testatissima inter omnes veteres historicos res est, ut non nisi ignorantissimi, aut impudentissimi calami otisque sit, id negare velle. Duos tresve testes antiquissimos audiamus, & plerisque Græcos de Romanis.

Papias in explanat. sermonum Domini apud Eusebium lib. 2. c. 14. Niceph. l. 2. c. 15. *Petrus,* inquit, *in sua Epistola, quam ex urbe Roma scripsit, meminit Marci, cum dixit: 1. Pet. 5. salutat vos Ecclesia,*

ſia, quæ eſt in Babylone electa, & Marcus filius meus.

Egeſippus de excidio Hieroſolym. l. 3. c. 2. Nero, dato, ut Petrus & Paulus comprehenderentur, præcepto, rogatur Petrus, ut aliſo ſo conferret qui prima nocte, ſalutatis fratribus, & celebrata oratione proficiſci ſolus cœpit, ubi ventum eſt ad portam, vidit ſibi Chriſtū occurrentem, & adorans eum, dixit: Domine, quo vadis? Dicit ei Chriſtus. Iterum venio crucifigi (Ambroſ. qui hæc eadem narrat l. 5. Epist. c. 32. ait Venio Romam iterum crucifigi) Intellexit Petrus, de ſua dictum paſſione &c. & converſus in urbem rediit.

Irenæus lib. 3. c. 3. Maxima, & antiquiſſima, & omnibus cognita à gloriſſimis duobus Apoſtolis, Petro & Paulo Roma fundata eſt, & conſtituta Eccleſia. Vide Dionyſium Epist. ad Rom. Clementem Alex. libro Hypotyp. Tertullianum de præſcript. c. 36. contra Gnoſticos ad Scorp. c. 15. de Baptiſmo c. 4. contra Marc. l. 4. c. 5. Origenem lib. 3. in Gen. Cyprianum Ep. 52. & 55. libro de unit. Eccleſiæ &c. Porro Tertullianus in lib. contra Judæos docet & S. Joannem in Apocalypſi, per Babylonem Romanam intelligere ut Petrus fecit. Verba ſunt. Sic & Babylon apud Joannem noſtrum Romana urbis figuram portat, proinde & magna, & regno ſuperba.

S. Ignatius Martyr in inſcriptione Epistolæ ad Rom. Ignatius, inquit, Eccleſia ſanctificata, qua præſidet in loco regionis Romanorum.

Irenæus pergit loc. cit. lib. 3. c. 3. Indicantes, inquit, eam, quam habet ab Apoſtolis traditionem, & annuntiatam hominibus fidem, per ſucceſſiones Epiſcoporum, per venientem uſque ad nos, confundimus omnes eos, qui quoquo modo, vel per ſui placentiam malam, vel per vanam gloriam, vel per cecitatem, & pravam ſententiam, ſecus quàm oportet, colligunt. Ad hanc enim Eccleſiam propter potentiorē principalitatem, neceſſe eſt omnem convenire Eccleſiam, hoc eſt eos, qui ſunt undique fideles.

Tertullianus de præſcript. cap. 32. Si quæ audent inferere ſe ſtatū Apoſtolice, ut ideo videantur ab Apoſtolis tradita, quia ſub Apoſtolis fuerun; poſſumus dicere: edant origenes Eccleſiarum ſuarum, ſicut Eccleſia Romanorum Clementem à Petro ordinatum edit. Et cap. 36. Habes Romam, unde nobis (Aſiis) quoque autoritatis præſto eſt. Status felix Eccleſia, cui totam doctrinam Apoſtoli, cum ſanguine ſuo proſuderunt. &c. Idem jam Montaniſta hæreticus, ſedis tamen Romanæ primatum agnoſcit. libro de pudicitia, carpens quod Rom. Pontifex mœchos abſolveret. cap. 1. Audio, inquit, eſſe edictum propoſitum & quidem peremptorium.

torium. Pontifex scilicet Max. Episcopus Episcoporum dicit : Ego & Moechia & fornicationis delicta, pœnitentiâ functis dimitto.

Eusebius Cæsariensis lib. 7. hist. Eccl. c. 24 Cum, inquit, Paulus Samosatenus in Concilio Antiocheno de Episcopatu deiectus, ex Episcopi domo, quæ illius Ecclesia propria erat, exire nollet. Imperator Aurelianus rogatus sententiam, sanctissimè quid esset agendum decrevit. Præcepit enim ut domus Ecclesia illis tribueretur, quibus Christiana Ecclesia & urbis Roma Episcopi per literas tribuendam præscriberent.

Cyprianus de unit. Eccl. Ecclesia inquit, Domini, luce per orbem totum radios suos porrigit, unum tamen lumen est, quod ubique diffunditur. pl. 18. nec unitas corporis separatur : ramos suos in universam terram copia ubertatis extendit : profluentes largiter rivus latius expandit. Vnum tamen caput est, & origo una, & una Mater fecunditatis successibus copiosa & c. Idem ib. Vi unitatem manifestaret, unam cathedram constituit, & unitatis eiusdem originem ab uno incipientem sua autoritate disposuit. Et Epist. 55. Post ista adhuc insuper pseudo-episcopo sibi ab hæreticis constituto navigare audent, atque ad Petri cathedram, & ad Ecclesiam principalem, unde unitas sacerdotalis exorta est, à schismaticis & prophanis literas ferre, nec cogitare eos esse Romanos, quorum fides Apostolo prædicante laudata est ( vestra fides annuntiatur in universo orbe. Roman. 1. v. 8. ) ad quos perfidia non possit habere accessum. Et Epist. 85. Nos singulis navigantibus, ne cum scandalo ullo navigarent, rationem credentes ; scimus, nos hortatos esse, ut Ecclesia Catholica radicem & matricem agnoscerent, & tenerent. Et Epist. 67. ad Stephanum Papam. Dirigantur in Provinciam & ad plebem Arelate consistentem à te literæ, quibus absento Martiano ( Episcopo hæretico ) alius in locum substituaturs & c. Servandus est antecessorum nostrorum BB. Martyrum (& Rom. Pontificum ) Cornelii & Lucij honor gloriosus, quorum memoriam cum nos honoremus, multò magis, tu, frater charissime, honorificare, & servare, gravitate & autoritate tua debes ; qui Vicarius & successor eorum factus es.

Athanasius Apolog. 2. contra Arian. Sic habet. Ariani victi à veritate, veniam scriptis literis à Iulio Romano Pontifice poposcerunt. Et Epistola ad Marcum Pont. Domino, inquit, sancto & Apostolici culminis venerando Marco, sanctæ Romane & Apostolicæ sedis, atque universalis Ecclesiæ Papæ, Athanasius, & universi Egyptiorum Episcopi salutem & c. Optamus, ut à vestra S. Sedis Ecclesiæ autoritate, quæ est mater & caput omnium Ecclesiarum, ea  
ad cor.

ad corruptionem & recreationem fidelium orthodoxorum percipere, per presentes legatos, mereamur &c.

Basiliius ad Athanadium Epist. 52. *Visum, inquit, mihi est consentaneum, ut scribatur Episcopo Roma, ut quæ hic geruntur consideret, detque consilium, & quoniam difficile est, ut communi ac Synodico decreto aliqui illuc mittantur, ipse sua auctoritate in ista causa usus, viros eligat.*

Chrysostomus tom. 1. Epist. 1. ad Innocentium Pontif. Rom. *Igitur, ait, Domini maxime venerandi & pii, cum hæc ita se habere didiceris, studium vestrum & magnam diligentiam adhibete, quo retundatur hæc quæ in Ecclesias ( orientales ) irrumpit iniquitas.*

Ambrosius l. 2. de vocat gent. c. 6. *Credimus providentia Dei Rom. regni latitudinem preparatam, ut nationes vocanda ad unitatem corporis Christi, prius jure unius consociarentur impietatis. Quamvis gratia Christiana non contenta sit eosdem limites habere quos Roma, multosque jam populorum sceptro Crucis illa subderit, quos armis suis ista non domuit. Quæ tamen per Apostolici Sacerdotii principatum NB. amplior facta est arce religionis, quam solio potestatis. En quam nostris hæc ipsa temporibus conveniant!*

Longum sit omnium testimoniis insistere, ut Hilarii, Hieronymi, Augustini, Leonis ac præcipue primorum Romæ seculorum Pontificum ut *Anacleti* Epist. 3. *Melthiadis* ad Episcopos Hisp. *Dionysii* Papæ ad Severinum, aliorumque, qui disertissime sibi universalis Ecclesiæ primatum vendicant, quibus tanquam Latinis ( ne in favorem suæ Ecclesiæ adducti videantur ) abstinere libentius, tum quod adducti testes prudenti & quibq. Judici possint sufficere. Quanquam pauca de Veteris Ecclesiæ universalibus Conciliis tangere juverit. Cum Adversarii hunc Primatum illa ignorasse dictitent, quod primæ Synodi ab Imperatoribus conscriptæ in Oriente adversus hæreticos fuerint.

IV. Quatuor Oecumeniorum Conciliorum orthodoxæ Ecclesiæ exemplo suffragioque, Romanæ sedis auctoritas stabilitur.

De Concilio 1. Niceno, contra Arium celebrato, facilius esset probatio. Si omnes ad nos Canones, vel integrè, vel incorruptè devenissent. Certè Julius Papa ejusdem seculi scriptor alter, à Silvestro in Epistola de hujus Concilii Canonibus Can. 1. refert. *Non debent præter sententiam Romani Pontificis, Concilia celebrari*



Item can. 1. *Omnes Episcopi liberè Apostolicam appellent sedem &c. eius dispositioni omnes maiores Ecclesiasticas causas, & Episcoporum iudicia, antiqua Apostolorum eorumq; successorum atq; Canonum auctoritas reservavit. &c.* Et can. 3. de causis Episcoporum, nil definiri inconsulto Rom. Pontifice permissum est. Cum B. Petro Apostolo, non ab alio, quàm ab ipso dictum sis Domino, quacunq; ligaveris &c. Hæc ex transmissis Romam Silvestro Canonibus Concilii Niceni Julius proposuit. Cum illos Arianæ in Oriente dominantes, paucis exceptis, combussissent. Ut Athanas. in Epist. ad Marcum Papam queritur.

Quorum Canonum sententia Concilium Chalcedonense disertius exponit Act. 16. his verbis *Trecentorum, inquit, decem & octo Sanctorum Patrum canon 6. quod Ecclesia Romana semper habuit primatum.* Moxque eundem Canonem recitat.

Idem ex Synodo Alexandrina sub Athanasio collecta scribunt Episcopi Aegyptii &c. Epistola ad Felicem 11. Pontific. *Vestræ Apostolicæ sedis imploramus auxilium, quia, ut credimus, non despexit Deus preces cum lacrymis, sibi oblatas ter-  
vorum suorum; Sed ob id vos predecessoresque vestros, Apostolicos videlicet præsules, in summæ arce constituit, omniumque Ecclesiarum illis curam habere præcipit, ut nobis succurratis, nosque tuentes, quibus omne Episcoporum iudicium est commissum, liberare ab hostibus nostris non negligatis.* Nam scimus, in Nicena magna Synodo 318. Episcoporum ab omnibus, concorditer esse roboratum, non debere absque Romani Pontificis sententia concilia celebrari, nec Episcopos damnari. Licet hæc & alia quamplura necessaria ab hæreticis, qui nos quotidie infestant, sint Synodica Capitula incensa, nobisque sublata &c. Similiter & à prædictis Patribus est definitum consonanter, ut si quisquam Episcoporum aut Metropolitanorum, comprovinciales, vel iudices suspectos habuerit, *vestram S. Romanam interpellet sedem, cui ab ipso Dono potestas ligandi, & solvendi, speciali est privilegio super alios, concessa.*

Confirmatur ex ipsis actis Imperatoris & aliorum in Synodo Nicena. Nam ob delatam Episcopis prærogativam noluit assidere, nisi in humiliori sede, quàm esset Episcoporum, ut colligitur ex Theodoro l. 1. c. 7. hist. & Eusebio l. 3. de vita Constantini. Quin & ipse professus est, se debere ab Episcopis iudicari, neque adesse, ut præpositum, sed illis subiectum, ut scribit Rufinus l. 10. c. 2. Quod vero Præfides fuerint legati Pontificis Episcopus Osius, Vitus, & Vincentius Presbyteri ex ipsa etiam subscri-

subscriptione constar, in qua primus Osius. Idque affirmat Cedrenus in comp. hist. & Photius in lib. de 7. Synodis, qui dicunt *Silvestram* Papam, quo dirigente Concilium est celebratum, per suos legatos auctoritatem Synodo contulisse: Ipse autem Imperator, ut Basilius Imp. in fine 8. Synodi memorat, post omnes Episcopos subscripsit.

Eadem sententia, tam est Romano Concilio paulò ante Constantino præsentè celebrato; quàm Sardicensi, ubi eadem postea disertè confirmantur, manifesta est, ut infra de Concil. §. 6. & 7. videbimus.

Jam verò constat, quòd re ipsa hanc etiam potestatem in Orientis Episcopos Romani Pontifices statim usurparint. nam & Athanasius ad Julium Rom. Pontificem, ipse confugit, & Chrysostomus à Theophilo Episcopo Alexandrino sede sua dejectus, Innocentii judicium opemq; imploravit, obtestans, ut re ex æquitate judicata, Theophili & Episcoporum acta rescinderet. Et sane Julius Pontifex auctoritate suprema S. Athanasium sedi Alexandrinæ, Paulum Episcopum Constantinopolitanæ, Marcellum Ancyra primatem, Galatarum Ecclesiæ, Asclepium Episcopum Gazensi in palæstina, Lucium Adrianopolitanæ restituit, ut Socrates Eccl. hist. lib. 2. c. 5. & 11. lib. 4. c. 30. lib. 5. c. 8. & c. cum Sozomenus lib. 3. c. 7. & 9. lib. 6. c. 22. & alibi, restantur quòd, ut hic inquit, *ad Romanum Antistitem, propter sedis dignitatem, cura omnium spectaret.* Sed, ad veritatem invincibili auctoritate duorum aut trium testium stabilendam, audiamus quid Julius adversus Episcopos Antiochiæ contra Athanasium collectos, cum pars Rom. Sedis expectaret sententiam, perscribat. Sic habet Socrates lib. 2. c. 13. *Episcopis qui Antiochiæ convenerant per literas respondit. Eos contra Ecclesia Canones egisse, quòd illum ad Concilium non vocassent. Quippe cum Canon Ecclesiasticus veret, ne decreta absque Episcopi Rom. sententia Ecclesiis sanciantur &c.* Et Sozom. lib. 3. hist. Eccl. c. 9. Ad illos qui Antiochiæ in unum convenerant scripsit, atque adeò inculcavit, quòd clam contra fidem Concilii Nicensis novas res moliti fuerant, quòdque contra leges Ecclesiæ ipsum ad Concilium non vocarant. Nam *legem esse ad sacerdotii dignitatem spectantem, quæ pronuntiat acta illa irrita esse, quæ præter sententiam Episcopi Rom. constituuntur.*

Ita Ammianus lib. 15. refert Constantium Imperat. (Arianum) ardenter cupivisse, ut sententia adversus Athanasium judicio Liberii Rom. Pont. firmaretur: *propter auto-*

ritatem, qua potiores sunt aeterna urbis Episcopi. Porro Nicephorus l. 9. hist. Eccl. c. 8. ait quod Julius summa autoritate restituenit Orientis Episcopos, Arianis nequicquam obsequium detrectantibus. Ex quibus universis manifestissimum est, & in Nicæna Synodo, & passim in oriente ætate illa Græcam Ecclesiam Romanæ sedis dignitatem supremam in Ecclesiasticis causis agnovisse.

In II. Synodo Generali quæ est Constantinopolitana I. Imperator nō adfuit, sed misit literas Damasi Romani Pontif. quibus ad Concilium vocabantur. Ut patet ex Epistola Concilii ad Damasum, apud Theodoretum lib. 5. c. 9. Pontif. tamen legatos non misit, sed Nectarium Episcopum Constantinopolit. isthic præsidere indulxit, cupiens omnes Romam deinde ad se suumque, quod ex occidentalibus Episcopis coegerat, pertrahere Concilium; sed cum denique graves causæ (quas Orientales exposuere Damaso) id non paterentur, animis tamen sententiisque cum Damaso communicant, & illi ad hunc tanquam caput suum, hic ad ipsos tanquam filios (ut literæ muræ habent) perscripsit. Ostendo idem clarius ex edicto Imp. Gratiani. Valentiniani, & Theodosii ad pop. Urbis Constantinop. ut est apud Sozom. lib. 7. c. 4. & extat in Codice de S. Trinit. & fide Cathol. his verbis. *Cunctos populos, quos clementia nostra regit imperium, in tali volumus religione versari, quam D. Petrum Apostolum tradidisse Romanis, religio usq; adhuc ab ipso insinuata declarat, quamque Pontificem Damasum sequi claret, & Petrum Alexandria Episcopum virum Apostolica sanctitatis.* Suis itaque occidentalem Ecclesiam, ubi S. Petrus vita & principatu defunctus erat, præferunt.

In III. Synodo generali quæ est Ephesina I. Imperator quoque non aderat, ut patet ex Epistola ipsius Theodosii Junioris ad Synodum, quæ habetur c. 32. ejus Concilii, ubi dicit se misisse Candidianum comitem ad Synodum, non ut misceret se quæstionibus, sed ad solam defensionem. Misit autem Pontifex Cælestinus Legatos suos qui præsiderent, ut habet Evang. lib. 1. cap. 4. Photius in lib. de 7. Synodis, Nicephorus lib. 14. cap. 3. Prosper in Chronico. In hoc autem Concilio Philippus, ex legatis Romanis, hæc verba memoria dignissima recitat. *Nulli dubium, imò seculis omnibus notum est, sanctum beatissimumque Petrum Apostolorum principem & caput, fideique columnam, Ecclesia Catholica fundamentum, à D. Iesu Christo Salv. nostro humanique generis redemptore regni claves accepisse,*



cepisse, solvendique ac ligandi potestate, quam acceperat usum fuisse, nec non per successores suos hucusque semper vivere causasque decernere, semperque victurum esse. Hujus itaque ordinarius successor ac vicarius sanctus beatissimusque Papa, & Episcopus Cælestinus, nos suos, pro se quasi vicarios, ad hanc sanctam synodum misit. Quin & ipsa Synodus ad Pontificem tanquam caput suum dedit literas. In quibus hæc leguntur in ceteris *Quia, verò necessitas exigebat, ut omnia quæ in hac Synodo acciderunt, sanctitati tuæ declararentur &c.* ut omnia quæ hic gesta sunt cognoscas, integros actorum commentarios misimus & Synodi subscriptiones. Et ex eodem Concilio Cyrillus Alexand. his verbis ad eundem Cælest. scribit, *Digneris quid sentias declarare: quò liquido nobis constet, communicare ne nos cum Nestorio oporteat, an verò liberè eidem denuntiare, neminem cum eo communicare, qui ejusmodi erroneam doctrinam fovet ac predicat. Porro tua integritatis mens, ac super hac re sententia, non modo piissimis Deo devotissimis Macedonia Episcopis, sed totius quoque orientis Antistitibus perspicue per literas exponi debet.*

In IV. Synodo generali quæ est Chalcedonenfis, Martianus quidem Imper. præsedet, sed eo modo quem ipse indicat Art. 6. ejusdem Concilii. Nos ad fidem roborandam, non ad potentiam aliquam ostendendam, sive exercendam, exemplo religiosissimi Principis Constantini Synodo interesse volumus. A Leone autem Pontifice Rom. hoc Concilium coactum esse pater, ex insertis literis Martiani Imper. ad Leonem, in quibus petit, ut omnia quæ ad Concilium pertinent sua autoritate definiat. Imperator itaque aderat, ut & Act. I. patet, non ut Juxta, sed ut securitatem præstaret; cum non multò ante in Concilio Ephesino II. introducti à Dioscoro Episcopo milites ad subscribendum Episcopis vim intentassent. Quare Legati Leonis Papæ inter Episcopos primi sedent, nominantur in omnibus actionibus, & loquuntur primi, subscribunt primi, sententiamque definitivam contra Dioscorum proferunt nomine Papæ & totius Concilii. Actione I.

Hæc leguntur. Paschasius Vicarius sedis Apostolicæ dixit, *Beatissimi atque Apostolici viri Papa Urbis Roma, quæ est caput omnium Ecclesiarum præcepta habemus præ manibus, quibus præcipere dignatus est ejus Apostolatus: ut Dioscorus Alexandrinorum Episcopus, non ledeat in Concilio, sed audiendus intromittatur. Hæc nos observare necesse est &c.* Lucentius collega ipsius dixit: *Judicii tui necesse est cum dare rationem, quia cum personam judicandi non haberet, præsumpsit, & Synodum est ausus facere,*  
sino

*sine auctoritate sedis Apostolica, quod nunquam licuit, NB. nunquam factum est. In Act. 3. Rom. Pontif. legari primo subscribunt. In Act. 16. relatio gestorum ad Leonem Pontif. continetur. In can. 28. Constantinopolitana sedes iterum altera post Romanam declaratur. Quamquam Romani hoc ipsi non indulserint.*

Jam ego postremum interrogo Protestantes, qui hanc 4. Synedorum auctoritatem sibi sacram esse sanctamque jurant, an brevis hæc demonstratiuncula non sufficiat ad vanitatem eorum convincendam, qui monarchicum Romanæ sedis regimen nullum in Ecclesia orthodoxa agnoscunt. Aut hisce Conciliis toriq; Veteri Ecclesiæ, aut errori concepto obnuntiandum est. *Sed de his Conciliis in fine plura.* Postremo concludam duorum adhuc Græcorum Patrum testimoniis, eandem veritatem ex S. Scriptura adstruentibus, ne tantum historica fide hic videatur obniti.

### Patres ex S. Scriptura suffragantur;

**M**Aximianus Constantinopol. Episcopus, qui primatum in Oriente sibi vendicabat, Romanam tamen sedem superiorem veterur. Sic in Epistola ad Orientales scribit. *Omnes fines terra, qua Dominum sincere receperunt, & ubique terrarum Catholici veram fidem consistentes, in potestatem Rom. Pontificum, tanquam in solem respiciunt, & ex ipsa lumen Catholica & Apostolica fidei recipiunt. Nec immerito, quia Petrus legitur primò perfectam fidem esse confessus, Domino revelante, cum dixit: Tu es Christus filius Dei vivi &c. Cui Dominus ipse sua secreta dignatus est aperire: Beatus es, inquit, Simon Bariona &c. Hunc enim de ceteris mortalibus ex toto terrarum orbe conditor orbis elegit, cui cathedram magisterii principaliter possidendam tenere perpetuo privilegii jure concessit.*

Theodoretus Epistola ad Leonem Pont. Si Paulus, ait, predicator veritatis & Spiritus S. buccina ad Petrum accurrit, ut iis qui Antiochiæ de vivendo secundum legem Moysi disceptabant, questionem expeditam & solutam ferret, Act. 15. multò magis nos qui pusilli sumus ad solium Apostolicum accurremus, ut à vobis medicinam ulceribus nostris feramus, siquidem vobis convenit in omnibus rebus NB. primas tenere. Vestra enim sedes multis prerogativis ornata est &c. Fides verò præcipue eam ornat. Testis est Paulus, qui clarissima voce ait: Fides vestra annuntiatur in universo mundo Rom. 1. Ego verò suffragator sedis Apostolica exspecto,

& sup.

Supplex oro atque obsecro Sanctitatem vestram, ut ea me, tribunal vestrum, iustum ac rectum appellantiem, defendat.

Obsignet eadem Augustinus ex S. literis in Plal. 44. sub finem. Genuerunt te Apostoli, ipsi missi sunt, ipsi pradicaverunt, ipsi Patres &c. Ergo illorum abscessu deserta est Ecclesia? Absit. Pro Patribus tuis nati sunt tibi filii Psal. 44. Quid est pro Patribus nati sunt tibi filii? Patres missi sunt Apostoli pro Apostolis, filii nati sunt tibi, constituti sunt Episcopi &c. Non igitur putes te desertam (o Ecclesia) quia non vides Petrum, quia non vides Paulum, quia non vides illos, per quos nata es. De prole tua tibi crevit Paternitas, pro Patribus tuis nati sunt tibi filii, constitues eos Principes super omnem terram. Hac est Catholica Ecclesia. Filii ejus constituti sunt pro Patribus, veniant ad unitatem, adducantur in templum Regis. Amen.

§. IV. Ipsi Protestantes antiquam supremamque Romanæ Ecclesiæ dignitatem, reluctante licet calamo profitentur.

**M**agdeburgenses Centuriatores quamvis omnem adversus Rom. primum lapidem moveant, & certissima etiam quæq; per futes conjecturas in dubium conentur abstrahere, tamen ne antiquitatem, historiamq; omnem convellant, fateri intã diversis articulis. Patrum sensum coguntur, ut hic admissus, apud æquos æstimatores veritatis, omnẽ dubitandi ansam adimat. Petrum Romæ fuisse dicunt en. 1. l. 2. c. 10. quod Irenæus l. 2. c. 1. & 3. clarè affirmet, Eusebius quoq; ex Dionysio Corinthi aliis l. 2. c. 25. adstruat. Origenes verò Tom. 3. in Gen. & Egesippus l. 3. c. 2. de excid. Judaico etiam de passione ejusq; causa & modo exponunt, ad stipulante D. Ambrosio l. 5. Epist.

Idem de Ecclesiæ Romanæ primatu Cent. 2. c. 4. licet adversus veritatem supra à nobis exhibitam negent, Romanam scdem Ecclesiis orientalibus prælatam, tamen fatentur, quod Ignatius in Epist. ad Rom. illam vocem eminentia dignam, & Irenæus l. 3. c. 3. asserat, ad hanc Ecclesiam propter potentiorẽ principalem, necesse esse omnem convenire Ecclesiam. Quod verò & hanc præminentiam potestatis usurpaverit, c. 6. §. de festis Christi. memocant Centuriatores. In Romana, ajunt, Ecclesia Pascha, quemadmodum Irenæus testatur, die dominico post 14. Lunam (quam Judæi observabant) celebrarunt, idque

Finis

*Pium Pontificem instituisse, ex Hermetis visione quidam prodiderunt; sed cum fortassis decretum illud ab omnibus Ecclesiis pariter non servaretur; Victor securus, non sine magnis moribus & dissidiis idem repetiit: & Asiaticas Ecclesias, sicut prolixè Eusebius recitat, nolentes eam consuetudinem suscipere, simul omnes excommunicavit: En confessam ab illis Rom. sed eminentia usurpationem.* Cap. 7. §. de primatu sic habent. *Anacletus, quæ ei interibuntur, in generali Ecclesiarum regimine, ita Ecclesias inter se conjungit, ut Ecclesiæ Rom. primatum & eminentiam potestatis super omnes Ecclesias, ac totum Christiani populi gregem, autoritate Christi dicentis ad Petrum. Tu es Petrus & super hanc Petram &c. vendicet, secundam vero Alexandrinam facit propter Matcum discipulum Petri. Terriam autem Antiochiam ponit propterea, quod ibi Petrus, antequam Romam veniret, habitavit. Deinde gradus Episcoporum hoc modo facit. Romanus Episcopus pro summo Ecclesiæ capite primo loco collocatur, quem ab aliis etiam errantem non vult judicari sed tolerari ( Si inquit, à fide exorbitaverit, erit à fidelibus corrigendus, sed pro re probis moribus magis est tolerandus Ep. 3. Secundum locum Patriarchæ, seu Primates sortiuntur, tertium Metropolitanæ, quatuor Archiepiscopi, & deinceps Episcopi &c. Quæ licet suspecta Centuriatoribus sint ( ut sunt omnia quæ Rom. favent Pontifici) tamen frivola hæc est, & sine justa causa suspicio. Ut Arhanasius Alexandrinæ sedis Episcopus, cum sedi Romanæ se submittit, Constantinopolitanus Patriarcha cum proximum à Rom. sede locum prestat, tum Leo in Epist. 84. ad Anastasium, Gregor. I. 6. Ep. 37. ad Eulog. Alexand. aliaque, quæ infra de Conciliis videbimus argumenta, abunde testantur.*

*Cent. 3. cap. 4. §. de Ecclef. Tertullianus, lib. de pudicit, non sine errore sentite videtur, claves soli Petro commissas, & Ecclesiam super ipsum extructam esse. Et Cyprianus idem passim docet lib. 1. Ep. 3. & 8. lib. 4. Ep. 9. Et Tract. 2. de habitu Virg. & Epist. ad Quirinum. Ita & Cyprianus lib. 3. Ep. 11. Maximus Urbanus & Salonus sentiunt, unum Episcopum in Cathol. Eccl. esse debere. Et alibi lib. 4. Ep. 8. Romanam Ecclesiam ab omnibus aliis pro matrice habendam, & lib. 1. Epist. 3. ac Tract. de simpl. præl. Ecclesiam principalem vocat Petri cathedram. Sic lib. 1. Ep. 6. pastortum ad ordinariam successionem alligat Et lib. 4. Ep. 9. negat, Episcopos & Propositos Ecclesiæ iudicandos. Origeni porro hanc doctrinam tribuunt, quod dicat Tract. 5. in Mat. Petrus per promissionem*  
*meruit*

meruit fieri Ecclesia fundamentum. & quod appellet hom 17. in Luc. Petrum Apostolorum Principem.

Ex tertio seculo unum tantum ex Magdeburg Cent. 4. cap. 7. de primatu apponam. Optatus Milevitanus ajunt, dicit lib 2. Petro in urbe Roma primo cathedram Episcopalem esse collatum, in qua sederit omnium Apostolorum caput. Vnde & Cephas appellatus sit, in quo uno cathedra unitas ab omnibus servaretur, nec ceteri Apostoli singulas sibi quisque defenderent: ut jam schismaticus, & peccator esset. qui contra singularem Cathedram, alteram collocaret. Et postea enumerat successores Petri usque ad Syricium.

Hæc illi, sed quod subjiciunt, hæc ab illo, non de superiori potestate, sed legitima ordinatione dicta, deliramenta sunt, & responsiones glacie frigidiores, quibus nequicquam ceterorum quoque Patrum dictis ridiculi interpretes illudere conantur.

Mirum est, quàm infelices illi scriptores, ex concepto erga Rom. sedem odio, huic veritati turpissimis subterfugiis adversentur, quando per Centurias singulas peculiari sub finem capite, contra Primatum hunc desceptant. Nam, ut multa dissimulant, ita cum tangunt compettissima quæque, desperata plerumque responsione, causæ magis produnt imbecillitatem, quos Franciscus Turrianus noster pro vendicandis decretis Epistolique Rom. Pontificum, singulari opete falsitatis ignorantiaque frequentis convicit. Pauca tantum, quæ primum ab Apostolis seculum spectant, quando post Clementem (cujus scripta quædam corrupta, vel certè de fide suspecta sunt) Anacletus, Evaristus, Alexander, Sixt<sup>9</sup>, Telesphorus, Hyginus, Pius Anicetus, Soter, Victor scripserunt, ex Cent. 2. cap. 7. exponemus.

Objiciunt primò simplex impoliturumque scribendi genus, hoc seculo, cum Romana & græca floreret lingua, quo pateat, quod hæc ab illis scripta profecta non sint. At ego ab hac simplicitate, quæ, more Apostolico, nec non verba ponderat, maximè cesso istis hæc scriptoribus tribuenda: quæ si Plinianum quendam cultum præ se ferrent, magis forent suspecta Magna inter forum & chorum jam olim differentia. Unde ipsi Centuriatores sui hic immemores sunt, quando Dionysium Arcopagitam Cent. 1. lib 2. c. 10. Ob minus simplicem stylum rejiciunt his verbis: *Vnum enim verò*, ut dubium minimè ac fallax judicium, de libris apocryphis Ecclesia perpetuè pronuntiavit. Quod stylus eorum, & dicendi forma ab elocutione Apostolica procul absit. Ita ambidextri illi censores norunt illa quæ ad

gustum non sunt, explodere omnia. Deinde arguunt quædam malè hærentia, ex scripturis ineptè citata, perplexa & pugnantia; quin & formulas loquendi diversorum Pontif. similes; ut ab uno potius nata, quàm diversis videantur. Quas objectiones dum compono, mutuò se destruere animadverto.

Nam, ut ex similitudine formularum ejusdem autoris esse arguunt, ita ex rebus malè hærentibus pugnantibusque ego colligam esse diversorum Sed illa formularum pat ratio, hodièdum in Ecclesia, quin & in politicis usitata, puerile argumentum est, quod uni hæc scripta autori tribuenda sint. Quod in Clementis Epistolis quædam malè cohæreant, & suspecta sint, neque nos inficiamur, ideoque & ipsius autoritate non nisi circumspèctè utimur. Anacletus cum in 1. Epist. cepham exponit petram, & in 3. Epist. caput, non *insulsissimè*, sed appositè loquitur, cum idem Petrus & fundamentum, & caput Ecclesiæ jure dicatur, scita quoque ad græcum *κεφαλή* allusione. Si Scripturæ S. citationes ex vulgata versione sumptæ, ab Hieronymiana emendatione aliquando dissentiant, parum ad hanc causam momenti addit. Tertiò à veritate historica, temporibus, & fidei analogia tradi prorsus aliena dicuntur, cumque ad hujus rei probationem in plurimis hodiernam Rom. Ecclesiæ doctrinam producant, semetipsos evertunt, nostramque causam validissimè confirmant, non tangam omnia, sed quæ præsentis maximè controversiæ sunt.

De primatu, inquit Rom. Ecclesia Anacletus Epist. 3. ait, "*non ab Apostolis, sed ab ipso Domino Salvatore primatum obtinuisse. & eminentiam potestatis super universas Ecclesias ac totum Christiani populi gregem assecutam esse, & Apostolos jussione Salvatoris statuisse, in majoribus questionibus ad Rom. sedem appellandam esse* Epist. 1. 2. 3. Idem postea alii repetunt & stabiliunt, "*ut Evaristus 1. Alexand. 1. Pius 1. & 2. Anicetus & Victor. Rationes autem frigidissimæ proferuntur, quas adscribimus, ut ineptiæ conspiciantur I. Quia Petro dixit Christus: Tu es Petrus & super hanc petram, id est Rom. sedem, ædificabo Ecclesiam meam. II. Quia Petrus & Paulus mortui sunt Romæ. III. Quia Paulus Rom. 1. ait, se sine intermissione memoriam Rom. Ecclesiæ in orationibus suis facere (adde, quorum fides prædicetur in universo orbe) IV. Quia Petro à Domino est concessum, & ipsi Apostoli voluerunt, ut reliquis omnibus præesset Apostolis, & Cephas (seu petra, & fundamentum, ut Anaclet. Epist. 1.) id est, caput & principium teneret Apostolatus.*

tus. V. Quia Apostoli statuerunt inter se, ut Episcopi singula-  
rum gentium scirent, quia inter eos primus esset. VI. Quia in  
Ver. Testamento Moyses & Aaron primi erant. Ergo si ortæ  
fuerint difficilioreſ causæ, ad sanctæ sedis apicē, quasi ad ca-  
put refertur, ut Apostolico terminetur iudicio. *Victor* 1. Epist.  
sic ratiocinatur, Petro dictum est: *quidquid ligaveris, &c.* Er-  
go appellandum est ad sedem Romanam. *Audi nunc Conclu-  
sionem Centuriarum.* Hæc autem fundamenta & insignia  
Mysterii iniquitatis esse à Paulo 1. Tim. 4. 2. Tim. 3. & c. præ-  
dictum est. Ita Magdeburgenses *Dolebimusne, an ridebimus ho-  
minum istorum insaniam*, qui egregiè se primæ Ecclesiæ scrip-  
tores confutare existimant, quando hodiernâ Ecclesiæ Rom.  
doctrinam, jam tumprehendisse se in iis ostendunt?

Ita porro in aliis fidei articulis progrediuntur. Et ab *Ana-  
cleto*, ajunt, Ep. 1. doctrina de pœnitentia vitiatur, immisce-  
tur enim propria satisfactio. *Alexander* Ep. 1. peccata sacri-  
ficiis deleri docet. Item Sacerdotes precibus & oblationibus  
delere & contumere peccata Ep. 2. affirmat, quæ blasphema  
& contumeliosa sunt, &c. Ita nimirum censent Magdebur-  
gici, quod satis sit in his paucis auscultasse. Porro quod nec  
*Eusebius*, nec *Hieronymus* scriptarum Epistolarum, præter-  
quam *Clementis* & *Victoris* meminerint, argumentum est, ex  
sola negatione nihil præter conjecturam adferens. Si nulli  
scriptori nisi ab aliis scriptoribus laudato fides habenda esset,  
multi libri jacerent. *Damasus*, (aut verius, *Anastasius*) siquid  
eadem præteritione, in catalogo eorum Pontificum deliquit,  
intelligendus est, non dedisse nisi catalogum, quo successionis  
in sede Rom. institutum probaret.

Audiamus & *Baleum* lib. 2. de Actis Rom. Pontif. in Grego-  
rio Magno sic loquentem. In prima ait classe, scilicet usque  
ad annum 320. Romani Pontifices, sub Episcoporum nomi-  
ne, per incorruptum verbi ministerium, & fidei constantiam  
stellæ in Christi dextra manentes fuerunt.

Ita *Hieron. Zanchius* in præfat. lib. de natura Dei. Quanta,  
inquit, fuerit lux Ecclesiæ Romanæ jam inde ab Apostolis  
quorum opera ædificata fuit, usque ad tempora Gregorii pri-  
mi nemo est, qui nesciat.

*Casaubonus* Exerc. 15. §. 15. pag. 312. Nemo, ait, petitus ze-  
rum Ecclesiæ ignorat operâ Rom. Pontificum, per multa  
secula Deum esse usum, in conservanda facta tecta recta fidei  
doctrina.

*Calvinus* quoque in Epist. ad Sadoletum Cardinalem, omnes, ait, suos conatus eo tempore, ut restituat illam Ecclesiæ faciē, quæ fuit apud Græcos tempore Chrysostomi & Basilii, & apud Latinos tempore Cypriani, Ambrosii, Augustini, ita ut scripta eorum testantur. *Agedum hoc fiat, & erit concordia.* Imò in dubio, fueritne eo tempore monarchicum, an presbyteriale Ecclesiæ regimen, pro illo, ut digniore erit concludendum. Si tamen vel unius Carthaginiensis Ecclesiæ, & Augustini sententiæ (ut reliquos præteream) acquiescere decretum sit, nullum hac in re dubium relinquitur. *Erat*, inquit, Epist. 152. ad Gloriam, &c. *fama celeberrima nobilis* (Carthago) *unde non mediocris utique, authoritas habebat* Episcopum, qui posset non curare conspirantem multitudinem inimicorum, cum se videret, & Romana Ecclesia, in qua semper NB. Apostolica Cathedra viguit principatus, & ceteris terris, unde Evangelium ad ipsam Africam venit, esse conjunctum, ubi paratus esset causam dicere, si adversarii ejus ab eo Ecclesiæ alienare conarentur. Quamdiu eundem Protestantes in Ecclesia principatum reveriti non fuerint, pax religionis constare non poterit. Rectè paucis D. Hieronymus adversus Lucifer, c. 5. ait. *Ecclesia salus in summi Sacerdotis dignitate pendet, cui si non exors quadam & ab hominibus eminens deus potestas, tot in Ecclesiis efficiuntur Schismata, quot sacerdotes.*

### A R T I C U S XXXI.

**C**Redimus *a* nullas esse suapte autoritate invadere Ecclesiæ gubernacula, sed legitima electione, quoad ejus fieri potest, & quamdiu Dominus ejus rei potestatem facit, præeunte, adscilci unumquemque oportere. Addimus autem nominatim illam exceptionem, quoniam interdum, ut nostris etiam temporibus, interrupto Ecclesiæ statu, necesse fuit, nonnullos extra ordinem divinitus excitari, qui Ecclesia collapsa ruinas instaurarent. Utcunque sit tamen, credimus semper sequendam esse hanc normam, *b* ut omnes Pastores, Seniores, & Diaconi suæ vocationis testimonium habeant.

*a* Matth. 18. v. 10. 18. Mar. 16. v. 15. Joh. 15. v. 16. Act. 1. v. 21. Rom. 10. v. 15. Tit. 1. v. 5. *b* Gal. 1. v. 15. & 1. Tim. 3. v. 7. &c.

### A R T I C U L U S XXXII.

**C**Redimus *c* expedire, ut qui electi sunt Ecclesiæ alicujus præfecti, inter se dispiciant, qua ratione totum corpus commo-

*c* Act. 6. v. 3. & 14. v. 22. & 15. v. 28.



commodè regi possit. Ita tamen, *d* ut ab eo quod Dominus noster Jesus Christus instituit nusquam deflectant, hoc autem non impedit, quo minus quædam singulis locis peculiariter sint instituta, prout commodum visum fuerit.

*d* 1. Cor. 14. v. 40. & 1. Pet. 5. v. 2. &c.

### Observatio.

**I**N his articulis nihil non orthodoxum proponitur, si excipias, quod in primo articulo de collapsæ nostris temporibus Ecclesiæ ruinis, per homines extra ordinem vocatos instaurandæ proponitur. Quod Christi promissis, de suæ Ecclesiæ nunquam collapsuræ æternitate, adversatur, ut jam supra probatum vidimus.

### A R T I C U L U S XXXIII.

**E**Xcludimus *e* aurem humana omnia commenta, & *leges* omnes, quæ cultus Dei prætextu, adstringendis conscientiis, *in-*vehuntur: & eas tantum admittimus, quæ fovendæ concordiæ, & unicuique in obedientia debita retinendo subserviunt. *f* Quæ in re sequendum nobis putamus, quod Dominus noster Jesus Christus de excommunicatione statuit, quam quidem approbamus, & una cum suis appendicibus necessariam esse arbitramur.

*e* Rom. 16. v. 17. *f* Matth. 18. v. 17.

### §. I. Reformatio ex S. literis.

**C**Redimus omnino cavendum, ne quis nos decipiat, per Philosophiam & inanem fallaciam, secundum traditionem hominum. *g* & observandos eos, qui dissensiones & offendicula faciunt præter doctrinam, quam dicimus. *h* ne transgrediamur mandatum Dei propter traditionem nostram. *i* Attamen, tenenda esse, quæ Apostoli tradiderunt, si ve per sermonem, si ve per Epistolam. *k* & custodienda esse præcepta Seniorum. *m* Posuit enim Deus Apostolos Pastores & Doctores ad ædificationem corporis ejus, quod est Ecclesiæ n. & qui hos audit Deum audit, qui spernit Deum spernit. *o* Necessitate itaque his

P 3

subditi

*g* Colos. 2. v. 8. *h* Rom. 16. v. 17. *i* Matt. 15. v. 3. *l* 2. Thess. 2. *m* Act. 15. v. 41. & 16. v. 4. *n* Eph. 4. *o* Luc. 10.

*subditi sumus, non solum propter iram, sed etiam propter conscientiam. p* Ita ut si quis Ecclesiam audierit, sit sicut Ethnicus & publicanus. q

p Rom 13. q Matth. 18.

## §. II. Observatio.

**H**Æc jam art 30. in illius Reformatione, & observatione satis erant declarata. ostensumque illa de legibus seu mandatis hominum repudiandis, non posse nisi de his quæ Dei verbo adversantur, intelligi, quod alioquin præter Deuteronomium, nihil ex scripturis S. nullumque dogma, aut mandatum, siue Moÿsis, siue Christi Judæi debuissent admittere: quin addo, quod nec Christiani quicquam præter Apocalypsin Joannis acceptare tenerentur, cum adhæc Moÿsis & Johannes nihil aliud *velint addi*. Deut 8. & 12. Apoc. 22. Uti igitur dicendum, quod hi nihil repugnans præceptis, aut doctrinis suis adjici voluerint, ita & de ceteris scripturis S. est sentiendum: cum eodem sensu dicat Paulus *anathema illis, qui aliud, quàm ipsi evangelizent*. Gal 1. v. 8 non damnatis scriptis, aut sermonibus ceterorum, qui non essent Apostoli. Qua veritate utrimque, ut par est, recepta. jam superesse nobis, neque ratio, neque excusatio ulla potest, Ecclesiæ ejusque Pastorum jussa detrectandi, præcepta, traditiones, ritusque decretos respuendi, quod S. literis non adversentur. Cum his solum pugnantia vetemur admittere, & Pharisei culpentur, quod *irritum fecerint mandatum Dei, propter traditionem suam* Matth. 18. non propter traditionem Ecclesiæ à cujus sese legibus separabant. Idem ergo Christus, qui mandata hominum prohibet, Ecclesiæ à spiritu veritatis directæ non minus, quam à se profecta jubet observari, ut dubitari nequeat, ex conscientia omnes ad illorum observationem teneri. Et siquidem anceps fuerit: hominumne, an Ecclesiæ legem audias? conforme, an repugnans sit legi divinæ, quod præcipitur? hujus litis decisio à judicio procerum Ecclesiæ potius, quàm privatis ejusdem personis, à capite, non à genibus erit expectanda. quæ principio hujus Tract. de Traditionibus, & autoritate Ecclesiæ, in rebus controversis abundè probata sunt, testimoniisq; veteris Ecclesiæ stabilita. Nunc, ut omnes intelligant plerasque hodieum usitatas orthodoxæ Ecclesiæ apud Romanos leges ceremoniales perpetua ad nos traditione ab Apostolicis etiam

tem.

temporibus propagatas, de hac re Protestantes ipsosmet testes paucis audiemus.

### §. III. De ritibus veteris Apostolicæ Ecclesiæ Protestantium sententia expenditur.

**C**irca ritus ceremoniasque Ecclesiasticas duo quædam observanda sunt, ne secus quam par est de eorum origine judicemus, ob paucitatem scriptorum primi seculi, neminem prudenter judicare posse: iccirco in Ecclesia ritum aliquem usurpatum non fuisse, quia ab illis literis consignatus non fuit. Nam, ut de ceteris Apostolis taceam, quæ Paulus ordinavit Corinthiis, ut omnia *decenter & honestè fierent*. 1. Cor. 11. & 14. nemo primorum Patrum, ex professio, omnia se hæresis complexum esse, testatus est. 2. Cum aliquid per certos Pontifices constitutum esse in Ecclesia legimus; ut, quod Silvester Pontifex Chrisma in Baptismate adhibendum, Stephanus non rebaptizandos hæreticos, alii alia statuerint; non propterea censendum est, ante hæc decreta ritum illum moremque in Ecclesia non viguisse; sed fuisse tum repertos, qui per imperitiã, vel incuriam negligerent, aut etiam sese eidem objicerent. Uti superiori ætate nostra quædam in Tridentino Concilio legimus, tum primum constituta: non quod illorum usus in Ecclesia antè receptus non esset; sed quia vel à quibusdam neglectus, vel etiam tum primum est oppugnatus. His observatis, patet illorum argumentorum vanitas, quibus Adversarii novitatem in Ecclesiam à Romanis sæpè hinc introductã arguunt; quod vel primi seculi scriptores eorum non meminerint ritum, usumque: vel Consilia & Pontifices suis hos decretis in vlexerint.

His præmissis, & aliud quoddam non levis momenti de rebus Ecclesiasticis, quoad ritus præcipuè notandum est. Quod Christus & Apostoli quandam Ecclesiæ potestatem reliquerint, pro rerum temporumque indigentia, de his, quæ *honestè decenterque* fierent constituendi, dummodo ipsa sacramentorum rerum substantia intacta relinquatur. Ita & Centuriatores Cent. 1. lib. 2. c. 4. de cerem. fatentur, causæ, ajunt, Eccl. rituum sunt. 1. Generale Dei mandatum, ut decenter & ordine fiant omnia 1. Cor. 14. 2. quia Apostoli ritus quosdam ad ædificationem utiles ordinarunt 1. Cor. 11. 1. Tim. 2. & 1. Thess. 2. 3. quia Ecclesia habet jus in specie rituum circumstantias, quæ ne jure præceptæ, neque prohibita à Deo sunt, instituendi. 4. quia Doctores ministri Ecclesiæ, mandante & probante Ecclesia, ritus ad ædificationem ne-

cellarios possunt, cum opus est, instituere. 1. Theff. 14. 12. Col. 1. v. 16. Hæc illi. Et rectè. Sine hac enim potestate Ecclesiam regere *Episcopi*, in tanta temporum morumque diversitate, vix poruissent. Quàm diversa olim Ecclesiæ in ista paucitate facies, quando plerique Christianorum eo adducti sunt, ut omnia omnibus essent communia : quæ sparsis deinde orbe toto Christianis, nisi inter paucos, ad hanc perfectionem conjuratos, observari non potuere. Ira, dum intergentes Judæosque Christiani olim viverent, ne idolothyris cum scandalo pusillorum velcerentur, jubentur in concilio Hierosolymitano *abstinere à sanguine & sufficato*. Act. 15. qua lege, sublato offensionis periculo, ab Ecclesia rursus exempti sunt. Utar denique Centuriatorum exemplo, qui sic habent *Cent. 1. l. 2. c. 6. §. de cœna*.

Corinthios non jejunos, sed post alios cibos cœnam Dominicam sumpsisse (uti & Apostoli in ultima cœna fecerant.) Neq; id improbare Paulum 1. Cor. 11. *Siquis esurit, domi edat, ne ad condemnationem veniat*. Hæc illi Quæ cum ipsi Adversarii nobiscum suis in Ecclesiis hodieum non observent, licet S. literis comprehensa sint; sed contrariam his, vel legibus, vel ritibus consuetudinem sequantur: Qua fronte audent damnare alia ad *honestum docent* m. q. cultum, aut usum Sacramentorum in Ecclesia Romana instituta, quibus nec apex quidem in S. scriptura adversatur? Ubi ista licuere: an hæc non liceant?

Centuriatores ib. §. *de ritu Orat.* Nocturnarum, ajunt, precum exempla sunt Act. 12. 16. Meminerunt etiam horarum. Nam Ioannes & Petrus ascenderunt in templum ad *horam precationis nonam* Act. 3. Sic Cornel ad nonam, & Petrus ad 6. oravit Act. 10. *Vbi illa hodie apud Protestantes hora?* In Cent. 2. c. 4. *de rebus Adiaphoris* fatentur Ignatium ad Philadel. sic scribere. *Dico Episcopis & Presbyteris in Domino: quicumque cum Iudeis Pascha egerit, omparticipabit ei qui Dominum & Apostolos occiderunt. Item nolite dies festos inhonorare, quadragesimam pro nihilo habere, &c. quarta & sexta feria jejünare.* Ex Ignatio. Sed debeant ex æquali ejus Dionysio (quem S. Greg. Mag. hom. 34. in Evang. aliiq. commendant) adducere quoque, ille de ritibus Veteris Ecclesiæ in hierarchia sua memorat. ut in cap. 1. de ceremoniis baptismi, in 3. de ritibus missæ & Synaxis, in 4. de consecratione Chrismatis, in 5. de S. ordinibus, in 6. de sepultura, &c. Verum, ut disertissimas passim veterum sententias prætereunt, ita

Diony;

Dionysium nimis apertè sibi contradicentem, averfantur. Sed de Baptismo eundem paulò post audiemus. Nunc quæ ex Clemente Romano adferant audiamus. Confirmationis ajunt, meminit Epist. 4. *Cum regeneratus, ait. per aquam fueris, & postmodum, septiformis Spiritus gratia ab Episcopo confirmatus, quia aliter perfectus esse Christianus nequaquam poteris.*

Hyginus verò, qui eodem tempore vixit, quò Justinus, illa scripsit, & statuit: *quod in baptismo & confirmatione, unus & idè, si necessitas urgeat, fieri possit parrinus: licet Romana consuetudo habeat, ut per singulos (hocce actus) singuli suscipiant, &c.* Quæ si vera sunt, quid certius est, (audis conclusionem Magdeburgensium) quàm jam tum mysteriù iniquitatis in Romana Ecclesiâ gisse?

Ib. §. *De ritu circa cœnam*, ajunt. Quod in Epistolis Ignatii, ut hodie Latine extant, utrumque legitur: *sacrificium immolare, & missas facere*, partim est suspectum, partim non rectè è Græco versum. (ita censores illi judicant, non probant) Et infra Epistolæ, quæ falsò Rom. Episcopis adscribuntur, plures ritus recensent. Qui his nugis delectatur, audiat Anacletum Epist. 1. in tom. 1. Concil. *Episcopus sacrificans testes secum habeat, & plures quàm alius Sacerdos. In solennioribus quippe diebus, aut septem, aut quinq;, aut tres Diaconos, & subdiaconos, &c.* Sic enim Apostoli statuerunt, & §. Romana tenet Ecclesiâ. Credat Alexand. precationibus Sacerdotum, quando Missæ celebrantur, admiscuisse passionem Domini, ut est in 1. Epist. Decret. Alexandri. Audiat & Pium Pontif. Justino coartaneum constituisse, *ut gutta, qua in terram foris cecidisset, lingua relam beretur: tabula verò in quâ cecidisset, raderetur.* Approbet Soteris constitutionem, quâ sanxit, ut nullus post cibum potumve, siue quodlibet minimum sumptum, missas faceret, nullusq;, absq; patentis molestia obventu, minister vel Sacerdos imperfecta officia relinqueret, &c. Credat Sixtum constituisse, ut Sacerdote Missæ actione (seu canonem) incipiente populum hymnù decantaret: *Sanctus, sanctus, sanctus Deus Zebaoih.*

Concludunt. Ex his igitur, si vera sunt, (& quid ni sint?) vides, bone Lector, iniquitatis mysterium, ad simplicem Eucharistiæ ritum & statum, multas ceremonias cumulasse.

§. *De publicis congr.* cumulasse tradunt dominicum diem observatum festivo cultu fuisse, ex Justino: Antelucanis etiam horis convenire solitos ad psalmodiam, ex Plinio ad Trajan. Imp. Et §. *de ritu orandi.* Historia, inquiunt, de legione Christiana in expeditione M. Antonini, quæ exercitui in ardentissima siti, pluviam precibus à Deo impetravit (teste Tertulliano) indicat orantes ge-

nibus incurvatis provolvissē se in terram. Eumque orandi, seu statum, seu ritum communissimum fuisse omnibus seculis apparet. Clemens etiam significat *lib. ult. Stromatum: Orantes solitos se abicere in terram*. Simul, inquit, caput & manus in cœlum extendimus.

§. De Ordinatione hæc habent. Certo ordine & ritibus præfici, solitos Ecclesiæ Doctores & Gubernatores, vel historia de Johanne Apostolo testatur, quem narrat l. 3. c. 23. Eusebius reversum ab exilio rogatum esse à fratribus, ut vicinas perlustraret, provincias, ibiq; Ecclesias constitueret, constatas verò Episcopis & ministris instruet. De ordinationibus porro Romæ, Pontificum in libris Decret. ac præcipue Epistolis ipsorum multa narrantur: aded, ut semper in Decembri dicatur, de certi numeri Ordinationibus in eo celebratis, & non in alio mense, ac mentio sit graduum & dignitatum, quas in aliis historiis hujus ætatis nondū legas, ut Metropolitani, Episcopi provincialit, Patriarchæ, Primatis, Suffraganei &c. Sed hæc & similes de Romæ Episcopis narrationes omni fide carent. Ita illi. Sed Franciscus Turrianus adversus tam iniquam censuram horum fidem abunde tutatur. Et verò præcipuum illud quo se fulciunt argumentum, quod alii historici istorum graduum non meminerint, planè frivolum, & homine sapiente, primorumque seculorum non ignaro prorsus indignum est. Quis enim expectet in tanta scriptorum & librorum eius seculi inter orthodoxos raritate, ut rituum, & minutissimarum quarumque rerum ad Ecclesiam & religionem pertinentium meminerint; & nisi id factum deprehenderit, censeat has ab immemorabili retro Ecclesiæ usu proscribendas? aut, si intelligat deinde quippiam, vel per Pontifices, vel concilia decretum, id ante fuisse in Ecclesia incognitum asserat; cum hæc statuta ad firmandum usum, conformandosque universè Christianos, numero indies auctiores, spectarent. Conjecturæ profectò tam futiles receptissimam Ecclesiæ consuetudinem labefactare nunquam poterunt, neq; historiis tot seculis olim probatis lucem veritatemque eripere. Ceterum, quando nullos Veterum, his Pontificum decretis, hanc ordinem Ecclesiasticorum varietatem agnoscetes, memorant suffragari, oblivisci videntur, quod Cent. 1. lib. 2. c. 10. Dionysii Arcopagitæ scripta, Pontificum, Præsulum, Sacerdotum, ac Monachorum meminerint, & horum ordinem, ut sublimiorem & excellentiorem reliquis commendent. Quo ex capite suspectus immeritò Centuriatoribus redditur. Cum  
præ-

Præposterè illa ipsa, quæ ad Dionysii, & aliorum Pontificum historias inscribendas, non tantum propter consensum sed probatum Ecclesiæ consentientemque usum, valere debebant; hæc, præter rationem omnem, ad istarum vim auctoremque infringendam converterint

Ib. §. *de festis Christi*. tradunt, quod non subito omnes Judaici ritus abrogari sint; eò quod ex Augustino ferant, *oportuisse Synagogam cum honore sepeliri*, ideoque cultum paschatis à Pio & Victore Pontif. (ut *Irenæus & Eusebius* testetur) indictum esse, in lunam decimam quartam, testantibusque Asiaticis anathema dictum. Cui non obstat, quod *Socrates* lib. 5. c. 21. apud quosdam liberum hunc usum fuisse contendat priusquam videlicet ab Ecclesia aliud esset definitum. Et quod *Polydorus* plerosque festivos dies ab Apostolis institutos esse sentiat, ut, Adventum Domini, Natalem & Circumcisionem eiusdem, Epiphaniam, purificationem Mariæ, dies quadragesimales, palmarum, diem cænæ Domini, Parasceven, Pascha, Ascensionem Domini, & Pentecosten. Nam ut iidem Centuriatores farentur, de die Natali Domini legitur etiam in Epist. paschali *Theophili*. In historia verò Romanæ Ecclesiæ, de festo Epiphaniæ, Dominica in albis, Natalitiis Apostolorum, & in *Eusebio* lib. 4. c. 15. de memoriis Martyrum sub Antoninis celebratis.

§. *De Dedicat. templorum*. Evaristus Pont. statuisse dicitur Basilicas consecrare per Missam, altaria verò unctione Chrismatis & sacerdotali benedictione. Secutus Hyginus decretum tulit, Si homicidio vel adulterio Ecclesia violata fuerit, diligentissimè expurgetur, & denuo consecratur.

§. *De jejniis*, aiunt Jam ab observationibus Iudæorum coepisse jejunia in primis Ecclesiis non minori religione, quam pascha ipsum teneri, precesque iisdem conjunctas fuisse, ut Justinus & Irenæus lib. 2. *advers. hæres.* c. 57. testentur. Sed non satis convenisse de tempore, de quarta & sexta feria Ignatium ad Philad. & Clementem lib. 5. *Strom.* testati. In canonibus Apostolis attributis, de jejunio quadragesimali etiam constitui.

§. *De Aqua lustrali*. Aquæ, inquit, consecrationem Alexandro I tribuunt, ut ea aspersi purificentur, non minus quam olim cinis vitulæ adpersus sanguine mundabat.

§. *De copulatione Sponsæ* dicam. Si Evaristi decretis fides adhibenda est, consuetudo fuit feminam honestè & legitimè viro desponsatam à Sacerdote precibus & oblationibus benedici.

§. *De sepultura*. Obiter, aiunt, hic meminisse liber, quod Nicpho-

Nicephorus *lib. 3. c. 19.* scribit Oſſa ſolidiora Ignatii longo tempore poſt à Sectatoribus ejus, Roma & Antiochiam eſſe declarata. Peregrinatio quoque hominum ad templum & ſepulchrum Clementis in ejuldem libri cap. præcedenti narratur.

§. *De diſcipl. & moribus.* Non fuiſſe omnibus omnia, primâ ab Apoſtolis ætate, communia docent ex eo liquere, quod Juſtinus, *pauperum curam habitam eſſe tradat.* Addunt tamen. *Manere fortè aliqua ſpecies communis vita potuit, inter miniſtros Eccleſiæ, viduas, & pauperes.* Sed quod ſubjiciunt, *ex arario publico & oblationibus hos alitos* conjectura eſt. Falſum verò cum dicunt, *mendicantiis exempla extare nulla.* Nam illud Chriſti fallere non potuit: *Pauperes ſemper habebitis vobiscum.* Verum, inquit, de Monachatu nullus fidè dignus teſtis mentionem facit, niſi quod Epistolæ decretales Pontificum conjecturas quasdam præbent decretis de conſecrandis Virginibus. Et Vincentius libro 10. cap. 11. in Alexandria, Ægypti monaſterii mentionem facit, ubi fabulam, ſeu legendam Eugenix recitat. Ita Ariſtarchi illi, quibus quidquid non placet ſuſpectum ac fabuloſum eſt. Verum quam comperta multis aliis Proteſtantium antiquiſſima horum origo ſit, longa poſſem teſtimoniorum ſerie declarare.

Calvinus *lib. 4. Inſt. c. 17. §. 43.* Si quis, inquit, vetuſtate tueri ejulmodi inventiones velit, neque ipſe ignoro; quam vetuſtus ſit Chriſmatis & exſufflationis in baptiſmo uſus, quam non longè ab ætate Apoſtolorum cœna Dom. rubigine tacta fuerit, &c.

Beza *Epist. 8.* Superſunt, ait, etæ demum ceremoniæ, quæ ad decorum ipſum ſpectant. Quâ in te cogor rursus in multis etiam vetuſtiſſimis Epiſcopis judicium deſiderare, &c.

Martyr *in Epist. ad Hopp.* legimus ait, in hiſt Eccleſ. Joannem Apoſtolum Epheli geſtaſſe laminam Epiſcopalem. Et de Cypriano Martyre teſtatur Pontius, quod birrum dederit carnificibus, daſmaticam veſtem Diaconis, &c. Melancthon. *in Ep. 1. ad Cor. c. 3.* Statim initio, inquit ſcriptores obſcurarunt doctrinam de juſtitia fidei, & auxerunt ceremonias, & ſinxerunt eſſe peculiare cultus, &c. Cap. 7. §. *de ratione gubern.* Mirè exceſſiſſe Rom. Pontifices, *ajunt*, ſi ſcriptioribus Vitarum Pont. & Epistolis eorundem credatur. Reperiuntur enim ceremoniæ plurimæ, & decreta pluſquam prætoria. ut de S. vaſis tractandis, de non accuſandis, & judicandis Epiſcopis (*coſam ſeculari judice*) de prohibitione conjugii (*Deo conſecrationem*)



torum) de primatu Rom. Ecclesiæ, & appellatione ad eandem, de abstinence à carne in quadragesima, de observatione Paschatis, de dedicatione templorum, de benedictione aquæ, de consecratione Virginum, &c. Quæ si verè (*& cur non verè?*) Rom. Episcopis hujus seculi (*Apostolicæ proximi*) tribuuntur, facilè pius lector agnoscit operta & efficaciam mysterii iniquitatis. Imò prudens lector hic facilè agnoscit stoliditatem vestram, qui Apostolicam hanc Ecclesiam erroris damnatis.

Plura non tango, neque ad sequens seculumque transeo, in quo Cent. 4. cap. 6. fatentur, templa fuisse sanctis consecrata ex Sozom. lib. 6. c. 8. Euf. lib. 3. de vita Const. & c. 6. lib. 4. c. 9. Socr. l. 5. c. 7. & Item aras, imagines, candelas, lampades, litanias, stationes, oblationes, &c. usurpatis in templis fuisse, idque ex optimis & non suspectæ fidei autoribus Centuriatores agnoscunt. Qui ut hoc tempore frequentiores, ita plures ejusmodi rituum in Ecclesia receptorum scripto esse signatos, nemini poterit mirum videri. Interea pauca hæc ex Apostolico, aut vicino traducta seculo, in tanta scriptorum penuria sufficere cuivis prudenti debent, ad concludendum illic Apostolicam non reperiri Ecclesiam, ubi hæc veteris Ecclesiæ signa spreta & conculcata jacent: illic verò ubi hæc etiamnum in veneratione sunt, longe certius inveniri. Insanum verò esse, damnare illa velle, quæ tam sancto Ecclesiæ, ab Apostolis formata, tempore observata reperiantur, ut ipsi quoque Adversarii satis agnoscunt; dum omne explorant subterfugium, & cum aliter, evadere non licet, tot ætatum fidei custodia approbatione usuque firmatas historias, quatuordecim penè seculorum post humi leviculis conjectatiunculis, quibus omnem penè historiam concidere necessum sit, conantur evertere. Sed ad Turrianum Magdeburgensem castigatorem hos remitto.

#### A R T I C U L U S XXXIV.

**C**Redimus a adjuncta esse verbo sacramenta amplioris confirmationis causa, gratiæ Dei nimirum pignora & tesseras, quibus infirmæ & rudi fidei nostræ subveniatur. Fatemur enim talia esse signa hæc exteriora, ut Deus per illa sancti sui spiritus virtute operetur, ne quicquā ibi frustra nobis significetur. Arbitramur c tamen omnē illorū substantiam & veritatem esse

a Gen. 17. v. 14. Exod. 12. v. 3. 1. Cor. 10. v. 16. & 11. v. 24.

b Gal. 3. v. 27. Eph. 5. v. 26. c Ioh. 5. v. 5. & 6. v. 63.

in Christo Jesu, à quo si separentur, nihil sint quam inanes umbræ & fumi.

## ARTICULUS XXXV.

**A**gnoscamus duo tantum sacramenta toti Ecclesiæ communia, quorum primus est baptismus, nobis testificandæ nostræ adoptioni datus, quoniam in eo inserimur Christi corpori, ut ejus sanguine abluti, simul etiam ipsius spiritu ad vitæ sanctimoniam renovemur. Illud etiam dicimus, quamvis non nisi semel baptizemur, fructum tamen baptismi ad totius vitæ nostræ cursum pertinere, ut certo stabilique sigillo in nobis obsignetur hac promissio, Christum semper nobis fore sanctificationem & justificationem. Præterea si quamvis Baptismus sit fidei & resipiscentiæ sacramentum: tamen cum una cum parentibus positivitatem etiam illorum in Ecclesia Deus recenseat, affirmamus infantes sanctis, parentibus natos, esse ex Christi autoritate baptizandos.

d Mat. 22. v. 16. Rom. 6. v. 3. Tit. 3. v. 5. &c.

e Mat. 3. v. 11. Marc. 16. v. 16. f Mat. 19. v. 14. &c. Cor. 7. v. 14.

Ex Catechismo Heidelbergensi.

**Q**uæst 66. Quid sunt Sacramenta? Resp. sunt sacra & in oculis incurrentia signa ac sigilla, ob eam causam à Deo instituta, ut per ea nobis promissionem Evangelii magis declaret, & obsignet: quod scilicet non universis tantum, verum etiam singulis credentibus, propter unicum illud Christi sacrificium in cruce peractum, gratis donet remissionem peccatorum & vitam æternam.

### §. I. Reformatio ex Sacris Literis.

**I** Credimus signa quædam sensibilia (quæ sacramenta dicimus) in Ecclesia ipsi propria esse, per quæ credentes signati sumus spiritu promissionis sancto, qui est pignus hereditatis nostræ. a Nam qui unxit nos Deus, & signavit nos, & dedit pignus spiritus in cordibus nostris. b ut per Isaiam promisit dicens: venio ut congregem ex omnibus gentibus & linguis, & venient & videbunt gloriam meam, & ponam in eis signum: c sive character ille sit, Spiritus

a Eph. 1 v. 13. b 2. Cor. 1. v. 21. c Is. 66 v. 18.

ritus S Dei, in quo signati sumus in die redemptionis: d live donum Spiritus S. in remissionem peccatorum nostrorum e juxta promissionem Dei: effundam super vos aquam mundam, & mundabimini ab omnibus inquinamentis vestris f cum abluti sanctificati, & iustificati simus in nomine Domini nostri Iesu Christi g Sic enim Christus dilexit Ecclesiam, ut illam sanctificaret mundans la vacro aqua in verbo vite: ut exhiberet sibi gloriosam, non habentem maculam h

d Eph. 4. v. 30. e Añ. 1. v. 38. f Ezech. 36. v. 25. g 1. Cor. 6. v. 11. h Eph. 5. v. 25.

II. Credimus Baptismo Johannis hanc vim signandi & sanctificandi defuisse. Ipso teste. Ego quidem baptizo vos in aqua in pœnitentiam, qui autem post me venturus est, ipse vos baptizabit in Spiritu S. i Idem agnoscunt Apostoli, Ioannes, inquiunt, quidem baptizavit aqua, vos autem baptizabimini Spiritu S. l Quare dixit Paulus, Ioannes baptizavit baptismo pœnitentia populum, dicens, in eum qui venturus est post ipsum, ut crederent, hoc est, in Iesum. His auditis illi baptizati sunt in nomine Domini Iesu, & cum imposuisset illis manus Paulus, venit Spiritus S. super ipsos m

i Mat. 3. v. 11. l Añ. 1. v. 5. m Añ. 19. v. 5.

III. Credimus & de V. T. Sacramentis, quod fuerint infirma & egena elementa n & umbra futurorum o, reprobrata propter infirmitatem & inutilitatem p, quia umbram habens lex futurorum bonorū, & c. nunquam potest accedentes perfectos facere. q Lex enim vetus est litera occidens, nova spiritus, vivificans r Et licet Abraham accepit signum circumcisionis signaculum iustitia fidei: tamen fides illi adiuncta reputata est, non in circumcisione, sed in praputio. s. Circumcisio (uti & praputium) ex se nihil erat. Sed tantum fuit signum externum populi Dei, & pacti quod esset futurus illius. & seminis Deus. t Quare nos utimur. alia circumcisione, qua non in expoliatione carnis, sed veteris hominis consistit, qui sepultus in baptismo per fidem operationis Dei, resurgit in Christo; dum nos convifcat, donans nobis delicta nostra. u Aliter longè Patres nostri baptizati sunt in nube & in mari: & omnes eandem escam spiritualement manducauerunt: & omnes (illi qui mare transierant) eundem potum spiritualement biberunt. Hac enim in figura facta sunt. Nam Petra erat Christus. x Et Patres nostri manducauerunt manna in deserto, & mortui sunt: quò

n Gal. 4. & 6. o Colof. 2. v. 17. p Heb. 7. v. 18 & 9. v. 10.

q Heb. 10. v. 1. r 2. Cor. 3. s Rom. 4. v. 10. 11. t Gen. 17. v. 11.

u Col. 2. v. 11. x 1. Cor. 10. v. 2.

*qui manducas panem hunc vivum, qui de calo descendit, vivet in aeternum. y*

*y Ioh. 6. v. 59.*

## §. II. Observatio.

**I**N tam diserta S. scripturarum sententia incassum adversarii obluantur, quando vim totam operandi à Sacramentis ad fidem percipientis transferunt; his vero, tanquam sigillis appressis, quibus Deus obsignet promissionem justitiæ & gratiæ nobis per Christum in Evangelio oblatæ, nihil, nisi mutum officium tribuunt. Ut per hæc fidelis, velut per objectam imaginem obsignationis promissorum Dei, ad fidem moveatur, quâ justitiam Christi apprehensam sibi applicet. Ita pro more suo hic omnia à Sacramentis (ut alibi ab operibus) ad fidem solam transferunt. Nos vero, quanquam fidem, & in adultis quidem actualem; in parvulis saltem habitualem, tanquam dispositionem, ad vim gratiamque Sacramenti percipiendam, requiramus; tamen Deum etiam per ipsum Sacramentum virtutem supernaturalem nobis sentimus infundere: nec per solam operantem in nobis fidem; sed opus quoque operatum, sive meritum Christi, sacro illi signo, ex institutione Dei affixum, salutem conferre. Quomodo enim per *aquam mundam* & *lavacro aqua per verbum vite*, mundabimur, si nihil aqua, & verbum Sacramenti cooperetur, sed aqua obsignet promissam mundationem; verbum de illa, modo, ut volunt concionatio, instruat? quid potest dici clarius illo Christi: *nisi quis renatus fuerit ex aqua* (non ex fide) & *Spiritu S. non potest introire in regnum Dei?* Joh. 3. Et sanè Johannis Baptismus etiam exigebat, ut *crederent in Iesum*, nec tamen sufficiebat, quod esset huius fidei obsignatio; sed debuit iterari. Ita circumcisio, & manna, ut ad salutem facerent, hanc quoque fidem exigebant; & tamen *nuda tantum elementa ac figura reprobata* erant, *propter infirmitatem*, quæ nec perfectos facerent, nec vitam conferrent. Quæ quidem ratio tam efficax est, ut Calvinistæ hic victas manus porrigant, & tam Joannis Baptismum quàm L.V. Sacramenta, par esse virtutis, ob conjunctam fidem in Christum, posthabitis tam manifestis scripturis, admittant. Lutherani vero ab iisdem argumentis se non explicant.

Sed utique ut scripturam, ita ratione evertunt. Nam cum extra Sacramentorum usum, sola fides Evangelica, Dei verbo  
arque

atque autoritate subnixā, aded certos reddat de promissionibus divinis, ut omnis dubitatio excludatur; quid est quod sacramenta obfignatione sua certitudinis majoris adferant? an muta hæc elementa panis & aqua, ipso Dei verbo ad confirmandum potiora sunt? aut clariorem promissorum & gratiæ divinæ notionem continent? Age dicant, si majorem certitudinem præstant: verbum Dei promissorium, non præstabit sufficientem, adedque fallere poterit: si non præstant, otiose adhibentur. Deinde, cum muta hæc elementa sint, unde disces nisi ex verbo Dei adjuncto promissæ gratiæ certitudinem? vel igitur soli verbo Dei hæc certitudo imputanda est: vel si etiam elementis operantur illa virtutem in te supernaturalem, non ex vi sua utique; ergo vel divinitus elevata; vel Deo certè ad illorum positionem, extra verbum suum, concurrentes; quod nos asserimus. Denique, quomodo in infantibus fidem excitabunt, qui nec verba, nec elementa apprehendunt. Nec sufficere, quod post usum rationis apprehensuri sint, cum hoc pacto in præsentis statu non essent sanctificati, adedque mortui perirent. Postremò, quomodo hypocritis fictè sacramenta suscipientibus hæc possunt obfignare promissam gratiam, quam non accipiunt? aut si non obfignant, licet adhibita, clarum est nihil extra verbum Dei & fidem hæc sacramenta præstare. Concludo, quomodo muti signi & nihil operantis est, cum aqua dicatur nos *regenerare* Ioh. 3. panis *nutrire* in vitam æternam? Ioh. 6. His senodis adversarii nunquam expedient, stabitque Reformatio nostra, claris nudisque scripturæ verbis concepta.

Illud verò etiam de nota, seu charactere spirituali, in baptismo, Confirmatione & ordine impresso, per hoc sacramentorum signaculum, de quo Isa. 66. Paulus Ephes. 1. & 4 & 1. Cor. 1. manifeste vim eorum operativam in nobis evincit. Et verò dicant Adversarii, quid aliud in nobis sit, quod nos perpetuo charactere ita coram Deo signet, ut omnino nequeat e. c. baptismus semel susceptus iterari? Quid causa, quod unctio Episcopalis in confirmatione & ordine adhibita nunquam inter Catholicos repetatur? Nobis satis hæc Apostolus veteri Ecclesiæ interpretante exposuit, cum docuit, quod is, *qui nos unxit, etiam signavit.* Juvabit itaque hujus explorare in præsentis controversia sententiam.

§. III. Orthodoxæ Ecclesiæ Doctores vim sacramentorum, tam veteris, quàm Novæ Legis, ex S. literis declarant.

**C**um plura in hoc articulo expendantur, de singulis breviter Sanctos Patres ex S. Scriptura audiemus.

1. Notam quandam distinctivam fidelium quam characterem vocant, imprimi in sacramentis quibusdam agnoscunt.

Cyrillus Alexandrinus catech. 17. *Tu quidem accede ad Baptismum, sed memineris istius Spiritus S. de quo nunc nobis sermo est, hic enim paratus est obsignare animam tuam, & dare tibi signaculum, quod demones tremunt, caeleste quoddam & divinum, sicut scriptum est, in quo credentes obsignati estis Spiritu S. promissionis Eph. 1.*

S. Ambrosius de Spir. S. lib. 1. c. 6. *Apostolus ad Ephesios ait: in quo credentes signati estis Spiritu promissionis. Sancto igitur Spiritu signati sumus, non natura, sed Deo, quia scriptum est. Qui unxit nos Deus, & signavit nos, & dedit pignus Spiritus in cordibus nostris. 1. Cor. 1. Nam etsi specie signemur in corpore, veritate tamen in corde signamur; ut Spiritus S. exprimat in nobis caelestis imaginis effigiem.*

Gregorius Nazianz. orat. 40. in S. Baptisma. *Si, inquit, per Baptismum te ipsum pramunieris, animum scilicet & corpus unctione & spiritu consignans, quemadmodum olim Israel nocturno illo cruore, qui primogenitos tuebatur, quid tibi accides? Audi quid tibi David nupties: non timebis à timore nocturno, ab iucursu & dæmonio meridiano. Psal. 90. Hoc tibi vivo maximum ad securitatem momentum adferet. Pecus enim signata non faciliè insidiu appetitur: qua autem minimè signata est, à furibus faciliè capi potest.*

S. Chrysostomus orat. 2. in Epist. ad Ephesios. *Signati, inquit, estis spiritu promissionis, qui est pignus hereditatis nostræ. Magnum est indicium cura ac providentia, quod sint signati, non separati: neque quod non solum sint sorte vocati (ut clerici) sed etiam signati. signati fuerunt Israelita, sed circumcisione, sicut oves & bruta: nos quoque signati sumus, sed sicut filii, spiritu.*

S. Augustinus contra Cresconium lib. 1. c. 30. *Qua hæretici corruerunt, cum ad nos inde veniunt, corrigimus; qua verò sicut acceperunt, tenuerunt, agnoscimus & probamus: ne commoti humanis vitiis ultra iustitiam, faciamus ullis rebus divinis injuriam cum*

*Aposto-*

*Apostolum videamus Act. 17. etiam in ara gentilium, à quibus idola colebantur, Dei nomen inventum confirmasse potius, quàm negasse. Neque enim propterea immutandus, aut improbandus est regius character, si erroris sui veniam, & militandi ordinem à rege impetraverit, quia eundem characterem, quo sibi Satellites congregaret desertor, infixit: aut propterea signa mutanda sunt ovibus, cum Dominico gregi sociantur, quia in Dominicum signum fugitivus servus impressit. Hoc argumento Augustinus pluribus locis probat Baptismum non iterandum, ut contra Epist. Parmen. l. 2. c. 13. Epistolâ 50. ad Bonif. de Baptismo lib. 6. cap. 1. & Tract. 6. in Joh. ubi sic inter cætera, de characterē ait ad reducem hæreticum. Tene, quod accepisti: non mutatur, sed agnoscitur. Character est Regis mei. Non ero sacrilegus: corrigo desertorem, non mutō characterem.*

Theodoretus in 2. ad Cor. c. 1. *Qui unxit nos Deus, qui & signavit nos. Deus, inquit, horum bonorum causa est. Ipse enim nobis firmam in Christum fidem donavit: ipse nos unxit & S. Spiritus signaculo dixit: veluti quandam futurorum bonorum artham, hanc nobis gratiam largiens.*

D. Gregorius Mag. lib. 2. Epist. 32. *sicut baptizatus semel Gal. 3. v. 27. iterum baptizari non debet; ita qui consecratus est semel, in eodem iterum ordine non debet consecrari. Sed si quis forsitan pro levi culpa ad sacerdotium venit, pro culpa poenitentia indici debet, & tamen ordo servari. De Confirmatione idem tradit lib. 12. Epist. 32. non iterandum, nisi de illa, uti & Baptismo ritè suscepto ambigatur. Idem jam olim S. Cyprianus tom. 3. serm. de ablut. pedum tradiderat. Baptismum, inquit, repeti, Ecclesiastica prohibens regula, & semel sanctificatis nulla deinceps manus iterum consecrans præsument accedere. Nemo sacros ordines semel datos renovat, nemo S. oleo lita iterum linit, aut consecrat, neque impositioni manuum, vel ministerio derogat sacerdotum, quia contumelia esset Spiritus S. si evanuari posset, quod ille sanctificat, vel aliena sanctificatio emendaret, quod ille semel statuit & confirmat: Apparet itaque hunc Ecclesiæ sensum, à primis Apo-*

*stolicis seculis traductum. Neque Protestantes ipsi ex alio capite, Baptismum iterandum non esse, poterunt evincere.*

## II. Ioannis Baptisma ex eo, quod non vi sua conferret remissionem peccatorum, iterandum fuit.

**T**ertullianus lib. de Baptismo cap. 10. *Ioannes, inquit, nihil cœlesti præstabat, sed cœlestibus præministrabat &c. Daret spiritum S. & remissionem delictorum, si cœlestis (Baptismus) fuisset. Sed neque peccatum dimittit, neque spiritum indulget, nisi Deus solus. Marc. 3. Etiam ipse Dominus, nisi ipse prius ascenderet ad Patrem, aliter negavit spiritum descensurum Ioh. 17. id quod Dominus nondum conferbat, servus utique præstare non posset. Ad id postea in Actibus Apostolorum invenimus, quoniam qui fontis Baptismum habebant, non acceperant spiritum S. quem ne auditu quidem noverant. Act. 19. &c. Ipse proficitur sua non esse cœlestia, sed Christi, dicendo Ioh. 3. qui de terra est, de terra loquitur, qui de supernis venit super omnes est Item: sola se pœnitentia tingere, venturum mox qui tingeret in spiritu & igne Luc. 3. Origenes tom 8. in Ioannem. Ego, inquit Ioannes, aqua baptizo Ioh. 1. veluti purgans, & deterrens à rebus malis, & ad resipiscenciam invitans &c. qui ergo in Actis baptizati erant in Ioannis baptismo, & neque an Spiritus Sanctus esset audierant, denuo ab Apostolo baptizantur Act. 19. quia re-eneratio non apud Ioannem; sed apud Iesum per Apostolos eius fiebat. Idem lib. 5. in Epist. ad Rom. 6. docet baptismum Ioannis per hoc distingui à baptismo Christi, quod peccata non remiserit.*

S. Cyprianus serm. de Baptif. Christi. Præparabat, inquit, Ioannes viam Domino Ioh. 1. lavando exterius corpora, ut præcederet exterius lavacrum. secuturum baptismum in quo conferetur animarum ablutio, & peccatorum remissio. Præcessit quod erat ex parte, ut consummatio sequeretur Hebr. 7.

S. Basilus uti plures Patres eum secuti, licet baptismum Ioannis baptismum pœnitentia vocent, sed quod prædicando & excitando ad pœnitentiam exteriorem illam abluionem, tanquam signum interioris, quam dolore & detestatione peccatorum consequentur, adhibuerit: tamen omnes Christi baptismum præferunt, quod hic cum Deo per collatam gratiam perfectius conjungeret. Quod discrimen cum non posset oriri ex fide viva in Christum, quæ utroque requirebatur, ipsius baptismi Christi præstantiæ, & efficaciæ majori tribuendum est. Quare Basilus de Bapt. inquit, *Initiatorum erat Ioannis Baptisma, Christi vero perse-*



pers. eorum. A peccato illud abducabat; istud cum Deo coniungit, & familiarem reddit.

Cyillus Alexandrinus consentit c. 57. in Joannem. Ne temerarii homines, aquam Ioannis, qua in pœnitentiam baptizabat, spirituali baptismo Christi anteferre auderent, causas tam turpis temeritatis evertens &c. dixit: Ego baptizo vos in aqua: medius autem vestrum stetit, quem vos nescitis, ipse est, qui post me venturus est. *Ioh. 1.* ille baptizabit vos spiritu & igni *Mat. 3.*

Gregorius Nazian. orat. 39 in sancta lumina. Baptizavit Moses, verum in aqua priusque etiam in nube & mari. Ceterum hoc per figuram agebatur, quemadmodum & Paulo placet 1. Corinth. 10. Mare enim aquam, nubes spiritum, manna panem illum vita, porio divinam portionem adumbrabat. Baptizabat etiam Ioannes, non iam ille quidem Iudaico more (non enim in aqua solum, sed etiam ad pœnitentiam) nondum tamen prorsus spiritualiter, nondum enim in spiritu. Baptizat quoque Iesus, sed in spiritu. *Mat. 3.*

Chrysostomus breviter hom. 12. in *Mat.* Sancti Spiritus gratia in Christi baptismo est Ioannis vero baptisma hac donatione privatur.

Theophylactus in cap. 3. *Mat.* Ipse vos baptizabit in Spiritu S. hoc est, mundabit vos largiter Spiritus S. gratia, quia meum, inquit, baptisma non dat spiritualem gratiam, sed neque remissionem peccatorum. Vt scilicet institutionis suæ.

D. Hieronymus de exteriore Ioannis Baptismo sic differt. Contra Lucif. c. 3. Audi quid scriptura doceant. Ioannis Baptisma non tam peccata dimisit, quam Baptisma pœnitentiæ fuit, in peccatorum remissionem, id est, in futuram remissionem, qua esset postea per sanctificationem Christi, subsequutura. Si Ioannes, ut ipse confessus est, non baptizavit in spiritu, consequenter neque peccata dimisit, quia nulli hominum sine spiritu S. peccata dimittuntur. &c.

D. Augustinus idem sentit ad Laurent. c. 49. Non renascebantur, qui baptismo Ioannis baptizabantur, à quo & ipse Christus baptizatus est, sed quodam praeursorio illius ministerio qui dicebat: para te viam Domini *Matth. 3.* Ubi manifestum est autores hosce, non loqui de fide in Christum à Ioannis baptismo non seclusas, sed de vi solius baptismatis, quâ Christi ad gratiam conferendam efficax, Ioannis non esse censebatur. Quare siquæ alibi obscurius per hos aliosque autores dicta sunt,

per clarissima hæc loca, ipsasque Scripturas S. erunt exponenda.

III. Veteris legis Sacramenta non habuere necessariò annexam gratiam, ut N. L. sed nuda tantùm signa populi Judaici distinctiva fuere.

Justinus Martyr in Dialogo cum Tryphone. *Nam & ipse, inquit, Abraham in præputio cum adhuc esset, propter fidem, quâ Deo credidit justificatus est, & benedictione auctus, prout scriptura dicit Rom. 4. circumcisionem autem in signum, non ad iustitiam accepit, quemadmodum, & scriptura, & res ipsa fateri nos cogunt.*

Irenæus lib. 4. cap. 30. *Circumcisionem non quasi consummatricem iustitiae, sed in signo eam dedit Deus, ut cognoscibile perseveret genus Abrahæ, &c. Et quia non per hæc justificabitur homo; sed in signo data sunt populo: ostendit quod ipse Abraham sine circumcissione credidit Deo, & reputatum est ei ad iustitiam Roman 4.*

Athanasius Orat. in illud: *Omnia mihi tradita sunt à Patre. Paulus inquit Coloss. 2. In quo circumcisi estis, circumcissione non manufacta, in expoliatione carnis, in circumcissione Christi, cui consepulti estis in baptismo, in quo & resurrexistis. Nam circumcisio figura erat exuviarum, qua per baptismum deponuntur, &c. Quapropter ubi venit res, quæ figurâ denotabatur, nota ipsa figuraque intercidit.*

Epiphanius hæres. 8. *Epicureorum. Circumcisio fuit carnalis, Col. 2. quæ deservivit tempori usque ad magnam circumcisionem, hoc est, Baptismum, qui circumcidit nos à peccatis.*

Chrysostomus hom. 27 in Gen. *Paulus signum vocat dicens: Et signum dedit circumcisionis sigillum. Nam ad iustitiam ipsa circumcisio nihil conducit.*

S. Augustinus in Psal. 73. *Lex inquit, per Moysen data est: gratia & veritas per Jesum Christum facta est Ioh. 17. Sienim discernimus duo Testamenta, vetus & novum, non sunt eadem Sacramenta, hæc eadem promissa, &c. Sacramenta N. T. dant salutem; Sacramenta V. T. promiserunt Salvatorem. In quibus aliisque testimoniis (quorum hæc de re supersunt multa) patet Baptismum e. g. circumcissioni opponi: non tantùm, quòd hæc figura sit, ille figuratum; sed quia per illum peccata tolluntur, quod per hanc fieri Deus volebat. Cum tamen & in veteri testamento credentes in Christum, vi fidei vivæ ac pœnitentiæ, non minus quàm in novo, peccatorum veniam consequen-*

*tes, &c.*

tentur. Verum hæc distinctius per sacramenta singula cognoscemus.

#### §. IV. De I. Sacramento Baptismi.

Ex Catechismo Heidelbergensi.

**Q**uestio 69. *Qua ratione in Baptismo monearis & confirmaris te unicuique sacrificii Christi participem esse?* R. Quod Christus externum aquæ lavacrum mandavit, *a* addita hac promissione: me non minus certò ipsius sanguine & spiritu à sordibus animæ, *b* hoc est, ab omnibus meis peccatis lavari, quàm aqua extrinsecus ablutus sum, quâ sordes corporis expurgari solent.

*a* Matth. 28. v. 19. Marc. 16. v. 16.

*b* Act. 2. v. 38. Rom. 6. v. 3.

**Q**uest. 70. *Quid est sanguine & spiritu Christi ablui?* R. Est accipere à Deo remissionem peccatorum, gratis propter sanguinem Christi, quem is pro nobis in suo sacrificio in cruce profudit. *c* Deinde etiam per Spiritum S. renovari, & ipso sanctificante membrum Christi fieri, *d* quo magis & magis peccato mortiamur, & sanctè inculpateque vivamus. *e*

*c* 1. Pet. 1. v. 2. Heb. 12. v. 24.

*d* 1. Cor. 6. v. 11. &c. Rom. 6. v. 2. &c.

*e* Eph. 4. v. 22. &c. Col. 2. v. 12.

**Q**uest. 71. *Vbi promisit Christus, se nos tam certò sanguine & spiritu suo abluurum, quàm aqua Baptismi abluti sumus?* R. In institutione Baptismi, cuius hæc sunt verba. Ite docete omnes gentes, baptizantes eos in nomine Patris, & Filii, & Spiritus S. Qui crediderit & baptizatus fuerit, salvabitur; qui verò non crediderit, condemnabitur. *f* Hæc scriptura repetitur, cum scriptura Baptismum nominat lavacrum regenerationis, *g* & ablutionem peccatorum. *h*

*f* Matth. 28. *g* Tit. 3. v. 5. *h* Act. 22. 16.

**Q**uest. 72. *Estne ergo externus Baptismus aqua ipsa peccatorum ablutio?* R. Non est. *i* Nam solus sanguis Jesu Christi purgat nos ab omni peccato. *l*

*i* Matth. 3. v. 11. & 1. Pet. 3. v. 21.

*l* 1. Ioh. 1. v. 7. & 1. Cor. 6. v. 11.

**Q**uest. 73. *Cur ergo Spiritus S. Baptismum appellat lavacrum*

Q 41

*crum regenerationis, & ablutionem peccatorum?* Resp. Deus non sine gravi causa sic loquitur. Videlicet, non solum, ut nos doceat, quemadmodum sordes corporis aqua purgantur, sic peccata nostra sanguine, & spiritu Christi expiari. *m* Verum multò magis, ut nobis hoc divino symbolo & pignore certum faciat, nos non minus verè à peccatis nostris interna lotione ablui, quàm externa & visibili aqua abluti sumus. *n*

*m* Ezech. 15. v. 4. Apoc. 1. v. 5. & 7. v. 14.

*n* Gal. 3. v. 27.

*Quæst. 74. Sunne etiam infantes baptizandi?* Resp. omninò. Nam cum æquè, ac adulti, ad fedus, & Ecclesiam Dei pertineant, o cumque eis per sanguinem Christi remissio peccatorum, p & spiritus S. fidei effector, non minus, quàm adultis promittatur, q per Baptismum Ecclesiæ inferendi sunt, & ab infidelium liberis discernendi. *r* itidem, ut in veteri federe per circumcisionem fiebat, s cui in novo federe substitutus est baptismus. *t*

o Gen. 17. v. 7. & 1. Cor. 7. v. 14. p Mat. 19. v. 14.

q Luc. 1. v. 14. psal. 21. v. 11. Act. 2. v. 39. i Act. 10. v. 47.

s Gen. 17. v. 14. t Zoloff. 2. v. 18. &c.

*Nota*, quamvis hic fateantur per baptismum, nos non minus à peccatis, & anima sordibus ablui, quàm per aquam, ordes corporis abluantur; tamen reipsa docent, fidem, per apprehensam Christi iustitiam solum obtegere peccata nostra, culpa manente, poena tantum, seu reatu sublato. Ita ut post scelerum ablutionem totum quod Deus odit, & execratur in nobis supersit. Quod quam absurdum sit, licet ex scripturis per adversarios adductis, ac propria contradictione hic satis appareat; latius tamen supra de justificatione tradidimus. Rursum sibi hoc loco contradicunt, quando infantes baptizandos asserunt per Baptismum Ecclesiæ inseri, & discerni ab infidelibus; concedunt tamen, quòd etiam ante baptismum sancti sint, & ad Ecclesiam pertineant, adeoque & sine hoc salvari possint.

## §. I. REFORMATIO.

**C**Redimus regenerationem per baptismum omnibus necessariam quotquot cum David in peccatis concepti sunt, a & natura sunt filii ira. b quia per unum hominum peccatum in hunc

a psal. 50. b Eph. 2.

*hunc mundum intravit, & per peccatum mors & ita in omnes homines mors pertransiit, in quo omnes peccaverunt. c Christus enim pro omnibus mortuus est, ergo omnes mortui sunt. d Quos vivificat, donans eis omnia delicta, postquam consepulti sunt ei in baptismo, in quo resurgunt per fidem operationis Dei. e Nisi enim quis renatus fuerit, ex aqua & Spiritu S. non potest introire in regnum Dei. f Quocirca Christus monet: euntes docete omnes gentes, baptizantes eos in nomine Patris, & Filii, & Spiritus sancti. g Prædicare omni creatura, qui crediderit & baptizatus fuerit, salvus erit; qui verò non crediderit, condemnabitur: h credere absolute necessarium est: quia sine fide impossibile est placere Deo. i Convertimini ad me, ait Deus, & ego convertar ad vos l baptismus in adultis sequi potest. Unde Apostoli. Quis, dicunt, aquam prohibere potest, quo minus baptizentur ei, qui acceperunt Spiritum S. (credentes) sicut & nos? m Neque infantes etiam fidelium hac lege excepti sunt, quod uti sanctificata est mulier infidelis per virum fidelem; ita non immundi, sed sancti illorum sunt filii. n Nam Christus seipsum tradidit pro Ecclesia, ut illam sanctificaret, mundans lavacro aqua in verbo vite; ut exhiberet ipse sibi gloriosam, non habentem maculam. o Salvos enim nos fecit, per lavacrum regenerationis. p Quod adultis quandoque in voto sufficit: Quia, salvos nos facit baptisma, non sordium carnis depositio, sed conscientia bona ad Deum interrogatio; per resurrectionem Iesu Christi. q Quandoque & Baptismus sanguinis. Qui enim perdet animam suam propter Christum, inveniet eam. r Nam & hic Christi est Baptismus dicentis: Baptismo habeo baptizari, & quomodo coarctor, donec perficiatur. s Omnes itaque filii Dei sumus per fidem, qua est in Christo Iesu, quicumque enim baptizati sumus, Christum induimus. sive Iudæi, sive Græci, &c. t Non tamen est sanis opus medico, sed male habentibus. u*

*Ceterum honorem illum sacramentis habendum censemus, ut omnia honestè & secundum ordinem fiant. x Prout de his quoque se Corinthiis Paulus in adventu suo dispositurum promissit. y*

*c Rom. 5. v. 2. d 1. Cor. 15. e Col. 2. v. 12. f Ioh. 3. v. 5. g Matth. ult. 19. h Marc. ult. 16. i Hebr. 1. v. 6. l Zach. 1. v. 3. p Tit. 3. v. 5. q 1. Pet. 3. v. 21. r Matth. 16. v. 23. s Luc. 12. v. 50. t Gal. 3. v. 26. u Matth. 9. 12. x 1. Cor. 14. v. 48. y 1. Cor. 11. v. 34.*

## §. II. Observatio.

**E**X his facile evanescunt, cum Anabaptistarum, tum Protestantium ac præcipuè Calvinistarum placita; quorum illi parvu-

parvulos omnes extra peccati reatum nasci censent, quod *filius non portet iniquitatem Patris sui*: Ezech. 20. v. 20. & ubi lex non est, non sit *pravariatio*. Rom. 4. v. 13. quæ de peccato actuali dicta, malè ad originale transferunt: Hi verò fidem parentum liberis ad sanctitatem prodelle asserunt, ex ridicula illatione quam à legali & externa sanctificatione 1 Cor. 7. ad spiritua-lem & internam faciunt. Neque enim poterit puer magis à peccatis expiari, per fidelem simul & infidelem parentem, quàm *mulier infidelis à marito fidei*. David & Esau, nunquid erant fidelium parentum filii, & tamen ille se *in peccatis conceptum asserit*, hic odio à Deo est *habitu*, priusquam mali quicquam egisset? Sed & Anabaptistæ quomodo tam manifestas scripturas evertent, quæ omnes nos affirmant *ira filios*, & in Adamo reos? pro omnibus, etiam infantibus, *Christum mori*um? Calvinistæ verò, ut quid parvulos etiam baptizant, quos Sanctos fatentur? Si mandatum Christi obtinent. Hic non *valentibus*, sed *malè affectis* baptismum præcipit Qui ideo institutus est, ut sit *lavacrum regenerationis*, ac remedium salutis. Non curatur nisi infirmus: non abluitur nisi impurus. Vel igitur concedunt ex fidei parente natum ante baptismum, justificatum esse, per imputatam illi Christi justitiam: vel negant. Si concedunt: jam sine fide propria homo poterit justificari, totumque justificationis negotium subvertitur. Si negant, ergo infidelis & non justificatus poterit salvari. Rursum si nasci ex fidei parente sit esse sanctum, per imputatam Christi justitiam, hanc verò imputati sit (juxta Calvinistas) certò destinari ad vitam æternam: ergo nullum originale peccatum ab Adamo ad posteros derivatum est, nullus ex posteris damnatus; quia ab illo fidei omnis posteritas est progenerata. Denique si sancti fidelium nascuntur libri apud Calvinistas, nemo potest per baptismum *renasci*, & *regenerari*, contra Christum Joh. 3. & Paulum Tit. 5. Nam qui nascuntur sancti, *hos non oportet denuo nasci* ut sancti fiant. At durum, inquiunt est, damnare infantes, sine culpa sua, baptismo privatos. Hæc culpa progenitoris Adæ fuit, ob quam tamen non plectuntur, nisi privatione cæli, illis in persona sua nunquam debiti. (de inferni enim pœnis, nihil in hos scriptura decrevit) Quam cum tot infantium myriades fortem inter infideles, nullo quoque merito suo, adeant; non est, cur pauculi hi de sua fortuna querantur. Equidem sentio tertium hunc mediumque inter cælestes inferosque ordinem, (de quo, utpote instructionis non capaci, revelatio nulla requirebatur) ad il-  
lustre

Iustre divinæ providentiæ sapientiæque specimen in omnem æternitatem destinari. Illorum magis deploranda liberorum infelicitas, qui parentum hæresi ab Ecclesiæ gremio divulsi, inter errores perfidiam & scelera, ignorantes malorum sibi imminuentium, adolescunt, æternisque suppliciis reservantur. Hos considerent, si quos tangit ignorantium commiseratio.

Alio hic Anabaptistæ argumento instant, Mandatum, ajunt, Christi est, *Euntes docete omnes gentes, baptizantes eos, &c. qui crediderit & baptizatus fuerit, salvus erit.* Nemo igitur nisi doli, doctrinæ, ac fidei capax ad baptismum est admittendus. Ideoque annexum est. *Qui non crediderit* (non verò, qui non baptizatus fuerit) condemnabitur. Quod sine fide salvari nemo possit: hæc autem nisi adultis suaderi nequeat, adedque nec Baptismus, tanquam signaculum fidei, aliis conferri.

Resp. hoc argumentum de pueris neque asserit, neque quicquam negat, cum ad solos doctrinæ Apostolicæ capaces, hoc est adultos, spectet, si vis sententiæ hujus expendatur. Sed si, ut debes, componas, quæ Christus dixit Joh. 3. *Nisi quis renatus fuerit ex aqua & Spiritu S. non potest intrare in regnum Dei:* quod salutis remedium exequendum Marc. ult. discipulis commissum: non est dubium, quin tam fides, quam baptismus ad salutem quoque infantium requiratur, quod per aquam & spiritum debeant renasci. Cum igitur supra à nobis traditum sit, baptismo aquæ legitimo ex promissione Dei, Spiritus S. regenerationis internæ donum conjunctum esse; satis erat hoc tingi infantes, doctrinæ nondum capaces, ut cum Spiritu S. fidei donum quoque perciperent, *sine quo impossibile est placere Deo.* Heb. 1. v. 6. Unde & Christus adducentibus infantes, ut illos tangerent. *Sinite, inquit, pueros venire ad me, & nolite vetare illos, talium est enim regnum Dei.* Luc. 18. v. 15. Quomodo accedent? oportet nasci denuo, ut regnum intrent. Joh. 3. Fidem autem actualem minimè requiri, ut iustificemur, sed infusam ejus qualitatem, & habitum, seu potentiam sufficere, tam manifestum est, quàm clarum, etiam fideles dormientes, qui nullum fidei actum exercent, justos esse. Et verò hoc ipsos sensisse Apostolos existimandum est, quando Act. 16. v. 15. & 18. v. 8. cum omni domo patresfamilias baptizarunt. Sufficiebat autem adultos, actualium etiam peccatorum reos, ad pœnitentiam præmittendam & cetera doctrinæ Christianæ capita tenenda erudiri; quod hi deinde filiis eadem tradituri essent, Unde monentur Act. 2. v. 38. *Pœnitentiam agite, & baptize-*

tur unusquisque vestrum, & accipietis donum Spiritus S. vobis enim est repromissio (nec solis tantum) sed & filiis vestris. Si igitur, & his facta promissio, quis dubiter implendam? In adultis fides & poenitentia prævia est, in pueris baptismum comitatur. Et quis præterea ambigat, de infantibus per Baptismum Dei populo aggregandis, quando circumcisionis Sacramentum, quod Baptismi figura fuit, octavo vitæ die iisdem collatum novimus? Imago hæc opinor, de corporis exhibiti præsentia ac necessitate nos instruet; præsertim, quando in neglectu æterna salus periclitatur. Et verò, si quod esset dubium, via tutior foret eligenda.

Hærent hic implicati Protestantes. Lutherani actualem fidem & quos nescio, cum Joanne Baptista, pios motus, in pueris ratione carentibus, requirunt; sed quis illis paria huic promittat, de quo dictum, *inter natos mulierum non surrexit major?* Calviniani parentum sufficere fidem credunt (quam nos prodesse, ob futuram instructionem, sentimus) infantibus; sed fidem non merentur: quando, ut supra tradidi, aliena nemo fide potest justificari ac salvari; non, opinor, magis, quam alieno cibo saturari.

Quæ ad ritum celebrandi jam olim Baptismi, temporibus Apostolicis, attinet, quædam supra art. 33 § 3. observata reperies, ut appareat, jam tum extra S. Scripturam Apostolicas ordinationes in Ecclesia receptas, ad honestam decentemque Sacramentorum administrationem, fuisse. His verò refragari vellet, erit Apostoli promissionem infringere.

§. III. Orthodoxæ Ecclesiæ Patres Baptismi efficaciam, & necessitatem, semel illis debiti, cum ritu ministrisque suis agnoverunt.

1. **N**unc orthodoxæ Ecclesiæ Patres ex S. literis, tam de expiatione plena scelerum, quam infantum conlatione, per baptismum, sententiam pronuntiant.

S. Martialis ad Tholosanos cap. 1. *Estis membra Christi, & corpus immaculatum, nec aliqua in re inquinatum.* Jam enim sanctificati, & mundati estis aqua regenerationis 1. Cor 6.

Clemens Alexand. l. 1. Pædag. c. 6. *Tincti illuminamur, illuminati in filios adoptamur, adoptati perficimur, perfecti immortales reddimur:* Ego, inquit, dixi, Dii estis, & filii excelsi omnes. Ps. 81. *Multis autem modis vocatur hoc opus: gratia, illuminatio, perfectum, & lavacrum. Lavacrum quidem, per quod peccata abster-  
gimus: gratia autem, qua remittuntur poena, qua peccatis debentur, &c.*

Origene



Origenes homil. 14. in Luc. *Parvuli baptizantur in remissionem peccatorum. Quorum peccatorum? vel, quo tempore peccaverunt? aut, quomodo potest ulla lavacri ratio subsistere in parvulis, nisi juxta illum sensum, de quo ante diximus: nullus mundus à sorde, nec si unius diei quidem fuerit vita ejus super terram? Et qui per Baptismi sacramentum natiuitatis sordes deponuntur, propterea baptizantur & parvuli: nisi enim quis renatus fuerit ex aqua & Spiritu S. non poterit intrare in regnum cælorum. Ioh. 3. Idem tradit in cap. 6. ad Rom.*

Cyprianus Epist. 59. vel ut alia habet editio, lib. 3. Ep 8. *Quantum ad causam infantium attinet, quæ dixisti intra secundum, vel tertium diem, quo nati sunt, constitutos, baptizari non oportere, & considerandam esse legem circumcisionis antiquæ, ut intra octavum diem eum qui natus est, baptizandum & sanctificandum non putares, Gen. 17. Longè aliud in concilio nostro omnibus visum est, universi judicavimus, nulli hominum nato misericordiam Dei & gratiam denegandam. Nam cum Dominus in Evangelio dicat, Luc. 9. filius hominis non venit animas perdere, sed salvare, quantum in nobis est, si fieri potest, nulla anima perdenda est, &c. Esse denique apud omnes siue infantes, siue majores natam unam divini muneris aequalitatem, declarat nobis divina scriptura fides, cum Helisæus super infantem Sunamitis viduæ filium, qui mortuus jacebat, ita se, Deum deprecans, superstravit: ut capiti caput, & faciei facies applicaretur, & superfusi Helisæi membra singulis parvuli membris, & pedes pedibus jungerentur, &c. 4. Reg. 4.*

S Ambrosius lib 2. de *Abrah. cap. 11. Nisi quis renatus fuerit, ex aqua & Spiritu S. non potest introire in regnum Dei. Utique nullum excipit, non infantem, non aliqua præventum necessitate. Habeant illi apertam pœnarum immunitatem: nescio an habeant regni honorem.*

S Gregorius Nazianz. Orat 40. in S. Baptisma. *Quid de iis dices, qui adhuc tenera ætate sunt nec aut damnum, aut gratiam sentiunt? An eos quoque baptizabimus? Ita prorsus, si quod periculum urgeat. Præstat enim absque sensu sanctificari, quam sine sigillo & oblatione abscedere. Atque hujus rei nobis est ratio, circumcisio die octavo peragi solita (Gen. 17. v. 12) quæ Baptismi figuram quodammodo gerebat, atque iis, qui rationis expertes erant, offerebatur.*

S Hieronymus Dial. 3. *contra Pelag. cap. 6. Regnavit mors ab Adam usque Moysen, etiam in eos, qui non peccaverunt, in*  
similiq

similitudinem prævicationis Adam, qui est forma futuri Rom. 5. *Qui parvulus est, parentis in baptismo vinculo solvitur, qui ejus ætatis est, quæ potest sapere, & alieno, & suo, (si peccavit) Christi sanguine liberatur*

S. Chrysostomus ad Neophytos, sive de Baptizatis. *Sacerdos ab infirma ætate exigit pacta convenia, & assensiones, & minoris ætatis fidejussorem accipit susceptorem, & interrogat. Renuntias Satanæ? &c. Item Dom. de Adam & Eva exorcismos consuetos fuisse asserit, & hunc parvulos baptizandi morem Ecclesiam ubique diffusam tradit celebrare.*

S. Augustinus Epist. 28. ad Hieron. *Quisquis, inquit, dixerit, quod in Christo vivificabuntur etiam parvuli, qui sine Sacramenti ejus participatione de vita exeunt, hic profecto & contra Apostolicam prædicationem venit, & totam condemnat Ecclesiam, ubi propterea cum baptizandis parvulis festinatur & curritur, quia sine dubio creditur, aliter eos in Christo vivificari omnino non posse. Qui autem non vivificatur in Christo, restat, ut in eadem damnatione maneat, de qua dicit Apostolus Rom. 5. per unius delictum in omnes homines ad condemnationem, &c. Idem disertè ostendit Epist. 89.*

Sic de peccat. meritis & remiss. lib. 3. c. 12. expendens illa Pauli 1. Cor. 7. *Alioquin filii vestri immundi essent, nunc autem sancti sunt. Sine dubitatione inquit, tenendum, quacunque illa sanctificatio sit, non valere ad Christianos faciendos, atque ad dimittenda peccata, nisi Christiana institutione & Sacramentis efficiantur fideles. Nam nec conjuges infideles, quamlibet sancti & justis conjugibus hæreant, ab iniquitate mundantur, quæ à regno Dei separatos in damnationem venire compellit: nec parvuli de quibuslibet sanctis justisque procreati originalis peccati reatu absolvantur, nisi in Christo fuerint baptizati. Et lib. 2. cap. 25. Circumcisionem respiciat, quæ semel fiebat Gen. 17. & tamen in singulis sigillatim fiebat. Sicut ergo tempore illius Sacramenti de circumciso qui nasceretur, circumcidendus fuit: sic nunc de baptizato qui natus fuerit, baptizandus est. Vide cap. 26. quoque. Et lib. 1. cap. 27. de illo Marci 16. qui non crediderit condemnabitur. Quis, inquit, nesciat, credere infantibus esse baptizari; non credere autem non baptizari. Vide plura cap. 23. ibid.*

II. Iterandum verò baptismum non esse, idem tradit.

D. Augustinus tract. XI. in Joannem. *Responde, inquit, intellexis Nicodemus Nativitatem carnis. Sic & tu intellige Nativitatem Spiritus. Quicumque tibi dixerit, ut spiritualiter iterum nascaris: responde,*

*responde, quod dixit Nicodemus* Nunquid potest homo iterum in ventrem matris suæ intrare, & nasci? *loh. 3. Iam natus sum de Adam. non potest me iterum generare Adam. Iam natus sum de Christo: non potest me iterum generare Christus.* Vide eundem de Baptismo contra Donatist. lib. 2. cap. 4. ex Joannis 13. probantem. *Qui lotus est, &c.*

S. Ephrem jam olim idem tradiderat. tom. 3. de Pœnit. ante finem *Contra hæreticos negantes lapsis pœnitentiam.* Sic disserit. *Paulus, dicitis, ait Impossibile esse, eos, qui semel illuminati sunt, rursus renovari ad pœnitentiam, rursusque crucifigere sibi metipsis Christum & transgressores recipi. Heb. 6. Non de pœnitentia id Paulus dixit, verum de secundo Baptismate; quod iterum baptizari sit eum impossibile, qui semel in Christo baptizatus est, quoniam idem ait Apostolus. Quicumque in Christo baptizati sunt, in morte ejus baptizati sunt. Rom. 6. Una est crux, unum est etiam Baptisma. &c.*

III. Per ministrum quemcunque, etiam hæreticum & profanum hominem, baptismum validè conferri, iidem Patres ex S. literis tradunt.

D. Augustinus Tract. 5. in Evang. S. Joannis. *Sint, inquit, ministri justi, si volunt; si autem noluerint esse justi, qui Cathedram Moysi sedent, securum me fecit Magister meus, de quo Spiritus ejus dixit: Hic est, qui baptizat loh. 1. &c. Baptisma quod datum est à Iuda, Christi erat. Dedit Iudas, & non baptizatum est post Iudam. dedit Joannes, & baptizatum est post Joannem. Act. 19. Quia qui datus est à Iuda baptismus, Christi erat: qui autem à Ioanne datus est, Joannis erat.* Et lib. 4. contra Donat. *Si per vim Sacramenti Dei avarus dimittis peccata; etiam Hæreticus: si per meritum suum; nec ille, nec iste.* De laicis idem tradit August. ad Fortunatum. D. Hieronym. contra Lucifer. cap. 4. De pueris quoque Baptizantibus se invicem, quem Baptismum Alexander Episcopus Alexandr. cum Concilio Clericorum probavit, scribit Ruffinus in hist. Eccl. lib. 1. c. 14. & Sozomenus lib. 2. c. 16.

Tertullianus jam olim idem in Ecclesia receptum, tradidit de Bapt. c. 17. *Dandi Baptismi etiam laicis, inquit, ius est. Quod enim ex aquo accipitur, ex aquo dari potest: nisi Episcopi jam, aut Presbyteri, aut Diaconi vocantur, dicentes: Domini sermo non debet abscondi ab ullo Psal 39. v. 11. Proinde & Baptismus aqua Dei census ab omnibus exerceri potest, &c. quanquam, omnia licere dixit Sanctis. Apostolus; sed non omnia expedire. 1. Cor. 6.*

Suffi-

Sufficiat scilicet in necessitatibus, ut utaris. Ita ille. Et certe, necessitas, legem non habet.

Neque Apostolis eorumque successoribus magis baptizandi munus adstringitur Matt. ult. quàm docendi, cum dictum. *Euntes docete, baptizantes, &c.* ut igitur ab alio quovis laico rectè etiam instructio in doctrina fidei excipitur, cum sacerdos deest, ita & baptismus. Et sanè si hæretici, qui legitimè missi in Christi nomine non sunt, Baptismum queant impertiri, quid ni alii quicunque laici queant? Calvinistæ itaque hic non minus, qui laicos ab hoc munere rejiciunt, quàm Anabaptistæ, qui solos admittunt sanctos, jure sunt corrigendi.

IV. Ritus ceremoniarumque Romanæ Ecclesiæ circa Baptismum, jam olim SS. Patres in Ecclesia observarunt.

S. Dionysius Arcopagita c. 2. hierarch. Eccles. Exemplum ab Episcopo baptizati exponit, & hæc in ceteris. *Contestatur, inquit, ei, oportere ex integro totoque corde ad Deum accedere, per cuncta perfectum & immaculatum, Heb. 6. Tum divina quoque conversationis ac vitæ illi explicans rationem, an ita deinceps velit vivere, sciscitatur. Quod ubi ille pollicitus fuerit, imponit ejus capiti manum, consignansque illum, Sacerdotibus mandat, ut virum susceptoremque describant. &c. Insufflare illum ter Satanam jubet, ac præterea abrenuntiationem profiteri. Et cum illum Ministri exuerint, deferunt Sacerdotes sanctum unctionis oleum. At verò Pontifex trino S. Crucis signaculo unctionem inchoans, inungendum jam Sacerdotibus toto corpore hominem tradit, ipse ad adoptionis matrem proficiscitur, ejusque aquas S. prece ac invocatione sanctificans, terque in eas ad Crucis effigiem sanctissimum fundens unguentum, &c. trina illius mersione & emersione tres beatitudinis divinæ personas inclamans, &c. Subjicit deinde omnium rituum explicationem mysticam.*

Similia Clemens Rom. in Epist. 3. ad universos tradit. Tertul. de corona mil. c. 3. Cyprianus Epist. 70. ad Januar. Basilins de Spiritu S. c. 27. Chrysostomus in hom. de Adam & Eva. Cyrillus Jerosolym. in Catech. 1. 2. 3. & 4. Mystag. Ambrosius lib. 1. de Sact. cap. 1. Et qui Myster. initiantur cap. 1.

D. Augustinus concludat de Nupt. & Concup. lib. 22. cap. 29. *Exorcizantur, vel, ut dixi exsufflantur parvuli, ut in regnum Christi, à potestate tenebrarum hoc est diaboli & Angelorum ejus eruti transferantur Colos. 1. v. 3. Vide de chrismate, signo Crucis, aliisque ceremoniis eundem Tract. 33. & 118. in Joannem.*

#### §. IV. Protestantes sensum veteris Ecclesiæ de Baptismo sat apertè profitentur.

**P**rotestantes facildè agnoscunt Patres de Sacramentorum gratia, usu, rituq; sibi adversari, ideoque veterem orthodoxamque Ecclesiam, (sed nãvis suis, ut aiunt, laborantem) deserunt.

Lutherus *lib. 1.* contra Cochleum ait. Quod si qui sunt ex Patribus, qui senserunt Sacramenta sua virtute justificare, esto etiam Augustinus, ut Cochleus contendit, nihil moror, hominum sunt dicta, sibi ipsis sæpius pugnantium, pleraque humano sensu extra scripturas docentium.

Calvinus more suo ac suorum, Patribus, ubi exponi nequeunt, hyperbolen, sive superementientem adjectionem impurat. *lib. 4. Inst. c. 14. §. ult.* Forè metos illos Sophistas (Catholicos intelligit) deceptum immodica illa Sacramentorum encomia, quæ de signis nostris apud veteres leguntur, quale est illud Augustini, quod *V. l. Sacramenta Salvatorem tantum promittebant; nostra verò dent salutem.* Has & similes dicendi figuras, cum non adverterent hyperbolicas esse, & ipsi hyperbolica sua dogmata promulgarunt,

*Ibid. c. 15. §. 20.* ait, Quod multis ab hinc seculis, adeoque ab ipso Ecclesiæ exordio usu receptum video, ut in periculo mortis Laici baptizarent, si minister in tempore non adesset, non video quam firma ratione defendi possit.

Beza *Epist. 8.* Milleritus baptismo catechumenorum adjece-  
runt veteres placuit inungi, exorcismis & sufflationibus eripi ex Satanz potestate, cereos accensos præberi.

Casaubonus *Epist. ad Cardinal. Peronium p. 18.* Rex proficetur necessitatem baptisni ex institutione divina, &c. *Et Exercit. 16. §. 52.* Passim Patres Baptismum docent esse ad salutem necessarium ex ordinatione Domini.

Centuriatores *Cent. 1. lib. 2. c. 6. §. de Baptismo,* Origenes & Cyprianus & alii Patres autores sunt, Apostolorum etiam tempore infantes baptizatos esse. Constat etiam ex Apostolorum scriptis, quod infantes à baptismo non excludantur. Nam dum locum circumcisionis Baptismum supplere Paulus docet *Colos. 2. v. 11.* æquè infantes atque adultos ad Baptismum admittendos Paulus indicat.

*Cent. 2. cap. 6. aiunt.* Autor responsionum apud Iustinum  
R quæst.

quæst. 137. habet quædam de unctione per oleum & unguentum. Qui ad eum morem alludit, quo baptizandi antequam baptizarentur, perungebantur oleo vereti; baptizati vero consignabantur unguento.

Et Clemens Rom. Epist. 3. *Baptizetur*, inquit, *unusquisque aquis perennibus nomine trina beatitudinis invocato super se, perunctus primum oleo per orationem sanctificato.* Sed quia hæc Centuriatoribus non placent, aurores sibi aiunt esse suspectos. Verum nobis esse non possunt, quibus tot alii veterum suffragatores adsunt.

*Cent. 3. cap. 4. §. de baptismo.* Nova, aiunt, opinione Tertullianus in serm. de Bapt. sensit. *Baptismum Ioannis nihil cælestē præstisse, sed cælestibus præministrasse*

Cyprianus lib. 1. Epist. 12. *Oportet*, inquit, *mundari & sanctificari aquam prius à sacerdote, ut possit Baptismo suo peccata hominis, qui baptizatur abluere: quia per Ezechielem Prophetam Dominus dicit, & adspersam super vos aquam mundam.* Ubi & hoc affirmare audeo, quod persona baptizans Spiritum S. confirmat, & baptizatum intus sanctificet. Et ibid. *Vagi quoque necesse est eum, qui baptizatus sit, ut accepto Chrismate, id est unctione, esse unctus Dei, & habere in se Christi gratiam possit.*

Denique ibid. cap. 6. de ritibus Baptis. inquirunt Centuriatores. Porro forma Baptismi eadem adhuc mansisse videtur, quam Christus instituerat. Primum enim baptizandus de symbolo interrogabatur ut: *Credis?* &c. Cyp. l. 1. Ep. 6. Deinde renuntiabat Diabolo. Tertul. de Cor. Postea ter in aquam mergebatur. Tertul. ib. Mersionem sequebatur unctio, & manus impositio. Tertul. lib. de Baptis. Et signaculum Dominicum Cyp. l. de hæret. rebapt. Meminit & exorcismi Epist. ad Quint. & osculi à Ministro dati lib. 3. Ep. 8 & Eusebio quoque l. 7. c. 25 colligi posse videtur, *Apostolorum nomina Liberis baptizatis imposuisse* &c. Hæc aliaque fusius hoc loco reperies: Nos brevitati studemus, neque ideo ad sequentia transimus secula, longe illustrioribus scriptis distincta. Hæc æquo pudentique æstimatori antiquitatis sufficiant.

## ARTICULUS XXXVI.

**A**ffirmamus a sanctam cœnam Domini, aliterum videlicet Sacramentum, esse nobis testimoniū nostræ cum Domino nostro Jesu Christo unctionis; quoniam, non est donatæ mortuus semel, & excitatus à mortuis pro nobis; <sup>nos</sup> sed etiam verè

a 1. Cor. 10. v. 16. & 11. v. 20. b Ioh. 6. v. 56. 57. & 17. v. 11

nos pascit, & nutrit carne sua, & sanguine, ut unum cum ipso facti, vitam cum ipso communem habeamus. Quamvis enim nunc sit in cœlis, ibidem etiam manens, donec veniat mundum judicaturus: credimus tamen cum arcana & incomprehensibili Spiritus sui virtute, nos nutrire & vivificare, sui corporis & sanguinis substantiâ per fidem apprehensâ. Dicimus autem, hoc spiritualiter fieri, non, ut efficacix & veritatis loco, imaginationem aut cogitationem supponamus; sed potius, quoniam hoc mystérium nostræ cum Christo coalitionis tam sublime est, ut omnes nostros sensus, totumque adeo naturæ ordinem superet. Denique, quoniam, cum sit divinum & cœleste, non nisi fide percipi potest.

c *Marc. 16. v. 19. Act. 3. v. 21.*

## ARTICULUS XXXVII.

**C**Redimus, sicut antea dictum est, tam in Cœna, quam in Baptismo, Deum nobis reipta, id est, verè & efficaciter donare, quidquid ibi sacramentaliter figurat, ac proinde cum signis conjungimus verâ possessionem ac fruitionem ejus rei, quæ ibi nobis offertur. Itaque affirmamus eos, qui ad Trinitatem Domini, puram fidem, tanquam vas quoddam adferunt, verè accipere, quod ibi signa testificantur. Nempe corpus sanguinem Jesu Christi, non minus esse cibum, ac potum animæ, quam panis & vinum sunt corporis cibus.

d *Ioh. 6. v. 51. & 1. Cor. 11. v. 24.*

## ARTICULUS XXXVIII.

**D**icimus itaque elementum aquæ, quantum vis caducum, nobis nihilominus verè testificari interiorem animi nostri ablutionem, in sanguine Jesu Christi, per S. Spiritus efficaciam. Itemque, panem illum, & vinum illud, quod nobis in cœna datur, verè nobis fieri spirituale alimentum, quatenus videlicet, velut oculis nostris, spectandum præbent, carnem Christi nostrum cibum esse, & ejusdem sanguinem nobis esse potum. Itaque fanaticos illos omnes rejicimus, qui hæc signa & symbola repudiant; cum Christus D. N. pronuntiarit. Hoc est corpus meum, & hoc poculum est sanguis meus.

e *Rom. 6. v. 3. Eph. v. 26. & Mat. 26. v. 24.*

## §.I. Reformatio.

**C**redimus Christum qui visibili specie ascendit ad cælos, sedens ad dexteram Dei, a usque ad tempus restitutionis omnium b postea apparuisse Paulo in via, qua veniebat Damas cum c & Jerolymis capto ubi adsistens nocte ei Dominus, ait, constans esto, sicut enim testificatus es de me in Ierusalem, sic oportet te & Roma testificari d Unde Paulus inquit, visus est Iacobo, deinde Apostolis omnibus: novissimè autem, tanquam omnium abortivo visus est & mihi. e Sed & invisibilis, ubi duo vel tres in ejus nomine sunt congregati in medio eorum est. f imò in Ecclesia nobiscum futurus est usque ad consummationem seculi g

a Marc. ult. b Act. 3. c Act. 9. v. 17. d Act. 23. v. 11. e 1. Cor. 15. v. 8 f Mat. 18. v. 20. g Mat. ult.

Credimus itaque præsentem corpore nobis in Sacramento, de quo dixit Evangelista Lucas, accepto pane gratias egit, & fregit, & dedit eis, dicens: hoc est Corpus meum, quod pro vobis datur: hoc facite in meam commemorationem: similiter & calicem, postquam cœnavit dicens: hic est calix novum testamentum in sanguine meo, qui (calix τὸ ποτήριον) pro vobis fundetur. h Ita & Matthæus. Cœnantibus illis, accepit Iesus panem, & benedixit ac fregit, deditque discipulis suis, & ait, accipite & comedite hoc est corpus meum: & accipiens calicem, gratias egit, & dedit illis, dicens: bibite ex hoc omnes, hic est enim sanguis meus novi testamenti, qui pro multis effundetur in remissionem peccatorum. i Hæc Marcus confirmans addit. & biberunt ex illo omnes l Paulus disertè stabilit. Ego accepi à Domino, quod & tradidi vobis: quoniam D. J in qua nocte tradebatur, accepit panem, & gratias agens fregit, & dixit: accipite & manducate hoc est corpus meum, quod pro vobis tradetur: hoc facite in meam commemorationem. Similiter & calicem postquam cœnavit, dicens: hic calix novum testamentum est, in meo sanguine: hoc facite, quotiescunque bibetis in meam commemorationem. Quotiescunque enim manducabitis panem hunc, & calicem bibetis, mortem Domini annuntiabitis, donec veniat. Itaque quicumque manducaverit panem hunc, vel biberit calicem Domini indignè, reus erit corporis & sanguinis Domini. Probat autem seipsum homo, & sic de pane illo edat, & de calice bibat, qui enim manducat & bibit indignè, judicium sibi manducat & bibit non dijudicans corpus Domini. m

Cre-

h Luc. 22. v. 19. i Mat. 26. v. 20. l Mur. 14. v. 25.

m 1. Cor. 11.



Credimus autem Christum non sola fide nostra, sed secundum carnem hic verè suscipi, ipso apud Joannem teste. Ego sum panis vivus, qui de cælo descendi, & panis quem ego dabo, caro mea est pro mundi vita. Litigabant ergo Iudæi ad invicem dicentes: quomodo potest hic nobis carnem suam dare ad manducandum? (audiant Sacramentarii) Dixit eis Iesus, Amen, amen dico vobis, nisi manducaveritis carnem filii hominis & biberitis ejus sanguinem, non habebitis vitam in vobis, caro enim mea verè est cibus, & sanguis meus verè est potus. Hic est panis, qui de cælo descendit: non sicut manducaverunt Patres vestri manna & mortui sunt; qui manducat hunc panem vivet in æternum, &c. Hoc vos scandalizat? spiritus est, qui vivificat, caro non prodest quicquam. Verba, quæ ego locutus sum vobis, spiritus & vita sunt. Sed sunt quidam ex vobis, qui non credunt. Ex hoc multi discipulorum ejus abierunt retro. n

n Iob. 6.

Credimus Deum in sacramentis Ecclesiæ necessariis, non allegoricis tropicisq; passim verbis usum; sed vel propriis, vel clarè explicatis, ut in V. T. Circumcidetis, ait, carnem præputii vestri, ut sit signum federis inter me, & vos. Et sic de Agno. Erit Agnus absque macula, masculus, anniculus, &c. immolabitque eum universa multitudo Israel ad vespæram, & sument de sanguine. p Hac autem in figura facta sunt, sicut circumciso fuit baptismi, q Agnus Christi immolati, t Manna quoque panis Eucharistici. l

o Gen. 17. v. 11.

p Ex. 11. v. 6. q Colof. 2. v. 11.

t Iob. 1. l Iob. 6.

Ita & Baptismus in N. T. qui est, baptizare in nomine Patris & Filii & Spiritus S. t Confirmatio, u extrema unctio, x aliaque, ut infra videbimus, clarissimis verbis instituta sunt, uti Paulus quoque de corpore & sanguine Christi in cœna agnoscit. Vobis, inquit, prudentibus loquor, vos ipsi judicate, quod dico: calix benedictionis cui benedicimus, nonne communicatio sanguinis Christi est? & panis quem frangimus, nonne participatio corporis Domini est? y

Nempe tunc impletum est votum virorum tabernaculi Iob.

quis det nobis de carnibus ejus, ut satureremur lz

t Mat. ult. u Act. 8. v. 17.

x Iac. 5. v. 14 y I. Cor. 10.

z Iob. 31. v. 31.

tur unusquisque vestrum, & accipietis donum Spiritus S. vobis enim est repromissio (nec solis tantum) sed & filiis vestris. Si igitur, & his facta promissio, quis dubitet implendam? In adultis fides & poenitentia prævia est, in pueris baptismum comitatur. Et quis præterea ambigat, de infantibus per Baptismum Dei populo aggregandis, quando circumcisionis Sacramentum, quod Baptismi figura fuit, octavo vitæ die iisdem collatum novimus? Imago hæc opinor, de corporis exhibitæ præsentia ac necessitate nos instruet; præsertim, quando in neglectu æterna salus periclitatur. Et verò, si quod esset dubium, via tutior foret eligenda.

Hærent hic implicati Protestantes. Lutherani actualem fidem & quos nescio, cum Joanne Baptista, pios motus, in pueris ratione carentibus, requirunt; sed quis illis paria huic promittat, de quo dictum, *inter natos mulierum non surrexit major*? Calviniani parentum sufficere fidem credunt (quam nos prodesse, ob futuram instructionem, sentimus) infantibus; sed fidem non merentur: quando, ut supra tradidi, aliena nemo fide potest justificari ac salvari; non, opinor, magis, quam alieno cibo saturari.

Quæ ad ritum celebrandi jam olim Baptismi, temporibus Apostolicis, attinet, quædam supra art. 33 § 3. observata reperies, ut appareat, jam tum extra S. Scripturam Apostolicas ordinationes in Ecclesia receptas, ad honestam decentemque Sacramentorum administrationem, fuisse. His verò refragari vellet, erit Apostoli promissionem infringere.

§. III. Orthodoxæ Ecclesiæ Patres Baptismi efficaciam, & necessitatem, semel illis debiti, cum ritum ministrisque suis agnoverunt.

**N**unc orthodoxæ Ecclesiæ Patres ex S. literis, tam de expiatione plena scelerum, quam infantum conlatione, per baptismum, sententiam pronuntiant.

S. Martialis ad Tholosanos cap. 1. *Estis membra Christi, & corpus immaculatum, nec aliqua in re inquinatum.* Jam enim sanctificati, & mundati estis aqua regenerationis 1. Cor 6.

Clemens Alexand. l. 1. Pædag. c. 6. *Tincti illuminamur, illuminati in filios adoptamur, adoptati perficimur, perfecti immortales reddimur.* Ego, inquit, dixi, Dii estis, & filii excelsi omnes. Ps. 81. *Multis autem modis vocatur hoc opus: gratia, illuminatio, perfectum, & lavacrum. Lavacrum quidem, per quod peccata abster-gimus: gratia autem, qua remittuntur pœna, qua peccatis debentur, &c.*

Orige-

Origenes homil. 14. in Luc. *Parvuli baptizantur in remissionem peccatorum. Quorum peccatorum? vel, quo tempore peccaverunt? aut, quomodo potest ulla lavacri ratio subsistere in parvulis, nisi juxta illum sensum, de quo ante diximus: nullus mundus à sorde, nec si unius diei quidem fuerit vita ejus super terram? Et quia per Baptismi sacramentum natiuitatis sordes deponuntur, propterea baptizantur & parvuli: nisi enim quis renatus fuerit ex aqua & Spiritu S. non poterit intrare in regnum cælorum. Ioh. 3. Idem tradit in cap. 6. ad Rom.*

Cyprianus Epist. 59. vel ut alia habet editio, lib. 3. Ep 8. *Quantum ad causam infantium attinet, quos dixisti intra secundum, vel tertium diem, quo nati sunt, constitutos, baptizari non oportere, & considerandam esse legem circumcisionis antiqua, ut intra octavum diem eum qui natus est, baptizandum & sanctificandum non putares, Gen. 17. Longè aliud in concilio nostro omnibus visum est, universi judicavimus, nulli hominum nato misericordiam Dei & gratiam denegandam. Nam cum Dominus in Evangelio dicat, Luc. 9. filius hominis non venit animas perdere, sed salvare, quantum in nobis est, si fieri potest, nulla anima perdenda est, &c. Esse denique apud omnes sive infantes, sive majores natam divinam muneris æqualitatem, declarat nobis divina scriptura fides, cum Helisæus super infantem Sunamitis viduæ filium, qui mortuus jacebat, ita se, Deum deprecans, superstravit: ut capiti caput, & faciei facies applicaretur, & superfusi Helisæi membra singulis parvuli membris, & pedes pedibus jungerentur, &c. 4. Reg. 4.*

S Ambrosius lib 2. de *Abrah. cap. 11.* Nisi quis renatus fuerit, ex aqua & Spiritu S. non potest introire in regnum Dei. *Utrique nullum excipit, non infantem, non aliqua præventum necessitate. Habeant illi apertam pœnarum immunitatem: nescio an habeant regni honorem.*

S Gregorius Nazianz. Orat 40. in S. Baptisma. *Quid de iis dices, qui adhuc tenera ætate sunt nec aut damnum, aut gratiam sentiunt? An eos quoque baptizabimus? Ita prorsus, si quod periculum urgeat. Præstat enim absque sensu sanctificari, quam sine sigillo & oblatione abscedere. Atque hujus rei nobis est ratio, circumcisio die octavo peragi solita (Gen. 17. v. 12.) qua Baptismi figuram quodammodo gerebat, atque iis, qui rationis expertes erant, offerebatur.*

S Hieronymus Dial. 3. contra Pelag. cap. 6. Regnavit mors ab Adam usque Moysen, etiam in eos, qui non peccaverunt, in  
simili

similitudinem prævaricationis Adam, qui est forma futuri Rom. 5. *Qui parvulus est, parentis in baptismo vinculo solvitur, qui ejus ætatis est, quæ potest sapere, & alieno, & suo, (si peccavit) Christi sanguine liberatur*

S. Chrysostomus ad Neophytos, sive de Baptizatis. *Sacerdos ab infirma ætate exigat pacta conventa, & assensiones, & minoris ætatis fidejussorem accipit susceptorem, & interrogat. Renuntias Satanæ? &c. Item Dom. de Adam & Eva exorcismos consuetos fuisse asserit, & hunc parvulos baptizandi morem Ecclesiam ubique diffusam tradit celebrare.*

S. Augustinus Epist. 18. ad Hieron. *Quisquis, inquit, dixerit, quod in Christo vivificabuntur etiam parvuli, qui sine Sacramenti ejus participatione de vita exeunt, hic profectò & contra Apostolicam prædicationem venit, & totam condemnat Ecclesiam, ubi propterea cum baptizandis parvulis festinatur & curritur, quia sine dubio creditur, aliter eos in Christo vivificari omnino non posse. Qui autem non vivificatur in Christo, restat, ut in eadem damnatione maneat, de qua dicit Apostolus Rom. 5. per unius delictum in omnes homines ad condemnationem, &c. Idem disertè ostendit Epist. 89.*

Sic de peccat. meritis & remiss. lib. 3. c. 12. expendens illa Pauli 1. Cor. 7. Alioquin filii vestri immundi essent, nunc autem sancti sunt. *Sine dubitatione, inquit, tenendum, quæcunque illa sanctificatio sit, non valere ad Christianos faciendos, atque ad dimittenda peccata, nisi Christiana institutione & Sacramentis efficiantur fideles. Nam nec conjuges infideles, quamlibet sancti & justis conjugibus hæreant, ab iniquitate mundantur, quæ à regno Dei separatos in damnationem venire compellit: nec parvuli de quibuslibet sanctis justisque procreati originalis peccati reatu absolvantur, nisi in Christo fuerint baptizati. Et lib. 2. cap. 25. Circumcisionem respiciat, quæ semel fiebat Gen. 17. & tamen in singulis sigillatim fiebat. Sicut ergo tempore illius Sacramenti de circumciso qui nasceretur, circumcidendus fuit; sic nunc de baptizato qui natus fuerit, baptizandus est. Vide cap. 26. quoque. Et lib. 1. cap. 27. de illo Marci 16. qui non crediderit condemnabitur. Quis, inquit, nescias, credere infantibus esse baptizari; non credere autem non baptizari. Vide plura cap. 23. ibid.*

II. Iterandum verò baptismum non esse, idem tradit.

D. Augustinus tract. XI. in Joannem. *Responde, inquit, intellexit Nicodemus Nativitatem carnis. Sic & tu intellige Nativitatem spirituum. Quicumque tibi dixerit, ut spiritualiter iterum nascaris: responde,*

*responde, quod dixit Nicodemus.* Nunquid potest homo iterum in ventrem matris suæ intrare, & nasci? *Ioh. 3. Iam natus sum de Adam. non potest me iterum generare Adam. Iam natus sum de Christo: non potest me iterum generare Christus.* Vide eundem de Baptismo contra Donatist. lib. 1. cap. 4. ex Joannis 13. probantem. *Qui lotus est, &c.*

S. Ephrem jam olim idem tradiderat. tom. 3. de Pœnit. ante finem *Contra hæreticos negantes lapsis pœnitentiam.* Sic disserit. *Paulus, dicitis, ait Impossibile esse, eos, qui semel illuminati sunt, rursus renovari ad pœnitentiam, rursusque crucifigere sibi metipsis Christum & transgressores recipi. Heb. 6. Non de pœnitentia id Paulus dixit, verum de secundo Baptismate; quod iterum baptizari sit eum impossibile, qui semel in Christo baptizatus est, quoniam idem ait Apostolus. Quicumque in Christo baptizati sunt, in morte ejus baptizati sunt. Rom. 6. Vna est crux, unum est etiam Baptisma. &c.*

III. Per ministrum quemcunque, etiam hæreticum & profanum hominem, baptismum validè conferri, iidem Patres ex S. literis tradunt.

D. Augustinus Tract. 5. in Evang. S. Joannis. *Sint, inquit, ministri justi, si volunt; si autem noluerint esse justi, qui Cathedram Moyfi sedent, securum me fecit Magister meus, de quo Spiritus ejus dixit: Hic est, qui baptizat Ioh. 1. &c. Baptisma quod datum est à Iuda, Christi erat. Dedit Iudas, & non baptizatum est post Iudam. dedit Joannes, & baptizatum est post Joannem. Act. 19. Quia qui datus est à Iuda baptismus, Christi erat: qui autem à Ioanne datus est, Ioanni erat. Et lib. 4. contra Donat. Si per vim Sacramenti Dei avarus dimittis peccata; etiam Hæreticus: si per meritum suum; nec ille, nec iste. De laicis idem tradit August. ad Fortunatum. D. Hieronym. contra Lucifer. cap. 4. De pueris quoque Baptizantibus se invicem, quem Baptismum Alexander Episcopus Alexandr. cum Concilio Clericorum probavit, scribit Rufinus in hist. Eccl. lib. 1. c. 14. & Sozomenus lib. 2. c. 16.*

Tertullianus jam olim idem in Ecclesia receptum, tradidit de Bapt. c. 17. *Dandi Baptismi etiam laicis, inquit, ius est. Quod enim ex aquo accipitur, ex aquo dari potest: nisi Episcopi jam, aut Presbyteri, aut Diaconi vocantur, dicentes: Domini sermo non debet abscondi ab ullo Psal. 39. v. 11. Proinde & Baptismus a quo Dei census ab omnibus exerceri potest, &c. quanquam, omnia licere dixit Sanctis. Apostolus; sed non omnia expedire. 1. Cor. 6.*

Sufficiat scilicet in necessitatibus, ut utaris. Ita ille. Et certè, necessitas, legem non habet.

Neque Apostolis eorumque successoribus magis baptizandi munus adstringitur Matt. ult. quàm docendi, cum dictum. *Euntes docete, baptizantes, &c.* ut igitur ab alio quovis laico rectè etiam instructio in doctrina fidei excipitur, cum sacerdos deest, ita & baptismus. Et sanè si hæretici, qui legitimè missi in Christi nomine non sunt, Baptismum queant impertiti, quid ni alii quicunque laici queant? Calvinistæ itaque hic non minus, qui laicos ab hoc munere rejiciunt, quàm Anabaptistæ, qui solos admittunt sanctos, jure sunt corrigendi.

IV. Ritus ceremoniasque Romanæ Ecclesiæ circa Baptismum, jam olim SS. Patres in Ecclesia observarunt.

S. Dionysius Areopagita c. 2. hierarch. Eccles. Exemplum ab Episcopo baptizati exponit, & hæc in ceteris. *Contestatur, inquit, ei, oportere ex integro totoque corde ad Deum accedere, per cuncta perfectum & immaculatum. Heb. 6. Tum divina quoque conversationis ac vitæ illi explicans rationem, an ita deinceps velit vivere, sciscitatur. Quod ubi ille pollicitus fuerit, imponit ejus capiti manum, consignansque illum, Sacerdotibus mandat, ut virum susceptoremque describant. &c. Insufflare illum ut Satanam jubet, ac præterea abrenuntiationem profiteri. Et cum illum Ministri exuerint, deferunt Sacerdotes sanctum unctionis oleum. At verò Pontifex trino S. Crucis signaculo unctionem inchoans, inungendum jam Sacerdotibus toto corpore hominem tradit, ipse ad adoptionis matrem proficiscitur, ejusque aquas S. prece ac invocatione sanctificans, terque in eas ad Crucis effigiem sanctissimum fundens unguentum, &c. trina illius mersione & emersione tres beatitudinis divinæ personas inclamans, &c. Subjicit deinde omnium rituum explicationem mysticam.*

Similia Clemens Rom. in Epist. 3. ad universos tradit. Tertul. de corona mil. c. 3. Cyprianus Epist. 70. ad Januar. Basiliius de Spiritu S. c. 27. Chrysostomus in hom. de Adam & Eva. Cyrillus Jerosolym. in Catech. 1. 2. 3. & 4. Mystag. Ambrosius lib. 1. de Sacram. cap. 1. Et qui Myster. initiantur cap. 1.

D. Augustinus concludat de Nupt. & Concup. lib. 2. cap. 29. *Exorcizantur, vel, ut dixi exsufflantur parvuli, ut in regnum Christi, à potestate tenebrarum hoc est diaboli & Angelorum ejus eruti transferantur Colos. 1. v. 3. Vide de chrismate, signo Crucis, aliisque ceremoniis eundem Tract. 33. & 118. in Joannem.*

#### §. IV. Protestantes sensum veteris Ecclesiæ de Baptismo sat apertè profitentur.

**P**rotestantes facillè agnoscunt Patres de Sacramentorum gratia, usu, rituq; sibi adversari, ideoque veterem orthodoxamque Ecclesiam, (sed nævis suis, ut aiunt, laborantem) deserunt.

Lutherus *lib. 1.* contra Cochleum ait. Quod si qui sunt ex Patribus, qui senserunt Sacramenta sua virtute justificare, esto etiam Augustinus, ut Cochleus contendit, nihil moror, hominum sunt dicta, sibi ipsis sæpius pugnantium, pleraque humano sensu extra scripturas docentium.

Calvinus more suo ac suorum, Patribus, ubi exponi nequeunt, hyperbolen, sive superementientem adjectionem imputat. *lib. 4. Inst. c. 14. §. ult.* Fortè miseros illos Sophistas (Catholicos intelligit) deceperunt immodica illa Sacramentorum encomia, quæ de signis nostris apud veteres leguntur, quale est illud Augustini, quod *V. l. Sacramenta Salvatorem tantum promittebant; nostra verò dent salutem.* Has & similes dicendi figuras, cum non adverterent hyperbolicas esse, & ipsi hyperbolica sua dogmata promulgarunt,

*Ibid. c. 15. §. 20.* ait, Quod multis ab hinc seculis, adeoque ab ipso Ecclesiæ exordio usu receptum video, ut in periculo mortis Laici baptizarent, si minister in tempore non adesset, non video quam firma ratione defendi possit.

Beza *Epist. 8.* Milleritis baptismo catechumenorum adjecerunt veteres placuit inungi, exorcismis & sufflationibus eripi ex Sazaræ potestate, cereos accensos præbeti.

Casaubonus *Epist. ad Cardinal. Peronium p. 18.* Rex proficitur necessitatem baptismi ex institutione divina, &c. *Et Exercit. 16. §. 52.* Passim Patres Baptismum docent esse ad salutem necessarium ex ordinatione Domini.

Centuriatores *Cent. 1. lib. 2. c. 6. §. de Baptismo,* Origenes & Cyprianus & alii Patres auctores sunt, Apostolorum etiam tempore infantes baptizatos esse. Constat etiam ex Apostolorum scriptis, quod infantes à baptismo non excludantur. Nam dum locum circumcisionis Baptismum supplere Paulus docet *Colos. 2. v. 11.* æquè infantes atque adultos ad Baptismum admittendos Paulus indicat.

*Cent. 2. cap. 6. aiunt.* Autor responsionum apud Iustinum  
R
quæst.

quæ R. 137. habet quædam de unctione per oleum & unguentum. Qui ad eum morem alludit, quo baptizandi antequam baptizarentur, perungebantur oleo veteri; baptizati vero consignabantur unguento.

Et Clemens Rom. Epist. 3. *Baptizetur*, inquit, unusquisque aquis perennibus nomine trina beatitudinis invocato super se, perunctus primum oleo per orationem sanctificato. Sed quia hæc Centuriatoribus non placent, auctores sibi aiunt esse suspectos. Verum nobis esse non possunt, quibus tot alii veterum suffragatores adfunt.

*Cent. 3. cap. 4. §. de baptismo.* Nova, aiunt: opinione Tertullianus in serm. de Bapt. sensit. *Baptismum* Ioannis nihil cæleste præstittisse, sed cælestibus præministrasse.

Cyprianus lib. 1. Epist. 12. *Oportet*, inquit, *mundari & sanctificari* aquam prius à sacerdote, ut possit Baptismo suo peccata hominis, qui baptizatur abluere: quia per Ezechielem Prophetam Dominus dicit, *& adspersam super vos aquam mundam.* Ubi & hoc affirmare audeat, quod persona baptizans Spiritum S. conficit, & baptizatum intus sanctificet. Et ibid. *Vagi quoque necesse est eum, qui baptizatus sit, ut accepto Chrismate, id est unctione, esse unctus Dei, & habere in se Christi gratiam possit.*

Denique ibid. cap. 6. de ritibus Baptis. inquit Centuriatores. Porro forma Baptismi eadem adhuc mansisse videtur, quam Christus instituerat. Primum enim baptizandus de Symbolo interrogabatur ut: *Credis?* &c. Cyp. l. 1. Ep. 6. Deinde renuntiabat Diabolo. Tertul. de Cor. Postea ter in aquam mergebatur. Tertul. ib. Mersionem sequebatur unctio, & manus impositio. Tertul. lib. de Baptis. Et signaculum Dominicum Cyp. l. de hæret. rebapt. Meminit & exorcismi Epist. ad Quint. & osculi à Ministro dati lib. 3. Ep. 8 & Eusebio quoque l. 7. c. 25 colligi posse videtur, Apostolorum nomina Liberis baptizatis imposita fuisse &c. Hæc aliaque fusius hoc loco reperies: Nos brevitati studemus, neque ideo ad sequentia transimus seculum, longe illustrioribus scriptis distincta. Hæc æquo pudentique æstimatori antiquitatis sufficient.

## ARTICULUS XXXVI.

**A**ffirmamus a sanctam cœnam Domini, alterum videlicet Sacramentum, esse nobis testimoniū nostræ cum Domino nostro Jesu Christo unctionis; quoniam, non est duntaxat mortuus semel, & excitatus à mortuis pro nobis; <sup>nos</sup>

a 1. Cor. 10. v. 16. & 11. v. 20. b Ioh. 6. v. 56. 57. & 17. v. 11



nos pascit, & nutrit carne sua, & sanguine, ut unum cum ipso facti, vitam cum ipso communem habeamus. Quamvis enim nunc sit in cœlis, ibidem etiam manurus, donec veniat mundum judicaturus: credimus tamen cum arcana & incomprehensibili Spiritus sui virtute, nos nutrire & vivificare, sui corporis & sanguinis substantiâ per fidem apprehensâ. Dicimus autem, hoc spiritualiter fieri, non, ut efficacix & veritatis loco, imaginationem aut cogitationem supponamus; sed potius, quoniam hoc mystrium nostræ cum Christo coalitionis tam sublime est, ut omnes nostros sensus, totumque adeo naturæ ordinem superet. Denique, quoniam, cum sit divinum & cœleste, non nisi fide percipi potest.

c. *Marc. 16. v. 19. Act. 3. v. 21.*

## ARTICULUS XXXVII.

**C**Redimus, sicut antea dictum est, tam in Cœna, quàm in Baptismo, Deum nobis reipta, id est, verè & efficaciter donare, quidquid ibi sacramentaliter figurat, ac proinde cum signis conjungimus verâ possessionem ac fruitionem ejus rei, quæ ibi nobis offertur. Itaque affirmamus eos, qui ad S. mentiam Domini, puram fidem, tanquam vas quoddam adferunt, verè accipere, quod ibi signa testificantur, & Nempe corpus sanguinem Jesu Christi, non minus esse cibum, ac potum animæ, quàm panis & vinum sunt corporis cibus.

d. *Ioh. 6. v. 51. & 1. Cor. 11. v. 24.*

## ARTICULUS XXXVIII.

**D**icimus itaque & elementum aquæ, quantum vis caducum, nobis nihilominus verè testificari interiorem animi nostri ablutionem, in sanguine Jesu Christi, per S. Spiritus efficaciam. Itemque, panem illum, & vinum illud, quod nobis in cœna datur, verè nobis fieri spirituale alimentum, quatenus videlicet, velut oculis nostris, spectandum præbent, carnem Christi nostrum cibum esse, & ejusdem sanguinem nobis esse potum. Itaque fanaticos illos omnes rejicimus, qui hæc signa & symbola repudiant; cum f. Christus D. N. pronuntiarit. Hoc est corpus meum, & hoc poculum est sanguis meus.

c. *Rom. 6. v. 3. Eph. v. 26. f. Mat. 2. v. 24.*

Credimus autem Christum non sola fide nostra, sed secundum carnem hic verè suscipi, ipso apud Joannem teste. Ego sum panis vivus, qui de cœlo descendit, & panis quem ego dabo, caro mea est pro mundi vita. Litigabant ergo Iudæi ad invicem dicentes: quomodo potest hic nobis carnem suam dare ad manducandum? (audiant Sacramentarii) Dixit eis Iesus, Amen, amen dico vobis, nisi manducaveritis carnem filii hominis & biberitis ejus sanguinem, non habebitis vitam in vobis, caro enim mea verè est cibus, & sanguis meus verè est potus. Hic est panis, qui de cœlo descendit: non sicut manducaverunt Patres vestri manna & mortui sunt; qui manducat hunc panem vivat in æternum, &c. Hoc vos scandalizat? spiritus est, qui vivificat, caro non prodest quicquam. Verba, quæ ego locutus sum vobis, spiritus & vita sunt. Sed sunt quidam ex vobis, qui non credunt. Ex hoc multi discipulorum ejus abierunt retro. n

n Ioh. 6.

Credimus Deum in sacramentis Ecclesiæ necessariis, non allegoricis tropicisq; passim verbis usum; sed vel propriis, vel clarè explicatis, ut in V. T. Circumcidetis, ait, carnem praputii vestri, ut sit signum federis inter me, & vos. Et sic de Agno. Erit Agnus absque macula, masculus, anniculus, &c. immolabitque eum universa multitudo Israel ad vespertinam, & sument de sanguine. p Hac autem in figura facta sunt, sicut circumcisio fuit baptismi, q Agnus Christi immolati, t Manna quoque panis Eucharistici. l

o Gen. 17. v. 11.

p Ex. 11. v. 6. q Colof. 2. v. 11.

t Ioh. 1. l Ioh. 6.

Ita & Baptismus in N. T. qui est, baptizare in nomine Patris & Filii & Spiritus S. t Confirmatio, u extrema unctio, x aliaque, ut infra videbimus, clarissimis verbis instituta sunt, uti Paulus quoque de corpore & sanguine Christi in cœna agnoscit. Vobis, inquit, prudens loquor, vos ipsi judicate, quod dico: calix benedictionis cui benedicimus, nonne communicatio sanguinis Christi est? & panis quem frangimus, nonne participatio corporis Domini est? y

Nempe tunc impletum est vorum virorum tabernaculi Iob.

quis det nobis de carnibus ejus, ut satureremur? z

t Mat. ult. u Act. 8. v. 17.

x Iac. 5. v. 14 y I. Cor. 10.

z Iob. 31. v. 31.

## §. II. Observatio.

**H**ic Lydius est lapis, ad quem integritas Protestantium in scripturatum S. interpretatione exploratur. Quos us paucis de suis erroribus instruam, duo principia, ab ipsismet admiffa, in mentem revocabo.

I. Nunquam in S. literis, quæ pro regula ultima fidei esse debent, à proprio & literalis sensu esse recedendum: nisi aliquis receptus fidei articulus cum tali sensu pugnet. Si enim ratione solâ contra sensum scripturæ proprium niti liceat, nulla potest esse regulæ hujus esse crititudo major, quàm sit rationis, imò ratio hominis, non scriptura, erit ultima fidei regula.

II. Qui proprium scripturæ sensum, ad alium improprium transfert, ut certos nos de veritate reddat, tenetur ex alia scriptura S. ostendere, hunc quem vult sensum, non solum esse possibilem, verum etiam hoc loco necessarium: siue, non tantum sic posse, sed omnino debere intelligi, v. g. *hoc est corpus meum*, non aliter intelligi debere, quàm *hoc significat corpus meum*. Nam etsi ostendat, sic posse intelligi, nos tamen incertos de veritate relinquit. cum Claudius Sainctes in Tract. de Euch. octoginta quatuor diverfas expositiones ejus loci ex Advertationum scriptis proponat. Quando igitur ad solam scripturam judicem provocant, quam diu non demonstrant ex verbis & sententia illius, quis istorum sensuum solus sit necessarius, nihil agunt, nisi *λογισμαχην*. Proprio autem sensui semper insistendum est, dum improprius, sic ut dixi, proberur.

Jam verò has leges, quas ipsimet, sibi fixerunt, ut ex parte 1. Concord. Med. constat, ab adversariis in exponenda prædicta scriptura S. nequaquam impleri, manifestum est. Nam ex lege prima, nullum est symbolum, aut scriptura S. dictum fidei promittit articulum, qui proprium istorum verborum: *hoc est corpus meum*, sensum evitat, aut à recepta Ecclesiæ Romanæ sententia deflectat; sed lubricas tantum, & fallaciæ obnoxias (ut nec ipsi diffiteri possunt) rationationes. Nam, ut ille articulus symboli: *Sedens ad dextram Patris*, &c. stat cum illa veritate, quod *Paulo Christus apparuit in via*: ita etiam cum illa stare potest, quod *Christus in ara Sacerdoti sub specie panis & vini sistatur*. Quid quod minus ratio capit, atò lignum est fidei materies. Quia apud Deum non erit impossibile *cum verbum*, quod ipse locutus est. Luc. 1. vers. 37. quando etiam *camelum per foramen acus transire*, licet apud homines impossibile sit, possibile tamen est apud Deum Luc. 18.

An

An capiunt, quemadmodum clausis ostiis ad discipulos Christus intravit? Joan. 20. v. 19. & 26. an capiunt, quomodo Deus trinus sit in personis, unusque in substantia? quomodo Deus homo, & homo Deus factus sit? Imò, leviora sciscitabor, cum **Augustino**, capiuntne quemadmodum flos pulcherrimus, ex puri gleba formetur, quemadmodum sol in cœlo suis in terra versetur radiis, oculus unus tot rerum imagines colligat? Quæro, suumne capiant animum? totusne, an pars una in pede? sapiatne illic, an ignoret omnia? Pudori hominem, qui nec pulicis naturam penetraret, judicare velle, an sub panis & vini accidentibus se possit Christus præsentem sistere? simulne, & in cœlis manere, & in terras se possit effundere? Quid est fides, nisi credere quæ non vides? Si quæ intelligimus tantum credimus, jam scientia cum fide confunditur, *fides evacuatur*. Nulla igitur ex hac capite ratio est à proprio scripturæ sensu, in re tam ardua, descendendi. Ubi quidquid demum controversatur, tutissimum erit, *in capitivitatē redigere intellectum ad obsequium Christi* 2. Cor. 13. Ille qui dixit, & ex nihilo facta sunt omnia, in hoc etiam Sacramento quæ dixit, est effecturus.

Potro licet nulla ad probandum sensum proprium ratione teneamur, sed improprie anrè adversariis sit demonstrandus: tamen tot argumēta sunt pro hac veritate pugnātia, quorū ante sunt ductæ & scriptura & lineæ. Non immorabor singulis, strictè tantum nonnulla percontabo. Credimus eundem Christum simul ad dexteram Deisedere in cœlis, & visibilem apparuisse Paulo in terris Act. 3. 9. & 23. invisibilem quotidie interesse cœtui in suo nomine congregato Mar. 18 & ult. idque in illa, quā nobiscum vixit, carnis substantia & persona, de qua abiens dixit: Mar. ult. *Ece ego vobiscum sum usque ad consummationem sæculi*. Quibus scripturis & exhibitam & promissam illius tã in cœlis, quã terris habemus præsentiam, idq; in locis simul pluribus, quæ sive per reproductionē, sive adductionē facta sit, non est credentis scire: satis est hujus facti Deum nos habere, & testem, & autorem, qui cum possit facere, quæ non sunt, quidni possit replicare quæ sunt? Hæc verò in cœna præstitisse, cum dixit, sumpto pane: *Hoc est corpus meum, quod pro vobis datur*: & sumpto calice; *Hoc est poculum sanguinis mei quod pro vobis effunditur*, ambigere nec possumus, nec debemus, quando uno ore id omnes Evangelistæ, verbis nusquam metaphorice expositis, atque in teranta, quanta est salus nostra hoc Sacramento nixa, exponunt. Et Christus apud Joannem clarius humana voce loqui hac in re non

potuit, quàm obmurmurantibus Judæis sanctè affirmando: *Amen dico vobis; Caro mea verè est cibus, & nisi manducaveritis Carnem filii hominis, non habebitis vitam.* Quod licet, ita exponeret, ut diceret; *Caro non prodest, ad carnis scilicet nostræ nutrimentum, & vitam corporis, sed spiritus est, qui vivificat, animum videlicet, per alimentum divinæ charitatis & gratiæ; tamen manducationem carnis Christi, utiq; tanquàm veri cibi, præsentis manifestè requirit.* Ut mirum sit, hominè esse scripturæ S. & Dei reverentem, qui hanc manducationem negare auserit; aut tam perversè loqui, ut hanc manducationem fide, non ore fieri asserat. Dicant Calviniani: Christum verè nobis adesse, non tantum in signis panis viniq; sacramentaliter (ut ZWinglius) sed corporis & sanguinis sui substantia fide apprehensam nobis, incomprehensibiliter licet modo, uniti; & sic nos fide illum manducare, Christumq; verè, sed spiritualiter, sua nos carne pascere ac nutrire. Quæ scriptura hæc commenta complectitur? quid fides aliud potest, quàm ut solum mentis cogitatione, conceptuque, atq; idea rem sistat præsentem? Quis dicat cibum autumve, quod apud Indos est mente conceptum, me vel pascere, vel ditare in Europa posse? quis me comedere, quando escam fide apprehendo? Et quomodo hæc asserunt, quod ipsi Calvinistæ, ut incomprehensibile, mente nunquam complexi sunt? Audentne, pro veritate, extra S. scripturam affirmare, quod nec cogitatu quidem ipsis licuit assequi? Apage tam manifestis deliriis.

Sed forè cum S. scriptura loquuntur, illiq; hanc præstant reverentiam, ut malint non intelligere quid dicant, quam non credere. Ita præ se ferunt, sed ex obscuris clara illustrare loca volūt, & lucē quæruunt in tenebris. Patres nostri aiunt ex Paulo 1 Cor. 10 omnes eandem escam spiritualem manducaverunt, & omnes eundem potum spirituale biberunt. (bibebant autem de spirituali consequente eos Petra, Petra autē erat Christus) Unde sic arguunt. Si eandem spiritualem escā Patres nobiscum sumpserunt, neq; aliter, quam vera fide præsentem Christum (qui in carne nondum natus erat) potuerunt sumere, constat nos quoque ita præsentē manducare, cum eandē māducemus escā. Cōfirmāt ex August. qui Tract. 26 in Joh. docet, quod eandē quā nos escā spiritualem māducarint: licet specie visibili, aliud illi, aliud nos; tamen hoc idem significante virtute spirituali. Quid? quod caro non profit quicquā, sed tantum spiritus & vita, Imò scdū sit, illā, ne dicā horrendū, sumere. quod enim intrat in os, in ventrem vadit, & in secessum emittitur. Mat. 15. Quare satis erit Christū per fidē habitare in cordib⁹ nostris Ep. 34. 17

His

His umbris suum errorem obtegunt. Verum, quamvis scripturæ tantum de esca Pattum illorum loquatur, qui *sub nube* fuerunt, tamen, ut demus cum Augustino, eandem Patres nobiscum escam sumpsisse, quod tam illorum manna & aqua de petra, quam panis vinique apud nos figura corpus sanguinemq; Christi significat, tam illi, quam nos in Christum crediderint, utrique etiam de gratia Christi participarint, nihilominus re sacramenti distamus plurimum. *Aliud*, inquit idem August. lib. 2. contra lit. Petil. c. 37. *est pascha, quod Iudæi de ovis celebrant; aliud quod nos in corpore & sanguine Domini accipimus.* Nos signum & signatum, fide & re; illi signum cum sola fide: eandem igitur utrique *spiritualem*; (vel ut August. *significante virtute spirituali*) *escam*: non eandem realem, *Petra* illos *consequitur*, nos comitetur. Nos habemus *panem de coelo vivum*: illi manna mortuum. Joh. 6.

Ceterum non *prodesse carnem* Christi, ad nos (ut soler) in carne nutriendos, libenter faremur; non *prodesse* ad spiritum charitatis, sua præsentia ratòque hoc amoris indicio & consociatione inflammandum, hoc vel lapides, si sentiant, negaverint. Cogitatio de *secessu* potcorum est, non hominum. Multa *in os eunt*, quæ in secessum non abeunt, sed cor, sanguinem, carnem, nutriunt. Et verò quid nî Christus esse possit illic, ubi Deus est? an sol in sordibus inquinatur? Nos tamen speciebus in stomacho consumptis, illic quoque Christum abesse sentimus, quanquam mentaliter fide viva creditus, etiam extra omne sacramentum *in cordibus nostris* habitare possit, sed quid in his obsecro locis, de incomprehensibili modo, quo nos per substantiam corporis sui, fide apprehensam, verè nutriat?

Declaratur nostra veritas ex ipsis institutionis sacræ verbis, *Hoc est corpus meum, quod pro vobis datur*, panis autem, vel apprehensus in mente Christus, seu expressa ipsius idea, pro redemptione nostra oblata non sunt, sed ipsum Christi corpus. Iterum, *hoc est poculum, novum testamentum in sanguine meo, quod pro vobis effundetur*, manifestè indicat non vinum, sed verum Christi sanguinem, neque hunc, ut fide apprehensum, sed ut ipsum fidei nostræ objectum, hoc in poculo fuisse, cum aliud nihil pro salute nostra effusum est. Adde quod *novum testamentum* non fuerit in vino, aut symbolo sanguinis, sed ipso Christi sanguine sancitum. Postremò quid disertius à Paulo dici potuit, quam quod *manducans hunc panem indignè, reus sit corporis Domini*, neque corpus illud *dijudices*? si corpus Domini in hoc cibo violatur, si *dijudicandum* in illo est, quomodo potest abesse? aut, si in signo

tantum violatur, caveant sibi quorquor Christi imagines pro-  
scribunt è templis improbeque dilacerant; quia Judæis crucifi-  
xionibus accensendi sunt, si deinde in signo corpus Christi diju-  
dicandum est, idololatriæ damnandi non sunt, quorquor, lig-  
neam etiam Christi effigiem pro Christo adorant; quia in signo  
rem dijudicant, ac venerantur. Hæc strictim Protestantibus sug-  
gero ruminanda.

Instant. J. Christus *benedixit ac fregit panem*, de quo dixit, *acci-  
pite & comedite hoc est corpus meum*, panis autem, vel tanquam  
continens dici potest corpus, uti vas aliquod vinum appellatur,  
& sic Lutherus triumphat: vel ut signum e.g. imago Cælaris  
Cæsar dicitur, & sic Zyvinglius Calvinusq; superat; iterum post  
consecrationem, tam corpus, quam sanguis Christi, adhuc panis  
vinum que appellantur, simò Christus ipse sumpto calice de *ge-  
minibus vitis* se ait bibere, Mar. 26. quem proprium hausisse san-  
guinem nemo senserit. Denique voluit sumi ab aliis *in sui com-  
memorationem*, quod præsentem in his signis non fuisse indicat:  
cum absentium fiat memoria, idòque & Paulus dicat mor-  
tem Domini annuntiabitis, *donec veniat*. Postremò demonstra-  
tivum pronomen *Hoc*, non potuit aliud designare, quam panem,  
qui & subjectus erat discipulorum oculis, & ante consecratio-  
nis verba Christi manibus tenebatur.

¶ Ut hæc certius assequaris, pone, Christum in nuptiis Canæ  
acceptam eo modo aquam benedixisse: dicendo: *accipite & bibi-  
te, hoc est vinum*. Quæro, rectè Christi verba, eo quo asseris sen-  
su interpretari possis, præteritum, si alias dixisset, aquam verè vi-  
ni potum fore? Non opinor equidem. Quare disquirere, quis *es-  
se* hic sensus possit, frivolum est, cum quis *esse debeat*, sit demon-  
strandum, quanquam, cum nec panis ex natura sua, ut vas ad  
cunctinendum, nec ut imago ad significandum destinatus sit,  
non intelligam, quemadmodum hæc illi significatio etiam com-  
petere possit. Benedixit, ut fatemur, panem; jussit verò accipere  
& comedere *hoc*, quod subjungebat, nempe *corpus suum*. uti pa-  
teret, si in Cana dixisset, *bibite, hoc est vinum*, nam tò *hoc* absolutam  
spectabat sententiam, quæ nisi in fine haberi non poterat. Un-  
de etiam manifestum est, per *hoc* non minus debere hic desig-  
nari corpus, quam illic vinum. & sicut in hac propositione, de  
aqua Canæ transubstantiata, *hoc est vinum*, aliqua indetermina-  
tè substantia principio signatur, quæ & aquam desinentum, &  
vinum incipiens complectitur; tamen in fine dictionis ad so-  
lum vinum significandum determinatum pronomen *hoc est*:

ita

ita quoque in præsentem habere necesse est; adeoque transubstantiationem veritas propositionis illius, *hoc est corpus meum*, tam certò infert, quam compertum est, idem non posse aliud, sive, *hunc panem. hoc corpus Christi* dici. Porro, quod post consecrationem, de corpore & sanguine Christi, adhuc panis vinique usurpantur nomina, mirum non est; cum res hæc sit in mutatis corporibus usitata, & antecederet panis vinumque hic fuerit, ac species etiamnum maneat, & Christus ipse hoc itopo hic usus sit, ut *panem se vivum* appellaret, *vitemque veram*. Quare & Paulus 1. Cor. 10. *calicem hunc vocat communicationem sanguinis Christi, & panem quem frangimus participationem corporis Domini*, ut intelligas vinum panemque in sanguinem corpusque Christi verum hic nobis exhiberi. Aliàs Christum non bibisse ex calice consecrato post cœnam, sed sub ipsa cœna, Lucas, idem cum Matthæo narrans, exponit; sed nec hic, nisi de vino alio præsentis, & potu ante facti loqui cõvincitur. Ad commemorationem quod attinet, hæc etiam præsentis Dei atque in oculos non incurrentis meritò instituitur, dum aliquando visibilis appareat, quo tamen argumento si quid vincerent, suam quoque ex fide præsentiam Calvinistæ destruerent. Sed frustra ejusmodi conjecturis immoramur, quando constat adversarios nullibi admissis supra regulis posse satisfacere. Juvabit Partes ex scriptura S. arguentes audire.

### § III. Primevæ Ecclesiæ cõstans, de reali Christi præsentia & transubstantiatione sensus, ex hæresum conflictu, & S. Scripturæ expositione cognitus.

**V**eterem primorum seculorum Ecclesiam, juxta hodiernum Romanæ Ecclesiæ sensum, de Eucharistia statuisse, nec realem tantummodo præsentiam Christi, sed & panis substantialem agnovisse mutationem, adorationemque in hoc Sacramento Christo debitam, non tantum Patres, sed & hæreses subnatæ, damnatæque constanter ab Ecclesia indicant.

S. Ignarius Martyr in *Epist. ad Smyrnenes*, juxta vetusta Exemplaria (quale adhuc Florentiæ est in bibliotheca Medicæ, teste Turriano) de sacr. Euch. sic habet, de Simone Mago ejusque discipulis, *Eucharistias & oblationes non admittunt, quod non consistantur Eucharistiam esse carnem Salvatoris nostri Jesu Christi, quæ*  
pro



pro peccatis nostris passa est, quam Pater sua benignitate susceperat. Qui igitur contradicunt dono Dei, altercantes intereunt. Eadem ex Ignatio citat Theodoretus D. al. 3. ut pateat Sacramentarios ex recentioribus editionibus eliminasse.

In secunda ætate Gnostici improbè, rejecto pane vinoque, carnem infantis pistillo contusam, pro carne Christi, in hoc sacramento usurpabant. De quibus clemens Alex. l. 3. Strom. & Epiph. hæresi 26. S. August. hæz. 6. His Cataphryges & Montanistæ accedunt, qui sanguinem infantis miscebāt, ut Epiph. hæz. 48. & Aug. hæz. 26. Quos nemo de existimatione præsentis carnis & sanguinis; sed de materia malè adhibita omnes arguunt.

In tertia ætate Paulus Samosatenus à Dionysio Alexand. in Epistola (quæ habetur Tom. 2. auctarii bibliorh. & cujus meminit D. Hier. de script. Eccl.) quadam perstringitur, quod corpus & sanguinem Christi doceret in Eucharistia corruptibilia esse; eò quod dicerentur illa frangi, d. vidi, fundi, docerque, non minus in sacramento, quam in cælo illa corrumpi, quod etiamsi spiritus S. Act. 2. v. 3. & 17. dividi effundique dicatur, non ideo corruptibilis haberi possit. Eadem ætate exorn Manichæi auferabant calicem; tum quòd vinum, tanquam Diaboli inventum, proscriberent; tum quòd Christum corpus sine sanguine fictè assumprum habere crederent. Quate ad hos à Catholicis discernendos, utraque sacramenti species decrera fuit. Ut S. Leo Papa ser. 4. de quadrag. c. 5. Viguisse itaque & hac ætate fidem de præsentia reali Christi in hoc Sacramento, errores circa istius corporis condiciones ostendunt. Illà nunquam improbatà, his damnatis.

In quarta ætate Donatistæ, quod negarent Catholicos, tanquam hæreticos, verè consecrare, calices & altaria evertebant, aliquando & Eucharistiam projecerunt canibus, qui in rabiem versi suos Dominos laniant. Ut Optatus Mil. lib. 2. & 6. contra Parmen. Sed Messaliani eodem tempore, cum Simone Mago, sensisse videntur, nil præter figuram in hoc sacramento reperiri. Unde Magnes ejus ætatis scriptor lib. 3. Apolog. ad Theosthenen. cum accepisset Christus panem & vinum dixit, hoc est corpus meum. Non enim figura corporis (tantum) aut figura sanguinis, sicut quidam nugati sunt, stupefacti mente, sed secundum veritatem est corpus & sanguis Christi. En statim correctos, qui à linea deviarunt.

In quinta ætate Nestoriani contemptores Eucharistiæ, in qua carnem tantum Christi, sine divina natura exhiberi sentiebant

bant Catholici ἄνθρωποι παλαιοὶ objiciebant, negabant etiam manere post usum in reliquiis corpus Christi, quos Cynillus Alexand. in Epist. ad Calosirium reprehendit. Insaniunt, inquit, qui hoc asserunt, neque enim aliteratur Christus, neque sanctum eius corpus immutatur, sed benedictionis vis & facultas, & vivificans gratia perpetuo in ipso existit. Patet igitur Ecclesiam primorum seculorum omnes, quotquot contra honorem Eucharistiae, quicquam statuerent in sensu Protestantium, averfatam esse. Sed Partes disertius loquentes audiamus.

Justinus ad Antoninum Apol. 2. Non, inquit, ut communem panem, & communem potum ista sumimus; sed quemadmodum per verbum Dei caro factum est servator noster, & carnem & sanguinem salutis nostra causa habuit, ad eundem modum etiam eam, in qua per preces verbi ejus ab ipso profecti gratia acta sunt, alimoniam; unde sanguis & caro nostra per mutationem aluntur, incarnati illius Iesu carnem & sanguinem esse edocti sumus. Nam Apostoli suis in scriptis, quæ Evangelia vocantur, ita tradiderunt precipisse sibi Iesum. Eum enim accepto pane, cum gratias egisset, dixisse: Hoc facite in mei memoriam. Hoc est corpus meum, & similiter accepto poculo, actisque gratias dixisse: Hic est sanguis meus, & solis ipsis communicasse.

Origenes hom. 7. in Num. Antea in anigmate fuit baptismus, in nube & mari, 1. Cor. 10. nunc in specie regeneratio est, in aqua & spiritu S. Joh. 3. tunc in anigmate erat manna cibus: nunc autem in specie caro verbi Dei est verus cibus, sicut ipse dixit: caro mea verè est cibus, & sanguis meus verè est potus. Ioh. 6.

Idem hom. 5. in diversos. Quando, inquit, vita pane & poculo frueris, manducas & bibis corpus & sanguinem Domini, tunc Dominus sub tectum tuum ingreditur. Et tu ergo humilians te ipsum imitare hunc centurionem, & dicito: Domine non sum dignus, ut intres sub tectum meum, Mat. 8. Vbi indigne ingreditur, ibi ad iudicium ingreditur 1. Cor. 11.

Tertullianus lib. de Idolol. cap. 7. De improbis sacerdotibus Proscelus, inquit, semel Iudei Luc. 23. v. 54. Christo manus intulerunt, isti quotidie corpus ejus laceffunt 1. Cor. 11. Viderint jam, an per similitudinem dictum sit: Site manus tua scandalizat, amputa eam Mat. 18. Quæ magis amputanda, quam in quibus Domini corpus scandalizatur? Et in libro de Resur. carnis. Caro, inquit, corpore & sanguine Christi vescitur, ut & anima de Deo saginetur.

Cyprianus de cœna Dom. Hoc sacramentum, ait. aliquando corpus

corpus suum. Luc. 22. aliquando carnem & sanguinem, aliquando panem Christus appellat portionem vitæ æternæ (Ioh. 6.) cuius secundum hac visibilia corporali communicavit natura. Panis iste communis in carnem & sanguinem mutatus, procurat vitam & incrementum corporis. Ideoque ex consueo rerum effectu fidei nostra adjuncta infirmitas, sensibili argumento edocta est visibilibus Sacramentis inesse vitæ æternæ effectum. & tam corporali, quàm spiritali transusione Christo nos uniri. Et ibidem. Panis iste quem Dominus discipulis portigebat Mat. 26. Non effigie, sed natura mutatus, omnipotentia verbi factus est caro. & sicut in persona Christi humanitas videbatur, & latebat divinitas, ita Sacramento visibili divina se infudit essentia.

Idem serm. de lapsis Domini, inquit, Corpus invadunt, quanquam occurrat scriptura divina & clamet, & dicat, Lev. 22. Omnis mundus manducabit carnem, & anima quæcunque manducaverit ex carne sacrificii talutariis, peribit anima illa de populo suo, &c. Spretis his omnibus, atque contemptis, vis inferitur corpori & sanguini ejus, & plus modò in Dominum manibus atque ore delinquant, quàm cum Dominum negaverunt.

Cyrillus Hierosolymi. Catech. 4. Mystag. Cum Christus ipse affirmet & dicat de pane: Hoc est corpus meum quis deinde audeat dubitare. Eodem quoque confirmante, & dicente: Hic est sanguis meus, quis, inquam, dubitet, & dicat: non esse illius sanguinem. Aquam aliquando mutavit in vinum, quod est sanguini propinquum in Cana Galilææ, Ioh. 2. sola voluntate; & non erit dignus cui credamus, quod vinum in sanguinem transmutasset? Si enim ad nuptias corporeas invitatus, stupendum miraculum operatus est, cur non multo magis corpus & sanguinem suum filiis Sponsi dedisse illum consuebimur? Quare omni certitudine Corpus & sanguinem Christi sumamus. Nam sub specie panis datur tibi corpus, & sub specie vini datur tibi sanguis; ut sumpto corpore & sanguine Christi efficiaris ei comparticeps corporis & sanguinis. Sic Christophori erimus, hoc est, Christum ferentes, cum ejus corpus & sanguinem in membra nostra receperimus. Atque ita, ut B. Petrus dicit, divinæ consortes naturæ efficiemur 2. Pet. I. v. 4. &c. Hoc sciens & pro certissimo habens, qui apparet panis, panis non est, etsi gustus ita sentiat, sed corpus Christi, & quod apparet vinum, nequaquam vinum est: tamen si sensui gustus vinum esse videatur, sed sanguis Christi.

NB. ob tam evidens testimonium, cuperent Cyrilli hujus auctorita-

toritatem omni arte eversam, ideoque ex Ruffino l. 2. cap. 23. Macedonianum, aut Arianum fuisse contendunt, & in fide variasse. Verum ut ipsi Magdeburgenses cent. 4. c. 10. ex Socrate lib. 5. c. 8 & lib. 7. c. 7. Theodoretus lib. 5. c. 9. synodo Constantinopolitanae summa autoritate interfuit, acceque fuit hærelum oppugnator. Imo sub Constantino Cæsare Ariano ejectus sede Hierosolymitana, restitutus post illum, sub aliis Imperatoribus, & Theodosio orthodoxo præfuit. Verum licet Arianis favisset, quid hoc ad Catecheses ipsius everrendas facit, quas & Adolefcens Orthodoxus (ut Hieronymus) scripsit, & postea senex orthodoxus probavit. Taceo etiam, quòd Arianæ hæresi talis de Sacramento doctrina, velut corrupta, non imputeretur. Ut probrosum omnino sit adversariis, tam putidis subterfugiis veritatem declinare.

Gregorius Nyssenus, orat. catechetica 37. *Hic panis, ut ait Apostolus, per verbum Dei & orationem sanctificatur 1. Tim 4. v. 5. non quia comeditur, sed progrediens, ut Verbi (Christi) corpus evadat; sed à Verbo in corpus transmutatur, statim cum dictum est: Hoc est corpus meum, &c. Injerit verò se per carnem omnibus credentibus, commissus attemperatusque corporibus credentium (qua substantiam ex pane & vino habent) ut unione cum eo, quod est immortale, sit etiam homo particeps incorruptionis. Hæc autem tribuit, virtute benedictionis, rerum naturam, qua videntur, in illud (corpus Christi) commutans.*

S. Basilii Magni, Gregorii Nysseni frater Ep. 151. Carnem ipsius edimus, & sanguinẽ bibimus Joh. 3. consortes ipsius effecti (2. Pet. 1.) per incarnationẽ & sensibilem verbi ac sapientia vitam.

Macarius Aegyptius hom. 27. *In Ecclesia effertur panis & vinum anticypon carnis & sanguinis Christi. Et qui sumunt ex eo, qui apparet panis, carnem Domini comedunt Joh. 6.*

S. Ephrem de natura Dei non scrutanda. cap. 5. *Hoc sanctum excedit omnem admirationem, omnem mentem, omnemque sermonem, quod fecit nobis unigenitus filius Christus Salvator noster. Ignem & spiritum manducandum ac bibendum præstitit nobis (Joh. 6. vers. 64.) carne vestitis, corpus scilicet & sanguinem suum.*

Epiphanius in Ancorat. *Videmus, quod accepit Salvator in manus suas velut Evangelium habet, quod surrexit in coena & accepit hæc, & ubi gratias egisset, dixit: Hoc meum est, hoc, & hoc, Luc 22. Et videmus, quod non aequale est, neque simile: non imagini in carne, non invisibili Deitati, non linearum, membrorum*

membrorum &c. Et nemo non fidem habet sermoni. Qui enim non credit esse ipsum verum (corpus) sicut dixit, is excidit à gratia & salute.

S. Hilarius lib. 8. de Trinit. Si verè verbum caro factum est, & nos verè verbum carnem cibo dominico sumimus. Quomodo non naturaliter in nobis manere existimandus est; qui & naturam carnis nostra jam inseparabilem sibi natus homo assumpsit, & naturam carnis sue, ad naturam aternitatis, sub sacramento nobis communicanda carnis admiscuit? Ita enim omnes unum sumus, quia & in Christo Pater est, & Christus in nobis &c. Verè homo ille, qui ex Maria natus fuit Christus est, nosque verè sub mysterio carnem corporis sui sumimus, & per hoc unum sumus, quia Pater in illo, & ille in nobis &c. Ipse enim ait: caro mea verè est esca, & sanguis meus verè est potus. Qui edit meam carnem & bibit meum sanguinem in me manet & ego in eo. Ioh. 3. De veritate carnis & sanguinis non est relictus ambigendi locus. Nunc enim & ipsius Domini professione, & fide nostra, verè caro est, & verè sanguis est, &c. Est ergo in nobis ipse per carnem, & sumus in eo, dum secum hoc, quod sumus, in Deo est. Quod autem in eo per sacramentum communicata carnis & sanguinis sumus, ipse testatur dicens: & hic mundus me non videt, vos autem me videbitis, quoniam ego vivo & vos vivetis, quoniam ego in Patre meo, & vos in me, & ego in vobis Ioh. 14. v. 19.

Gregorius Nazian. orat. 11. in laudem Gorgoniz. Desperatis, inquit, omnibus aliis auxiliis, ad altare cum fide procumbit, eumque qui super ipso honoratur, cum ingenti clamore invocans, eam, quæ Christi fimbria sanguinis profluvium compresserat, imitatur Mat. 9. &c. dum liberatam se morbo sentit.

D. Ambrosius lib. 4. de sacram. c. 4. Panis iste panis est ante verba sacramentorum, si accesserit consecratio, de pane fit caro Christi. Consecratio igitur quibus verbis est, & cuius sermonibus? Domini Iesu. Ergo sermo Christi hoc conficit sacramentum. Quis sermo Christi? nempe is, quo facta sunt omnia Gen. 1. Si ergo tanta vis est in sermone Domini, ut inciperent esse, quæ non erant, quanto magis operatorius est, ut sint quæ erant, & in aliud commutentur? cælum non erat, mare non erat, terra non erat; sed audi dicentem: ipse dixit & facta sunt, ipse mandavit & creata sunt psal. 148. Ergo ut tibi respondeam, non erat corpus Christi ante consecrationem, & post consecrationem dico tibi, quod iam est corpus Christi.

Idem de iis, qui Myster. iniciantur cap. 9. Fortè dicas: aliud vid. o,

video, quomodo tu mihi asseris, quod corpus Christi accipiam? Et hoc nobis adhuc superest, ut probemus. Quantis igitur usimur exemplis, ut probemus non hoc esse, quod natura formavit: sed quod benedictio consecravit, maioremque vim esse benedictionis, quam natura; quia benedictione etiam ipsa natura mutatur. Virgam tenebat Moyses; projecit eam, & facta est serpens Exod. 7. &c. Quod si tantum valuit sermo Eliæ, ut ignem de cælo deponeret, non valebit sermo Christi ut species mutet elementorum? De totius mundi operibus legisti: ipse dixit & facta sunt, sermo ergo Christi qui potuit ex nihilo facere, quod non erat, non potest ea quæ sunt, in id mutare, quod non erant? Non enim minus est novas res dare, quam mutare naturas &c. Liquet, quod præter naturæ ordinem Virgo generavit Luc. 1. & 2. & hoc quod conficimus corpus ex Virgine est. Quid hic queris natura ordinem in Christi corpore, cum præter naturam sis ipse Dominus, parius ex Virgine?

Et cap. 5. Antequam consecretur panis est: ubi autem verba Christi accesserint, corpus est Christi. Denique audi dicentem: accipite & edite ex eo omnes: hoc est enim corpus meum. Et ante verba Christi, calix est vini, & aqua plenus: ubi verba Christi operata fuerint, ibi sanguis efficitur, qui plebem redemit.

Et lib. 3. de Spir. S. c. 12. in verba Psal. Adorate scabellum pedum. Per Scabellum terra intelligitur, per terram autem Caro Christi, quam hodie quoque in mysteriis adoramus, & quam Apostoli in Domino Iesu adorant.

Optatus Milevitanus lib. 6. contra Donat. Quid est tam sacrilegum, quam altaria Dei, in quibus & vos aliquando obtulistis frangere, radere, remove? In quibus vota populi & membra Christi portata sunt altaria, inquam, in quibus fraternitatis munera non iussit Salvator poni, nisi quæ essent de pace condita. Depone, inquit, munus tuum ante altare, & prius concorda cum fratre tuo, ut possit pro te Sacerdos offerre. Matt. 5. Quid enim est altare, nisi sedes & corporis & sanguinis Christi Luc. 22. v. 19. Quid vos offenderat Christus, cuius illic per certa momenta corpus & sanguis habitat?

8. Chrysostomus Homil. 83. in cap. 26. Matt. Credamus Deo, nec repugnemus ei, etiamsi sensui nostro absurdum videatur. Quoniam ergo ille dixit: hoc est corpus meum: nulla teneamur ambiguitate. O quot modò dicunt: vellem formam ejus, & speciem, vellem vestimenta ipsa, vellem calceamenta videre! Ipsum igitur vides, ipsum tangis, ipsum comedis. Non sunt humana virtutis hac opera, quæ tunc in illa cœna confecit: ipse nunc quoque

quoque operatur, ipse perficit. Ministrorum ordinem nos tenentes; qui verò hac sanctificat & transmutat, ipse est. Sanguinem meum potius effundi patiar, quam sacratissimum illum sanguinem præterquam digno concedam.

Idem hom. 24. in I. ad Corint. c. 10. Calix benedictionis, cui benedicimus, nonne communicatio sanguinis Christi est? Valde fideliter dixit, & terribiliter. Hoc est autem quod dicit, id quod est in calice, est id quod fluxit à latere, & illius sumus participes &c. Sic oratione de S. Philog. ait, Mensa hac vicem explet præsepis: nam & hic ponitur corpus Dominicum.

Et ad pop. Antiach. hom. 2. contra Avarit. Helias melotem discipulo reliquit 4. Reg. 2. filius autem hominis ascendens suam nobis carnem dimisit. Mat. 28. v. 20. Sed Helias quidem exutus, Christus autem & nobis reliquit, & ipsam habens ascendit.

Et homil. de prodit. Judæ. Sacerdotis, ait, ore verba proferuntur, & Dei virute consecrantur & gratia. Hoc est, ait, corpus meum; hoc verbo proposita consecrantur. Et sicut illa vox, qua dixit: crescite & multiplicamini, & replete terram, semel quidem dicta est, sed omni tempore sentit effectum ad generationem operante natura; ita & vox illa semel quidem dicta est, sed per omnes mensas Ecclesia, usque ad hodiernum diem, & usque ad ejus adventum præstat sacrificio firmitatem.

Et Hom. 7. in Matt. Cave, ne Herodi efficiaris similis, & dicas, ut & ego veniens adorem eum, cumque veneris. Hujus enim similes, qui indignè abutuntur communione mysterii.

Reus est enim, inquit, iste corporis & sanguinis Domini 1. Cor. 11. &c. sic specie quidam adorare videntur, quantum verò in ipsis est interimunt eum, quem adorare se simulant.

Et hom. 3. ad Ephes. Qui ab Angelis adoratur, hunc degustamus, considera quæso. Mensa regalis est apposita, Angeli mensa ministrant, ipse Rex adest & tu adstas oscitans. Sordescunt tibi vestimenta, & nihil est tibi cura. At pura sunt, igitur adora & communica, dum proferitur sacrificium & Christus immolatur. Vide hom. 6 I. ad pop. Ant.

D Hieronymus ad Hedibiam quæst. 2. Nos audiamus panem verum, quem fregit Dominus dedit discipulis esse corpus salvatoris Luc. 22. &c. Nec Moyses dedit nobis panem verum sed Dominus Iesus, ipse conviva & convivium, ipse comedens, & qui comeditur.

Et in cap. 62. Isa. Triticum de quo panis cælestis efficitur illud est, de quo loquitur Dominus: caro mea verè est cibus rursumque  
de

de vino: sanguis meus verè est potus Ioh. 6. Et in Mat. cap. 26. Postquam typicum pascha fuerat impletum, & agni carnes cum Apostolis comederat, assumpsit panem, qui confortat cor hominis, & ad verum pascha transgreditur Sacramentum; ut quomodo, in præfiguratione ejus, Melchisedech summi Dei Sacerdos panem & vinum offerens fecerat Gen. 14. Ps. 109. ipse quoque veritatem sui corporis & sanguinis repræsenteret.

Cyrillus Alexand. Epist. ad Calosirium. Ne dubites, an hoc verum sit, eo manifestè dicente: Hoc est corpus meum &c. Ne horremus carnem & sanguinem apposita sacris altaribus condescendens Deus nostris fragilitatibus, influit oblatæ vim vitæ, convertens ea in veritatem propriæ carnis; ut corpus vitæ quasi quoddam semen vivificativum inveniat in nobis. Unde subdit: Hoc facite in meam commemorationem.

D. Augustinus contra Adversarios legis & Prophet. lib. 2. c. 9. Mediatorem Dei & hominum, hominem Christum Jesum (1. Tim.) carnem suam nobis manducandam, bibendumque sanguinem dantem (Ioh. 6.) fidei corde & ore suscipimus, quamvis horribilius videntur, humanam carnem manducare, quàm perimere, & humanum sanguinem potare, quàm fundere. Idem Tract. 27. in Joannem. Magister bone, quomodo caro non prodest quicquam, cum tu dixeris: nisi quis manducaverit carnem meam, & biberit meum sanguinem, non habebit in se vitam. Ioh. 6. An vitæ non prodest quicquam? Et propter quid sumus quod sumus, nisi ut habeamus vitam æternam, quam tua carne promistis? Quid est ergo: non prodest quicquam. Caro non prodest quicquam, sed quomodo ipsi intellexerunt. Carnem quippe sic intellexerunt, quomodo in cadavere dilaniatur, aut in marcello venditur, non quomodo spiritu vegetatur &c. Sic dictum est, caro non prodest quicquam, quomodo dictum est scientia inflat, 1. Cor. 8. Iam ergo debemus odisse scientiam? absit. Et quid est, scientia inflat? sola sine charitate. Ideo adjunxit: charitas vero ædificat. Adde scientia charitatem, & utilis erit scientia. Sic etiam, caro non prodest quicquam, sed solæ caræ. Accedat spiritus ad carnem, quomodo accedit charitas ad scientiam, & prodest plurimum &c. Spiritus ergo est qui vivificat, caro non prodest quicquam. Sic ut illi intellexerunt carnem, non sic ego do ad manducandum carnem. Et ibid. tract. 31. Viderunt Christum suo scelere morientem, & crediderunt in Christum suis sceleribus ignoscentem, quousque biberent sanguinem quem fuderant.



Idem in Ps. 33. Conc. 1. De David in figura Christi insaniam coram Achis Regis simulante 1. Reg. 21. v. 13. Et ferebatur, ait scriptura, in manibus suis. Hoc verò fratres, quomodo posset fieri in homine quis intelligat? Quis enim portatur in manibus suis? Quomodo intelligatur in ipso David secundum literam non invenimus, in Christo autem invenimus. Ferebatur enim Christus in manibus suis, quando commendans ipsum corpus suum ait. Hoc est corpus meum Mat. 26. ferebat enim illud ipsum corpus in manibus suis. Et ibid. in Ps. 65. Ipsum sanguinem, quem per insaniam fuderunt, per gratiam biberunt. Et in Psal. 98. Ipsam carnem manducandam nobis ad salutem dedit. Nemo autem illam carnem manducat, nisi prius adaverit.

Idem Epist. 120. c. 27. ad Honoratum. Manducaverunt ait ex Psal. 21. & adoraverunt omnes divites terræ. Ipsi quippe adducti sunt ad mensam Christi, & accipiunt de corpore & sanguine, sed adorant tantum, non etiam saturantur, quia non imitantur. Postea subjicit. Quia Deus excitavit eum à mortuis, ut in nomine Jesu omne genu flectatur, & c. Phil. 2. fama celsitudinis ejus, & gloria nominis ejus in Ecclesia usquequaque diffusa permoti, & ipsi veniunt ad mensam, manducant & adorant, non tamen saturantur, quia non esuriunt & sitiunt justitiam. Ut intelligas, non hic agi de adoratione, quæ à piè sumentibus Christo præstatur in cælis existenti, sed de illa, quæ eidem in sacramento etiam ab improbis exhibetur.

Idem de Baptismo contra Donat. l. 5. c. 8. Sicut Judas, cui buccellam tradidit Dominus Iob. 23. non malum accipiendo, sed male accipiendo locum in se Diabolo præbuit, sic indignè quisque sumens Dominicum Sacramentum, non efficit, ut quia ipse malus est, malum sit, aut quia non ad salutem accipit, nihil acceperit. Corpus enim Domini & sanguis Domini nihilominus erat in illis, quibus dicebat Apostolus: qui manducat indignè, judicium sibi manducat & bibit, non dijudicans corpus Domini 1. Cor. 11.

En pauca de multis testimonia, quæ sensum scripturarum Veteri Ecclesiæ ab Apostolis relictum luculenter exponunt. Quia tamen varia sunt, quæ de uno hoc sacramento prædicantur, quod diversis causis effectisque ac partibus constat, ut nunc hæc, nunc illa inadæquatis conceptibus dissertationibusq; de eodem à Patribus effectantur: ita vel malignis, vel ignorantibus eorum interpretibus occasio data, multa in sequiorem partem pro adversariorum sententia traducendi. Utque fecundissimus in primis scriptor Augustinus est in hac materia,

ita

ita liberali hinc manu segetem testimoniorum colligunt. Sed facile hæc objecta dilues: modò observes illam, quam dixi, rerum in hoc sacramento varietatem. Est signum vel secundum externas species rei sub se latentis, hoc est corporis ac sanguinis Christi præsentis, vel secundum se totum, mortis præteritæ Christi in cruce, hoc est sanguinis cum anima à corpore separati. Unde Paulus inquit, hoc quoriescunque feceritis, mortem Domini annuntiabitis. Utrolibet modo intelligi potest Augustinus Epist. 23. ad Bonif. cum ait: *secundum quendam modum, sacramentum corporis Christi, corpus Christi est.* Et ad Adimantum. c. 12. *Non dubitavit Dominus dicere: hoc est corpus meum, cum daret signū Corporis sui ultimo modo loquitur l. 3. de doctr. Christi in verba. Nisi manducaveritis &c. flagitium inquit videtur jubere; figura est ergo præcipiens passioni Domini esse communicandum.* Iterum, corpus Christi est res hujus sacramenti, sed tamen sine extensione locali corporis, in modū spiritus, seu corporis gloriosi sacramentaliter præsentis. Ita Ps. 99. dixit: *non hoc corpus quod videtis manducaturi estis, & bibituri illum sanguinem quem fusi sunt, sacramentum aliquod commendare voluit spiritualiter intellectum vivificabit vos.* hoc est, illud invisibili & spiritali modo percipietis. Rursum hoc sacramentum non ore solum (sic enim caro non prodest) sed & corde, seu affectu fidei pioq; suscipiendum est, nam spiritus est qui vivificat. Unde Patres nonnunquam ita loquuntur, ut si hac spiritali sumptione tantum perciperetur Christus, quia videlicet ab hac totus sacramenti fructus ita dependet: ut si defuerit, etiam noxium sit. quo sensu Augustin. aliquando negat impios hoc sacramentum percipere, quia cum spiritaliter non sumant, omni fructu destituuntur, qui tamen alibi indignè manducantes, cum Apostolo, reos facit corporis Domini; quodd illud non dijudicent, uti de Juda ante vidimus. Unde & corporaliter illud ab impiis sumi agnoscit. Estq; hoc indissolubile proterus Calvinianis argumentum, cum enim impii spiritaliter corpus Christi non suscipiāt; ut indignè suscipiāt, corporaliter id fieri, necesse est.

Sed urgent illo Augustini Tract. 25. in Joh. dicto: *Quid partidentem, & ventrem, crede & manducaſti.* At Augustinum hic non loqui de S. cœna, sed de fide in Christum Joh. 6. priusquam de hoc sacramento quicquam dictū, manifestum est. Verba exhibeo. *Dixerunt ergo ad eum, quid faciemus, ut operemur opera Dei? v. 18. dexterat enim illis (postquā exprobraſſet: quod se quererēt, quia manducaſſent de panibus, & saturati eſſent) operami-*

ni non cibum qui perit, sed qui permanet in vitam æternam. Quid faciemus inquit? quid observando, hoc præceptum implere poterimus? Resp. Iesus, & dixit eis. Hoc est opus Dei, ut credatis in eum qui misit me. Hoc est ergo manducare cibum, non qui perit, sed qui permanet in vitam æternam. Quid paras dentem & ventrem? crede & manducaſti. Discernitur quidem ab operibus fides &c. sed ipsa est fides, qua per dilectionem operatur. En, ut tam illa quæ antecedunt, quàm quæ sequuntur, ad fidem solam extra sacramentum hoc dictum adstringunt, allusione sola ad cibum, quo Christus in deserto Judæos paverat, facta. Quanquam & de sacramento verba illa admitti queant, cum non excludat August. corporalem sumptionem, sed spirituales fidei quoque, ut perfecta sit manducatio, requiratur. Sic serm. 2. de verbis Apost. ait. *Illud manducare, refici est; illud bibere, quid est, nisi vivere?* refectio enim & vita est finis mæducationis, quo sublato, nulla est. Et sic quoque de impiis admitti poterit, quod non manducet, hoc est, te ipsa Christo non fruatur, licet sacramentum dentibus premant. ut August. l. 12. c. 25. de civit. Dei loqui videtur. Ut appareat, non nisi male traductis, aut depravatis autorum sententiis adversarios subniti posse, & siquid incommodius dictum sit, haud difficilem interpretationem admittete. Cum illi, ubi humana ratio cum scriptura deficit, hyperbolas, & allegorias Patribus impudent hoc est dicant aliud, quam senserunt, locutos esse. Quod est compendio ita solvete omnia, ut humana divinaque scriptorum fides uno ictu dissolvatur. quanquam illa quæ de transmutatione panis viniq; in corpus & sanguinem Christi, tum etiam ejusdem in Samentia adoratione dicta sunt, ejusmodi interpretationem non patiatur, ut haud multò post, ex iis, quæ de sacrificio incruentò dicenda sunt, invincibili veritate stabilemus.

§. IV. Ecclesiæ Catholicæ Adversarii, Patres verbis propriis Rom. de reali præsentia Christi & transubstantiatione sententiam exprimere fatentur.

Cum Protestantes nec in Patribus Veteris Ecclesiæ, nec in hæresi quidem nisi Simoniana fortè celebrem aliquam suæ opinionis ex scriptura S. defensionem sedemque reperiant; illa verò quæ pro se tum ex S. literis, tum Patribus profertunt magis ad Zwinglii & Anabaptistarum errorem suadendum faciant, quàm ut causam illorum propriam stabiliant, antiquitatem doctrinæ suæ ab Anno Christi 800. à Scoto quopiam ac Berengatio arcesse coguntur: Sed ut illius libet Vercellenſi concilio damna-

tusest; ita hic diversis in synodis Turonensi una, & gemina Romana, erroris convictus, retractatam, resumptamque toties hæresin deniq; constanter ejuravit. Vellent sibi & Basilium quendam vindicare Græcum in oriente, ætate supparem Berengario circa Annum Christi 1080. Deinde Petrum Bruzium sub D. Bernardo An. 1140. exortum, & idem supparem Waldonem Lugdunensem, ac postremo Almaticum cum sociis Albigenibus An. Dom. 1200. suorum vestigiis Wicleph Anglum & Hus Bohemum ac se deniq; ajunt insistere. Ira scilicet suæ a bittantur le doctrinæ successionem longam demonstrare. Verum hæc aves licet concolotes, diversi tamen fuere generis, & omnes ab Apostolica ætate nimium dissident. Basilus (ut Euthymius in sua Pan. part. 2. refert) aliam Eucharistiæ confectionem usumq; non agnoscebat, quam in oratione Dom. *Panem nostrum &c.* Idem ferè Waldo, nisi quod diceret per hanc orationem in die cœnæ dictam confici sacramentū, quod toto anno servari posset, verèque Christum haberet præsentem, ut Givido de heres. Wald. c. 9. Bruzcius quoque verum Christi corpus agnoscebat, sed hæc sacramentum à Christo solo fieri poruisse docebat. ut Petrus Clunia. rr. de missa. Albigenes Christum ubique, etiam extra hoc sacramentum, statuebant. Petrus Ciskert. in hist. Alb. Wicleph. Zwinglio, & Anabaptistis favit Hus, & Hussitæ præsentiam Christi & transubstantiationem semper defendebant, ut ipse ex carcere paulò ante mortem Epist. 51. ipsiusque restantur opera Noribergæ An. 1558. cum præfatione Lutheri vulgata. Novum igitur plane Calvini est commentum, quod nulla ætate prius conceptum defensumque est. Et siquidem aliquando fuisset, quid nisi malè recocta crambe esset?

Ceterum hodierna Catholicorū doctrina, vel ipsa Protestantium confessione, ab Apostolis traducta est; dum illius originē ante se etiā demonstrare ab aliquo Rom. Pontifice velut autore nequeunt. Quid, quod schiltmaricæ Eccl. orientis, Æthiopice, Chaldææ, Moscoviticæ, imò & Indianæ, superiori tursū seculo aditæ, ab Apostolo Thoma instructæ, hanc de transubstantiatione, & adoratione Christi in Eucharistia fidem ad hæc usq; tempora, quamvis Rom. Eccl. aut hostes, aut ignorantes, propagaverint, ut gnari rerum adversarii nequeunt diffiteri. Sed paucis eorum testimoniis, quamvis invicē consentiunt, utamur.

Melanchthon postquam ex Cypriano, Chrysostomo, Ambrosio Theophylacto testimonia recitasset, sic demum concludit. *Hæc tam longa recitatio exemplorum ostendit authorem (Ambrosium) sensisse panem non tantum, sed naturam panis mutari.*

Beza in libro de cœna Dom. contra Joach. Westphalum ad 3. rat. 3. cap. sic ait *Hoc quidem sæpe diximus, quod nunc repetam retineri re ipsa non posse τὸ πρῶτον in his verbis Christi: Hoc est corpus meum, quin transubstantiatio papistica sequatur.*

Hospinianus parr. 1. Histor. sacram. l. 4. c. 1. sic scribit. Confirmarunt hanc superstitiosorum hominum sententiam, (de reali præsentia Christi in Eucharistia) phrasès hyperbolicæ primitivæ Ecclesiæ Patrum, quibus majestatem & venerationē quandā huic sacramento conciliare voluerunt, & homines docete, non nuda & inania signa proponi. Hæc ille, ac deinde ordine plurima testimonia subjicit, ex quibus multa à nobis superius recitata sunt. Hoc verò in cæteris, ex Chrysostomo à nobis tactum obiter, Hom. 60. ad pop. & hom. 83. in Mat. *Credamus ubique Deo, nec repugnemus ei, etiamsi sensui nostro & cogitationi absurdum videatur, quod dicit. Superet & sensum & rationem nostram. sermo quasi ipsius, quod in omnibus rebus, sed præcipuè in mysteriis faciamus, non illa, quæ ante nos jacent solummodo adspicientes; sed verba quoq; illius tenentes. Nam verbis illius defraudari non possumus: sensus verò noster deceptu facilissimus est. Quoniam ergo ille dixit, hoc est corpus meum, nulla dubitatione teneamur; sed credamus. Et ex hom. 24 in 1. Cor. Magos hoc ipsum corpus adorasse in præsepi. Nos autem aliquid amplius habere, quàm habuerint Magi. Nam illi habuerunt in præsepi, nos in altari: illi in ulnis mulieris, nos in manibus sacerdotis. Ex Leone Papa serm. 6. de jejuniis sept. mensis. Sic sacra mensa communicare debetis, ut nihil prorsus de veritate corporis Christi & sanguinis ambigatis. Hoc enim ore sumitur, quod fide creditur. Ex Eulebio Emiff. in serm. de corp. Domini. Invisibilis sacerdos visibiles creaturas in substantiam corporis & sanguinis, verbo suo secretâ potestate commutat &c. Antequam invocatione summi Numinis consecrentur, substantia illic est panis & vini, post verba autem Christi corpus & sanguis est Christi. Quid mirum autem, si ea quæ verbo creare potuit, possit creatâ convertere.*

Hæc aliaq; cum Hospinianus recitasset, desperatissimo responso speravit se posse vim hanc testium declinare, cum diceret hyperbolicè illes de hoc mysterio locutos esse. Ergone & S. scripturâ, & Patres ejusdem interpretes, ubi res suadetur difficilima, & quidem sub æternæ salutis, nisi credas, discrimine, ubi rûde vulgus quoq; instruendum, ubi præceptû & lex universis scribitur, ubi præcipuum Ecclesiæ sacramentum instituitur, ubi ultimum à sapientissimo magistro testamentû discipulis cõditur,

ubi

ubi filij thesauri pretiosissimi hæredes scribuntur, metaphoricè atque hyperbolicè loqui censendi sunt. Quæ potest tanta perversitas atq; amentia in Christum, in Apostolos, proximofq; ab illis instructos de veritate discipulos derivari. Aut illos, aut ejusmodi interpretem extremè delirum fateri necesse est. Et verò manifestè contra Patres hæc pugnat responsio, Chrysostomus, ipsamets dicit verba, *licet absurda & sensui repugnantia videantur, tamen credenda ac tenenda esse, quod hac fallere nequeant, sensus possit.* Et ne ambigamus de proprietate dictorum: idem nos dicit habere in altari, quod Magi in præsepi. Leo eundem quem credimus Christum, nos ore dicit accipere. Eusebius substantiam panis ad verba Christi in substantiam corporis commutari. Quid verò certius ad declarandam propriam, & hyperbolicam verborum significationem excludendam, dici poterat? Sed ulterius illorum hominum perversitatem in expositione Patrum advertite. Quam aliena Patrum fuit interpretatio, si hoc Sacramentum signum tantum obsignatioque promissæ nobis per Christum gratiæ atq; unionis erat, & viva fide susceptum hanc nobis præstitit. Obscurarunt atq; everterunt, ut seductores hoc nobis mysterium, non, ut Doctores Ecclesiæ, explanarunt.

Quid tot dissertationibus, ambagibus, similitudinibus admirandisq; exaggerationibus opus fuit? Id quod paucis à Protestantibus contra nos asseritur, hoc clarè strictimq; tradi ab illis poterat. Ad decipiendum igitur hæc omnia, non docendum fuere composita. Hoc verò quis de talibus, tam sapientibus, tantæque sanctitatis viris, Apostolica luce & eruditione illustratis sibi persuadeat. Deus, Apostoli, Doctores, tota Ecclesia nos decipit, si hoc Sacramento Romano Catholici decipimur.

Magdeburgenses Centur. breviter sua Confessione concludant, Cent. 4. c. 4. de Cœna. Incommodè, aiunt, dictum est, quod citatur ex Athanasij libello de Christi imag. in quo negat, *ex carne & sanguine Christi aliquid in mundo inveniri, nisi illud, quod in ara altaris per manus Sacerdotum quotidie spiritualiter efficitur.*

Et apud Ambrosium auctor precatationis ad Missam, de transubstantiatione, & applicatione pro vivis & mortuis habetur. *Spiritus inquit S. maiestas oblationes nostras corpus & sanguinem tuum efficiat, ac benignè suscipias de manibus meis ad salutem omnium tam vivorum, quàm defunctorum, &c.*

Idem Gregorius Nyssenus docet in orat. Catech. *Responde nunc*

etiam Dei verbo sanctificatum panem in Dei Verbi corpus credimus immutari &c.

Et Cent V. de Cœna Chrysostomus, aiunt, transubstantiationem videtur confirmare, dum ita scribit serm. de Euch. Num vides panem? num vinum? Num sicut reliqui cibi in secessum vadunt? absit! ne sic cogites. Quemadmodum enim si cera igni adhibita illi assimilatur, nihil substantia remanet, nihil superfluit: sic & hic puta mysteria consumi corporis substantia.

Idem videtur sapere quod Theodoretus scribit, Dial. 2. Sicut ergo symbola Domini corporis & sanguinis, alia quidem sunt ante invocationem sacerdotis; sed post invocationem mutantur & alia fiunt: ita etiam corpus Domini post assumptionem mutatur in divinam naturam.

In his alijsque cum transubstantiationem Protestantes agnoscant, quanto æquius est, ut in locis supra adductis longè dilectioribus eandem venerentur! quanquam & hæc ipsa Confessio illis ad veritatem agnoscendam possit ac debeat sufficere.

Finio anagrammatica testificatione in Verba consecrationis panis & vini, in qua veritas latens disertè eruitur.

### Programma.

**H**oc est enim corpus meum. Hic est enim calix sanguinis mei. novi & æterni testamenti, mysterium fidei, qui pro vobis, & pro multis effundetur, in remissionem peccatorum.

### Anagramma.

**C**Alvine, non est figura, Luthere, non est panis: Corpus est Dei optimi maximi effusè mihi semetipsum communicantis in cibum. Nosce, quo ritu & mysterio, te reum redemit, resipisce, adora.

Nunc hac thesi aliquanto fusiùs exposita, vela in ceteris magis erunt contrahenda.

### I. Appendix de utraque specie, ex Confessione generali & Anglicana.

**C**onfessio Gener. c. 21. Improbamus illos, qui alteram speciẽ, Pec-

Poculum, inquam, Domini fidelibus subtraxerunt. Graviter enim hi peccant contra institutionem Domini dicentis, Bibite ex hoc omnes, *a.* id quod ad panem non ita expresse dicit.

*a. Mat. 26. v. 27.*

*Confessio Anglicana* art. 30. Utraque pars Domini Sacramenti ex Christi institutione & præcepto, omnibus Christianis ex æquo administrari debet.

## §. I. Reformatio.

**C**Redimus quod is qui dixit universim Christianis : *nisi manducaveritis carnem filii hominis, & biberitis eius sanguinem non habebitis vitam in vobis*, singulatim etiam dixerit, *si quis manducaverit ex hoc pane, vivet in æternum, qui enim manducat me, vivet propter me.* *b.* nisi manducaverit panem hunc, vel biberit calicem Domini indignè. *c.* sicut Judas, quando biberunt ex eo omnes Apostoli *d.* Melius illi qui in Emaus sub una specie sumplerunt : ubi Christus accepit panem, benedixit, fregit, & porrigebat illis, aperti sunt oculi eorum, *e.* & illi, qui erant perseverantes in doctrina Apostolorum, & communicatione fractionis panis & unum corpus facti sunt omnes, qui de uno pane participaverunt. *g.* Intellexerunt hi utique non esse panem vitæ, nisi qui vitam nobis communicaret.

*b. Ioh. 6. c. 1. Cor. 11. d. Marc. 14. e. Luc. 24. v. 30.*

*f. Act. 2. v. 42. g. 1. Cor. 10. v. 17. h. Ioh. 6.*

## §. II. Observatio.

**H**anc quæstionem part. 1. & 2. Concord. excussi diligentius, idèdque hic solum tango. Res sic paucis expediri potest.

Agnoscent 1. Protestantes ad obligationem utriusque speciei, præceptum Dei requiri : non qualecunque, sed quod singulos fideles ad eiusmodi sumptionem obliget. Nam si tantum Ecclesiæ universim datum sit, sicut *c.* olim præceptum sacrificandi filiis Israel Num. 24. & immolandi agnum Exod. 12. & in N. T. præceptum docendi, & baptizandi gentes, aut in repub. excubandi civibus datur, singulos non obligabit, sed universim aliquos, illos videlicet, quos Synagoga, Ecclesia, aut resp. designaverit.

Agnoscent 2. Præcepti talis infallibilem debere notitiam demonstrare.



demonstrationemque ab illis exhiberi, qui illud volunt indu-  
ctum, alioquin suam cuique libertatem relinqui, pro qua sem-  
per in dubio jura decernunt.

Quæro igitur à Protestantibus, an quisquam illorum sit, qui  
hactenus ex *S.* literis illud præceptum, ita verbis sententiaque  
expressum definitumque ad singulorum obligationem exhi-  
buerit, ut necessarius verborum sensus, aliud omnino esse ne-  
queat. Qui enim ista, *accipite, comedite, bibite, facite hoc in mei  
memoriam*, obligatoria ex præcepto vult esse, nimium  
ineptit, quando ex usu communi hæc invitantium sunt, non  
imperantium, magis verò illa præceptum sonent, quæ ibi-  
dem Christus dixit: *si Dominus & Magister lavit pedes ve-*  
*stros, & vos debetis alter alterius lavare pedes.* faciamus tamen,  
& hæc & ista præcipientis esse; quis evincet obligare singu-  
los? an sentit, se quilibet Protestantium obligatum esse, ut al-  
terius pedes lavet? Sic, an, *bibite omnes* evinces necessariò dictū  
aliis, quàm de quibus scriptum *biberent ex eo omnes*? Cum præ-  
cepit Christus: *docete omnes gentes*, an vel singuli Apostoli  
ad omnes instruendos, vel alii, quàm Apostolorum successo-  
res ad *docendum* obligati fuere? Imò & in his verbis, *hoc fa-*  
*cite in mei commemorationem*, id est, benedicite panem, &  
calicem, porrigite alijs, &c. an omnes singulique obligantur  
homines, & alii, quàm Apostolorum successores, quibus po-  
testas his verbis idem Sacramentum conficiendi deferretur? Quid,  
quod Apostolus Paulus optimus Christi mentis & instiruri ab  
illo Sacramenti interpretes, dum Corinthios tam sacerdotes, quàm  
Laicos instruit, ista verba, *bibite ex illo omnes* omiserit, tum sub-  
jecerit calici: *hoc facite (quotiescunque bibetis)* in meam com-  
memorationem: secus quam post panem absolurè & ipse, &  
Lucas habet: *hoc facite in mei commemorationem.* Illius igitur ex  
his verbis sumendi manet libertas, huius erit necessitas.

Hoc præsidio deiectioni ad aliud nonnulli confugiant Job. 6.  
*nisi manducaveritis & biberitis* &c. Verum hoc neque Luthere-  
ranis, neque Calvinistis pro sua parte stabilienda, sed Hussitis  
tantum servire potest, qui concedunt nobiscum, non de fide &  
spirituali hic tantum sumptione Christum, verum etiam de  
Sacramentali differere. Sed hanc legem universæ tantum Ec-  
clesiæ, non singulis fidelium datam esse, vel ab ipsis adversarijs  
concedendum est: nisi in illo errore Innocenti, Gelasij, & Au-  
gustini hærete velint, qui ex hac lege malè intellecta statue-  
runt, etiam infantibus communicandum, ut salvi essent; cum-  
que

que panis sumendi nondum essent capaces, vino reficiendos. Quam opinionem, cum deinde universa correxit Ecclesia, argumento fuit, neque olim sic præceptum hoc fuisse acceptum, tanquam singulos fidelium obstringeret. Jam & fideles olim, ut neque Nazaræos à vino abstinentes, neque alios à vino abhorrentes excluderent, erant *communicantes in fractione panis*. Estq; hæc sacramentalium præceptorum ferè ratio universalis, ut Ecclesiam, non fideles singulos obligent, ut de agno veteri, de ordine, matrimonio, alijsq; inter Catholicos hodieum receptis videre est. Quanquam etiam nihil veret particulam *et* pro vel disiunctivè lumi, ut illos qui solum calicem infantibus præbuerunt, facere necesse fuit, cum & hoc alibi fiat, ut Exod. 21. v. 15. *percutiens patrem & matrem morietur*, & hoc ipso loco à Paulo factum sit 1. Cor. 11. *Qui manducat & bibit indignè, iudicium manducat*: Pro vel bibit, nam una etiam specie indignè sumpta peccatur. Ita etiam una panis specie dignè sumpta Christus sæpius vitam promittit. Joh. 6. & Paulus hinc unitatem adstruit, Cor. 10. v. 17. *Vnum corpus multi sumus, omnes qui de uno pane participamus*. Quæ solum dico: non quod priori abscedam sententia; sed ut nullam hinc ab adversariis demonstrationem infallibilem è S. literis duci ostendam. Nos igitur satisfieri præcepto Domini Joh. 6. sentimus, quando Ecclesia utriusq; speciei usum ita observat in sacerdotibus, ut alterius in Laicis non negligat. Ecclesia verò Catholica hanc sibi à Christo relinquantem libertatem pro ratione temporum ita usurpavit: ut nunc utramque nunc alteram Laicis speciem præciperet. Illud olim à Leone alijsq; Pontificibus factum, quando Manichæi, vinum execrantes inter Catholicos, sub una tantum panis specie Communicantes latitabant, ut hac ratione, sicut habet S. Leo lctm. 4. de quadrag. proderentur. Quod præceptum, cum evanescerentibus Manichæis rursus esset laxatum, ac Hussitæ demum in Bohemia, illius tanquam divini, necessitatem omnibus injectam vellent, concilio Constantiensi Hus damnatus est, Ecclesiaq; cum propter causas alias ad Sacramenti reverentiam spectantes; tum imprimis adversus hæreticos suâ utens potestate, decrevit Laicis, sub unâ tantum specie communicandum; ne videlicet error iste invalesceret Quæ utique, si hæresis aliqua in surgeret, alterutram solum speciem à Deo Laicis præceptam esse decernens, his rursus indulgeret libertatem: ne errori viam munit. Hanc itaq; libertatem Ecclesiæ quicumq; tam putidis ratiunculis expugnatum eunt, hi seipsos miserè confundunt, & pro victoria ignominiam reportant.

§. III. Orthodoxæ Ecclesiæ Patres unam Laicis  
speciem à Christo exhibitam  
agnoscunt.

**N**otandum quod in hac questione facillimè nos ex scriptura S. per Patres tueri possimus. Nam cum negativè hic nos solum habeamus, hoc est nullum præceptum, nisi probetur ex S. litteris, agnoscamus. Vicinus, quamdiu nemo Patrum producit, qui tale ostendat in Scriptura præceptum, quod & singulos fidelium sub salutis discrimine obliget, & non tantum ad sumendum, sed discretè sub vini speciebus Christi sanguinem sumendum adstringat. Nam hæc duo ad obligationem singulorum requiruntur; ut & præceptum de utraq; specie sit, (nam sanguinem Christi etiam Laicos cum corpore, sub una panis specie sumere confitemur) & ad singulos verbis expressis lex ista extendatur. Ita cum Ignatius ad Philad. dicit, *unum calicem omnibus distributum*, nil habet de præcepto. Cum Justinus etiam utramq; speciem præceptam, de Ecclesia & Apostolis loquitur, non singulis fidelium, cum Tertullianus ait, quod *Caro corpore & Sanguine Christi vescatur*, neq; de præcepto neq; de singulis obligatis, quicquam adfert, ideoq; hæc aliaq; Patrum testimonia adversum nos evincere nil possunt. Præsertim cum sine scriptura S. loquuntur. Nos igitur, licet ad probationem non teneamur magis, quam qui non ligatus est, vincula dissolvere: tamen si vel ex uno Scripturæ loco communionem sub sola specie panis datam Patres declarent, rem pro nobis etiam confecerunt.

S. Chrysostomus hom. 17, opetis imperf. in Mat. *Quod Sacerdos, inquit, de manu sua dat non solum sanctificatum est, sed etiam sanctificatio est, &c. Ita Dominus in via non solum benedixit panem; sed de manu sua dedit Cleopæ, & socio eius Luc. 24. Et Paulus navigans Act. 27. non solum benedixit panem, sed & de manu sua portexit Lucæ & ceteris discipulis. Quod autem de manu porrigitur, nec animalibus dandum est, nec infidelibus porrigendum; quia non solum sanctificatum est, sed etiam sanctificatio sanctificans accipientem. Ubi agnoscit autor communionem sub una specie panis ex Luc. 24.*

S. Augustinus de Consensu Evang. l. 3. c. 25. *Non incongruenter, ait, accipimus hoc impedimentum in oculis eorum Luc. 24. à Satana factum fuisse, ne agnosceretur Jesus; Sed tamen à Christo est facta permissio, usq; ad sacramentum panis: ut unitate corporis eius participata, removeri intelligatur impedimentum inimici, ut*  
*Christus*

Christus possit agnosci. Et item de Verbis Evangelij, quem citat Beda in I. Cor. 10. v. 26.

*Dominus Iesus ab eis, quorum oculi tenebantur, ne illum agnoscerent in fractione panis, vel ut agnosci Luc. 24. Noverunt fideles, sciunt quid dicam. Noverunt Christum in fractione panis. Non enim omnis panis, sed accipiens benedictionem Christi fit corpus Christi.*

Theophilactus ad cap. 24. Lu. *Insinuat autem & aliud quiddam. Nempe quod oculi eorum, qui benedictum panem assumunt, aperiuntur, ut cognoscant illum. Magnam enim & indicibilem vim habet Caro Christi.*

Augustinus idem ex I. Cor. 10. probat de Consensu Evang. 1. cit. *Ne quisquam se Christum agnovisse arbitretur, si eius corporis particeps non est, id est Ecclesia, cuius unitatem in sacramento panis commendat Apostolus, dicens: unus panis, unum corpus multi sumus I. Cor. 10. ut cum eis panem benedictum portigeret, aperirentur oculi eorum, & agnoscerent eum Luc. 24.*

Hoc & superiori Augustini testimonio etiam Beda in c. 24. Lucæ usus est, & satis nobis hi in re per se ipsam clara esse debent, cum in ore duorum, vel trium testium, consistat omne verbum.

#### §. IV. Singulis fidelium utramque ex præcepto speciem non deberi, fatentur A-catholici.

**P**rotestantes ipsimet, si hanc veritatem agnoscant, nihil est quod hic religionis concordiam morari possit, modò solam orthodoxæ Ecclesiæ autoritatem & libertatem, præ sua, veneratione. Lutherus non esse præceptam singulis utramque speciem passim agnoscit: solum profiteri, se Romanæ Ecclesiæ in altera tantum accipienda nolle obsequi. Nam de cap. Babyl. cap. de Euch, ait. *Non hoc ago, ut vi rapiatur utraque species, quasi necessitate præcepti ad hoc cogamur.* Et in Epistol. ad Bohemos. *Quamvis pulchrum quidem esset utraq; species in Eucharistia uti, & Christus hac in re nihil tanquam necessarium præcepti, præstaret pacem & unitatem, quem Christus utiq; præcepti sectari. quam de speciebus contendere.* De formula Missæ tamen ait. *Se hac in re nolle ab Ecclesiæ Concilio obstringi. Et si hoc permitteret utramque speciem, tunc minime omnium, inquit, nos vellemus utraque specie potiri, imo tum primum in despectum tam Concilii, quam statuti, vellemus aut alterutra tantum, aut nequaquam utraque potiri*

Alia

Alia locis aliis non promit dissimilia, ex quibus manifestum est, sensisse Lutherum, nihil de utraque specie singulis fuisse præceptum.

Melancthon licet utriusque speciei assertor, tamen hanc nobis causam tradit, cum in Apologia. Confess. Aug. in articulo de utraq; spec. faterur, Christum in Emaus sub una specie Eucharistiam discipulis præbuisse. Subiicit tamen, hic per figuram intellectionis totum sacramentum, sub utraque specie significatum. Verum sine intellectu, nam vel dicit, unâ hac specie eundem Christum, qui sub utraque est specie significari, & sic nobis nihil officit: vel Christum post panem illic quoque exhibuisse calicem, & sic Evangelium subvertit, quod ad sumptionem panis, & oculos eorum apertos esse, & Christum agnitum evanuisse scribit Luc. 24. v. 31.

Calvinus itaque, ut ubique, sic hic quoque in affirmando audacior, negat hoc loco Eucharistiam præbitam, quamvis Act. 2. ubi dicuntur Christiani primi *perseverantes in doctrina Apostolorum & communione fractionis panis* illam agnoscat; quod speret, hic se figuram intellectionis facilius tueri posse, cum vinum, licet non expressum, subintelligi queat. Ita sacramento se niti scripturis credit: modò tantum non repugnet his alia de suo adjici, conjectura quævis illi pro fundamento etiam fidei est. Ceterum veteris Ecclesiæ sensum sententiamque ipse nostram esse fatetur: quod nobis ad ipsius Calvinii auctoritatem ex ipsomet infringendam sufficit. *Augustinus*, ait in Comment. apud cap. ult. S. Lucæ in v. 30. *& cum eo plerique alij, senserunt panem non edulium à Christo porrectum esse, sed in sacrum corporis sui symbolum. Et hoc dictu plausibile est, Dominum in spiritali denique cena speculo agnitum fuisse.*

Porro in Vet. Ecclesia modò hanc, modò alteram, sæpius etiam utramque speciem exhibitam esse, tot compertum testimoniis est, ut nequeat, nisi ab imperitis dubitari. De ultimo non contendimus, de priori constar. Nam abstemiis primò aliter nunquam præbitum sacramentum. Deinde illo tempore, quo multi neq; infantibus Eucharistiam negandam censebant, sanguis ipsis suctu attrahendus præbeatur. *Pueris*, inquit Hugo de S. Viçt. l. 1. c. 20. de sacr. *recens natis idem sacramentum in specie sanguinis est ministrandum digito sacerdotis, quia tales naturaliter sugere possunt.* Ita Barthol. Beixiensis in fine Can. 28. *si qui de Consecr. dist. 4. Parvulus non datur corpus Christi, nisi fortè ubi consuetudo est, quod infundatur per ora eorum sanguis Christi.*

non corpus, secundum quosdam. Ita corpus olim Dom. sub specie panis domum à multis deferrebat, ut vel ex pietatis studio, vel in eiemo, vel navigantes, vel etiam ægri sumerent, quod varijs exemplis ex Patribus, & historicis constat, nulla unquam calicis adhibiti memoria. Unde Tertull. lib. de orat. c. 14. *Accepto corpore Domini, & reservato, utrumq; saluum est, & participatio sacrificij, & executio officij.* Et ad Uxor. lib. 2. c. 5. *Non sciet maritus, quid secretò ante omnem cibum guster.* Et si sciverit, panem, non illum credis esse, qui dicitur. In vino certè occultari res non poterat. Hinc & D. August. serm. 252. de tempore. *Omnes viri quando communicare desiderant, lavant manus suas, & omnes mulieres nitida exhibent linteamina ubi Corpus Christi accipiant.* His sanè vinum excipere, & domum ferre non poterant. Sic Basilus in Epist. ad Patr. ait Eremicolas foris à seipsis communicate, & D. Hieronymus in Apol. ad Pammach. c. 6. domi fideles corpus Christi sumere. Et Dionysius Alex. ad Fabium de Scetapione narrat, quod puer particulam Eucharistici panis madefactam in os moribundi immiserit, qua sumptâ extremum spiritum reddiderit. Ambrosius in orat. funebri de fratre Satyto, narrat, quod Eucharistiæ sacramentum oratio illigatum ex collo suspenderit, ut in naufragij periculo, vel servaretur, vel sumeret; verum servatus in portum emergerit. Hæc cum ipsi Adversarij agnoscant, mirum est, quâ conscientiamanum hactenus mentemque à pace & concordia subtrahant.

## II. Appendix de sacrificio, ex Catechesi Heidelb.

**Quæstio 80.** Quid interest inter cœnam Domini & Missam Papisticam?

**R**esp. Cœna Domini nobis testatur, nos perfectam remissionem omnium nostrorum peccatorum habere, propter unicum illud Christi sacrificium, quod ipsemet semel in Cruce percepit. *a.* Tum etiam nos per Spiritum S. inseri Christo, *b.* qui jam secundum naturam tantum in cœlo est ad dexteram Patris, *c.* ibique vult à nobis adorari. *d.*

T

In

*a.* Heb. 7. v. 26. & 9. v. 12. & 25. & 10. v. 10. 12. Luc. 22.

*Mat.* 26. *b.* 1. Cor. 6. v. 17. & 10. v. 13. 16.

*c.* Colos. 3. v. 1 Heb. 1. v. 3. & 8. 1.

*d.* Mat. 6. v. 20. Ioh. 4. 21. Act. 7. v. 56. &c.

In Missa autem negatur, vivos & mortuos habere remissionem peccatorum propter unicam Christi passionem, nisi etiamnum quotidie Christus pro ipsis a sacrificulis offeratur. Tum etiam docetur Christum corporaliter sub speciebus panis & vini esse, idèdque in illis adorandum esse. Arque ita ipsum Missæ fundamentum nihil aliud est, quam abnegatio unici illius sacrificij, & passionis Jesu Christi, & execranda idololatria. c. Heb. 9. v. 26. & 10. v. 12. 14.

## §. I. Reformatio.

**C**Redimus Christum, qui in cruce semel oblatus est ad multorum exhaustiendâ peccata, f. offerri sæpius in altari, de quo adere non habent potestatem, qui tabernaculo deserviunt, g. sic instituente illo, qui dixit: Hoc est corpus meum, quod pro vobis datur, & poculum sanguinis quod pro vobis effunditur: hoc facite in mei commemorationem. b. Quæ gentes immolant Damonis immolant, & non Deo. Nolo autem vos socios fieri Damoniorum. Non potestis calicem Domini bibere. & calicem Damoniorum. i. Hoc sacrificium Deus prædixit per Malachiam, Ab ortu, inquit, solis usque ad occasum magnum est nomen meum in gentibus, & in omni loco sacrificatur & offertur nomini meo oblatio munda l. hoc est, agnus absque macula. m. Cum nemo alius possit dicere mundus sum ego & absque delicto. n. Hic ipse quoque Sacerdos est in æternum secundum ordinem Melchisedech o (qui panem & vinum obtulit, & ipse Sacerdos. p.) A quo omnis Pontifex ex hominibus assumptus est, ut dona & sacrificia offerat: q. donec ablatum fuerit iuge sacrificium, & posita abominatio. r.

f. Heb. 9. v. 24. g. Heb. 13. v. 10.

h. Luc. 22. Mat. 26.

i. 1. Cor 10. l. Mal. 1. v. 11.

m. Exod. 12. v. 5. n. Job. 33. v. 9.

o. Psal 109 v. 4. p. Gen. 14. v. 18.

q. Heb. 5. v. 1. r. Dan 12. v. 11.

## §. II. Observatio.

**Q**uemadmodum in veteri testamento alia cruenta, alia incruenta fuisse sacrificia, quibus Deo homines ad supremum illius dominium, cum debita subiectione rerum omnium, libarent, ut in lege naturæ Cain Agricola in fructibus, Abel in gregibus,

gibus, ille incruentam, hic cruentam hostiam immolabat; in lege Moy Israelitæ pecudes & aves Levit. 1. Panes & Lagana c. 2. sic Christus in lege gratiæ has figuras implerurus, geminum quoque sacrificium Deo obtulit, incruentum sub vini & panis speciebus in cœna ultima, cruentum in cruce, pro nobis immolatus Patri. Sed illud à discipulis eorumque successoribus, in huius commemorationem fieri voluit. *Quod esset Sacerdos in æternum secundum ordinem Melchisedech, qui panem & vinum obtulit, Sacrificio incruento.*

Hæc veritas ex ipsius institutionis verbis Luc. 22. & Mar. 26. manifestè eminet. *Accipite, inquit, hoc est corpus meum, quod pro vobis datur* (Græca & Syriaca habent, *frangitur*) *Hoc est poculū sanguinis quod pro vobis effunditur &c. Hoc facite in mei cō-memorationem* Paulus addit *mortem Domini annuntiabitis, donec veniat.* 1. Cor. 11. Hic quor verba, tot penè sunt oblationis incruentæ argumenta. In originali textu, verba de præsentī sunt tempore omnia, *datur* verò in omni versione etiam reperitur. Ut hanc oblationem ad solum tempus futurum, & sacrificium cruentum Crucis, ubi corpus & sanguinem moriens obtulit, intorquere velle, sit apertam scripturæ ac veritatis vim inferre. Futilis planè evasio est, dicere, jam tum cœpisse eius mortē, quando nondum Diabolus cor Judæ invaserat, nondum plenè conclusa proditio. Jam verò illæ voces, *pro vobis*, indubiè oblationem Deo pro Apostolis in cœna factam inferunt. Rursum vox *frangitur* corpus, non potest competere propriè corpori Christi in cruce, de quo dictum est *non comminuetis* ex eo Joh. 19. v. 36. sed eidem, prout erat in cœna, sub speciebus panis, suffragante Paulo 1. Cor. 10 *panis quem frangimus, nonne participatio corporis Domini est?* Cujus sententiæ firmitatem Patres te infra docebunt.

At, inquiunt, Romana versio, Ecclesia & Patres, hæc etiam verba *tradetur & effundetur* in futuro adhibent, unde apparet, eundem cum his tantum habere in præsentī, ideoq; tantum de corpore in mortem tradendo, & sanguine fundendo, hoc est cruento sacrificio agi. *Respond.* Romanus textus, & Patres de utroque loquuntur, quando verba, nunc de præsentī, ut Luc. 22. v. 19. *datur*: nunc in futuro, ut v. 20. *fundetur* adhibent. Nam quia post cœnam & sacrificium illud Christi incruentum, tam cruentum in cruce, quam incruentum in ara sacrificium, toto deinde mundo ab Apostolis & sequacibus exhibendum erat, utrumq; hoc in futuro significatum est, idemq;



quoad rem substantiamq; erat sacrificium, utrobiq; enim corpus & sanguis est Christi, offerendi ratio tantum diversa, illic cruenta, hic incruenta, illic vitæ ad Dei servitium & hominum salutem destructio, hic naturalis habitus locationisq; utrobiq; idem summus sacerdos offerens Christus: minister tantum diversus, illic infidelis & illegitimus; hic legitimus & fidelis. Utrobiq; idem pretium Christus oblatum, cum omnibus actionibus suis in redemptionem nostram: applicatio tamen diversa, illic universalis pro salute omnium sufficiens; hic quoque ad particulatium multorum salutem ex ministri intentione adhibita. Utrobiq; non suspensa ex probitate, vel improbitate ministrorum, sed sola virtute justitiæ & meritorum Christi; illic tamen immediata, hic mediata & per ipsum Sacrificij opus (quod non operantis, sed operatum vocant) applicata. Denique utrumq; sacrificium, quod in substantia est idem, in adjunctis mutuo illustratur & illustrat, incruentum imaginem quandam cruenti in symbolis representat, cum *Domini mortem annunciat, donec ipse Judex veniat*: cruentum suam isti virtutem; cum ipsa substantia communicat, quod in hoc *effusus sit sanguis in remissionem peccatorum*. Hoc igitur, cum semel tantum oblatum sit, in illo quodammodo perpetuum est, quod *fit in illius commemorationem*. Unde apparet quantum absimus ab illa calumnia, quod sacrificium illud incruentum, sive missa, sit abnegatio passionis Christi; quando in tota Ecclesia nihil est, quod magis illius memoria & præstætia celebretur, nihilq; incruentæ illi oblationi, exclusæ cruentæ oblationis substantia & virtute tribuatur.

Christum itaq; semel tantum oblatum esse in cruce (de qua oblatione Paulus ad Heb. c. 9. & 10. loquitur, ut apparet c. 9. v. 26) ideoq; una oblatione tali *exhausta esse peccata multorum c. 9. v. 28. consummariq; in æternum sanctificatos c. 10. v. 14. neq; aliam talem oblationem ultra requiri v. 18.* libenter fatemur. Sed cum ibidem Paulus c. 5. monuerit, quod Christus à patre constitutus sit Pontifex, & sacerdos in æternum, secundum ordinem Melchisedech. v. 5. 6. & 10. de cujus Sacerdotio & oblatione panis ac vini Hebræis abundè ex Gen. 18. v. 18. constabat; ut iccirco hunc ordinem Paulo exponere necessum non fuerit: non possumus incruentam quoq; illam oblationem Christo negare, quæ alteram, ut diximus, non obscurat, sed egregia quadam imagine, ubiq; ante oculos exposita illustrat.

Et verò dicant Protestantes quod aliud sit altare nostrum, de quo

quo Iudæi potestatem edendi non habeant? Heb. 13. quod aliud sacrificium & oblatio munda, quæ ab ortu solis ad occasum inter gentes recepta offeratur (Mal. 1.) cum cetera fidelium licet & piorum opera, Deo consecrata, non nisi immunditiæ habeantur? edisserant quodnam aliud sit iuge illud sacrificium tempore abominationis ultima in fine mundi abolendum? Dan. 12. Non autem hic scripturam agere, quod ineptè à quibusdam responderetur, de sacrificijs laudis, & bonorum operum, quæ vel genericè, vel translare sacrificia appellantur, nimis est manifestum, quando ad hæc neque ata victimarum 1. Cor. 10. neque Iesus spectat, eademq; nec oblatio munda, nec iuge sacrificium ab Antichristo tollendum dici jure possint. Ceterum impietatis extremæ est, ralem sacrificij cultum, qui soli Deo ita peculiaris est, ut quemadmodum cultus reliqui, nulli mortalium possit competere, supremæ illius majestati ereptum ire. *Sacrificium*, inquit, D. August. l. 1. contr. Adv. leg. c. 18. est, quod præcipuè debetur Deo. Nam obsequia cetera, quæ divinitati exhibentur, ausu sunt sibi etiam superbia fastu homines arrogare. Nulla igitur gens unquam tam barbara reperta est, quæ cum Deos nosset, non crederet eisdem sacrificij seiuscemodi placandos esse, ut mirum sit Christianos reperiri potuisse, qui ad eò divinis non tantum scripturæ testimonijs, sed rationi etiam propriæ, cum extremo salutis discrimine oblucentur.

### §. III. Primæ Ecclesiæ Patrum de sacrificio inconcruento iudicium ex S. literis depromptum.

Nunc quandoquidem in scripturis S. vel proprio sensu, vel etiam lectione consueta dimovendis hic magnopere adversarii laborant. Primi Ecclesiæ Patres securissimam hac in lectionem nobis pronuntiaturi sunt: Ut: contendimus de sensu & verbis loci Gen. 14. v. 18. ubi legimus in vulgata *Melchisedech Rex Salem proferens panem & vinum, erat enim Sacerdos Dei altissimi, benedixit ei*: Abrahamo scilicet. Aliud, aiunt, proficere, aliud offerre. Item in hebraico non legi: *erat enim Sacerdos*, ut ideo tanquam sacerdos obtulisse panem & vinum Deo convinci nequeat; verum quod tanquam Rex amicum Abraham, post prælium, his refecerit. At in Hebraica lectione, quæ talis est: *Et Mechisedech. Rex salem eduxit (Hors) panem & vinum, Et (vau) ipse sacrificans (cohén) Deo altissimo. Et benedixit ei. &c.* omnia fortius pro nostro sensu conspirant. nam & Hors eduxit cum accusativo apud Hebræos, est producere ad sacrificandum. ut videre est Nu. 19. v. 3. & Jud. 6. v. 18. & vau litera hoc loco

causalis (ut ex contextu liquet) pro *ut*, vel enim ulurpatur, & quod præcipuum est, *cohen* participium activum præsentis temp. primæ conjug. in Benoni est, quo ipse actus sacrificantis exprimitur ut si diceret *sacrificat enim altissimo*. Jam verò distinctiones punctorum in Hebræo aliter positæ ostendunt, quod non idcirco dicatur sacerdos, quod benedixerit Abrahamo; sed quod panem vinumque sacrificans proferret. Uti legitur quoque in Latinis: *erat enim sacerdos* quæ manifestè rationem dant, *cur panem & vinum protulerit*. Et sanè, si alia nulla ratio esset pro communi obvioque sensu nostro, hæc una sufficeret; quod cum Christus dicitur *sacerdos secundum ordinem Melchisedech*, peculiaris aliquis ordo, per quem à reliquis sacrificantibus differat, è scriptura producendus sit: nullus autem præter hoc sacrificium panis vinique, in cuius oblatione Christus in cœna ultima cum ipso conveniat, produci possit. Quere, cum in hoc uno totam causam nostram esse appareat, audiamus, quo sensu ab Apostolis hæc verba exceperit primitiva Ecclesia.

Clemen Alexand. lib. 4. Strom. c. 8. ait. Melchisedech Rex Salem sacerdos Dei altissimi, qui panem & vinum *sanctificatum dedit nutrimentum, in typum Eucharistia*.

Cyprianus. Ep. 63. vel l. 2. Ep. 3. In sacerdote, inquit Melchisedech, sacrificii Dominici Sacramentum præfiguratum videmus, secundum quod scriptura divina testatur, & dicit: Melchisedech Rex Salem protulit panem & vinum; fuit enim sacerdos Dei summi: & benedixit Abraham. Quod autem Melchisedech typum Christi portaret, declarat in ps. Spiritus S. ex persona Patris ad filium dicens. Tu es Sacerdos in æternum & c. qui ordo unicus est hic de sacrificio illo veniens, & inde descendens, quod Melchisedech sacerdos Dei summi fuit, quod panem vinum obtulit & c. Et serm. de cœna Domini ait, significata olim à tempore Melchisedech prodeunt Sacramenta, & filius Abrahæ, facientibus opera eius, summus Sacerdos panem profert & vinum. Hoc est, inquit corpus meum, & c. Eusebius Cæsar. lib. 5. Demonstr. Evang. c. 3. Quemadmodum, inquit Melchisedech, qui sacerdos gentium erat, nusquam videtur sacrificiis corporalibus functus, sed vino solo & pane, dum ipsi Abraham benedixit: ita sanè primus ipse Salvator ac D. N. deinde, qui ab eo profecti sunt Sacerdotes, in omnibus gentibus spirituale secundum Ecclesiasticas sanctiones sacerdotii munus obeunt, vino ac pane, & corporis illius, & salutaris sanguinis mysteria repræsentant, quæ sanè mysteria Melchisedech tanto ante spiritu divino cognoverat & rerum futurarum imaginibus usus fuerat, sicut etiam Moysis scriptura testatur. Gen. 14. Et Melchisedech Rex Sa-

lem protulit panes & vinum : erat enim sacerdos Dei altissimi, & benedixit Abraham.

S. Ambrosius de Sacr. l. 5. c. 1. *Diximus ergo, quod in altari constituatur calix & panis, in calice mittitur vinum. Et quid aliud? aqua. Sed tu dicis mihi: quomodo ergo Melchisedech panem & vinum obtulit? quid sibi vult admistio aqua? &c.* Idem Ambros. l. 4. c. 1. ex Missæ nostræ canone, tanquam olim usitato, recitat. *Hanc oblationem suscipias &c. sicut quod tibi obtulit summus Sacerdos Melchisedech.* Idem, vel alius autor Synchronus ad Heb. 5. *Huius ordinem sacrificii per mysticam similitudinem Melchisedech iustissimus Rex instituit, quando Domino panis & vini fructus obtulit. Constat enim pecudum victimas periisse, quæ erat ordinis Aaron, non Melchisedech, sed hoc manere potius institutum, quod toto orbe terrarum in Sacramentorum erogatione celebratur.*

S. Hieron. Ep. 126. ad Evagr. dicit: Melchisedech præcessisse in typum Sacerdotis filii Dei, de quo dicitur ps. 109. *Tu es sacerdos in æternum, secundum ordinem Melchisedech.* Ordinē autē eius multis modis interpretantur, quod solus & Rex & sacerdos &c. neq; carnis & sanguinis victimas immolaverit, sed pane & vino simpliciter proq; sacrificio Christi dedicaverit Sacramentum. &c. vide eundem in Gen. & ad ps. 75 & 109 & Ep. 17. c. 2. & ad cap. Mat. 26

S. Chrysost. in ps. 109. *Quare dixit, secundum ordinem Melchisedech? propter Sacramenta, quod ille quoque panem & vinum obtulerit. &c.* Vide eundem hom. 35. & 36. in Gen.

S. August. n. dedoctr. Chr. l. 4. c. 21. *In Sacerdote Melchisedech Dominici Sacramenti præfiguratum videmus mysterium, secundum quod scriptura divina testatur & dicit: Et Melchisedech Rex Salē protulit panem & vinum. 1. Quod autem Melchisedech typus Christi portaret, declarat in ps. 109. &c.* Vide eundem in ps. 33. Conc. 2. Contra Advl. legis l. 1. c. 20. De Civ. Dei l. 16. c. 22. & Ep. 95.

Ex hoc solo argumento frontem audaciamque, tantæ censionis & auctoritati adversantium, possis cognoscere. Longè tamen plura apud Bellarm. congesta testimonia reperies, qui & de Agno paschali hoc sacrificium præfigurante non pauca collegit; sed mihi non licet esse tam disertus. Pauca tantum de diversis scripturæ locis adjiciam.

Iustinus in Dialogo cum Tryphone. *De sacrificiis, inquit, & v. bñ Judais cum oblatis Deus per Malachiam ait c. 1. Non est voluntas mea in vobis dicit Dominus, & sacrificia vestra non suscipiam de manibus vestris; ab ortu enim solis, usq; ad occasum, magnū est nomen meum in gentibus, & in omni loco adolentur odoramenta nomini meo victimæq; puræ &c.* De nostris

verum gentium, quæ in omni loco offeruntur sacrificiis, hoc est pane Eucharistia, & poculo similiter Eucharistia iam tum locutus prædixit, nos quidem glorificare nomen eius: vos autem profanare. &c.

Irenæus lib. 4. c. 32. Dicens, hoc est corpus meum &c. novæ testamenti novam docuit oblationem, quam Ecclesia ab Apostolis accipiens in universo mundo offert ei, qui alimenta nobis præstat primitias suorum munerum, in novo Testamento. De quo in duodecim prophetis Malachias sic præsignificavit. Non est mihi voluntas in vobis, dicit Dominus, & sacrificium non accipiam de manibus vestris; quoniam in omni loco offertur incensum nomini meo, & sacrificium purum &c.

Cyprianus, sive autor serm. de Cœna Dom. Sed & per Salomonem, inquit, Spiritus S. typum Dominicæ sacrificii ante præmonstrat immolata hostia, & panis & vini, sed & altaris, & Apostolorum faciens mentionem. Sapientia, inquit, ædificavit sibi domum & subdidit columnas 7. mactavit suas hostias, miscuit in cratera vinum suum, & paravit mensam suam &c. & dixit; venite, edite de meis panibus, & bibite vinum, quod miscui vobis. Prov. 9. Vinum mixtum declarat, id est, calicem Domini, aqua & vino mixtum, prophetica voce prænuntiat. &c.

S. Ambrosius in cap. 1. Luc. quando sacrificamus Christus adest, Christus immolatur, etenim pascha nostrum immolatus est Christus 1. Cor. 5. v. 7.

S. Hieronymus in cap. 26. Mat. Postquam typicum pascha fuerat impletum & agni carnes cum Apostolis comederat: assumit panem, qui confortat cor hominis, & ad verum Pascha transgreditur Sacramentum. Ut quomodo in præfiguratione eius Melchisedech summi Deus sacerdos, panem & vinum offerens, fecerat, ipse quoque veritatem sui corporis & sanguinis repræsentaret.

Gregorius Nyssenus in erat. de Resurrect. Dominus præoccupans impetum Iudaorum, seipsum victimam offert, idem simul sacerdos & agnus. Sed dices mihi: quando hoc accidit? Tum, cum corpus suum ad comedendum, & sanguinem ad bibendum familiaribus dedit.

S. Chrysostomus orat. 17. in Epist. ad Hebr. Quoniam multis locis offertur, multine sunt Christi? Nequaquam sed unus ubique est Christus. Pontifex noster est, qui illam obtulit hostiam, quæ nos mundat. Illam nunc quoque offerimus, quæ tunc fuit oblata, quæ non potest consumi. Hoc sit in recordationem eius, quod tunc factum est. Hoc enim facite, inquit in mei commemorationem Luc. 22. Non aliam hostiam, quàm Pontifex, sed eandem  
semper

*semper facimus, vel potius hostia, seu sacrificii facimus recordationem.*

S. Augustinus de Civit. Dei lib. 18. c. 35. *Malachias, ait, prophetans Ecclesiam, quam per Christum jam cernimus propagatam Iudæis, aperitissimè dicit ex persona Dei. Non est mihi voluntas in vobis, & munus non suscipiam de manu vestra, ab ortu enim solis usque ad occasum magnum est nomen meum in gentibus, & in omni loco sacrificatur & offertur nomini meo oblatio munda. Hoc sacrificium, per sacerdotium Christi secundum ordinem Melchisedech, cum in omni loco, à solis ortu usque ad occasum Deo jam videamus offerri; sacrificium autem Iudæorum &c. cessasse, negare non possunt: quid adhuc expectant alium Christum?*

Mirum tanè est inveniri homines, qui has Patrum ex scriptura ductas sententias, per delira interpretamenta in aversum sensum conantur abstrahere, totumque hoc sacrificandi mysterium in orationes piorum ridiculè transformare, aut persuadere, aliud unquam sensisse Patres, quàm antiquissimæ liturgiæ Petri, Jacobi, Clementis, Basilii, Chrysostomi, Cyrilli Hieros. & Ambrosii suadeant, qui eundem hodiernum Missæ nostræ canonem, vel sensu, vel etiam verbis plerisque repræsentant. Hos tamen logodædalos propria suorum Confessione de Verè Ecclésiæ sensu validius retundemus.

#### §. IV. Sanctorum Patrum de Missæ iudicium ab ipsis Protestantibus cognitum.

SI ipsorum Protestantium iudicio vetus Ecclesia hoc incruento corporis Christi sacrificio, super altare Deo oblato, usa fuerit, veritatem hanc, opinor abundè fore stabilitam.

Lutherus in *lib. de capt. Babyl. c. 1.* Missæ, inquit, creditur passim esse sacrificiū, quod offertur Deo. Accedunt his dicta Sanctorum Patrum, tot exempla, tantusque usus per orbem constanter observatus. Et in *Epist. dedicat. de abroganda Missæ.* Magnum est certè, inquit, tot seculorum consuetudini, tantæ multitudinis sensui, tantorumque auctoritati reluctari &c. Tunc solus sapiens (*seipsum alloquitur*) tot certant universi tot secula ignorarunt? Denique, in tom. 7. *Germ. Wist. edito fol. 479* fatetur. *Demonem sibi vigilanti adstiterisse, Missæque abroganda multis argumentis fuisse autorem.* Ex quibus nihil ego concludo; sed prudentem hic hominem expendere cupio, ut statuat; plusne toti Ecclesiæ & patris Patribus, quos sibi adversari Lutherus sensit, an huic & Diabolo qui iisdem opponuntur tribuendam iudicent?

Calvinus se cum Luthero & Diabolo contra omnes adversantes stare ostendit. Sic habet *lib. 4. Inst. c. 18. §. 11*. Quia veteres quoque video aliò hanc memoriam detorsisse, quam institutioni Domini conveniebat, nihil tutius piis pectoribus fuerit, quàm in Domini ordinatione acquiescere. Et §. 12. si cogitamus Domini, non hominum cœnam esse, non est cur ulla hominum autoritate, aut annorum præscriptione pariamur nos ab illa vel latum unguem dimoveri.

Kemnitius in *Exam. Conc. Trid. p. 782. inquit* : Negari non potest, veteres quando loquuntur de celebratione cœnæ Dominiç, usurpare vocabula sacrificii, immolationis, oblationis, hostiæ, victimæ. Item uti verbis offerre, sacrificare, immolare.

Hospinianus *l. 2. de orig. Templorum c. 6. ait* Non nego habuisse primitivam Ecclesiam ante Constantinum altaria, seu aras. Meminere enim & Terrullianus geniculationis pœnitentium ante aras in *lib. de Pœnit.* Mentionem quoq; facit alratis Cypr. *l. 1. Epist. 7. &c.* Et ex Origenis Homil. 10. in Josuam apparet, ad ornatum alrarium jam tum à fidelibus quædam collata esse.

Authores Admonitionis Neustadianæ *Cap. 11. Incom. 1. Absurd. 45.* Verbis quidem detestantur (Lutherani) sacrificium propitiatorium Missæ, sed reipsa fundamentum ejus retinent & tuentur. &c. Nam posita Christi præsentia, facilè obtrinebitur petendam esse remissionem propter hunc filium, qui manibus sacerdotum de alrari tollitur. &c.

Centuriatores Magd. De primi seculi post Apostolos Patribus fatentur, *Cent. 2. c. 4. de sacrif.* quædam incommodè (ut ipsis visum) dicta occurrere, ut in Epistola Ignatii ad Smyrn. Non licet, inquit, sine Episcopo neque offerre, neque sacrificium immolare.

Et Irenæus *lib. 4. c. 32. Novi testamenti novam docuit oblationem, quam Ecclesia ab Apostolis accipiens, in universo mundo offert Deo.* Ita illi; sed mox frustra hæc in alium sensum detorquent, quasi ille de merito Christi fide apprehendendo; hic de pane consecrando potius, quàm consecrato loquatur. Quod profecto non est loqui; nec sapere, ut homines.

Ex eodem Irenæo illud *lib. 3. adferunt, ibid. c. 6. de ritib. cœnæ.* Quando mixtus calix & fractus panis percipit verbum Dei, sit Eucharistia sanguinis Christi. &c. fatentur quoque hanc Eucharistiam frequenter oblationem ab eo (quanquam improprie, & negligenter) appellari. Sic ex Clemente Alex. *lib. 1. Strom.* dicunt: Etiam Eucharistiam, cum quidam, ut mos est dividerint, permittunt unicuique ex populo ejus partem sumere.

Dcni-

Denique subijciunt qui nugis titulum delectatur, audiat A-  
 naclerum Epist. 1. Tom. 1. Concil. *Ipsi autem quando Domino  
 sacrificant, non soli hoc agere debent, sed testes secum adhibeant, ut  
 Domino perfecte in sacratis Deo locis sacrificare probentur* Ait,  
*namque autoritas legis divina: vide ne offeras holocausta tua  
 in omni loco &c. In solemnioribus quippe diebus, aut septem, aut  
 quinque, aut tres Diaconos & subdiaconos, atque reliquos ministros  
 secum habeat &c.* Hæc aliaque Centuriatores fateri coguntur,  
 sed existimant, ita oblatam Eucharistiam, propter adjunctas  
 preces, quæ adjunguntur sacrificia dici. Sic Justinum loqui in  
 Dial. cum Trypho. lib. 4. cap. 34. *Nos offerre munus ad altare,  
 quod est in cœlis; illuc enim preces nostra, & oblationes diriguntur.*  
 Verum perversè. Nam preces & oblationes distinguit, non  
 confundit Justinus, nec altare quod in cœlis constituit, tollit  
 illud, super quod in terris immolatur. Deinde cum eadem  
 oblationes vocentur hostiæ & Victimæ, ut paulò ante faten-  
 tibus adversariis audivimus, cumque Ignatius dicat nos im-  
 molare, quæ ratio hæc potest universa transformare in oblatio-  
 nes vel sacrificia precum? Hac sanè loquendi audacia omne sa-  
 crificium propriè dictum negari poterit. Stabit igitur im-  
 mora hoc seculo panis vinique Eucharistici Deo facta ob-  
 latio.

De altero seculo sic loquuntur *Cent. 3. cap. 4. de Euch.* Cy-  
 prianus supersticiosè fingit, lib. 1. Epist. 1. *quod Eucharistia  
 in altari sanctificetur, & lib. 2. Epist. 3. Sacerdotem vice Christi  
 fungi, & Deo Patri sacrificium offerri. Item passionem esse sacrifi-  
 cium, quod Deo offeramus.* Qua phrasi (*sacrificium offerre*)  
 etiam Tertullianus l. de cultu scœm. de cœna loquens, uritur.  
 Et Martialis Epist. ad Burdeg. cœna, inquit, *Domini, id est sacrifi-  
 cium Deo creatori offertur in ara.* Hæc illi, nec habent, quam  
 adeò disertis verbis expositionem opponant.

De tertio seculo ita scribunt *Cent. 4. cap. 4. de Cœna.* In-  
 commodè dictum, quod citatur ex Athanasii libello *de imagi-  
 ne Christi*, Patribus oblato congregatis apud Cæsaream Cap-  
 padociæ, in quo expressè negat ex carne & sanguine Christi al-  
 quid in mundo inveniri, nisi illud, quod in ara altaris, per manus  
 sacerdotum, quotidie spiritualiter efficitur. Est & phrasis novâ  
 apud Nazianzenum orat. 1. in Jul. *Mox incruenti sacrificii  
 oblatione manus commaculat.* Item ex præparatione ad  
 Missam, quæ est apud D. Ambrosium. *Ego Domine memor*  
*vene-*



veneranda passionis tuæ, accedo ad altare tuum, licet peccator, ut offeram tibi sacrificium, quod tu instituisti, & offerri præcepisti in commemoratione tuæ &c. utitur quoque locutionibus his, Missam facere, offerre: offerre sacrificium &c. lib. 5. Ep. 33. Hic iterum interpretatio deficit, solum arguunt censores improbi, quod superstitiosè & incommodè Patres loquantur. Nostrium erit judicare, istius Vetetes Apostolorum, an hi novi, Lutheri ejusque præceptoris discipuli in scripturarum interpretatione audiendi sint?

### III. Appendix de Sacramentis reliquis.

**D**E reliquis sacris gratiæ divinitus collatæ signis, utque nos Catholici appellamus, sacramentis, cum plerique Protestantium nihil suis in Confessionibus moveant, Nos præter illa, quæ patre 1. & 2. Concordiæ diximus, vix quicquam ultra præter aliquas Patrum ex S. scriptura ductas testificationes censemus adjungendas, quod ceteris compositis, non difficilis harum quoque controversiarum decisio futura sit. Pauca tamen discutienda existimavi, quandoquidem ad quendam hic scopulum, quem auricularis Confessionis vocant, plures, tanquam allisa navi, resilierunt.

In definitione Sacramenti universè convenimus, quando illud statuimus esse *signum sensibile à Deo institutum invisibilis à gratia nobis collata*. Addunt illi, quod eandem gratiam obsignet, nos quod hanc etiam conferat, licet in virtute meritum Christi. Sed hæc potius ad effectum, quàm naturam spectant. In tribus his consentimus 1. quod sit signum sensibile. 2. quod à Christo institutum. 3. quod promissionem gratiæ annexam habeat. Hæc igitur paucis ostendo in quinque aliis sacramentis, à Protestantibus malè neglectis, reperiri: ut de Pœnitentia, Confirmatione, Ordine, extrema unctione, & Matrimonio.

*Pœnitentia* I. est signum sensibile externum, ut confessio Pœnitentis est, & Sacerdotis absolutio, illis indicatum verbis Johan. 20. v. 22. *quorum remiseritis peccata, remittentur eis, quorum retinueritis retenta erunt*. quæ remissio, aut retentio, cum recta ratione fieri nequit, nisi alter singula confiteatur, ut dijudicare Sacerdos possit, quæ remittenda, & aut retinenda sint. Nec reus absolvi poterit, sine pronuntiata

Sacer-

Sacerdotis sententia. vide p. 2. tit. 2. art. 3. 2. Gratia promittitur in verbis. *remittentur eis.* 3. Institurum in his verbis simul adjunctis continetur : *Sicut misit me Pater, & ego mitto vos.* Hinc Apostolus etiam dicit 2. cor. 8. v. 18. *Deus dedit nobis ministerium reconciliationis, nam pro Christo legatione fungimur.*

Confirmationis signum sensibile est manuum impositio cum oratione. Sic Act. 8. *Oraverunt pro ipsis & imponebant eis manus,* moxque additur gratia : *& accipiebant spiritum S. v. 15. & 17.* Cujus etiam promissio habetur Joh. 14. v. 6. qui in omnibus adversis adsit, & fortes reddat in testificatione veritatis Joh. 15. v. 79. Cum autem Apostoli ita spiritum S. contulerint, institutum Dei fuisse necessum est. Poterò unctio impositioni manuum ab Ecclesia jungi solira fundamentum habet 2. Cor. 1. v. 21. *Qui confirmat nos vobiscum in Christo, & qui unxit nos Deus, & qui signavit nos, & dedit pignus spiritus in cordibus nostris. Qui locus paucis nomen, rem, formam effectumque Confirmationis complectitur.*

Ordinis signum externum manuum quoque impositio est, quæ adjunctam habet promissionem gratiæ 1. Tim. 4. v. 14. *Noli negligere gratiam, quæ data est tibi cum impositione manuum presbyterii.* Paria habet 2. Tim. 1. v. 6. *Institutio & mandatum habetur Act. 13. v. 2. de Paulo & Barnaba speciatim. Segregate, inquit, spiritus S. mihi Paulum & Barnabam in opus (ministerii) ad quod assumpsi eos. Tunc jejunantes, orantes, imponentesque illis manus, dimiserunt illos ad Evangelii prædicationem. Quem usum jejunii, orationisque etiamnum servat Ecclesia. Episcopis Timotheo & Tiro per Paulum hoc officium in suis ad illos Epistol. committitur, & universim traditur cum regendi munere, cui ministros ordinandi munus sociatur Act. 22. v. 28. Attendite vobis & universo gregi in quo vos spiritus S. posuit Episcopos regere Ecclesiam. Et Ephes. 4. v. 11. quædam quoque ordinandorum ponitur diversitas. Ipse dedit alios quidem Episcopos, alios Pastores, & Doctores in adificationem corporis Christi: uti & Diaconi præter illos Phil. 1. v. 1. & 1. Tim. 3. reperiuntur. In quibus Episcopi tam potestate ordinis, quam jurisdictionis eminent. illâ, quia his munus ordinandi presbyteros & confirmandi ceteros per manuum impositionem commissum, hac verò; quia super presbyteros etiam judices constituti sunt. Ita Paulus Timotheo 1. Tim. 5. ait, *Adversus Presbyterum accusationem noli suscipere, nisi sub duobus*  
ant*

aut tribus testibus. v. 19. & manus cito nemini imposueris. v. 22. & ad Tit. 1. v. 5. Porro licet Ordo in veteri quoque Testamento repertus sit, tamen, quod gratiam promissam non haberet, in Sacramentis numeratus non est.

*Extrema unctionis* signum sensibile, & institutio exponitur Jacob. 5. v. 14. *Infirmatur quis ex vobis, inducat presbyteros Ecclesie, & orent super eum, & ungant eum oleo.* Promissio mox gratiæ additur. *Alleviabit eum Dominus, & si in peccatis fuerit, dimittentur ei.* Neque hic, ut nonnulli volunt, de miraculosa sanitate eo tempore conferenda agitur. Cur enim hæc solis committatur presbyteris, & peccati habeat sibi adjunctam remissionem? *Matrimonii* signum externum est contractus inter virum & feminam, ut habes Eph. 5. v. 31. *Relinquet homo Patrem & Matrem, & adhærebit uxori suæ.* Sacramentum hoc magnum est. Additur cum Christo conjunctio, seu promissio gratiæ: *Ego autem dico in Christo & in Ecclesia.* quæ magis exponitur 1. Tim. 2. v. 3. *Salvabitur autem per filiorum generationem, si permanferit in fide, & dilectione, & sanctificatione, cum sobrietate.* Quomodo verò in his permanebunt, nisi ante donum mutæ fidei, amoris, & continentæ conjugalis cum sanctitate quadam collatum fuerit? Institutum habemus Matth. 19. v. 6. *quod Deus conjunxit, homo non separet.* Porro quod non omnibus omnia Sacramenta concedant e. g. Sacerdotibus conjugium, non pugnat cum ratione Sacramenti, quæ diversa diversis sunt statibus accommodata. Paulus nuptias, ceteris permittas, viduis ad Ecclesiæ ministerium assumptis prohibet. 1. Timoth. 5. quo facto tamen non repudiantur nuptiæ. *Vnusquisque proprium donum habet ex Deo, alius quidem sic, alius autem sic, &c. sed in qua quisque vocatione vocatus est, in ea permaneat.* 1. Cor. 7.

### §. I. Observatio de Sacramento pœnitentiæ.

**Q**Uæ hic moventur ab adversariis vel magni non sunt momenti, vel alibi pro instituta brevitate discussa ut de Confessione & satisfactione quoad Sacramentum pœnitentiæ in part. 2. tit. 1. art. 11. & præcipue tit. 2. art. 3.

Quod verò ad rationem Sacramenti hæc signa negent sufficere, eò, quod vel non sint visibilia, ut in pœnitentia, confessio & absolu-

absolutio : vel annexam, ex instituto gratiam non habeant, ut universim cetera, id omnino vanum est. Nam quid interest, an audibile, vel palpabile sit signum, modò sensibile sit, quod de occulta gratia concessa instruat? Hoc necessarium; illud impertinens est. De gratiæ verò promissione hic signis annexa, breviter ante vidimus, quæ nisi per scripturæ oppositam sententiam apodicticè evertantur, Ecclesiam à sensu usuque perpetuo dimovere non possunt.

De *Pœnitentia* verò instant, hanc neq; in Vet. T. sacramentum fuisse, & tamen gratiam remissionis habuisse adjunctam, atque habere etiamnum solâ baptismi & fidei virtute. Christum etiam sine Sacramento, & exactâ confessione, remisisse peccata. neque de Apostolis reperiri, quod hoc medio salutis usi sint. Fallere non posse illam Christi promissionem, *qui crediderit & baptizatus fuerit, salvus erit*; cum Baptismus per peccata non prorsus aboleatur. *Resp.* Nec baptismus in V. T. Sacramentum fuit; & tamen nunc est. Virtus pœnitentiæ, ut olim, sic etiamnum extra Sacramentum operatur, sed hujus beneficio illius nunc suppletur imperfectio, utpote in *lege gratia*, quæ beneficiis nos pluribus cumulavit olim incognitis. Ut si quis non habeat in pœnitentia fidem talem, *qua per charitatem operatur*, aut timorem filialem Domini, expellentem peccatum, timeat tamen illum, *qui potest & animam, & corpus mittere in Gehennam* Luc. 12. audire possit: *remittuntur tibi peccata tua*. Baptismus & fides, in relapsis, præparatio ad pœnitentiam sunt, & hoc virtute sibi cognata præstant, initium reconciliationis & salutis sunt, non tota salus. Alias nec charitas, nec ipsa virtus pœnitentiæ requireretur, si ista ad salutem cunctis sufficiant. Christum exigere à pœnitentibus confessionem par non erat, ut se ostenderet rerum abditarum conscius: nec Sacramenti egebat adminiculo, qui erat fons omnis gratiæ. Ut imbecillitas contradictantium appareat, quando tam infirma colligunt argumenta. Et Apostoli quidem citra hoc Sacramentum gratiam impartiri potuissent, ut nec ab exemplo illorum liceret arguere; verum tamen, cum Act. 19. legamus: *multi credentium veniebant, & annuntiabant actus (offensas habent originalia) suos* & Jacobus totam fidelium congregationem, in quibus & Sacerdotes erant, admoneat: *confitemini alterutrum peccata vestra* Jac. 5. nemo prudenter colliget, Apostolos clavibus, sibi ad hanc indulgentiam concessis, usos non esse.

Verum

Verùm nulla in re manifestius deploratam hic se tueri causam advertarii produnt, quàm cum hæc Christi verba : *quorum remisistis peccata, remittentur eis, & quorum retinueritis, retenta erunt*, ita pervertunt : ut hunc esse sensum asserant. *quibus prædicabitis, seu nuntiabitis peccata esse remissa, his remittentur, &c.* Quis hic, obsecro, divinatorum verborum reverens, illa perversitate interpretandi non offendarur ? Quo Dei verbo hanc expositionem, ut solum necessariam eruunt, obviamq; sententiam convertunt ? Nihil hætenus traditum ; ut facessere novitate tanta necesse sit. Et verò phantastica hæc absolutio est : *si credis, denuntiatio tibi, quod à peccatis sis absolutus*. Nam qui credit, juxta Protestantes, certò tenere debet sibi remissa peccata esse : Ergo hanc certitudinem à Nuntio prædicante expectare non potest : aut si ab illo etiamnum expectat : non credit, idèd q; nec hac denuntiatione absolvitur. Deinde quomodo potest credere, se absolvi ex denuntiatione prædicantis, qui est homo, & falli potest. Ad verbum Dei utique tali homini recurrendum erit, videndumq; num in illo scriptum sit : quod prædicanti remissionem denuntianti credendum sit. Et hoc nusquam reperiet : Si tamen reperir, jam non Prædicans, sed verbum Dei certam tali absolutio- nem denuntiabit. Frustra igitur his absolutoribus salutis penditur, quibus credere non possum me esse absolutum, nisi in Dei verbo hoc ipsum reperiam, & verè Deo credam, meque per fidem ante absolutum teneam, quam ipsi hoc mihi significant.

At, quid tandem Prædicantes denuntiant ? *Si credis, fide scilicet vivà, absolutus es*. Ergo ipsi non remittunt tibi magis peccata, quàm Asina Baalam, si hoc ipsum diceret, neq; enim magis intelligunt, quàm hoc brutum, an tu absolvaris ; quia, an verè credas, nesciunt. Nisi tu magis noveris, te absolutum esse, quam ipsi, & sine ipsis idem teneas, hærebis in luto. Christus veris sacerdotibus suam tradidit cum ministerio vicariam potestatem. *Sicut misit me Pater & ego mitto vos, quibus remisistis, remittentur, &c.* Toto cœlo hæc dissident. debitum alicui remittere, & nuntiare ab alio esse remissum, morbum alicui tollere, & nuntiare quod sanus sit, pecuniam solvere, & nuntiare quod soluta sit. Magis mirum quod dicant. Sacerdotem retinere etiam peccata posse, & tamen non intelligere, an & quænam illa sint ? captivum derinere in vinculis posse, aut denuntiare, quod in vinculis detineatur, de quo tamen nesciant, an in rerum natura sit. umbramne an corpus, pulicemne an camelum attineat ? Quid hoc est, nisi cæcos judicare de coloribus ? Actus itaque tui per

te expositi, te prodente, inspiciendi sunt, nisi fortè, ut Nathano Davidis delictum, sic Sacerdoti tuum jam ante satis sit exploratum. Tum quoque, ubi serid tantùm dixeris: *peccavi*, audire per os sacerdotis vicarii Dei poteris, *Deus transulit peccatum tuum*. Neque anxium te hic esse cupimus, ut quæ ignoras, etiam eruas, ad tibi cognita tantùm obligaris, conscientia solum loquenti obsequere, quam dum audies, non aberrabis. Hanc diligenter *explora, de admisissis dolo, crimen* vicario Christi *detege, onulque satisfactione admitte*, & dignum hoc te reddes sacramento.

Sed hic rursùm obnituntur: nam detrahere Christo est inquit, suis aliquid operibus satisfactionis tribuere, *ipse enim est propitiatio pro peccatis nostris* 1. Ioh. 1. v. 2. & *impietas impii non nocebit ei, quacunque die conversus fuerit ab impietate sua* Ezech. 33. *Resp.* ut nihil Christi meritis per fidem & Sacramenta, ita nec per bona opera detrahi, quæ in virtute meritòrum Christi, non minus quàm illa, ad salutem profunt. Solis claritatem speculum ab illo refulgens, non aufert, sed propius nobis exhibet. Christi propitiatio sufficit omnibus, non tamen singulis nisi applicata prodest. Qui nos sine nobis redemit, non salvat sine nobis, hic cooperandum est. Unde Christus Luc. 3 *facite fructus dignos pœnitentia* Et Paulus 2. Cor. 7. inter *tristitia* opera, *quæ pœnitentiâ in salutem stabilem operantur, vindictâ* collocat quæ, si sola ad Deum impii conversio omne malum transferat, frustra in ultionem scelerum adhibetur. Insanus enim sit, qui sibi pœnam infligat, quam constet à Deo sublatam, *sed de his vide part. 2. l. c. & supra de bonis oper. & Purgatorio.*

## §. II. Veteris orthodoxæ Ecclesiæ Patres ex S. literis de vera pœnitentia iudicium ferunt.

**I**n primitiva Ecclesia, longè in pœnitentiæ disciplina rigidiores, non privatâ tantùm, sed & publicâ confessione ac satisfactione, per aliquot quandoque annos imperata, confessum scelus expiabant; quod tamen onus cum divina lege impostum non esset, sed vel spontanea pietate, vel Ecclesiæ voluntate, in publicis inprimis criminibus susceptum, ut qui scandalo aliis fuerant, essent rursùm ædificationi: propter

conjunctam quandoque, ex pœnitentium scelere cognitor' infamiam, ab Ecclesia denique sublatum est, illâ tamen quæ privata est, confessione semper retenta. Quod præmonendum censui, ut cum Patres ac præcipuè Chrysostomus (qui à publica confessione magnopere, propter recens exorta scandala abhorrebat) ad pœnitentiam coram Deo agendam extimulant: noveris non à privata, sed publica confessione avocare. Sed ip si sine interprete, mentem suam loquentur.

Tertullianus proximi ab Apostolis seculi Doctor, in singulari de Pœnitentia libro cap. 4. sic scribit. *Omnibus ergo delictis, seu carne, seu spiritu, seu voluntate commissis, qui pœnam per judicium destinavit, idem & veniam per pœnitentiam spondit: dicens ad populum, pœnitere, & saluum te faciam. & iterum: vivo, inquit, Dominus & pœnitentiam malo, quam mortem Ezech. 18. Et infra c. 9. Exomologesis prosterndi & humiliandi hominis disciplina est, conversationem iniungens misericordia illicem, de ipso quoque habitu & victu mandat &c. jejuniis preces alere, lacrymarum & mugire dies noctesque ad Dominum Deum tuum, presbyteris advolvi, & charis Dei adgeniculari. Idem adversus gnost. c. 10. Si adhuc clausum putas calum memento claves eius, hic Dominum Petro & per eum Ecclesiæ reliquisse. Mat. 16. quas unusquisque interrogatus atque confessus secum feret.*

Origenes, eiusdem ævi, disertius ostendit, non 'oli Deo, sed & Sacerdori singulatim exponenda peccata, qui iudicet, an publicè quædam conveniat exponi. *hom. 17. in Lucam explicans illud: ut revelentur ex multis cordibus cogitationes. Et nos, inquit, si peccaverimus, debemus dicere: peccatum meum cognitum tibi feci, & iniquitatem meam non abscondi dixi, annuntiabo injustitiam meam contra me Domino. Si enim hoc fecerimus, & revelaverimus peccata nostra non solum Deo; sed & his qui possunt mederi vulneribus nostris atque peccatis, delebuntur peccata nostra ab eo, qui ait: ecce deleo, ut nubem, iniquitates tuas, & sicut caliginem peccata tua.*

Idem psal. 37. ubi dicitur. Quoniam iniquitatem meam ego annuntiabo. *Tantummodo, ait circumspice diligentius, cui debeas confiteri peccatum tuum. Proba prius medicum, cui debeas causam languoris exponere &c. siquid dederit consilii sequari. Si intellexerit & præviderit talem esse languorem tuum qui in conventu totius Ecclesiæ exponi debeat & curari. Ex quo fortasse, & ceteri edificari poterunt, & tu ipse facile sanari, multa hoc deliberatione, & satis periti*

Medici

Medici illius consilio procurandum est. Unde apparet, non in publica confessione, sed privata, quæ apud Sacerdotem iudicem de singulis præmitti consueverat, absolutionem datam: illam vero in occultis delictis satisfactionis & emendationis loco, tum adhibitam, cum ad ædificationem ira Sacerdoti spectare videretur.

Cyprianus Ep. 75. *Qualis error sit, & quanta cæcitas eius, qui remissionem peccatorum dicit apud Synagogas hæreticorum dari posse, nec permanet in fundamento unius Ecclesiæ, quæ semel à Christo supra petram solidata est, hinc intelligi potest; quòd soli Petro Christus dixerit: quæcunque ligaveris super terram, erunt ligata & in cælis, & quæcunque solveris super terram, erunt soluta & in cælis. Mat. 16. Et iterum in Evangelio, quando in solos Apostolos insufflavit Christus dicens: accipite spiritum S. si cui remiseritis peccata, remittuntur illi, & si cui tenueritis tenebuntur. Ioh. 20. Potestas ergo remittendorum peccatorum Apostolis data, & Ecclesiis quas illi à Christo missi constituerunt, & Episcopis, qui eis ordinatione vicaria successerunt.*

Idem serm. de lapsis Denique, inquit, quanto & fide maiore, & timore meliore sunt, qui quamvis nullo sacrificii (idololatriæ) aut libelli facinore constricti (quo Christum abnegarent) quoniam tamen de hoc vel cogitaverunt, hoc ipsum apud Sacerdotes Dei dolenter & simpliciter confitentes, ex omni loge in conscientia faciunt, animi sui pondus deponunt, salutarem medelam, parvis licet & modicis vulneribus exquirunt, scientes scriptum esse: Deus non deridetur Gal. 6. & infra. Confiteantur singuli, queso, fratres delictum suum, dum adhuc, qui delinquit, in seculo est, dum admitti confessio eius potest, dum satisfactio & remissio facta per Sacerdotes apud Dominum grata est.

Reliquis seculis brevitatis studio transmissis, cum Chrysostomo & Augustino, quos adversarii favere sibi putant, concludam. Et Chrysostomus quidem hom. 2. de Sacerd. paucis ad illa alludens: ite ostendite vos Sacerdotibus: inquit, Quamobrem multa quidem arte opus est, ut qui laborant Christiani ultrò sibi perinde ac, Sacerdotum curationi sese submittere. Quod de privata confessione dictum est, cum publicam averteatur.

S. Augustinus lib. 1. de visitat. infirmorum, c. 4. & 5. sunt, inquit, qui sufficere sibi ad salutem autumant, si soli Deo, cui nihil occultum est, quem nullius laet conscientia, sua confiteantur crimi-



na. Nolunt enim, aut erubescunt, siue dedignantur se ostendere Sacerdotibus, quos tamen inter lepram & lepram disceinere, per legislatorem constituit Dominus *Lev. 1. &c.* Nos autem non negamus, quin sit ad Deum frequenter referenda confessio peccatorum. Beatus enim, qui tenebit, & allidet parvulos ad petram *psal. 136.* Petra autem Christus est: Sed testamur, & testatur illud sana doctrina, ne tibi applaudentium saveas auribus, quoniam prius eges Sacerdotis, qui Mediator sit apud Deum tuum, salubri iudicio. Alioquin & sub lege, & sub gratia: ite & ostendite vos Sacerdotibus *Luc. 17.* responsum quomodo consummaretur? Confitemini alterutrum peccata vestra *Iac. 5.* quomodo compleretur? *&c.* Adstantem coram te Sacerdotem Angelum Dei existima. Labia quidem Sacerdotis, ait *Malachias c. 2.* custodiunt scientiam, & legem requirunt ex ore eius. Angelus enim Domini exercituum est, cum qua, & Deum & Angelum eius decet reverentia, Dei ministerium affari: aperi ei penetralium tuorum abditissima latibula, conscientiarum verecundiarum penitiora revela repagula. Non te pudeat coram uno dicere, quod te non puduit forsitan coram multis, & cum multis, facere. Nam humanum est peccare; Christianum est à peccato desistere, diabolicum perseverare.

Hæc, nisi fallor, ulterioris non egent interpretis.

### §. III. Protestantium ipsorummet sententia de sacramento Pœnitentiæ cognoscitur.

**T**Estes nunc etiam audiamus Adversarios nostros, illis vocibus, quas veritas extorsit.

Lutherus, quamvis non omninò secum consentiens, ut qui disertè *contra Lovanienses art. 35.* Pœnitentiam inter sacramenta recenset, sed in *captivitate Babyl.* eandem rejicit. quod signo visibili divinitus instituto careat: tamen ibidem sic statuit: *occulta* confessio, quæ modò celebratur, etsi probari ex scriptura non possit, miro tamen modo placet & utilis, imò necessaria est. Nec vellem eam non esse, imò gaudeo eam esse in Ecclesia Christi, cum ipsa sit afflictis conscientis unicum remedium. Hæc ille. Ex quibus concludo, quod si necessaria sit hæc confessio in Ecclesia, sitq; unicum remedium conscientiarum in relapsis, tot illam nobis scripturæ *S. locis* præcipi, quot relapsis pœnitentia

rentia & emundatio à delictis imperatur, ideoque malè adjectum à Luthero est, quod ex S. scriptura probari nequeat.

Melanchthon in *Apologia Confes. August.* Verè, inquit, sunt sacramenta, Baptismus, cœna Domini, Absolutio, quæ est Sacramentum pœnitentiæ. Nam hi ritus habent mandatum Dei, & promissionem gratiæ. Idem confirmat in *Catechismo*, & in ultima editione *locorum communium* (corrigenz, quod in prima, Lutheri gratiâ, omiserat) ubi sic habet. Numerentur hæc sacramenta, Baptismus, cœna Domini, Absolutio. Mihi maxime placet etiam addi Ordinationem.

Centuriatores verò sensum Veterum quoque hac in re promunt. *Cent. 2. c. 6. de ritibus.* In Epistola, aiunt, prima *Clementis Rom. tom. 1. Concil.* sic habetur. Quod si fortè alicuius cor, vel uxor, vel infidelitas, vel aliquot malum his, quæ superius memoravimus, latenter irrepserit, non erubescat, qui anima sua curam gerit, confiteri hoc huic, qui potest, ut ab ipso per verbum Dei & consilium salubre curetur, quo possit integra fide & operibus bonis pœnas æterni ignis effugere, & ad perpetua vitæ gratia pervenire. Et in eadem Epist. Petrus instruebat, actus vitæ suæ omni hora custodire, & in omni loco Deum respicere; firmiter cogitationes malas cordi suo advenientes mox ad Christum illidere, & sacerdotibus Domini manifestare.

Instituit & Alexander Papa, ne Presbyter ab incestuosis accipiat munus ut eorum scelera reticeat, aut minus dignè pœnitentem ad reconciliationem adducat, eique testimonium reconciliationis ferat. Hæc illi. Quis licet horum scriptorum fidem suspectam faciant, tamen Clementis Epistolarum & Epiphanius meminisse hæc. 30. & Hieron. lib. 1. contra Jovin deque scriptoribus Ecclesiasticis, & discerte liber Pontif. Damaso inscriptus primæ hujus Epistolæ: licet inscriptio & chronologia ab aliis forte addita, errore multis scriptis communi, vacillent. Alexandri Papæ institutio, ut minori contradictioni obnoxia est, ita & probationis minus indiget. Illos qui cum Apostolis vixerunt audivimus, nunc & proximè sequentes audiamus.

De altero sic habent seculo *Cent. 3. cap. 4. de Pœnit.* Plerique, ajunt, hujus seculi scriptores doctrinam de Pœnitentiâ mirè depravant. Ad ipsum tantum opus pœnitentis, seu contritionem deducunt, eique remissionem peccatorum imputant. De fide in Christum, aut gratuita remissione nihil dicunt &c.

Origenes hom. 6. in Exod. lapsos jubet, pœnitendo flendo, & satisfaciendo.

*tis faciendo delere, quod admisserunt, quia dicat Prophetas: si conversus ingemueris, salvus eris. Et hom. 15. in Levit. asserit, pœnitentiam, id est, lacrymas & bona opera, esse pretium quo peccata nostra redimuntur.*

Cyprianus l. 1. Ep. 3. peccata, ait, redimi & ablui satisfactionibus. Alibi ejusmodi pœnitentiæ definitionem extruit, lib. 3. Epist. 18. Pœnitentiam ille agit, qui divinis præceptis mitis & patiens, & sacerdotibus Dei obtemperans, obsequiis suis & operibus iustis Dominum promeretur.

Denique subiiciunt. Auctor *serm. de Passione Christi*. videtur quoque nostræ contritioni & confessioni tribuere, quod mereantur veniam, & quod pœnæ, 'cu supplicia corporalia satisfaciant pro pœnis æternis. Ut Sodomitas esse igne inflammatus, ut in ipsa sub versione generent pœnitentes, & temporali pœna æternalis non succedat, sed esset iis pro remedio supplicium, & pro absolutione tormentum. Deus enim non vult mortem peccatoris, sed magis ut convertatur & vivat. Ezech. 33.

Ibidem in *Centur. 3. cap. 5.* Ex Eusebio varia recitant exempla lapsorum per hæresim, & excommunicatorum, qui per publicam pœnitentiam in Ecclesiam recepti sunt, quos extra cōsensum Rom. Pontificis non licebat, nisi in articulo mortis, absolvere, ut ex lib. 2. Epist. 7. Cypriani ostendunt.

In hoc seculo subsisto. Nam in ceteris eandem de sacramento hoc sententiam confirmari, apud eosdem Centuriatores Lector, cum voluerit, reperiet.

#### IV. Patrum antiquorum de reliquis Sacramentis è scriptura iudicium.

**I**N Sacramentis reliquis facilis erit concordia. Unus breviter Augustinus ex S. literis nos instruet, ne hæc omninò intacta relinquamus.

De Sacramento Confirmationis sic habet. lib. 15. de S. Trinit. c. 26. Unxit eum Deus spiritu S. Añ. 10 non utique oleo visibili, sed dono gratia, quod visibili significatur unguento, quo baptizatos ungit Ecclesia. Et contra lit. Peril. l. 2. c. 104. Sacramentum chrismatis in genere visibilium signaculorum sacrosanctum est, sicut ipse Baptismus. & c.

De Sacramento Ordinis contra Epist. Parm. l. 2. 11. Sicut mis-

sic me vivens pater, & ego mitto vos: & cum hoc dixisset, insufflavit & dixit: accipite spiritum S. si cui dimiseritis peccata dimittentur ei &c. Et ib. c. 13. utrumque Sacramentum est (Baptismus & Ordo) & quadam consecratione utrumque homini datur, illud cum baptizatur, istud cum ordinatur, ideoq; in Ecclesia utrumque non licet iterare. Quia (ut ait lib. 1. de Bapt. contra Donat. c. 1.) character indelebilis est.

Distinctos verò gradus ordinatorum alibi Augustinus expressit, ut cum ad Quodvultdeum hæref. 53. dicit: *Aerius cum esset presbyter, doluisse scribitur, quod Episcopus non posset ordinari: & in Arianorum hæresin lapsus, propria quoque dogmata addidit nonnulla. dicens: presbyterum ab Episcopo nulla debere differentia discerni. Quem errorem Epiphanius quoque inter hæreses censet hæref. 75. Decepit, inquit, Aerium amulatio. Profert autem ad errorem suum, quod Apostolus scribit Presbyteris & Diaconis, & non scribit Episcopis. Et ad Episcopum dicit: ne neglexeris donum, quod in te est, quod accepisti per manus presbyterii 1. Tim. 4. Et rursus alio loco Episcopis & Diaconis scribit. Est ergo (inquit Aerius) idem Episcopus, qui & Presbyter.*

Quem deinde errorem sic refutat. Quod inquit idem non posset esse cum Episcopo Presbyter, divinus Apostoli sermo declarat. 1. ad Timotheum Episcopum c. 5. v. 1. Presbyterum ne objurges; sed hortare velut patrem Quid autem attinebat Episcopo vetare, ut ne Presbyterum objurgaret, nisi maiorem ipso potestatem obtineret? Quare princeps admonet. v. 19. adversus Presbyterum citò accusationem ne admiseris, nisi sub duobus tribusve testibus Non alicui ex Presbyteris praecepit, ut accusationem contra Episcopum non admitteret.

De extrema unctione August. ait lib. 3. de visit. infir. cap. 4. Nec praetermittendum est illud Apostoli Iacobi praeceptum c. 5. Infirmatur quis in vobis, inducat Presbyteros Ecclesiae, ut orent super eum ungentes eum &c. Ergo sic roges de te & pro te fieri sicut dixit Apostolus Iacobus, imò per Apostolum suum Dominus. Ipsa videlicet olei sacri delibutio intelligitur Spiritus S. typicalis unctio.

De Matrimonio, inquit, de adult. conjug. l. 1. c. 21. Mulier alligata est, quamdiu vir eius vivit 1. Cor. 7. Unde: si uxor dimiserit virum suum, & alii nupserit, mœchatur, & qui dimissam à viro duxerit mœchatur. Marc. 10. Luc. 16. Ideoque ex eodem praecepto Domini & vir uxorem non dimittat, quoniam qui dimiserit uxorem suam, præter causam fornicationis, facit

eam mœcham Matth. 5. Si propter hanc causam dimiserit, ipse sic maneat. Omnis enim qui dimittit uxorem suam, & ducit alteram, mœchatur. Ibidem lib. 2. cap. 5. inquit. Sicut manente in se sacramento regenerationis, excommunicatur cuiusquam criminis reus, ne illo sacramento caret, etiam si nunquam reconcilietur Deo, ita manente in se vinculo fœderis conjugalis, uxor dimittatur ob causam fornicationis (Matth. 5. v. 32.) nec carebit illo vinculo, etiam si nunquam reconcilietur viro, carebit autem si mortuus fuerit vir eius &c. Quod si enim mortuus fuerit vir eius, cui vult nubat. 1. Corinth. 7. Quoniam si per coniugium adulterium conjugale solvitur vinculum, sequitur illa perversitas, quam cavendam esse monstravi: ut & mulier per impudicitiam solvatur hoc vinculo, qua si solvitur, libera erit à lege viri. Et ideo, quod insipientissimè dicitur, non erit adultera, cum altero viro si fuerit; quia per adulterium liberata est à priori viro. Quod si ita est à veritate devium, ut nullus id, non dico Christianus, sed humanus sensus admittat, profectò mulier alligata est, quamdiu vivit vir eius. 1. Cor. 7.

Quocirca paucis idem August. de Genesi contra Manich. lib. 2. cap. 24 sic habet. Dicit Apostolus sacramentum magnum esse Ephes. 5. quod dictum est Genes. 2. propter hoc relinquet homo patrem & matrem, & adhærebit uxori suæ. Idemque de gen ad lit. lib. 9. cap. 7. Hoc (inquit de bono conjugii) tripartitum est. Fides, proles, sacramentum. In fide attenditur, ne præter vinculum conjugale, cum altera, vel altero concumbatur. In prole, ut amanter suscipiatur, benignè nutriatur, religiosè educetur. In sacramento, ut conjugium non separetur, & dimissus aut dimissa, nec causa prolis alteri jungatur. Hæc est quasi regula nuptiarum, quam vel natura decoratur fecunditas, vel incontinentia regitur pravitas.

Refellit hic paucis miram quarundam hominum in scripturis evertendis audaciam, qui illam Christi sententiam Mat. 5. v. 32. Omnis qui dimiserit uxorem, excepta fornicationis causa, facit eam mœcham: & qui dimissam duxerit, adulterat: ita interpretantur, ut hæc verba, excepta fornicationis causa, quæ ad priorem tantum sententiæ partem, hoc est illum qui dimiserit, spectant; etiam ad posteriorem, hoc est illum, qui duxerit dimissam, spectari velint, quasi tali casu non adulteret. Sensus enim hic erit, qui dimissam

*dimissam duxerit, non adulterabit, exceptâ causâ fornicationis.* Unde consequetur, ut quandocunque vir, aut mulier solvi conjugio voluerit, id repente fornicatione admissa possit obtinere, ac deinde alteri, sine flagitio, novo conjugio, lociari. Quem sensum Augustinus non solum, non esse Christianum; sed ne humanum quidem, merito profitetur. Et quid? quod Christus alibi disertissime veritatem hanc expresserit: *Omnes qui dimittit uxorem suam & alteram ducit, mœchatur; & qui dimissam à viro ducit, mœchatur.* Luc. 16. v. 18. Proborum igitur hominum non potest esse tam improbum ex scriptura commentum.

§. V. Confessio Protestantium de Sacramentis reliquis, atque inprimis Ordinatorum discrimine, ex veteri Ecclesia desumpta.

**M**atrimonium Lutherus quoque in sermone de Matrim. ex sacris literis jure agnoscit dici & esse Sacramentum. Matrimonium, inquit, Sacramentum dicitur. Est namque typus rei nobilissimæ & sanctissimæ, hoc est unionis divinæ & humanæ, naturæ in Christo. Hinc inquit Paulus Eph. 5. *Quemadmodum vir & mulier duo quadam unum sunt, in carne una; ita Deus & homo unus Christus: ita Christus & Ecclesia unum corpus, quod profectò magnum est Sacramentum.* Omnino itaque res sancta, & sacra est matrimonium, si rite fuerit observatum.

Idem in libro de Potestate Papa. Omnium, inquit, Ecclesiasticorum idem est Baptismus, eadem Confirmatio, idem Verbum Dei, idem Sacramentum, eadem Pœnitentiæ, Unctionis, Matrimonii, & omnia Sacramenta. Hæc Lutherus, qui quamvis de Capt. Babyl. aliter loquatur: tamen cum neque Scripturam S. neque antiquitatem, quibus hic nixus est, neque seipsum dignis argumentis refellat, cum utrobique sapere non potuerit, apparet quo loco delirarit.

Beza in Epist. 8. ait. *Chrisma & exorcismus sunt vetusta.*

Justellus, inde in Codicem Canonum Africanorum. In præteritis Conciliis statutum meminimus, ut Chrisma à presby-



teris non fiat, &c. ab universis Episcopis dictum est, *Chrisme confectio non fiat à Presbyteris.*

Rittershusius in *Salvianum* pag. 88. Solebat autem Chrisma servari in ampullis, ut colligere est in Optato Milevitano, &c. Baptismo adjungebatur unctio, quam etiam Sacramenti nomine Patres appellant.

Casaubonus *Exerc.* 16. §. 30. In veteri Ecclesia tempore Dionysii Areopagitæ, qui scriptor antiquissimus, Baptismum & sequebatur Eucharistia. Nicolaus Cabasila scripsit de divinisissimo Chrismate, & numerat inter Sacramenta, quæ illi sunt (ut Ambrosio, Cyrillo Hierosoly, & plerisque veterum) Baptismus, & Confirmatio. Hæc ex illis. Quoniam verò ordinatorum distinctionem plerique Protestantium non agnoscunt, ita ut existiment jure divino Episcopum, ordinis ac jurisdictionis potestate, majorem esse presbyteris (ut supra ex S. literis breviter offendimus) imò multi eorum pro presbyteris laicos hodie, & temporarios sutrogent homines, quos pari in Ecclesiæ administratione, cum institutis Apostolorum successoribus Episcopis, potestate præesse volunt; Operæ pretium erit hac de re ipsorum etiam adversariorum suffragia collegisse.

Justellus in Can. 38. Cod. Can. Eccles. Universal. Presbyterium, inquit, accipitur pro confessu Presbyterorum, cui præerat Episcopus 1. Tim. 4. v. 14. Ignatius in *Epist. ad Antioch.* salutat τοῦ ἀγίου πρεσβυτερίου. Et in *Epist. ad Trall.* Presbyterium indicat his verbis. *Quid verò est Presbyterium, nisi cæsus sacer, consiliarii, & concessores Episcopi?* Cornelius Urbis Rom. Episcopus ad Cyprianum lib. 3. Ep. 11. *omni actu ad me perlato placuit contrahi sacrum Presbyterium.* Idem lib. 3. *Apolog. contra Bezam.* Quis inquit, ex Patribus, nostros Presbyteros annos agnosceret esse veros, esse & legitimos? Saravia libro de *diversis Ministrorum gradibus.* Sunt, inquit, in quibus sine ullo Verbo Dei Ecclesiæ nostræ à prisca antiquitate recesserunt. Primum est Episcoporum abolitio; alterum est Presbyterorum temporariorum inventio; tertium Diaconorum annuorum & laicorum.

Contadus Rittershusius part. 1. cap. 7. Comment. in *Novellas.* Notetur, inquit, quod ait Optatus Milevit. lib. 2. advers. Patm. *Certa membra sua habet Ecclesia, Episcopos, Presbyteros, Diaconos, ministros, & turbam fidelium,* Idem lib. 1. p. 16. *ordinem*

nem hierarchiæ Ecclesiasticæ sic recenset. Primo Episcopos ponit, tanquam apices, ut vocat, & principes omnium. Secundò Presbyteros, quos dicit, in secundo sacerdotio constitui. Tertiò Diaconos in tertio. Quartò ponit ministros plurimos, id est, Hypodiaconos, Cantores, sive Psalmistas, Lectores, Acolythas. Ignatius Epist. ad Smyrn. omnia à vobis ordine perficiantur in Christo, laici Diaconis subordinentur, Diaconi Presbyteris, Presbyteri Episcopo, Episcopus Christo.

Centuriatores Magdeb. Cent. 2. c. 7. de grad. perf. Fuit utilissimum juxta Ecclesiæ necessitatem, quemadmodum & seculo superiori, officia Ecclesiastica distribuere in Episcopos, Presbyteros, & Diaconos. Hos enim gradus Tertullianus recenset, iisdemque nominibus Origenes, &c. Cyprianus Acoluthi meminit, & Hypodiaconi, & Lectoris, & Exorcistarum. Et infra scribit Tertullianus lib. de jejuniis Episcoporum fuisse incumbente aliqua necessitate Ecclesiastica, publica universæ plebi jejunia indicare. Et Origenes lib. 9. in Epist. ad Rom. Quis Ecclesiis præsumt talem incipiant sollicitudinem, qualem Apostolus dicit 2. Cor 11. concursus in me quotidianus, sollicitudo omnium Ecclesiarum, &c. illam vero, aliam secularem habere non debet.

Ita Centur. 4. cap. 7. scribunt Ambrosius lib. de Sacerdot. dign. Aliud, inquit, quod ab Episcopo requirit Deus, aliud quod à Presbytero, aliud quod à Diacono. Addere poterant ex eodem in verba Apostoli ad Ephes. 4. Ipse quidem quosdam dedit Apostolos, alios Pastores, &c. Ubi post diversos Ecclesiasticos ordines enumeratos, subjicit. In Episcopo omnes ordines sunt, quia primus Sacerdos est, hoc est Princeps Sacerdotum. Sed maluerunt hoc loco dissimulato, illa addere, quæ de dignit. Sacerd. asserit: Episcopi & presbyteri una ordinatio est: uterque enim Sacerdos est: sed Episcopus primus est. Et Hieronym. ad Nepotian. Eisdem fuisse Episcopos & Presbyteros, eo tantum discrimine, quod illud dignitatis, hoc ætatis fuerit nomen. At silentib. quoque dictum ab eodem: Quod Aaron & filii ejus sunt, hoc Episcopum & Presbyteros esse, non verimus. Quorum ille utique dignitate, quæ potestatem simul majorem includeret, fuit superior. Silent etiam, quod apud Evagium (ubi utrosque rursus Hieronymus æquat) ordinandi tamen potestatem excipiat. Quid facit, excepta ordinatione, Episcopus, quod presbyter non faciat? Una itaque est ordinatio, quæ tam Episcopus, quam Presby-



Presbyter Sacerdotium, hoc est, præcipui in Ecclesia ministerii est officium consecutus; ita ut omnis Episcopus rectè Presbyter dicatur, ideoque & hoc eos nomine Apostolus quandoque accipiat. Verùm tamen in ordinatione conferenda, seu consecratione aliorum, divino jure adèd strictè dif-ferunt, ut licet in ceteris, Episcopus, uti in danda confirmatio-ne, & potestate jurisdictionis usurpanda, vices suas aliis de-mandare, necessitate urgenre, queat; ordines tamen per alium nunquam contulisse auditus sit. Et hac de causa, sola ordi-natione Episcopos à Presbyteris differre, quandoque Patres asserunt; quod hæc sola potestas ordinandi incommunicabi-lis semper habita sit. Ut proinde in Protestantium Ecclesia nullus ritè ordinatus habeatur, cum Episcopi in prima disces-sione illis defuerint.

Potrò jurisdictionis potestas Episcopis hoc ipso confertur, quòd ceteris præfiantur, etiam Presbyteris, *regere Ecclesiam Dei*, reliqui verò jubeantur *obedire præpositis*. Heb. 13. v. 17. ita ut illi leges & mandata dare, hi exequi teneantur, illi præ-sidere judicio, hi subesse cogantur. 1. Tim. 5. Quam pote-statem ab Apostolis tum primum collatam Hieronymus ex-istimat, quando Ecclesiæ schismata timebantur. Sic enim habet in Epist. ad Tit. cap. 1. *Idem est Presbyter qui Episcopus, antequam diaboli instinctu studia in religione fierent, & dice-retur in populis: ego sum Pauli, ego sum Apollos, ego sum Cepha; communi Presbyterorum consilio Ecclesia gubernabantur. Postquam verò unusquisque eos quos baptizaverat suos putabat esse, non Christi: in toto orbe decretum est, ut unus de Presbyte-ri electus supponeretur ceteris, ad quem omnis Ecclesia cura per-tineret, & schismatum semina tollerentur.* Existimat igitur Hieronymus per Apostolicæ Ecclesiæ decretum hanc pote-statis jurisdictionem Episcopis collatam, non à Christo ante institutam, vi cujus tamen Presbyteros Episcoporum regi-mini & judicio subjicit. Quia addit: *Sicut ergo Presbyteri sciunt, se ex Ecclesia consuetudine, ei, qui sibi præpositus fuerit esse subjectos; ita Episcopi noverint, se magis consuetudine (ex Apo-stolico decreto) quam dispositionis Dominicæ veritate Presbyteris esse majores.*

Quibus sanè verbis (ut Protestantes opinantur) non evin-cit Hieronymus, Episcopos jure divino non esse Presbyteris majores, cum potestatem ordinis non tangat; jurisdictionis per

per Apostolicam institutionem (si tamen soli Hieronymo, hac in re credendum sit) non evertat. Et sanè, cum in Epistola ad Marcellin. dicat, Episcopos succedere *Apostolis*, *Presbyteros* 70. *discipulos*: manifestè utrosque jure divino à se invicem separat. Cum Christus tam successoribus Apostolorum & Discipulorum, quam ipsis Apostolis & discipulis jus suum in Ecclesia contulerit.

Licet enim Ecclesia ab ipsis primordiis, dum sub Apostolorum præsertim disciplina, velut in cunis, versaretur, formam illam regendi ministrandique, quam deinde tenuit, secuta repente non sit; quòd solido nondum, capacique tam illustris regiminis constaret corpore; tamen cum primùm illam ministrorum & varietatem, & subordinationem instituit, non existimanda est, à concepta per Christum forma deflexisse: quòd possibile non fuerit principio in modico corpore omnium membrorum dignitatem repræsentare. Ut non inanis modo, sed omnino puerilis sit istorum hominum ratio, qui regiminis disciplinæque Ecclesiasticæ formam ad prima Ecclesiæ tempora exactam volunt, nec majorem in Pontifice summo, qui toti præsideat orbi, Regibus modò præsit, atque Imperatoribus illius dignitatem propalam reverentibus, majestatem agnoscere, quàm olim in cryptis latentes, paucorum & obsecutorum capitum Pastores obtinerent: non alios in Ecclesia amplissima ministros, quàm olim in tantis angustiis, & despecti vulgo officii utilitate, reperti sunt, tolerare: quodque nec rusticus in familia abs se amplificata patiatur, hoc Ecclesiæ insolenter præscribere. Apagete tam importunis censoribus.

Postremò non aliquorum tantùm, ex Protestantium Ecclesia, Doctorum autoritate; sed totius penè Ecclesiæ Anglicanæ (quæ quidem nomen aliquod meretur) suffragatione nitimur, quæ sententiam hanc & S. Scripturæ & Patrum antiquorum esse universim profitetur; idque Regum etiam suorum non tantùm calamo, verùm & sanguine contestatur. Quibus cum plerique Protestantium sese, absque veræ religionis jactura, assentiri posse fateantur: aut si negent, vana omnino sit illa Confessionum, quam vulgo jactant, harmonia: hoc se titulo à Romano Catholica religione separare non poterunt. Strata igitur hac in re, juxta propriam quoque Confessionem, est concordia.

Alia)

Alia, quam hic nonnulli obmovent, de ordinandorum electione ac præsentatione, difficultas, cum hanc plebis esse contendunt, facile discutitur, quod Catholici non negent, plebem aliquando suis ad hanc suffragiis concurrisse (nunquam tamen excluso Presbyterio, ceterisque Ecclesiæ proceribus) quia multorum indoles sæpè plebi magis est explorata, ut Act. 6. Diaconi à plebe, non ex jure à Deo tradito, sed Apostolis exigentibus delecti sunt, qui & *multitudinem convocarunt, & iusserunt considerare viros idoneos*, quibus ipsi deinde manus imposuerunt. Quare licet hoc factum, ut loquitur Cyprianus, à *divina autoritate* descendat; de plebe tamen adhibenda, non præceptum, sed consilium adferr, plebemque, ut testem, non judicem, & dignitatis potestatisque collatricem admittendam, ex arbitrio Prælatorum, ostendit.

Quod cum olim per Apostolos eorumque successores, Presbyteris Episcopisque passim, ab extera etiam gente Christiano populo submissis factum sit, atque hodie dum per ipsos Protestantium Ecclesiæ principes electis submissisque ex ipsorum, non populi voluntate & iudicio, ministris præstetur, non existimo, quòd hos juris divini violatores, hac in parte, habituri sint. Nihil itaque hic reperio, quod aut S. Literis, aut meditatæ Concordiæ videatur adversari.

## ARTICULUS XXXIX.

**C**Redimus a Deum velle mundum legibus & politi gubernari, ut aliqua sint frena, quibus immoderatæ mundi cupiditates coerceantur, ideoque constitui regna, respub. & reliquas principatuum species, siue hereditario jure obveniant, siue minus, neque id duntaxat; sed etiam quidquid spectat ad statum justitiæ, quam vocant, cujus author agnosci postulat. Ided etiam gladium in magistratum manus tradidit, reprimendis nimirum delictis, non modò contra secundam tabulam; sed etiam contra primam commissis. Oportet b ergo propter illum hujus ordinis authorem, non tantum pati, ut ii dominantur, quos ille nobis præfecit, sed etiam honore, & omni reverentia eos prosequi, tanquam ejus legatos ac ministros, ad legitimum & sanctum munus obeundum ab ipso designatos.

ARTI-

a Exod. 18. v. 20. Matth. 17. v. 24. Rom. 13. v. 1. b 1. Pet. 2. v. 13. & 1. Tim. 2. v. 2.

## ARTICULUS XL.

**A**ffirmamus ergo & parendum esse legibus & statutis, solvenda tributa & reliqua onera perferenda, subjectionis denique jugum voluntarie tolerandum, etiam si infideles & fuerint Magistratus: dummodo Dei summum imperium integrum & illibatum maneat. Itaque detestamur omnes eos, qui dominationes repudiant communitatem & confusionem bonorum invehunt, omnem denique juris rationem evertere moliantur.

c *Matth. 17. v. 24.* d *Act. 4. 17. & c. & 5. v. 19.*

## Observatio.

**N**ihil hic est, quod jure reprehendas, modo Ecclesiasticum regimen judiciumque non tradant, occulto sensu, potestati seculari. Quod si faciant, jam illos part. 2. Concord. art. 8. & ult. Confessionis Augustanæ ex S. literis reformavi. Si tamen præterea Veteris Ecclesiæ Orthodoxæ sensum, propria etiam Confessione firmatum, audire libeat, in sequenti Appendice plura illius rei argumenta se offerent, ideoque hic sigillatim, brevitatis studio, placet abstinere.

Ceterum, qui alium desiderat, quàm obviū S. Scripturarum sensum, quò in hac Reformatione tantum usi sumus, non ingenio solum nostro verum Ecclesiæ Veteris Sanctorumque Patrum, is R. P. *Viti Erbermanni* Bellarminum recens vindicatum à cavillis *Amesii & Gerardi*, ubi omnem vasfræ innotuendi scripturas S. artem, & propositam inveniet, & exploram. Nobis in tam vastum mare cymbam inferre non licuit, quando aliis legibus circumscribimur: nec libuit, quando nullus ab hac evagandi licentia exitus est: ubi Adversarii cum scripturam jactant, suis tantum interpretatiunculis & consequentiis, pro ingenii privati libidine, circumferuntur. Ut amentia nunquam in orbe major reperta sit, quàm reperiri homines ratione præditos, & cetera eruditos, atque ut apparet sapientes, qui hanc suam aberrationem væcordiamque, idque in salutis æternæ discrimine, pro certâ veritate ac sapientia

sapientia venditent. Quorum error pertinaciaque, si nobis in hac Concordia obtinenda moram injiciat, subveniet D. Augustinus, à Reverendissimis DD. Wallenburgicis per Methodum, claram simul & expeditam, ad fidem orthodoxam ex solo Verbo Dei defendendi propositus. Quibus, ut spero, machinis, vel sigillarim, vel universè admotis, Deo Superisque adspirantibus, expugnari multorum in errore contumacia, aut ignorantia poterit; ut flectatur quod durum, illustretur quod obscurum est.



APPEN.

# APPENDIX

## Ad Reformatam Confessionem Reformatorum DE ECCLESIAE ORTHODOXAE CONCILIIS,

A Protestantibus juxta & Catholicis receptis, in quibus veræ Ecclesiæ lineamenta manifestè exhibentur.



U<sup>i</sup> compendiò totam Religionis controversiam expedire vòlet, is ex conciliis veteris Orthodoxæ Ecclesiæ nullo penè negotio intelliget, quænam partium hæc ætate sibi adversantium veram in corruptamque fidem amplectatur. Quamconquæ enim cum articulis horum Conciliorum maximè consentite repererit, hanc necesse est orthodoxæ religioni esse propiorem. Hæc igitur nos obiter concilia, idque solum in controversiis hodie capitibus, lustrare operæ pretium duxerim; ut pluribus denique machinis admotæ veritatis, nemo nisi à Deo & veritate alienus, queat resistere.

Concilorum alia diœce sana sunt, quæ ab Episcopis cõvocantur: alia provincialia, quæ ab Archiepiscopis: alia nationalia, quæ à Patriarchis seu Primatibus: alia generalia, quæ ab Ecclesia universa, summo Pontificis consensu & voluntate instituuntur. His ultimis summa jure tribuitur autoritas, prioribus eadem accedit, cum ab universa Ecclesia, summique Pontificis approbatione fuerint acceptata. Unde evenit, ut in quibusdam, & particularibus in primis Conciliis alii sæpe canones probari, alii spurii, & rejecti sint; quòd illos Ecclesia vel expresso, vel tacito Pontificis consensu receperit: hos oppositâ Patrum aliarumque synodorum doctrina repudiaverit. Ex his igitur conciliis quæ recepta olim, vel ex integro, vel ex parte fuisse tantò firmitus, quàn-

ex Patribus argumentum ducitur, quāto majus habere pondus debent publicæ, quā privatæ Doctorum voces, & tot in unum sensum conspirantes sententiæ, quā solitaria nonnullorum suffragia, ceteris denique S. Spiritus, & Christi Ducis Capitisque sumptis præsentia, illic ubi *duo velter centum in ipsius nomine congregati sunt*, quā ubi privatus sæpe Spiritus intervenit, & proprii capitis interpretamentum. Quæ causa cur nec Patribus, ut Tertulliano, Origeni, Cypriano, aliisque fides ubique sit, sed illic solum ubi Ecclesia Orthodoxa non contradixit. Ab hac enim Ecclesia supra petram fundata, & perpetua divini Spiritus ope firmata, totum religionis nostræ, assensusque in fide infallibilis robur dependet.

Canones Apostolicos, licet à Clemente Romano, Zephyrino Pontif. Onuphrio, Genebrardo, aliisque scriptoribus probatos, quæ præsentem Romanæ nobis Ecclesiæ imaginem non paucis lineamentis contra Novatores exhibent, volens præterea, tantum illa, quæ nobiscum admittunt, Concilia nonnullis suis partibus repræsentare, ut intelligant Protestantes, nisi nobiscum in gratiam redeant, cum veteri illos Ecclesia sentire nequaquam posse.

### §. I. Synodus Apostolica Hierosolymis, Synodorum orthodoxarum prototypon.

**A**postolis licet Spiritu Dei plenis, & scripturarum divinarum cetera intelligentia fieris solenne tamen fuit, in rebus fidei morumque non ex sola scriptura S. definire faciendā, sed collectis Ecclesiæ proceribus audire aut reddere sententiam, ac postremo sciendā ac faciendā concludere. Sic (præterquam quod Act. 1. in electione Matthiæ, & Act. 6. in septem Diaconorum institutione collecti sunt) Act. 15. formam nobis generalis cujusdam in Ecclesia concilii exhibuere, anno, ut videtur à morte Christi 17. Claudii Cæsaris 9. ut Baron. signavit. Causam Cerinthus hæresiarcha cum suis dedit, qui præter legem Evangelii ceremonialem quoque Moysis legem velut necessariam obtrudebat. In qua controversia finiendā, non ad Evangelium Christi (licet hoc Apostolis faveret) sed communem Ecclesiæ sententiam confugiendum esse statuerunt; cum Evangelii pro se interpretari sensum Cerinthus posset, sed Apostolorum vivam, definitamque sententiam non posset infringere.

Iterum,

Iterum primo hic Petri suffragio pronuntiatum est : neminem Christianorum lege circumcisionis, aut alia ceremoniali Judæorum teneri. Deinde non permittum est populo, hujus Concilii sententiam ad Evangelium Christi expendere, & si judicarent congruere, assentiri ; sed quid tenendum sit, præscribitur, tanquam ab Ecclesia simul & Spiritu S. profectum. Postremo licet præscripta fuerit abstinencia ciborum temporalis ad præsentem Ecclesiæ conditionem requisita, tamen ex conscientia ad illam obligantur, ut hanc Ecclesiæ potestatem esse Ap. st. li. suo nos exemplo docent. *V. sum*, inquit, *est Spiritui S. & nobis nihil ultra imponere vobis oneris ; nisi ut vos abstinere ab immolatis simulacrorum & sanguine & suffocato. Vide*, ait, *ad hæc Chrysostomus hom. 33. in Mat. brevem Epistolam neque epichæmata, atque syll. gēmos habentem ; sed imperium. Erat enim legislatio Spiritus. Nunc Protestantibus considerandum relinquo, ut expendant quænam Ecclesia huic concilio maximè conformes hodie synodos erigat, & præcepta magis similia tradat ?*

## §. II. Synodi generales, & in primis Nicena, veram Ecclesiam representant.

**N**unc quatuor universales synodos à Protestantibus quoque probatas admittatque juxta 6. art. supradictæ Confessionis : quod illas non tantum cum verbo Dei sed & sermone convenire existimarent, in quibusdam canonibus ab illisdem tolleratis audiamus.

Agite igitur, à Nicena synodo anspiciemur, quæ contra Arium potissimum, ad tuendam Christi divinitatem, & Quattadecimanos, ad paschæ solennitatem in dominica die firmandam à Patribus 318. sub Constantino Imper. & Sylvestro Pont. anno, ut probabilius, Christi 325. est instituta. Desinça verò non tantum ex scripturis S. sed antiquis etiam Patribus adversus Arium & Eusebium Cæsariensem Episcopum in hoc concilio sententia est, ut Athanasius, Theodoretus atque ipse etia Eusebius testes luculentissimi sint. Sic enim habet in list. Eccl. Theodor. l. i. c. 8 Ex Athanasio ad Afric. *Quod autem obmurmurare solent in scriptura has voces (οἱ τοὺς σὺν) non reperiri, stolidæ est refutatio. Qui enim ex alienis à scriptura verbis struxerit impietatem*



(ut quod agebant de nihilo esse filium, & fuisse aliquando cum non esset) quaruntur, sed de iis, quæ in scriptura non reperiuntur esse damnatos. Episcopi vero non sibi illas voces finxerunt; sed testimonio usi Patrum, ita perscripserunt. Fuere enim Episcopi abhinc annos circiter trecentos triginta, unus Magnæ Romæ, & alter vestrae urbis; (Cathaginis) qui redarguerunt assidentes, creaturam esse filium, & non coessentialem cum Patre. Neque hoc latebat Episcopum Casarca Eusebium, qui affirmavit, reperiri quosdam priscos doctos & spectatos Episcopos scriptores, usos coessentialitatis voce, de patre & filii divinitate. Quin & ipse Eusebius in Epistol. de fide Niceæ, apud Theodor. ib. c. 12. propterea se v. & tum assensumque facetur. Filii, inquit, non est alia ulla substantia essentiali, nisi paterna, cui & ipsi, accedere, cum tali interpretatione, rectum esse censuimus. Nam priscos quosdam Doctores, & celebres Episcopos scriptoresque scimus in disputatione Deitatis, Patris, & filii, inter alia etiam hanc dictionem coessentialis usurpasse. Sed ad ipsos veniamus Canones, quorum ex multis 20. communi sensu admittuntur.

Primus canon excludit à Clero qui seipsos castraverunt. Evidenti argumento quod jam olim in Ecclesia receptum fuerit, ut Cletici à mulieribus se continerent. Non illos quibus usus mulierum concessus sit, nemo hoc facinus dixerit meditari. Idem Canon inter Apostolos 21. statuit, ut hunc inde desumptum esse pateat.

II. Negat recens ex gentilismo conversos baptizatosque Episcopatum aut Presbyterio admoveandos esse. In Ambrosio & Nectario tamen istis de causis Ecclesia dispensavit.

III. Sic loquitur. Interdixit omnimodo sancta synodus, neque Episcopo, neque Presbytero, neque Diacono, neque ulli clericorum omninò licere habere secum subintroductam mulierem, nisi forte Matrem, aut Sororem, aut Aviam, aut Amitam, aut Matertem, vel eas tantum personas, quæ omnem fugiunt suspicionem.

Quo Canone cum uxor non excipiatur, clarum est Paphnutii intercessionem pro uxoribus Clero indulgendis vel commentum hæreticorum esse, quales Socrates & Sozomenus Novatiani fuere (quorum ille l. 1. c. 8. hic, eadem aberrans chotdâ l. 1. c. 22. hanc recenset) vel non admissam fuisse. Ceterumque illud nobis redditur, cum ex Arelatensi synodo haut multò post celebrata, tum ex Basilio Magno ejusdem ætatis disertissimo teste. Nam Synodus quidem Can. 3. hunc Canonem Nicenum repetit, exclusâ uxore etiam, in prius conjugatis. Quod expressius Can. 2. qui

2. qui præcedit, declaratur. Ubi sic habet. *Assumi aliquem ad sacerdotium non posse in vinculo conjugii constitutum, nisi fuerit promissa conversio.* Ita Magdeb. Cent. 4. c. 9 Verùm apertissimè D. Basilius Epist. 17. ad Pateg. in Addic. loquitur, ad senum septuagenarium de muliere cohabitante. *Ejice, inquit, illam ex adibus tuis, & trade in Monasterium. Sit illa cum virginibus, tu inter viros ministra. Lege canonem à Sanctis Patribus nostris in Nicæna Synodo constitutum, qui manifestè interdixit, ne quis mulierem subintroductam habeat.* Quæ D. Hieronymus confirmat Epist. 50. Apostoli, inquit vel virgines, vel post nuptias continentes. Episcopi, Presbyteri, Diaconi, aut virgines eliguntur, aut vidui, aut certe post sacerdotium æternum pudici.

IV. *Episcopum convenit maximè quidem ab omnibus, qui sunt in Provincia Episcopis ordinari. Si autem hac difficile fuerit, aut propter instantem necessitatem, aut propter itineris longitudinem, tribus tamen omnimodo ad hoc ipsum convenientibus, & his, qui absentes sunt, scripto consentientibus, ordinatio celebretur. Firmitas autem eorum qua geruntur, à cujusque Provincia Metropolitano est tribuenda.*

Ex quo Canone intelligitur, quantum inter Presbyteri, & Episcopi ordinationem disceimen sit, quantumque hæc dignitate loperet. Potrò diligenter hic Protestantibus videndum: quam in Ecclesia hodieum illa observentur.

V. Canon. *de excommunicatis in alieno quoque Episcopatu vitandis, & Concilio ab Episcopis bis in anno cogendo differit.*

VI. *Antiqua consuetudo servetur per Ægyptum, Libyam, & Pentapolim, ita ut Alexandrinus Episcopus horum omnium habeat potestatem, quoniam & Romano Episcopo par consuetudo est. Similiter autem & apud Antiochiam ceterasque Provincias suis privilegiis serventur Ecclesiis. Illud autem universè clarum est, quod si quis præter sententiam Metropolitanæ fuerit factus Episcopus, non debere esse Episcopum.*

Ruthinus l. 1. c. 5. sic corruptus proponit. *Apud Alexandriam & in urbe Roma vetusta consuetudo servetur, ut, vel ille Ægypti, vel hic (Episcopus) suburbicarum Ecclesiarum curam gerat. Ubi tamen illud vel & quæ sub urbe sint Ecclesia, magis ambiguum, & indefinitum sensum relinquunt.*

Verùm Canonem hunc apparet, omiſſis quibusdam ab Ariani unà cum pluribus aliis corruptum esse. Quare restituendus est ex Concilio universali Chalcedonensi, ubi Actione 16. sic à Paschasio Episcopo citatur.

*Ecclesia Romana semper habuit primatum. Teneat autem Aegyptus, ut Episcopus Alexandria omnium habeat potestatem, quoniam & Romano Episcopo hac est consuetudo &c. Quem tantum sententiamque collecti hujus Concilii Patres agnovere, cum respondent, Perpendimus omnem primatum; & honorem praeipuum, secundum canones, antiqua Roma Deo amantissimo Archiepiscopo conservari &c.* Per quæ incertus superioris canonis de Romana Ecclesiae potestate sensus abundè definitur, atque intelligitur Romani Episcopi consuetudinem esse, etiam in orientis Ecclesias supremam potestatem exercere, omnesque Christi Ecclesias unius sub urbis Ecclesia centere. Sed de his consule supra att. 30.

VII. Canon ait de honore Hierosolymitano Episcopo tribuendo, cum subjectione ad Metropolitanum. Verùm hos & reliquos canones, cum nihil hac ætate controversum adferunt, prætereo. Solum Protestanti s expendere cupiam, cujusnam Ecclesiae imaginem hi canones proprius repræsentent.

Hoc verò Concilium auctoritate sedis Romanae administratum esse constat. Nam Legatus Rom. Pontificis Osius Episcopus ex Hispania Cordubensis ad hanc hæresim opprimendam Roma missus, literis Imperatoris instructus Alexandriam profectus est, ut inter Alexandrinum ejus loci Episcopum, & Arium presbyterum ortam controversiam sopiret, ac deinde concilio, cum Vito & Vincentio Pontificis Rom. nomine interfuit, ubi hi sub Imperatoris præsentis tutela, non judicio & imperio, sententiam cum ceteris Episcopis adversus Arium protulerunt, ac subscripserunt primi. Quorum pleraque tam manifesta sunt ut nec ipsi Magdeburgenses Cent. 4. c. 9. possint inficiari. Constantinus, inquit Ruffin. l. 1. c. 1. ex *Sacerdotum sententia apud Urbem Niceam Episcopale concilium convocat.* Erc. 2. cum accusatorii libelli adversus Episcopos quosdam dilati in synodo essent. His à se ad ignem reiectis, inquit, *Deus vos constituit Sacerdotes, & potestatem vobis dedit de nobis quoque judicandi, & ideo à vobis rectè judicamur.* A quo Patri initituro, cum filius Constans, Arianæ sectæ hærescos, desisceret, atque in synodo primas ambiret, judicisque partes occuparet, Athanasius, Osiusque qui Synodo Nicenæ interfuerant, graviter hoc factum perstrinxere. Sicenim habet Athanas. Epist. ad solitar *Si judicium Episcoporum est, quid cum eo commune habet Imperator?* Deinde & verba Osi ad Constantium refert. *Nec nobis in hoc genere præcipere; sed ea potius à nobis discere. Tibi Deus imperium commisit,*

*mist, nobis ea qua sunt Ecclesia concedidit &c. Quis enim videns eum in decernendo principem se facere Episcoporum, & presidere iudiciis Ecclesiasticis, non merito dicat. Illum eam ipsam abominationem desolationis esse, qua à Daniele predicta est. Idem factum Constantio Leontius, non sine acrimonia dicti apud Theodoret. inindicat. haresum, de Eunomio exprobravit. Hæc subjeci medicanda illis, qui similem Principibus secularibus in Ecclesia faciunt potestatem, chorum à foro, pedum à sceptro non distinguunt.*

### §. III. Altera synodus Constantinopolitana in exemplum proposita.

**C**ONSTANTINOPOLITANA synodus universalis, adversus eosdem Arianos & adhaerentes his Macedonianos, qui Spiritum S. creaturam esse docebant, aliosque in SS. Trinitatem injutios hæreticos, sub Theodosio Imper. & Damaso Pontifice, circa an. Dom. 381. centum quinquaginta Episcopis præsentibus est instituta. Sed cui neque Imperator neque Romani legati interfuere, licet ope, & consilio utriusque partis, ut Ariani conciliati possent, sit coacta. Quare & Macedoniani Episcopi, quorum sex & triginta prædictis accessere, moniti sunt, ut memores Legationis ad Liberium Romanum Pont. destinatae, quâ se ei in fide consentire professi fuerant, Concilii Niceni decretis acquiescant. Verùm illi refractarii, urbe & concilio abite, quàm Homousion confiteri Dei filium maluerunt. Ut ex Socrate, Sozomeno, & Theodoro habent Magdeburg. cent. 4. c. 9. de syn. Const. Ubi addunt ex Theodor. lib. 5. c. 9. Epistolam hujus synodi prolixam ad Damasum Pont. extare. In qua præter cetera Patres excusant se, quod Romam tamquam membra ejusdem Ecclesiæ vocati ad concilium illic generale celebrandum, obsequi propter Ecclesiatum in Oriente deferendarum periculum nequeant, trestamen Episcopos ad contestandam unitatem destinant. Ac præter Arij, Arii, Eunomii aliorumque hæresim etiam Apollinatis (qui animæ mentisque expertem Christum divinitate animatum assererat) se damnasle asserunt. Quibus Damasus his verbis respondit. *Quod debitam reverentiam sedi Apostolica, vestra habeat charitas, vobis filiis*  
X 4 *charissimi*

charissimi præstatis ipsi plurimum. Etsi enim in Sancta maximè Ecclesia, ut Sanctus Apostolus sedens docuit, nobis clari, quem tenendum accepimus, officium incumbat, tamen inferior, s. tanto nos honore confitemur. Scitote igitur, præsanum illum Timotheum discipulum Appollinaris hæretici, unà cum impio dogmate, jam dudum à nobis exautoratum, &c. Vos istam pestilentiam refugite, memores fidei Apostolica, illius potissimum, quæ Nicæ à Patribus scripto exposita est, &c. Iam enim semel formam protulimus, ut qui se Christianum profiteatur, servet ea quæ ab Apostolis tradita sunt, &c.

Ex quibus acilè apparet ab his Synodi Patribus primum sedis Romanæ honorem potestatemque in Ecclesia agnitam fuisse. Sed hoc ipsū Canon. V. hujus Synodi apertè declarat, qui sic habet: *Constantinopolitanus Episcopus præcipuum obtinet honorem ac dignitatem, secundum Episcopum Romanum: idè quod Constantinopolis nova Roma sit* Ita ex Magd. loc. cit. Quem Canonem licet Romana Ecclesia, ob Alexandrinæ à S. Marco & Antiochenæ Ecclesiæ à D. Petro administratæ eminentiam, quodque hæc dignitas Ecclesiæ ex sede imperiali non penderet, quoad illam partem, quæ proximum Constantinopolitano honorem decerneret, admittere & probare noluerit, ut constat ex Gregorii Ep. 123, libri 6. (ideòque & Anatolio ejus loci Episcopo in Chalcedonensi concilio hunc locum præstanti Leo Pontifex restiterit, donec Imperatoris illic residentis gratia tempore Justiniani Imp. obtentum est, Innocentio III. declarante c. Antiq. de privileg.) tamen manifesta hinc redditur sedis Romanæ dignitas, ab ipsa Orientali Synodo primis illic sedibus prælata.

Eadem in Synodo postquam egissent de accusatione Clericorum Episcopis ordinatis, aut Concilio instituenda, sic concludunt Can. 8. vel ut Magdeb habent 6. *Quod si quis spretis iis, quæ de prædictis concilio censuit, ausus fuerit, vel aures Imperatoris obviandæ, vel secularium Magistratum tribunalia, vel generale Concilium conturbare, ignominia affectu omnibus Dioceses Episcopis, eum censuit Concilium prorsus ad accusandum non esse admitendum.* Ubi rursum causæ Ecclesiasticæ à seculari judice submoventur. Habent itaque & hic novam veteris Synodi & Ecclesiæ idæam, ad quam hinc Romanam, inde propriam Eccle-

fiam componere liceat, & sic de veritate  
arbitrari.

## §.IV. Ephesina synodus œcumenica, sive generalis.

**E**Phesina synodus generalis ob hæresin Nestorii Episcopi Constantinopolitani, qui duas Christo personas, divinam humanamque tribuens. D. Virginem negabat esse Θεοτόκον sive Deiparam, sed Christiparam appellandam, sub Cœlestino I. Pontif. & Theodosio Jun. Imp. unâ cum Valentiniano Ephesi coacta est an. D. 431. Cyrillo Episcopo Alexandrino, vice Cœlestini Pontif. præsidente. Sic enim habet Evagrius, Socrate in hac synodo describenda accuratior, l. 1. c. 4. *Episcopi qui Ephesi convenerant* (numero circiter 200.) *Cyrillo locum Cœlestini, Episcopatum antiquæ Romæ (ut supra docui) gerentis, obtinente, accersunt Nestorium, hortanturque ut criminibus ipsi objectis respondeat, &c.* Deinde examinata illius doctrinâ sententiam damnationis his verbis proferunt. *Cum eum impiè, & sensisse, & prædicasse deprahenderimus; tum Ecclesiæ Canonibus, tum epistolâ sanctissimi Patris nostri & collega Cœlestini Episcopi Rom. Ecclesiæ necessariò compulsi, idque non sine crebris lacrymis, ad hanc severam sententiam contra eum pronuntiandam venimus.* Quæ & apud Magdeb. Cent. 5. c. 9. prioribustamen dissimulatis reperies; Cyrillus quoque in literis ad Juvenalem Acacium & Joannem Episcopos. *Sacra, inquit, Romana Synodus disertam statim in Nestorium tulit sententiam. Cujus decreto modis omnibus parendum est illis, qui à totius occidentis communione excidere noluerint.*

Fuit tamen hæc Synodus principio confusa propter turbas & molimina Nestorii, qui & gratiâ Imper. Theodosii, & Candidiani ac Irenæi Comitum (qui loco Imper. Synodo ad defensionem intererant) utebatur; prætereaque Joannis Atiocheni Præsulis cum suis adhuc Episcopis absentis, ideoque cum advenisset, acta Concilii sub Cyrillo habiti damnantis, interposicione gaudebat. Romani idem Pontif. gratiam captraverat, sed ab hoc incoacto Episcoporum concilio damnatus, missique legati Ephesum, qui concilio adessent exortasque turbas componerent, Imperator etiam per Episcopos a Concilio submissos de erroribus & pervicacia Nestorii instructus, omnia probavit, refractariumque proscripsit, & Antiochenum Præsulem in eandem cum Cyrillo reduxit sententiam. Ut autoritas deinde summa atque

universalis huic Concilio fuerit, quo & Nicena synodus confirmata, & una tantum divina Christi hypostasis, ac Virgo Deipara est declarata. Cujus Canones apud Magdeb. lib. cap. & in libro Concil. recitantur. Habent igitur & in hac synodo Protestantes imaginem veteris Ecclesie Romanam auctoritatem venerantis.

### §. V. Chalcedonenfis synodus generalis.

**C**halcedonenfis synodus 630. Patrum sub Marciano Imper. & Leone Pontifice circa annum Christi 451 (nonnulli 53. vel 54. vel 55. ponunt) contra Dioscorum Episc. op. Alexand. Eutychis jam defuncti Monachi hæresin, de una Christi post incarnationem natura amplexum, Leonis Pontif. autoritate, & Martiani Imperatoris studio imperioq; subserviente est instituta, qui & eadem lege, qua Constantinus olim Nicenæ, quandoque interfuit. Legatis interea Pontificis Paschasiano, Lucentio, Bonifacio, & Basilio omnia in synodo, quantum ad causam sententiamque, moderantibus. Quamquam his absentibus Anatolius innovationem Can. V. Constantinopolitani, ut hæc sedes proxima à Romana esset, vassè impetravit, sed cui deinde Romani Legati contradixere. Sic recitant hanc Magdeburg. historiam Cent. 5. cap. 9. *In postremo confesso Legati Romani Episcopi impugnant Constitutionem se absentibus factam, de altero primatu post Romanam sedem Episcopi Constantinopolitani, & contendunt primatum unum semper penes Ecclesiam fuisse Romanam, damnant subscriptiones in eum canonem, easque coactas esse dicunt. Quod verò singuli eorum qui subscripserant, negant, ac se ultro, non coactos subscripsisse affirmant. Decernunt igitur Synodi iudices, Primatum quidem & honorem præcipuum, relinquendum esse Episcopo Romano; attamen & Constantinopolitana Ecclesia primatus nonnihil deferendum, quia & fascibus imperii ornata, & nova Roma dicta sit. ut potestatem habeat ordinandi Metropolitanos in Asiana, Pontica, & Thracia Diocesibus, &c. Legati autem Romani à synodo petunt, suspendi, id, aut circumduci, ad Episcopi Romani usque iudicium, cui petitioni Synodus non repugnat. Hac confessione Adversariorum de Romanæ Ecclesie primatu, quid potest esse*

esse disertius? sed & in confesso I. hujus Synodi sic habent. Vocatur Dioscorus per Synodi epistolam: sed venire recusat. Ad quam contumaciam deponitur promulgantibus Synodi concordie consensu, Leonis Vicariis sententiam eum in modum. Manifesta facta sunt Dioscori, &c. Vnde sanctissimus & beatissimus Leo magna ac veteris Romæ Episcopus per nos ac præsentem Synodum, unà cum beatissimo & gloriosissimo Apostolo Petro ( qui petra & basis est Catholica Ecclesia & fundamentum orthodoxæ fidei ) Episcopali eum dignitate privavit, & ab omni sacerdotali energia alienum constituit. Itaque sancta ista & magna Synodus eadem contra dictum Dioscorum pronuntiat, quæ à canonibus sunt decreta. Eadem leges apud Evangelium Eccl. hist. l. 2. c. 4. Hanc eandem Pontificis Romæ dignitatem præter tot centenos Patrum hac in Synodo collectorum agnovit & veneratus est Imperator ipse Marcianus in prævia ad Synodum Epistola, quam Leoni secundam misit, ubi sic inquit, superest, ut si placuerit tua Beatitudini in has partes venire, & Synodum celebrare hoc facere religionis affectu dignetur, &c. Si verò & hoc oneratum, hoc ipsum propriis literis tua Sanctitas manifestet; quatenus & in omnem Orientem, & in ipsam Thraciam & Illyricum nostra litera dirigantur. ut ad quendam destinatum locum, ubi vobis placuerit, omnes sanctissimi Episcopi debeant convenire, & quæ Christiana religioni & Catholice fidei prosint, sicut Sanctitas tua secundum Ecclesiasticas regulas definierit, sua dispositione declarent. Extat & inter Synodales hæc Epistola una Episcoporum Mœsiæ ad Imperat. Leonem, quæ sic habet: In Chalcedonensium civitate multi sancti Episcopi convenerunt, per iussione[m] Leonis Romani Pontificis, qui verè caput est Episcoporum. His licet plura ad Romanum primum stabiliendum addi queant, nihil tamen censeo addicendum. Quod hos tanto numero ( quanto nunquam antea ) collectos ex toto Oriente Episcopos planè væcordes, suæque existimationis & communis in Ecclesia boni negligentes fuisse oporteat, si exteræ nationis, tantisq; intervallis remoto abs se Episcopo supremam post Deum in suas Ecclesias auctoritatem concesserint, quam neque in divinis literis, neque in majorum usu doctrinaque fundatam agnoscerent. Quod qui de tot tantisque sibi viris persuaserit, hic nescio, an vel sibi, vel illis inter homines ratione, prudentia, ac fide, præditos locum relinquat. Quod verò ante Concilium hæc de primatu

Rom.



Rom. Ecclesiæ omnium fuerit persuasio, satis vel eo manifestum est, quod utrimque partes adversæ, hoc est, tam Dioscorus Episcop. Alex. quàm Maximinus Antiochenus, Anatholius Constant. & Juvenalis Jerosolymitanus, atque ipse etiam Imperator Legatos & literas hac in Ecclesiæ causa ad Leonem Rom. Pont. destinaverint. Sed nos de Canonibus hujus Synodi pauca inspiciamus, ut lineamenta quædam hodiernæ in eis Ecclesiæ contemplemur.

In primo consensu Synodi narrant Magdeburgenses, *dam-natos Eutychen & Nestorium*, atque his transactis, aiunt, Synodi *senatus* jubet singulos Episcopos fidem suam separatim exponere. *secundam expositionem trecentorum octodecim Patrum Nicææ & quindecim Constantinopoli*, denique secundum traditiones sanctorum Patrum Gregorii, Basilii, Hilarii, Athanasii, Ambrosii, ac juxta duas Epistolas Cyrilli in Ephesina 1. Synodo vulgatas. Hæc usitata conciliorum regula, ad quam controversas è S. literis sententias exigere solebant.

In Confessu 4. Barsumas Archimandrita in Syria fautor Dioscori mille Monachos concitasse adversus Synodi Patres dicitur, quorum plures exhibitis pro Dioscoro libellis Patribus contradixerunt, sed confutatis in synodo Eutychis dogmatibus, cum Dorotheo plures Nicenam fidem confessi sunt. Ita ibidem *Magdeb.* ut appareat Monachismus non esse rem novitiam, cum illa ætate tantâ frequentiâ celebretur.

Confessu 15. cautione præmissa, ut rati haberentur veterum Synodum Constitutiones, hos canones sanxerunt, quos illo, quo Magdeburgenses habent, compendio sub-jicio.

1. Ne propter præmia, aut pecunias, seu Episcopus, seu Clericus quisquam ordinetur.
2. Ne Episcopi, Clerici, & Monachi, rebus politicis se implicent, aut prædia aliena conducant.
3. Ne absque Episcopi voluntate monasterium quis, aut oratorium construat. Et ut Monachi Episcopi se imperio sub-jiciant, nec seu politicis negotiis, seu Ecclesiasticis sese immisceant.

4. Ne

4. Ne Clerici de civitatibus ad civitates transmigrant.
5. Ne presbyteri, aut diaconi absolute, sed in publicis locis ordinentur.
6. Ne qui semel se Clero, aut Monachatu dediderunt, ad alias dignitates promoveantur.
7. Ut Clerici, & Monachi, sub potestate se contineant Episcopi,
8. Ut Clericus cum alio Clerico contendens, causam suam agat apud Episcopum.
9. Ne in duarum civitatum Ecclesiis Clericus quisquam ministret.
10. Ut omnibus pauperibus, Ecclesiasticis beneficiis opus habentibus, testimonii detur epistola : honestioribus autem literarum commendatitiarum.
11. Ne provincia una in duos Metropolitanos dividatur.
12. Ne peregrini Clerici in alia civitate ministrent, *sine literis proprii Episcopi.*
13. Ne quis (*ex psalmistis & lectoribus Ecclesie*) cum hæreticis, aut judæis matrimonium contrahat, *nisi spondeant conversionem.*
14. Ne Diaconissa ante annum 40. ordinetur, pro anathemate verò habeatur, si nuptias expetierit.
15. Ut nec Monachus, nec Deo consecrata Virgo conjuges fiant.
16. Ut per singulas Ecclesias parochiarum & possessiones Episcopis possidentibus maneat immobiles, maximè iis, qui per annos 30. bene præfuerint Ecclesiæ.
17. Ut Monachi & Clerici conspirantes contra Episcopum de gradu suo præcipitentur.
18. Urbis per annum Synodus fiat *Provincialis ab Episcopis.*
19. Ut qui Clericum alterum, *alter Episcopus* suscipit, à communione, *sicut & ille*, suspendatur.
20. Ne Clericorum, aut Laicorum in Episcopum accusatio suscipiatur, nisi famæ probatæ testimonium habeat.
21. Ne Clericis liceat bona Episcopi deripere.
22. Ut constantinopolim confugientes, vel excommunicati, vel sine jussu Episcopi, Clerici inde ad suas Ecclesias repellantur.
23. Ne Deo consecrata monasteria, secularia fiant habitacula.

24. Ut intra menses tres Episcoporum fiant ordinationes.  
 25. Ut Episcopi dispensatores seu œconomos, ex suo clero habeant.  
 26. Ut rapientes uxores clerici gradum suum amittant, laici verò fiant anathema.

Præter hos canones, tres alii legatis Romanis absentibus per Anatolium Constant. Episcopum impetrati & subscripti à consilio fuerunt, qui à Theod. Balsamone & Jo. Zonara Græcorum Canonum collectoribus expositi sunt, à ceteris Romanis negliguntur.

I. Enim decretum, ut quia Constantinopolis quasi altera Roma, impetii sedes esset, hæc quoque secundam ab illa dignitatem in primatu concessa obtineret, & jus Metropolitanos ordinandi haberet. Ut jam olim in Constant. synodo erat decretum, sed à Romanis obnixentibus hætenus impeditum, quod viderent, ita primatum Orientis absolutè sensim occupati. Quod minimè dissimulatum est; quando aequalibus cum antiqua Roma privilegiis frui volebant. Huic igitur constanter decreto Romani contradixerant, quòd hanc dignitatem non ex prærogativa impetii, aut humanis legibus, sed divina voluntate & ordinatione, quâ soli Romanæ sedi, absoluta super omnes Ecclesias potestas competeret, profectam sciebant. Quare S. Leo in Epist. ad Marcianum, hanc illorum postulationem refellit. & S. Gelasius in Epist. ad Episcopos Dardan. hac in ceteris ratione usus est. *Mediolanum, inquit, Ravenna, Sirmium, Treviri, & Nisomed: a multis temporibus sedes imperii fuerunt. Quibus cum nihil plus juris, dignitatis, & prærogativa Ecclesiæ ea de causa concessum fuerit, non immerito mendacii arguuntur, qui dicunt prædicta de causa Rom. urbem ad fastigium Apostolici muneris elevata esse.* Quod Niceni Concilii præfatio in principio confirmat. *Ecclesiæ, inquit, Romana nullis synodicis decretis prælata est ceteris Ecclesiis; sed evangelica voce Domini, & Salvatoris nostri primatum obtinuit.* Et Nicolaus Papa i. ad Michaellem Imper. *Animadvertendum est, quia non Nicæna, non denique ulla synodus quicquam contulit Rom. Ecclesiæ privilegii, quæ in B. Petro novebat eam totius jura potestatis pleniter meruisse, & cunctarum Christi ovium regimen accepisse, sicut B. Praesul Bonifacius attestatur universis Episcopis per Thessaliæ, &c.*

II. Canon. Episcopum in Presbyteri gradum deducere Sacrilogium est. Si qua autem justa causa illos ab actione removeret,

nec Presbyteri debent locum obtinere. Ita Anatolius.

III. Quoniam Episcopi Ægypti, non ut Catholicæ fidei adversantes, sanctissimi Archiepiscopi Leonis Epistolæ subscribe-  
re distulerunt, dum Alexandrinus Episcopus esset constitutus,  
remissio illis ad hoc tempus concessa est.

Hi Canones, quod à Rom. Pontificis Legatis probati non  
essent, nec recepti fuere, idcirco & Magdeburg. hos prætere-  
unt. Verum non honore sedis Romanæ; sed quia in his Rom.  
Pontificis supremam dignitatem, tunc à Græcis quoque agni-  
tam observant, deinde ordinis Episcopalis, & presbyterii mani-  
festum discrimen, quod sacrilegium ducerent utrumque con-  
fundere. Verum dum scyllam hanc vitant, in charybdim inci-  
dunt, farenturque hoc silentio, illos canones legitimos non cen-  
seri, quos Romana sedes, quamvis in regre concilio definitos, non  
approbavit, quod est supremam huic Ecclesiæ capitis autorita-  
tem deferre.

Ceterum reliquos supra positos Canones Adversarii suo pte  
ingenio expendere poterunt, ac videre cujusnam in orthodoxa  
hac Synodo Ecclesiæ lineamenta propius expressa reperiant?  
ubi cum hoc discrimine clerus hodie, Monachi, Episcopi? ubi  
his & Virginibus Deo consecratis conjugio inrerdictum sit? ubi  
illæ Episcoporum ordinationes? ubi nefasta tradere secularibus  
monasteria? Hæc aliaq; cum repererint, pronior erit ad concor-  
diam via. Concludo cum Leone Pontif. Ep. 78. ad Leonem  
Imp. *Non sunt, inquit, omnino inter Catholicos computandi, qui  
definitiones venerabilis Synodi Nicænæ, vel sancti Chalcedonensis Con-  
ciliî regulas non sequuntur.*

## §. VI. Particularia Concilia ante Nicenum univer- sale celebrata, antiquissimam Ecclesiæ ortho- doxæ ideam proponunt.

Q Uod si ad alia veteris orthodoxæ Ecclesiæ Concilia parti-  
cularia, aut nationum, aut provinciarum transeamus, plu-  
rima sunt, quæ Romanæ nobis Ecclesiæ autoritatem atque i-  
maginem repræsentant, & Neopistarum lineamenta oblitantur.  
Nonnulla perstringam, quæ tamen sufficere æquo judicio  
sententiam ferendam possint.

Primis Conciliis primo ab Apostolis seculo occasionem dedit. (ut Euseb. lib. 5. c. 23. &c. Ruffinus. c. 23. &c. Nicephorus c. 36. &c. lib. 4. Vincentius lib. 10. c. 124. Naucerus gener. 7. Platina in vitis Pontif. & ex illis Magdeb. Cent. 2. c. 7. & 8. controversia de tempore Paschatis celebrandi, quod in oriente 14 Luna cum Judæis, in occidente Dominica insequente in honorem Christi resurgentis celebrabant. Itaque Victor Roman. Pontifex circa ann. Christi 198. (quanquam alii 191. ponant) sub Severo Imper. Synodum celebravit Rom. ad quam ex oriente etiam Theophilus Cæsariensis Episcopus vocatus venit, decrevitque uniformi observatione pascha Dominico esse die celebrandum. Quod cum in universa Ecclesia vellet teneri. Theophilus in Palæstina cum Natciso Hierosolymorum Episcopo, Palmas Episcopus in Ponto alii Osrænæ, alii apud Corinthios, Irenæus quoque Episcopus in Gallia Synodum convocavit, decretumque Victoris omnium consensione est stabilitum, solus Polycrates Ephesus in Asia Episcopus cum collecto illic concilio obstitit, asserens à Joanne Apostolo ad se per Apostolicam traditionem mansisse, ut cum Judæis 14. luna pascha celebrarent. Deo igitur magis obtemperandum esse, quam hominibus. Verum ob hanc pertinaciam à Victore Pontifice, cum suis est excommunicatus. Quanquam hunc Pontificis rigorem Irenæus datis ad Victorem literis improbavit. Sed pervicit Victor. Nam ut Niceph. l. 4. c. 39. *Vix tandem Asia cessit, & ubique terrarum in orbe decretum est, ut non cum ludæis; sed ipso Dominico die Pascha peragatur. Quamvis adhuc in Asia reliquæ quædam maneant, consuetudinem eam in pasceis prorsus inviolatam retinentes, unde etiam Quartodecimani cognominati sunt.*

Facilius exortum apud Corinthios schisma Romanus Pont. Clemens compressit. Nam ut Magdeb. cent. 2. c. 7. Ex Eusebii l. 5. c. 6. referunt. *Sub hoc Clemente seditione non modicè fratribus Corinthiacis obortâ validissimas literas Rom. Ecclesia ad Corinthios scripsit, concilians eos ad pacem, & fidem eorum ad traditionem, recens ab Apostolis acceptam renovans.*

Ex quibus manifestum est, tum quæ primo hoc seculo fuerit Romanæ Ecclesiæ in omnes autotiras, quam nullus illa ætate pro arrogantia habuisse compertus est; tum quemadmodum ritus illos neutra partium adversatum, inter libera siue adraphora censuit. Sed quælibet sese ad hæc, quæ majores suo exemplo induxerant, & conformem ubique usum credidit obligatam. Ut Ecclesia denique inter Schismaticos habuerit, & com-

communione sua indignos, quotquot in solo hoc ritu ab eadem discesserunt.

Altera post Apostolos ætate conciliis quibusdam occasionem præbuere Novariani, auctore Novaro, qui lapsos in persecutionibus ad Ecclesiam recipiendos negabant, contra quos deinde & alia hæresis Felicissimi nara, omnes promiscuè cirra pœnitentiam admittendos asseribat; sed concilia iccirco tum in Africa & Asia, tum Romæ celebrata, mediam tenuere viam, statueruntque lapsos pœnitentiâ præviâ ceteris legibus recipiendos. In hac re definienda ceteræ synodus, vel cum Rom. Pontifice Cornelio contrulere, ut patet ex Epist. 2. l. 1. Cypriani, vel ad Romanam synodum circa An. Christi 254. sub eodem Pontifice celebraram ex aliis orbis partibus confluxere: ut Eusebius l. 6. c. 43. & ex eo Magdeb. referunt, diversis etiam Cypr. Epist. testatur. Meminit & Eusebius Epist. Cornelii ad Fabianum Antiochenum, & transcripti decreti, quo Novarus quoque & consentientes excommunicantur. Post eam condemnationem ajunt Magdeb. cent. 3. c. 9. Cornelius scripsit plerosque à Novaro, quos antea fraudulentis & mendacibus persuasionibus adjunxerat, defecisse, & ad Ecclesiam rediisse.

Alia hoc seculo controversia de hæreticis rebaptizandis nata, incipiti divisoq; Ecclesiarum sensu agitata est. Nam cum in Africa coacto primum Agrippinus carthaginensium Episcopus circa An. D. 217. concilio, ac deinde Cypr. sub Srephano Papa circa An. 258. eodem semel iterumque magnâ frequentiâ repetito, statuisset hæreticos, ut nunquam rectè baptizatos, cum baptisma recipiendos esse, Rom. Pontifex, cum sua Ecclesia, hæc concilia irritavit, statuitque validum esse hæreticorum baptismum; ad cujus sententiam Africanæ sensim Ecclesiæ accessere. Cyprianum quoque mutasse animum, satis ex August. l. 2. de Bapt. contra Donat. c. 4. item Epist. 48. & Hieronymo contra Lucif. rum etiam ipsius scriptis colligitur. Nam l. 2. c. 3. & serm. 3. de ablut. pedum ait, *Baptismum repeti Ecclesiastica prohibent regula.* idemque postea statuit Concilium Carthagin. 3. sub Siricio Papa can. 38. Anno Christi 397.

Aliæ hæreses, ut Sabellii, qui SS. Triadem unam personam naturamq; esse diversis tantum nominibus acceptam asseribat, & Pauli Samosateni Episcopi Antiocheni, qui Christum purum esse hominem tradebat, aliis hoc tempore conciliis causam dedere. Nam cum Sabellio se opponere Dionysius Alexand. Episc. hic ut hypostasēs, ita & naturas in SS. Trinit. dividere quibusdā

vilus, *Roma* apud Dionysium Papam à Pentapolitanis accusatur, ideòque coacto Romæ concilio ejus causa judicata est, in quò, cum per libellum oblatum se abundè purgasset, absolutus est. Sed est in Synodo *Aniochena* per Episcopos Orientis, semel iterumq; coacta, Paulus de hæresi convictus damnatusque, atque ea super re ad Dionys. Rom. Episc. literæ datæ sunt. Cum verò Aurelian Imper. interpellatus esset, ut cum jam damnatum domo Episcopali submoveret, Imperator ille *domum Ecclesia adjudicari præcepit, quibus Episc. Italia & Roma in dogmate concordare scriberent.* Ita Magdeb. l. c. ex Euseb. l. 7. c. 24. Quæ quisquis expenderit, intelliget controversiarum definitionem nunquam ratam sine Eccl. Rom. approbatione fuisse.

Tertia ab Apostolis ætate, ut crescente Ecclesiâ hæreses quoque creverunt, ita pluribus quoque Conciliis opus fuit.

De Marcellini Pontificis Rom. lapsu sub Diocleriano, concilioq; *Sinuessa*, circa hujus seculi initium, ad eum judicandum celebrato, scriptores memorant, quamvis nonnulli negent. Aug. cetè de Baptis. contra Petil. c. 16. latè ambigè loquitur. Concludit tamen contra Donatistas, ejus lapsum objicientes. *Quales fuerint Marcellinus, Marcellus, Silvester, Melchisedes, Menfrinus, Cæcilianus atq; alii, quibus objiciunt, pro sua defensione, quod volunt nihil præjudicat Ecclesia Catholica toto terrarum orbe diffusa. Nullo modo eorum innocentia coronamur, nullo modo eorum iniquitate damnamur.* Marcellinus si fidem negavit, ut privatus fecit; & negasse per errorem mente conceptum, nemo dixerit; cum agnoscant in Concilio (si quod fuit) squalidum, dolentemque cum Petro veniam fragilitatis rogasse, neque quenquam etiam crimen fatentem condemnare ausum, quod dicent *primam sedem à nemine judicari: Tu ergo inquit teipsum judica.* Qui & judicavit seipsum deponendum, & anathema illi dixit, qui corpus suum sepulturæ mandaret, adiitque Diocletianum, lapsumque retractans, capitis condemnatus, Martyr. obiit. ut ex Sabel. n. 7. l. 9. Magdeburg. Cent. 4. c. 9. Qui tamen rem ambigam relinquunt, quod plus auctoritatis sedi Rom. quàm detrimenti ex hac causa accedere intelligant.

*Eliberinum* seu Eliberitanum in Hispania concilium, sub Marcellino I. & Constantio Galerioq; Imper. circa An. 305. probabilis habitum videtur. quod quamvis, quoad articulos quosdā, præsertim circa lapsos, in quibusdam canonibus Novatiano & can. 34. Vigilantio, can. 36. Iconomachis favere visū sit, ideòq; receptum ab Eccl. Rom. his partibus non fuerit. tamen in quibusdam ab Innoc. I. excusationem habet Ep. 3. c. 2. De lapsis, inquit,

Inquit, observatio prior durior; posterior interveniente misericordia inclinatio est. Nam consuetudo prior tenuis, ut concederetur eis pœnitentia, sed communio negaretur. Nam cum illis temporibus crebra persecuciones essent, ne communionis concessa facilitas, homines de reconciliatione securos non revocaret à lapsu, negata merito communio est, concessa pœnitentia, ne totum negaretur. Sed postquam Dominus noster pacem Ecclesiis suis reddidit, jam depulso terrore communionem dari obeuntibus placuit, & propter Domini misericordiam quasi viaticum profecturis. Hoc concilium Magdeburg. cent. 4. c. 9. non repudiant. Admittent igitur, quod dicitur.

Can. 9. Fidelis femina qua adulterum maritum reliquerit fidem, & alterum duxerit, prohibeatur, ne ducat: Si autem duxerit, non prius accipiat communionem, quam is, quem reliquit, de seculo exiit: nisi necessitas infirmitatis dare compulerit.

Can. 13. Virgines, qua se Deo dedicaverunt, si pactum perdiderint virginittis, placuit nec in sine dandam communionem, nisi pœnituerint, & à coitu abstinuerint &c.

Can. 23. Jejunia seu abstinentias per singulos menses placuit celebrari &c.

Can. 26. Errorem placuit corrigi, ut omni (abbati die) jejuniorum impositionem celebremus.

Nam ut in orientali Ecclesia 4. & 6. feria, ita in occidentali 6. & 7. jejunabant.

Can. 27. Episcopus, vel quilibet Clericus alius, aut sororem, aut filiam Virginem dicatam Deo tantum secum habeat, extraneam vero nequaquam.

Can. 33. Placuit in totum prohibere Episcopis, Diaconis, & subdiaconis, positis in ministerio abstinere se à conjugibus suis, & non generare filios. Quod quicumque fecerit, ab honore clericatus exterminetur.

Arelatense concilium in Gallia celebratum sub Constantino Imper. adhuc, ut videtur, catechumeno, circa An. Dn. 314. Causam dederunt Donatistæ recens in Africa exorti, ob æmulationem contra Cæcilianum Episc. Carthag. susceptam, quem ut illegitimè à Felice Aprungitano Episc. ordinatū, potèntiori numero ejecere. re judicioq; ad Imp. Const. in Gallia morantē delato. Verum ille (ut Mag cent 4. c. 8. Ex Optato & Eusebio) indignus rescripsit: Petitis à me in seculo judicium, cum ego ipse Christi judicium expectem: neque ausus se causis Episcoporum interponere, discutiendas eas judiciis Ecclesiasticis delegavit, & ad Melchiadem Episcopum Rom. Episcopos ex Gallia convenire jubet, ut causam Africanorum dijudicent. Quo judicio cum



Donatus cum suis damnatus; Cæcilianus cum Felice, quem Traditoris nomine unâ cum Cæciliano sugillabant, absolutus esset; ille verò non acquiescens moram neciteret, & per se suosque ad Imper. provocaret, hic primum misit duos in Africam Episcopos causæ cognitores; cumque nec his freti multitudine obsequerentur: Concilium ducentorum Episcoporum in Galliam convocari curat. Ubi Silvestri Pont. legatis præsentibus, juxta Rom. Concilii decretum iterum ac terribè condemnati sunt, Cæciliano in locum restituto. Cujus causa (licet facti potius, quàm juris esset, cum ipse & Felix de traditione sacrarum rerum ethnicis in per'ecutione facta, & ob hanc ordinationis acceptæ datæque incapaces, traducerentur) Imperator tamen ad Ecclesiæ tribunal rejecit. In hoc concilio canones 25. statuti leguntur, in quibus primus de paschatis solennitate eodem ubique die celebranda constituit.

VIII. *Ut hæretici, qui in nomine SS. Trinit. baptizati fuerint, vero donentur baptismate: alii sic baptizati recipiantur.* Cum Novatiani & Donatistæ omnes rursus baptizarent.

Can. X. *Negat vivente alio conjuge adultero, novum tentandum conjugium.*

Can. XIV. *Falsi accusatores fratrum à communione S. arcantur, Testes addicuntur etiam pœna.*

Can. XIX. *Presbyteris facultas negatur, quicquam, non consensu Episcopo, agendi.*

Can. XXI. *Episcopus, vel per 7. alios Episcopos, vel tres minimum, ordinandus discernitur.*

*Ancyranum concilium eodem Anno 314. vel ut alii 218. auctore Vitale Antiocheno Episcopo ob lapsos potissimum tempore persecutionis sub Maximino recipiendos est convocatum, constitutumque ab Episcopis 18. (qui & post Nicenæ synodo interfuisse) ut prævia pœnitentia admitterentur.*

Hujus Concilii canon. X. sic habet: *Diaconi, si in ipsa ordinatione protestentur velle se uxores ducere, si ad nuptias venerint, maneant in ministerio: si tacherunt, professi continentiam, cum ad nuptias venerint, à ministerio exeantur.* Sed huic canonì, quoad priorem partem, per alios seq. conciliorum canones est derogatū.

Can. XVIII. *Quotquot, inquit, virginitatem pollicitam pravariati sunt, inter bigamos censeantur. Virgines autem, quæ tanquam sorores cū nonnullis habitare volunt, à consortio prohibemus.*

*Neocæsariense Concilium eodem adhuc anno, ab iisdem penè Episcopis; sed tantum 13. ob quædam alia definienda fuit institutum. In quo inter cætera hæc decreta sunt.*

Can.

Can. I. *Presbyterum, si uxorem duxerit, ab ordine illum suo deponendum: fornicatorem sive adulterum, ab Ecclesia, ad poenitentiam inter Laicos, rejiciendum.*

Can. XI. *Presbyter ante 30. annorum aetatem non ordinetur, quamvis sit probabilis vita.*

*Laodicensem, quod Batonius & Longus An. D. 320. celebratum in Phrygia cunctis sub Sylvestro Pont. ante Nicenum: quanquam alii ad Liberii Pontificis tempora ad Annum 364. referant. Hic 59. canones per Episcopos 32. sanciti sunt, pluresque eorum postea à Niceno stabiliti. Aliquos commemorato.*

Can. 13. *Non est permittendum populo electionem facere, qui altaris ministerio sunt applicandi.*

Can. 15. *Non licet præter Canonicos psaltes, id est, qui regulariter cantores existunt, quique pulpitem ascendunt, & de codice legunt, alium quemlibet in Ecclesia psallere.*

Can. 18. *Semper idem precum officium, & ad Nonam, & ad Vesperam oportet celebrari.*

Can. 19. *Postquam Presbyteri Episcopo pacem dederint, tunc etiam Laicis tribuent, & tunc offeratur oblatio. Solis autem Ministris altaris liceat ingredi ad altare, & ibidem communicare.*

Can. 24. *Non oportet Clericos servientes à Presbyteris usque ad Diaconos, & deinceps ordinis Ecclesiastici omnes, usque ad Ministros, aut Lectores, aut Psalmistas, aut Exorcistas, aut Ostiarios, aut ex numero Continentium, & Monachorum ingredi tabernas.*

Can. 50. *Non oportet in quadragesima quinta feria ultima hebdomada jejunium dissolvi & totam quadragesimam inhonorari; sed per totos hos dies jejunare & escis abstinere convenientibus, id est aridioribus uti.*

Can. 52. *Non oportet in quadragesima nuptias, aut qualibet natalitia celebrare.*

Can. 54. *Non oportet Ministros altaris, vel quoslibet Clericos spectaculis aliquibus, quæ aut in nuptiis, aut scenis exhibentur interesse, sed antequam Thymelici ingrediantur surgere de convivio & abire debent.*

Hos aliosque Canones apud Magdeburg. etiam reperies, ex quibus usitatum hodie in Ecclesia Rom. distinctionem graduum inter Ecclesiasticos, consuetam ordinationem, oblationem in sacrificio ad aram, quadragesimale jejunium, jam olim primis hisce seculis usitarum intelliges.

Romana præterea Synodus sub Sylvestro ante Nicenam Anno 323. cum recens Constantinus baptizatus esset, celebrata fuit

ad crescentem jam mirificè Ecclesiam rectius, institutis etiam Cardinalibus, administrandam. Hanc sibi suisque rebus adversitatem Magdeburg. ex can. 6. Nicenæ syn. sperant se posse suspectam reddere, cum nihil hic juris Rom. Episcopo præ reliquis concedatur. At nos contrarium supra ostendimus, ideoque nunc merito censemus, ex hoc etiam canone stabiliri. Nunc ex Rom. aliquot canones audiamus.

Sessione 1. Can. 5. *Constituit clara voce Silvester Episcopus urbis Roma, ut nemo Presbyterorum Chrisma conficeret.*

Can. 6. *Vt Diaconi non essent, per Parochiarum examen, nisi duo, & Cardinales urbis Roma septem, ita tamen ut dalmaticis reverentur, & palla linostema, lava eorum tegetur.*

Can. 7. *Omnes subditi sint, à subdiacono usque ad lectorem, Diacono Cardinali urbis Roma, Pontifici vero Presbyter Presbytero Diaconus, Diacono Subdiaconus, Subdiacono. Acoluthus &c.*

Can. 8. *Nullus Subdiaconorum ad nuptias transire aliqua pravaricatione præsumpserit.*

Can. 9. *Nullus lector, vel ostiarius vasa sacra audeat contingere. Nullus Acoluthorum rem sacratam à Presbytero aliis porrigere &c.*

Sessione 2. Can. 6. *Siquis Clericus in curiam introierit, anathema suscipiat, nunquam rediens ad matrem Ecclesiam.*

Can. 11. *Nemo judicabit primam sedem, quoniam omnes sedes à prima sede iustitiam desiderant temperari. Neq; ab Augusto, neq; ab omni Clero, neque à Regibus, neque à populo Judex judicabitur.*

Huic sententiæ subscripserunt 284. Episcopi, ipse etiam Imp. Constantinus & mater Helena. Ultimum hunc Canonem citat etiam Nicolaus Rom. Pontif. adversus Michaellem Imper. Consonat, inquit, huic necessaria sententia S. Silvester & Magni Constantini baptizator: dicens, neque ab omni Clero, neque à populo Judex judicabitur, haud dubium quin Ecclesiasticus.

En primævam orthodoxæ Ecclesiæ faciem, qualis ante Nicenum etiam concilium ex scriptorum istius ætatis monumentis depingitur. cujus utique lineamenta omnia, ex tanta librorum paucitate hauriri non possunt. Verum ex ungue, quod adjunt, Leonem agnoscere licebit. Protestantes verò vel nullam debent fateri in orbe post Apostolos orthodoxam Eccl. relictam esse: vel hanc nobiscum venerari, atque ubi illius etiamnum præcipua lineamenta reperiunt, illic certò statuere Eccl. illam reperiri, quæ supra Petram fundata, everti nunquam potuit. Quod si odiis simultatibusque positis ex animo fecerint, optatam diu concordiam, cum vera fide ac salute amplectentur.

§. VII. Particularia Concilia post Nicenum celebrata, in veteri primorum quinque seculorum Ecclesia, illius veram nobis imaginem exhibent.

Quamvis singulis ordine particularibus Conciliis post Nicenum in orthodoxa veteri Ecclesia celebratis insistere longius sit, quam nostrum ferat institutum, tamen præcipua tangere operæ pretium fuerit.

*Romanam* synodum Silvester An. Dom. 325. instituit, postquam Niceni Patres synodicam ad Pontificem dedere Epistolam, quæ in Actis Pisani lib. 4. extat, quâ Concilium Nicenum à sede Apostolica probati rogabant. Ille igitur ex diversis Provinciis 275. Episcopis congregatis, Nicenam synodum ratam esse iussit. Idem confirmat Felix III. Epist. 4. *Tu es Petrus, inquit, & super petram ædificabo Eccl. meam. Eam vocem sequentes* 318. Patres apud Niceam congregati, confirmationem rerum, atque auctoritatem S. Rom. Ecclesia detulerunt. Quod ex usu perpetuo Ecclesiæ factum tradit Socrates lib. 2. cap. 13. Canon, ait, *Ecclesiasticus vetat, ne decreta absque sententia Episcopi Romana Ecclesia sanciantur.* Inter alia hujus Synodi & hoc decretum.

*Silvester Episcopus dixit. Nulli omnino Clerico licere causam quamlibet in publico examinare; nec ullum Clericum ante iudicem laicum stare. Et dixerunt Episcopi places.*

*Gangrense* Concilium, ob Episcopum Osum inter præsentis illic nominatum, hoc loco à Baronio, Binio, aliisque sub Constantino & Silvestro habitum, circa tempus Niceni Concilii collocatur. Ceterum Socrates lib. 2. cap. 33. & cum illo Sozomenus illud sub Constantio ponunt, adversus Eustachium, Sebastæ in Armenia Episcopum, celebratum. Qui cum nuptias damnaret, communionem Presbyteri, qui uxorem Laicus duxisset, vetabat, Dominicis diebus ciborum præscribebat abstinentiam, ab Ecclesia orantes ad privatas domos avocabat &c. ideoque varii contra hunc canones decreti, quibus nonnulli Protestantium imperitè adversus Catholicos utuntur. cum Gratianus quosdam ex Græco malè versos citet, quo hic libenter utuntur.

I. Sic habet. *Siquis vituperat nuptias, & dormientem cum viro*

suo fidelem ac religiosam (εὐσεβήν) detestatur, aut culpabilem aestimat, velut qua in regnum Dei introire non possit, anathema sit.

IV. Siquis discernit à Presbytero, qui uxorem habuit, quod non oporteat eo ministrante λειτουργήσαντ<sup>ος</sup> & οὕτως sacrificante illo) de oblatione percipere, anathema sit.

Qui Canon tantum abest, ut Rom. Ecclesiæ adversetur, ut illius etiam sacerdotium stabiliat.

Concilia subinde varia, in oriente potissimum, ab Arianis adversus Athanasium celebrata sunt. Arius per illos simulata resipiscentia rursus in Ecclesiam mandato Constanti Junior. restitutus esset, nisi Alexander Constant. Episcopus versis ad Deum precibus, cum Eusebiani magno numero Concilium pro eo restituendo cogerent, impetrasset, ut effusus ille in secessu visceribus exspirasset. Cum verò idem Imper. Athanasium calumniis Arianorum malè apperirum, denique Alexandrinæ sedis restituisset, non cessarunt iidem Constantio jam ad imperium promotò eundem insectari, etiam causa ad Julium Rom. Pontif. delata: donec, sub umbra Constantii, in Antiocheno Conciliabulo iniquè submovissent. Verùm Athanasius unà cum Paulo Constant. Episcopo simul deturbato, Romam ad Iulium se conferunt, qui (ut Magdeb. ex Socrate lib. 2. c. 11. & Sozomeno lib. 3. c. 7. memorant. Cent. 4. c. 9. p. 409. edir. ult.) dat eis literas ad orientales Ecclesias, in quibus Arianorum temeritatem duriter reprehendit, ac Athanasium Alexandrinam, Paulum Constant. Ecclesiam recipere jubet. Ac simul paucos aliquot ex omnibus ad certum diem adesse iussit, qui probarent; quòd iustè adversus eos pronuntiassent. Denique impofterum se non laturum minatus est, nisi à studio novandi desisterent.

Tanta fuit harum literarum & Pontificis auctoritas; ut in suum uterque Episcopatum receptus sit. Ariani tamen ad Julium contra scribunt, & concilium abs se habitum sperni indignantur, communionem suam offerunt, si abrogationem probet; avulsionem, si resistat. Sed nihil obrinent.

Quaquam, inquit Sozomenus loc. cit. (quod Magdeburg. improbè dissimulant, cum sit hostium Romanorum Ecclesiæ, & ab hac damnatorum confessio) literis suis fatebantur Ecclesiam Rom. primas apud omnes ferre, utpote qua Apostolorum schola & pietatis metropolis (licet autores religionis Christiana primum ex Oriente ad illos venissent) jam ab initio fuisset: tamen indignati sunt se posteriores ideo ferre, quod magnitudine Ecclesiæ supe-

*verentur.* Verùm ubi à Constantio Arianismi defensore suarctum sede exutus, ad Julium denuò confugisset, hic indicta Romæ Synodo, per Elpidium & Philoxenum Presbyteros suos, in orientem missos certum illis Synodi diem denuntiat; sed illi cum Athanasium adesse intelligerent, venire detrectarunt. Quate collectis aliis, tam ex oriente quàm occidente 316. Episcopis ( ut habent Magdeburgens. ) confirmavit Synodi Nicenæ acta, & absolvit Athanasium, quem illi in Antiochena nuper Synodo damnaverant. Interea cum Orientales Athanasij hostes omni arte prelatene Rom. Ecclesiæ favorem, Legatos suos Eudoxium, Martyrium, Macedonium, & Demophilum cum nova fidei confessione in Antiochena Synodo concepta ad Julium destinarunt. quâ se Arianismo obnuntiare simulabant. At Pontifex coacto Mediolanum Concilio, hanc, ob omissam *consubstantialitatis* vocem, damnavit, fraudemque discussit. Ut verò generali aliquo conventu tot contentionibus finem imponeret, Synodo Sardicam indictâ Constantis Imper. qui in occidente impetabat, litteris, ad fratrem Constantium datis, impetravit; ut hic orientales Episcopos ad conveniendum eò loci induceret.

*Synodus* itaque *Generalis Sardicæ* circa an. D. 347. (Magdeb. 351. ponunt) in Illyriæ civitate collecta est. Quo cum & Ariani numero 77. venissent, ceteris perperam causantibus, quod Julius Pontif. angustum nimis tempus præscripisset. ( ut ex Sæzom. l. 3. c. 12. Magdeb. Ubi tamen Athanasium præter spem adesse comperissent, & Comites quibus nitebantur cum militari apparatu abfuturos à judicio cernerent, subduxerunt sese, & Philippopoli Thraciæ urbe collecti, oppositum conciliabulum habuere, quod sub nomine Sardicensis concilii venditatum, quibusdam, & in his D. Augustino, hæsitandi & improbandi præbuit occasionem. Verùm illi, cum Phorino (qui Christum purum hominem, ex Maria primò ortum asserbat) & Arianis, in hac Synodo demerati sunt, autoritate Rom. Pontificis, tanquam supremi Judicis diserte stabilita.

Ita, ut huius concilii canones sint tantum declaratio quædam Canonum Nicenæ, ideoque nonnunquam confundantur, nec concilium hoc inter generalia seorsim accenseatur. Nos quosdam annumerabimus.

*Can. 4.* Osius Episcopus dixit *Quod si aliquis Episcopus ad iudicatus fuerit in aliqua causa, & putat se bonam habere causam,*

ut iterum iudicium renovetur, si vobis placet. S. Petri Apostoli memoriam honoremus, ut scribatur Romano Episcopo, Et si iudicaveris renovandum esse iudicium renovetur, & det indices. Si autem probaveris talem causam, ut ea non renovetur, qua acta sunt. Quae decrevit Rom. Episcopus confirmata erunt. Si ergo omnibus placet, statuatur. Synodus respondit: omnibus placet.

Can. 5. Gaudentius Episcopus dixit: Addendum est, si placet, huic sententiae, quam plenam sanctitate protulisti ut cum aliquis Episcopus depositus fuerit, eorum Episcoporum iudicio, qui in vicinis commorantur locis, & proclamaverit, agendum sibi negotium in urbe Roma; alter Episcopus in eadem cathedra (post appellationem eius, qui videtur esse depositus) omnino non ordinetur, nisi causa fuerit in iudicio Romani Episcopi determinata.

Can. 7. Placuit autem, ut si Episcopus accusatus fuerit, & iudicarverint congregati Episcopi regiones ipsius, & de gradu eum deiecerint, si appellaverit, qui deiectus est, & confugerit ad Episcopum Rom. Ecclesia, &c. erit in potestate illius Episcopi, quid velit, & quid aestimet; & si decreverit mittendos esse, qui praesentes cum Episcopis iudicent, habentes eius auctoritatem, à quo destinati sunt, erit in suo arbitrio. Si vero crediderit Episcopos comprovinciales sufficere, ut negotio terminum imponant, faciet, quod sapientissimo consilio suo iudicarverit.

Hæc ipsi quoque recitant, sine recusatione, Magdeburgenses. Et certe antiquissima Ecclesiae consuetudo fuit, quam ipsi Arianæ negare ausi non sunt, quamvis tentarint convellere. Et S. Leo Pontifex in Epist. 89 ad Episcopos Galliae confirmat. Constat enim tam orthodoxos, quam hæreticos ex u'u huc in disceptatione recurrisse. Ita ad Pium I. se vertit Marcion; ad Cornelium Pont. Fortunatus & Felix in Africa, ad Stephanum Basilides in Hispania; ut mirum sit reperiri, qui tot testimoniis firmata antiquitati, leviculis solum, hominum secularium, & rebellium Ecclesiasticorum ausibus freti, obnitantur.

Post synodum Sardicensem Athanasius literis Julij Rom. Pontif. ac deinde, (cum in oriente se opponerent Arianæ) etiam Imperatoris Constantii Alexandriam rediit. In via autem Hierosolymis Synodum Episcoporum instituit, in qua Nicænæ Synod. Canones confirmavit. Ut ex Socrate l. 2. c. 18 & 19. & Athan. Apol. 2. Magdeburgenses.

Ursacius etiam & Valens Athanasij hostes professi suos in virum innocentem calumnias, in concilio Mediolanensi. Romæ ad pedes Julij Pontif. hæresin ciurarunt, & ab Athanasio nigritiam recepti sunt.

*Concilium Carthaginense I.* sub Julio circa an. D. 348. Gratus Carth. Episcopus, ut Donati & adhzrentium vi repressa Synodum illic cogere posset, impetravit à Constante Imp. Occid. legatos & auxilia, quibus Donatus cum suis urbe pulsus in exilium abiit, & instituta subinde Synodo, varia in bonum Ecclesiæ decreta sunt. Ut can. 1. *Ne qui rebaptizentur.* Can. 2. *Ne inter Martyres honorentur, qui se ipsos precipitio necarent.* ( ut volebant Donatistæ ) Can. 3. *Ne Clerici vel sanctimoniales, cum extraneis viris vel feminis habitarent.*

Can. 6. *Ne Clerici ædus, aut procuraciones secularium suscipiant.*

Can. 13. *Vt Clericis non liceat scenerari &c.* Hoc concilium à Pontif. Rom. probatum est, & postea à Leone IV. dist. 20. c. de libellis, ut legitimum usurpatur.

*Concilium Vassense* Vassione, seu Vassatis in Gallia rectè celebratum. I. Sub Constantio imper. ut tradit Ado Vien. in chronico II. circa an. D. 443. sub Theodosio III circa an. C. 463.

Canon primi concilii statuit, ut contra Arianos in omnibus psalmis subiiceretur *Gloria patri & filio, &c.* Sicut erat in princip.

Alius canon statuit. *Vt in omnibus Missis, sive matutinis, sive in illis, qua in defunctorum commemorationibus fiunt, semper Sanctus, Sanctus, Sanctus, eo ordine, quoad Missas publicas dici debeat &c.*

In II. concilii can. 4. decernitur. *Qui oblationes defunctorum retinent, & Ecclesiis tradere morantur, ut infideles sunt ab Ecclesia reiiciendi &c.* Hunc canonem citat concil. Arelatense II. can. 28. his verbis. *Secundum constitutionem concilii Vassensis: Qui oblationem fidelium suppresserit, aut negaverit, ab Ecclesia, cui fraudem fecit, excludatur.* Baron. an. 314. n. 50. & 325. n. 17.

Sub hæc Athanasius rursus ab Arianis apud Constantium variis operatus calumniis in exilium eicitur, & Imperator extrema occidenti Ecclesiæ minatur, nisi concilio indicto de hac causa cognoscant. Quare Mediolani illud à Liberio Pont. indictū facile 300. Episcopos censuit, in quibus Valens & Ursacius Ariani non ita pridè simulatè conversi: Orthodoxos verò nolentes Athanasij damnationi subscribere Constantius vel coegit, vel multavit exilio, quod & ipsis Apostolicis legatis, ut Eusebio Vercellensi Episcopo, aliisq; factum. Libetium deinde Pontificem accersitum, cum minis promissisque non posset inflectere, deportari exulem in Thraciam fecit, Diacono Felice schismatico per Arianos in sede subrogato. Verum post bienniū an. 362. Sirmienfis Synodus generalis congregata est, in quo



in quo Semiatiani qui filiū Homouſion non Homouſion id eſt ſimilis, non eiuldem cum Patre ſubſtantię, non minorem ſed æqualem agnoſcebant, talem fidei formulam propoſuere, cui Hilarius niſi, niſi vocem hanc unam deſuiſſe fateatur, huic reuocatus ab Imperatore Liberius vi miniſque coactus ſubſcripſit, Athanaſioque damnato in ſedem ſuam unā cum Felice (quem populus Rom. audire detrectabat) eſt reſtitutus. Verum Felice brevi mortuo, ſolus præfuit, deteſtatus jam liber ante mortem omnia, quæ coactus, ore & calamo, non mente patreuerat, ut ipſe Athanaſius ad Solitar. de eo teſtatur. Sed & improba vi cum plagis ſeni Ofio Epifcopo Cordubenſi toto orbe celeberrimo adhibita, ut aliter ibidem exhibitæ formulæ, à qua ex *ὁμοῦς* *ἰσίου* ab Arianiſ ſubmotum erat, cum Athanaſij damnationi ſubſcriberet, atque ad tempus, ut Athanaſius Apol. 2. de Ofio ait, cederet. Verum contra hanc Synodum Arianam in Oriente aliam Hilarius de Synod. conſcripſam fuiſſe aſſerit, quæ eandem contrariis decretis damnaſet. Quare cum ob diuerſas formulas nec ipſi inter ſe conſentirent Ariani, (quando & tertiam deinde formulam, quæ diceret Filium *per omnia* Patri ſimilem, Conſtantius probauit) Arimini & Seleuciæ, illic Occidentis, hic Orientis Epifcopos conuenire toto orbe voluit, ratus hac ratione diuiſos Catholicos facilius in ſententiam Arianorum deducendos.

*Ariminenſis* itaque Synodus œcumenica Epifcopotum 400. circa an. D. 358 collecta præter expectationem Conſtantii Sirmienſem ſynodum damnaſt, & Nicænam, Arianiſ eorumq; ſectariis dampnatis, confirmat. Cuius apud Hilarium Canones extant. Qua re indignatus Impet. Nicææ Thraciæ collectos Arianos iuber novam fidei formulam, quam Nicenam dici, voce conſubſtancialis tantum amota, volebat, eudere, cumq; illis ab expeditione Ariminum reuerſus, novo illis conciliabulo indicto, omnes penè vi metuq; ad ſubſcribendum compulſit. Cum verò Seleuciæ Ariani à Semiatianiſ diſſenſiſſent, & hi etiam Acacianos, quod filium diſſimilis eſſe ſubſtantię traderent, condemnafſent, Impetator Conſtantinopolim omnes evocavit: ubi Semiatiani à ceteris dampnati ſunt: adedq; nova fidei formula à qua non tantum vox *ὁμοῦς*, ☩ ſed & *ὁμοιόſ*, ☩ ſubmota erat per orientem (ut Impetator, nec ipſe ſibi conſtans, voluit) recepta eſt. Inter hæc deliria Julianus in Gallijs victor proclamatur Imperator, & Conſtantius, adverſus hunc progreſſus, in via metu & deſperatione retum proſtratus, expiravit. Julianus, quamvis

quamvis à Christo aversus, exulibus tamen orthodoxis sedem pristinam restitui iussit: quanquam id postea de Athanasio ita interpretatus sit, cum gentilismo illum reducendo animadverteret obfistere, ut solum ab exilio revocasse diceret, non in sedem reposuisse.

*Alexandrinum mox concilium*, Eusebio Vercellensi (Legato Liberij Pont. ab exilio Thebano reduce) dirigente, Athanasius instituit. Nam ut Sozom. l. 5. c. 11. ait. *Eusebius, quo res Ecclesiæ communi consensu corrigerentur, concessit Alexandriam, ut concilium una cum Athanasio ad decreta concilii Niceni stabiliendū cogeret.* Quod & factum anno Juliani 2. Christi 362. statutumque 1. ut per vim, aut ignorantiam lapsi, ad pristinas sedes poenitentia præviā admitterentur. 2. Tam Macedoniani, qui spiritus S. divinitatem negarent, quam Ariani & Semiariani, ac postremò emergens hæresis, quæ carnē Christi, sine anima, divinitate sola animatam asserbat (postea Apollinari tributa) damnatur 3. quod Latini horretent nomen *ὁμοούσιος* velut idem cum *ὁσία* substantia seu essentia, significans. Græcè verò nomen personæ, tanquam munus & officium tantum diversum in patre & filio designans; convenit utrimq; , ut pro eodem hypostasis & persona acciperetur, licet in verbo Dei hæc res definita non esset. Quæ acceptio deinde sensim totā Ecclesiā invaluit.

Nec multò post Athanasius furori Imperatoris coactus cedere, illo divinitus sublato, per Jovinianum Imper. revocatus, habita Episcoporum orient. synodo orthodoxæ fidei formulam Imperatori pergratam obtulit. Biennio verò post Valentiniano jam regnante cum Semiariani Imperatorem pro Synodo indicenda sollicitarent, respondit; *sibi, qui unus è Laicorum esset numero, non licere eiusmodi se negotiis interponere; id sacerdotum & Episcoporum munus esse*, ut Sozom. l. 6. c. 7. Habito igitur concilio Lampfaci, ut beneficio Rom. Pont. Liberij sedes suas recuperare possent, fidei Nicenæ confessionem (ut Socrates l. 4. c. 11.) per Legatos Eustathium, Sebastenum, Theophilum, & Silvanum offerunt, litterasque communicatorias à Pontifice aliisque Episcopis accipiunt, atque illarum auctoritate, licet si de postea violata, restituntur.

*Romana aliquot Concilia* subinde à Damaso Pont. celebrata: quibus diversi hæretici damnati sunt. 1. Ursacius & Valens Ariani. 2. postulante Athanasio Auxentius Mediolan. Episc. occultè Arianismum fovens. 3. S. Basilio ad Damasum legato urgente, Apollinistarum hæresis, Christi humanitatem animā sublata

sublata destruens, circa an. D. 373. proscibitur. Præter hæc *Valentia* in Gallia, circa an. D. 374. concilium est celebratum, in quo de *digamis non consecrandis* (ut in can. 17. Apostolico habetur) est constitutum, *negaturumq; puellas, qui à voto Deo facto ad terrenas nuptias transissent ad poenitentiam alia lege recipiendas, quàm ut Deo satisfaciant.* Aquilensis item Synodo Palladius & Secundianus Ananismi convicti & damnati sunt, in *casar-augustana* circa an. D. 380. Priscillianus Hispanus cum suis, postquam Romæ à Damaso, ne ad conspectum quidem admittus fuisset, erroris (quo, præter cetera, Christum veram carnem assumpsisse negabar) convictus damnaturq; est. Ubi can. 2. statuitur. *Ne quis diebus Dominicis jejnet.* Et can. 3. *Eucharistia gratiam, si quis probatur, acceptam in Ecclesia non jumpsisse, anathema sit.* Priscillianistæ enim & Dominica jejunabant & acceptam Eucharistiam (utiq; sub sola panis specie) domum solebant deferre. Hæc duo ultima sub Damaso post Constantinop. concilium generale celebrata, hæc periodum claudunt. Ex quibus opinor illius ætatis Ecclesia facile ostendet, cuinam hoc ævo nostro, in legibus & regimine sit conformior.

## §. VIII. Synodi particulares à Constantinopolitana generali habitæ, cum hodierna Rom. Ecclesia faciunt.

**P**ost Synodum Constantinop. generalem, particulates aliæ habitæ sunt, in quibus imprimis eminent, quæ Carthagine in Africa sub Siricio aliisque Pontif. sunt celebratæ.

• *Consilium Arelatense* 2. sub Siricio Pont. an. 389. in Gallia, celebratur, in quo & Photini hæresis, & Bonosi, qui Deiparam post partum virginem negabar, perstringitur.

• *Canon. 2.* in hac synodo talis est. *Assumi aliquem ad Sacerdotium non posse in vinculo coniugii constitutum, nisi fuerit promissa conversio.* 3. *Ne clericus extraneâ secum habeat.* 5. *Vt Episcopus per tres alios ordinetur.* 7. *A clerici statu prohibetur, qui seipsum abscidit.*

• *Concilio Mediolani* coacto circa can. 390. Siricius Pont. datis literis ad Episcopos Galliæ vicinarumq; provinciarum Jovinianum examinari & condemnari fecit. Qui ut D. Hieron. l. 2. contra Jov. docebat *Virgines viduas & maritatas, quæ semel in Christo lotæ sunt, si non discrepent ceteris operibus eiusdem esse meriti.* Et, eos qui plena fide in baptismo renati sunt, à Diabolo non posse subverti. Inter abstinentiam ciborum, & cum gratiarum actione sumptionem eorum, nullam esse distantiam. Esse omnium, qui suum baptisma servaverunt, unam in regno calorûm remunerationem.

Tamri-

*Taurinatenſe an. D. 397. ſub Siricio celebratum ſtatuit.*

*Can. 3. Vt Laici, qui clericis crimen intentant, puniantur.*

*Can. 7. Vt qui contra interdictum ſunt ordinati, vel in miniſterio genuerunt filios, ad maiores ordinum gradus aſcendere non permittantur.*

*Hipponenſe concilium in Africa pro firmanda contra Donatiſtas Eccleſiæ diſciplina eſt inſtitutum ſub Siricio an. D. 393. In quo Auguſtinus adhuc preſbyter, de fide & ſymbolo diſputans, ſumma laude comparuit, ut habet Poſſidius in vita e. 7. Huius canones in Concilio Carthag. anni 397. continentur.*

*Concilium Carthaginenſe II. ſub anno Chriſti 227. cenſetur quod tamen ordine temporis poſt ſequentia, ad Cæleſtini Pontificatum rejiciendum Baronius exiſtimat, quod à Genedio Epifcopo unâ cum Aurelio, ubi Auguſtinus cum Valerio ſederat, celebratum illic fuerit. Eſt autem inter celebriora eius ævi concilia, ob Eccleſiaſticam diſciplinam, quæ inter hæreſes labefactata erat, inſtaurata, ſuamque à Rom. Pontificibus approbationem habet; ut Leo IV. de libellis d. 20.*

*Canon 2. (vel ut alij 3.) Vt Epifcopi, preſbyteri, Diaconi, Levitæ, & qui ſacramenta adminiſtrant, continentes ſint, aded ut ab uxoribus etiam propriis abſtineant. Ita Magdeburgenſes nunc & ſequentes recitant.*

*Can. 3. Vt Preſbyteri nec Chriſma conſciant, nec puellas conſacrent, nec pœnitentes reconcilient. Tam Græcus, quam latinus canon addit (quod Magdeburgenſes omittunt) Reconciliare quenquam in publica Miſſa, Preſbytero non licere.*

*Can. 4. Vt liceat Preſbytero, Epifcopo abſente, pœnitentem in periculo conſtitutum, poteſtate ſibi ab Epifcopo facta reconciliare. Omittunt rursus ſi reconciliari divinis altaribus petierit, ut intelligas de reconciliatione ſub ſacrificio per publicam communionem hæc ſtatui.*

*Can. 8. (in Græcis II.) Si excommunicatus preſbyter ſuperbia inflatus ab Epifcopo ſuo ſeceſſerit, & cum aliis rem divinam fecerit *θύιατ μα τῷ θεῷ προσερχῆναι* (ſacrificium Deo obtulerit) anathema ſit, & locum amittat.*

*Can. 11. In caſu neceſſitatis, tres Epifcopi in quocunque ſint loco, cum Primatis conſenſu, ordinent, videlicet Epifcoporum.*

*Concilium Carthaginenſe 3. circa an. 397. adhuc ſub Siricio ita eſt celebratū; ut ante hæc ſtatuti canones, vel recolerentur, vel novis etiam pro Eccleſiæ diſciplina augerentur. In hoc ca-*

non 12. & 14. qui agit de Clericorum libetis benè formandis, & cum hæreticis matrimonio non jungendis, de illis loquatur, qui ante Sacerdotium nati sunt, ut satis ex Can. 17. patet, ubi, præter consanguineas, aut aliorum, qui de familia sunt, uxores, vetantur feminas admittere. & Can. 25. Ubi Clerici, sive continentes, ad viduas, & Virgines, sine testè & socio vetantur accedere. Quæ cautela utiq; uxoriatos & non continentes minimè spectat. Canon præterea 26. qui dicit ut prima sedis Episcopus non appellatur princeps Sacerdotum non officit Romanæ sedis, cum tantùm de Africanæ Ecclesiæ primatibus agat; imò favet potius, cum hunc solùm honorem uni tantùm Ecclesiæ Apostolicæ Rom. debitum usurpare detrectent. Quem aliæ tamen Ecclesiæ Romanæ sedis observantes nonnunquam admisserunt, cum & inter principes sacerdotes dari possit subordinario, qualis in seculi principibus reperitur. Sed alios quosdam indubios canones audiamus ex Magdeburg.

Can. 9. Episcopi, Presbyteri, Diaconi, & Clerici accusati, ad iudicia civilia non appellent &c. Addit canon. sive in Ecclesia ei crimen fuerit intentatum, sive civilis causa fuerit commota. &c. etiamsi pro ipso fuerit prolata sententia, locum suum amittat. &c.

Can. 15. Ne Clerici ulli turpi aliquo negotio victum sibi quarant, aut vel conductoriũ, vel Procuratoriũ officio implicentur, quia scriptũ est. Nemo militans Deo implicet se negotiis secularibus 2. Ti. 2.

Can. 16. Ne Clerici ullam usura speciem usurpent.

Can. 17. Cum Clericis extranea femina non cohabitent; præter Matres &c.

Can. 22. Vt sine examine Episcoporum & populi testimonio nemo Clericus ordinetur.

Can. 24. Vt in Sacramento corporis & sanguinis Domini nihil amplius iuxta mandatum Domini offeratur, præter panem & vinum aqua mixtum. Ac ne quid aliud in sacrificiis quam de uvis & frumentis offeratur.

Can. 27. Ne tabernas Clerici ingrediantur, nisi in peregrinatione necessitate compulsi.

Can. 28. Sacramentum altaris à ieiuniis tantùm celebretur, excepto die cæna Domini. Quod si preces pro defunctis, seu pro Episcopis, seu ceteris faciendæ sint, fiat id absque Missa, si quorum sacro inter-est, iam pransi sunt.

Can. 33. Virgines sacrata parentibus orbata, Episcopi vel Presbyteri consilio Monasteriũ Virginum, vel custodia graviorum seminarum tradantur.

Can. 36. Ne Presbyter sine Episcopi permisso, aut Chrisma consecrat, aut Virgines consecret.

Can. 39. Vt Episcopus non à paucioribus, quam tribus Episcopis, antiqua consuetudine, ordinetur.

Can. 47. Placuit, ut, præter scripturas canonicas, nihil in Ecclesia legatur sub nomine diuinarum scripturarum. Sunt autem Canonica scriptura Genesim &c. libri Tobia, Iudith, Esther, Esdra libri duo, Machabæorum libri duo &c. Pauli Epistola 13. eiusdem ad Hebræos una, Iudæ Apostoli una. & Iacobi una. &c.

Hunc Can. apud Magdeb. mutilum ex fonte proposui.

Can. 48. Vt Episcopi, Presbyteri, Diaconi, & Clerici quicunque, quia Ecclesia administrationem pauperes accesserunt, ac postea in officio agros vel prædia sibi compararunt, Ecclesia restituant, nec quid proprii retineant, nisi quod, seu aliorum liberalitate & largitionibus, seu hereditatis iure sibi obvenit.

Hic Aurelius Episc. Carthag. & D. Augustinus Hipponensis Episc. alique subscribere.

Concilium Carthag. IV. anno D. 398. sub Anastasio Papa, per Episcopos 214 celebratum à Leone III. Pontif. inter probata Ecclesiæ Concilia numeratum. Cui & Aurelius Carthag. Episcopus & Augustinus Hipp. quoque subscripserunt.

In hoc Concilio varii ordinandorum ritus, præter cetera, præcipiuntur observandi.

Nos ex omnibus quosdam distinctiorem illius Ecclesiæ imaginem præ se ferentes recitabimus, ex Conciliorum lib. quia Magdeburg, sæpius textum corrumpunt.

Can. 1. Episcopus cum ordinatur, duo Episcopi teneant, & ponant Evangeliorum codicem super caput & cervicem, & uno super eum fundente benedictionem, reliqui omnes Episcopi, qui adsunt, manibus suis caput eius tangant.

Can. 3. Presbyter cum ordinatur, Episcopo eum benedicente, & manum super caput eius tenente, etiam omnes presbyteri qui presentes sunt, iuxta manum Episcopi super caput eius manum teneant. Has duas ordinationes, tanquam unam dolose Magdeb. confundunt.

Can. 4. Diaconus cum ordinatur, solus Episcopus, qui eum benedicit, manum super caput illius ponat, quia non ad Sacerdotium (quod Magdeb. silent) sed ad ministerium consecratur.

Alii Canones de Acoluthis, Exorcistis &c. ordinandis hic extant.

Can. II. Sanctimonialis virgo, cum ad consecrationem suo Episcopo

copo offertur, in talibus vestibulis applicetur, qualibus semper usura est professioni & sanctimonia aptis.

Can. 20. *Ut Episcopus nullam rei familiaris curam ad se revocet, sed ut orationi, lectioni, & verbi prädicationi tantummodo vacet.*

Can. 36. *Presbyteri qui per diöceses Ecclesias regunt, non à quibuslibet Episcopis, sed à suis: nec per iuniorem clerum; sed aut per se ipsos, aut per illum qui Sacrarium tenet, ante Pascha solennitatem Chrisma (Magdeburg. supponunt charisma) petant.*

Can. 64. *Qui dominico die studiosè ieiunat, nõ credatur Catholicus.*

Can. 73. *Qui communicaverit, vel oraverit cum excommunicato, siue clericus, siue laicus, excommunicetur.*

Can. 78. *Pœnitentes, qui in infirmitate viaticũ Eucharistia acceperint, non se credant absolutos, sine manus impositione, si super vixerint. Ubi supponitur, quod in can. 76. dictum, sacerdotem in infirmitate obmutescentes, qui ante signa pœnitentiæ decederant manibus impositis absolvisse.*

Can. 79. *Pœnitentes qui attentè leges pœnitentiæ exequuntur, si, casu in itinere vel in terra, vel in mari mortui fuerint, ubi eis subvenire non possit, memoria eorum, & orationibus, & oblationibus commendetur.*

Can. *Ut Episcopus nullum prohibeat Ecclesiam ingredi, & audire verbum Dei, siue gentilem, siue hæreticum, siue Iudaum usque ad Missam Catechumenorum,*

Can. 97. *Qui religiosæ feminis præponendus est, ab Episcopo loci probetur.*

Can. 104. *Sicut bonum est castitatis præmium, ita & maiori observantia & præceptione custodiendum est. Ut si qua vidua, quantũlibet adhuc in minoribus annis posita, & matura ætate, à viro relicta, se devoverint Domino, & esse laicali abjecta, sub testimonio Episcopi, & Ecclesiæ religioso habitu comparuerint, postea verò ad nuptias seculares transierint, secundum Apostolum damnationem habebunt, quoniam fidem castitatis irritam facere ausi sunt. &c.*

*Hæc etiam Magdeburgenses, iis, quæ correxerunt, excepis.*

*Concilium Carthag. V. titulo, sed revera 3. circa tempora Anastasii quoque ante superius eodem fortè anno ab Episcopis 70. Ex hoc Magdeburg. tantum recensent capita seu titulos canonum.*

Can. 3. sic habet. *Cum de quorundã Clericorum, quamvis erga uxores proprias, incontinentia referretur. Placuit Episcopos, & Presbyteros, & Diaconos secundũ statuta propria (priora alii legunt,) etiam ab uxoribus continere. Quod nisi fecerint, à Ecclesiastico removean-*

moveantur officio Ceteros autem Clericos ad hoc non cogi, sed secundum uniuscuiusque Ecclesie consuetudinem observari debere.

Hoc canone uxorum usum sacris prohiberi hominibus liquidd constat ex Augustino, qui huic Concilio interfuit, lib. 2. de adulter. conjug.

Can. 14. Placuit, ut altaria, quae passim per agros, aut vias, tanquam memoria Martyrum constituuntur, in quibus nullum corpus, aut reliquia Martyrum condita probantur, ab Episcopis, qui iisdem locis praesunt (si fieri potest) evertantur. &c. Omnino nulla memoria Martyrum probabiliter acceptetur: nisi aut ibi corpus, aut aliqua reliquia sint, aut ubi origo alicuius habitationis, vel possessionis, vel passionis fidelissima origine traditur.

Concilium deinde Toletanum 1. sub Anastasio Pont. circa an. Chr. 400. celebratur, ubi praeter cetera, eadem de continentia Clericorum, etiam conjugatorum, statuuntur, & alia iam supra memorata, ut repetere operae pretium non sit. Vide Magd. Cent. 5. c. 9.

Concilium quoque Milevetanum 1. sub Innocentio anno Chr. 402. habitum ubi causae aliquot Episcoporum examinatae. Postea an. 416. sub eod. Pontif. contra Pelagium eiusque sectatores varij canones de necessitate gratiae potissimum editi, quos Protestantes nobiscum recipiunt, licet in sensu modoque gratiae nunquam discrepemus.

Concilium deinde Telense in Africa an. Christi 418. Pontifice Zosimo, in quo decretalis epistola Siricii Pont. praelecta, ut juxta illius Constitutiones Ecclesiae disciplinam formarent.

Ex qua Magdeb. cent. 5. c. 9. p. 478. edit. post. has recitant.

1. Ut, extra conscientiam sedis Apostolicae, nemo audeat ordinare. intellige Episcopos.

2. Ut nec unus Episcopus praesumat (sine alijs) ordinare Episcopum.

5. Ut qui Laicus viduam duxerit, ad Clerum non admittatur.

6. Postquam negasset Sacerdoti, aut Levitae, consortium uxoris quondam ductae, sibi obiicit.

Forte non creditur, quia scriptum est 1. Tim. 3. unus uxoris virum. &c. Non permanenti in concupiscentia generandi dixit; sed propter continentiam futuram. Neque enim nisi integros non admisit, qui ait 1. Cor. 7. Vellem autem omnes homines esse, sicut & ego. Et apertius declarat dicenti Rom. 8. Qui autem in carne sunt, Deo placere non possunt. &c.

Concilium Carthaginense VI. anno Christi 419. sub Zosimo Pontif. coeptum, per sexennium interpolatis vicibus sub Bonifacio



facio & Cælestino Pontif. continuatum est. Propter Africanum Presbyterum Apiarium, quem à Romana sede suprema potestate absolutum volebant recipere, quod negarent suos in hoc iudicio testes auditos esse, ac te deinde cum Asianis Episcopis communicata, negarent in synodo Nicena hanc supremam potestatem, prout ex can. 7. Sardicensis Romani illam adstruebant, contrari. Quam dolosè à Græcis in Niceni Concilij vulgaris in oriente canonibus, suppressam supra tradidimus. Modus tamen Romani iudicii qui in hominis scelerati, nec satis cogniti testitute iniquior Africanis visus est, illos magis Romanæ sedi, quam potestas usurpata repugnare fecit: cum manifestum ex Augustini, huius etiam Concilio præsentis, litteris ad Innocentium, Bonifacium, Optatum, aliosq; maneat, in Rom. Ecclesia supremam potestatem Africanos Episcopos reveritos esse. Et paruit in causa Pelagij ad arbitrium Rom. sedis ab iisdem Africanis Episcopis delata, de quo August. ad Innocentium Pont. Ep. 95. *Pelagius à Tua Veneratione acciendus est Romam, & diligenter interrogandus quam dicat gratiam &c.* Et Possidonius in vita D. Aug. de Innocentio & Zosimo Pont. ait: *Illi tanta sedis Antistites, suis diversis temporibus eisdem notantes, atq; à membris Ecclesie præcidentes, d. is litteris ad Africanas orientis & occidentis Ecclesias, eos anathematizandos, & devitandos ab omnibus Catholicis censuerunt. Sic D. Augustinus postulat à Cælestino Ep. 261. ut Antonium Episcopum à Fassalensibus ejectum in Africa, non tamen per militarem violentiam (quam obnixè deprecatur) restituat. Sic ab eodem Pont. Nestorij iudicium & damnationē Cyrillus Alexandr. flagitat, potestatemq; Romā accipit adversus Nestorium Conc. Ephesinum cogendi. Quid dicemus de tot litteris summorum Pont. ad Africanos & Asianos Episcopos submissis, quibus supremam in Ecclesia potestatem, nullo contradicente, vendicarunt, quales in tom. 2. Auplutes, quæ sunt Innoc. Pont. repeties. Ut & hos extremè arrogantes, & illos ignavissimos suæ libertatis vindices fuisse sentire necesse sit, nisi hanc à Christo & Apostolis dignitatem noverint nisse. Et si vel rebelles pauci nonnunquam reclamant, si in rovetegræ etiam nationes, aut resisterint, aut desciverint, an illud magis destruere herarchiam potest Rom. Pont. quàm Monarchiam Rom. Imperatoris, si qui illius Majestatem rebelles spreverint, hoc iure miremur, quod nullū in orbe, sacro illo imperio ut majus dignitate, sic minus sit opibus, ut imbellius viribus, sic duratione firmius: nunquam non oppugnatum ab hostibus,*

hoſtibus ſemper tamen invictum. Quæ cauſa? Deus fundavit illud ſuper petram, & porta inferi non prævalebunt.

§. IX. Synodi particulares ab Ephēſina generali celebrata, ſenſum Apoſtolicæ Eccleſiæ in multis exhibent.

EX Conciliis Ephēſinam Synodum uſque ad Chalcedonenſem ſequutis quandam etiam cognitionem hauſiſſe juverit. Antiochiæ Synodum cœgit Johannes ejus loci Episcopopus in qua Sixto Rom. Pontif. probante, Neſtorium damnavit, & ſic cum Cytillo & Imp. Theodoſio in gratiam rediit. In alia Armeniæ Synodo Neſtoriani libri ad flammæ damnantur. Sed hæc aliaque levis momenti tranſeo.

Romana Synodus ſub Sixto Pont. ut habent Magdeb. congregatur, ut Polychronii Episcopopi Hieroſolymitani cauſam cognosceret, quem Euphemius Primum in oriente affectaſſe accuſabat, Presbyteris & Diaconis, pretio accepto, ordinatis. Decretum igitur eſt, ut tres Episcopopi ad cauſam cognoscendam in orientem mitterentur, Caſtus, Felix, & Abundius. Hi congregatis Hieroſolymis 76. Episcopis cum conſediſſent, Euphemium primò damnant, quòd probare delata omnia non poſſet: deinde & Polychronium, quòd Victorem Diaconum ordinaveſſet, & pro decem librato pretio conſecraſſet Eccleſias, ſubſcripſit utriuſque damnationi tota Synodus, & Valentinianus Auguſtus & Sixtus Ep. Ita Magd. Cent. 5. c. 9.

Arauſicanum Concil. I celebrius ſub Leone Papa & Theodoſio Jun. circa An. 441. habitum eſt.

Canon I. habet. *Ne quis Miniſter baptizandi munere accepto, ſine chrismate proficiſcatur.*

Can. 4. *Conſugientibus ad Eccleſiam loci S. reverentiâ tutis eſſe licent.*

Subjiciunt his Magdeburgenſes plures poſt can. 15. quos alii tamen ad Concilium. II. Arauſicanum referunt. licet Caranza hoc loco cum illis reponat. unde, & nos accenſebimus. Habet itaque.

Can. 22. *Ne ordinentur Diaconi conjugati, niſi prius converſionis propoſito, confeſſi fuerint caſtitaſtem.*

Can. 23. *Si quis poſt acceptam benediſtionem leviſticam in continenter cum uxore vivat, ab officio removeatur.*

Can. 28. *Deſertores profeſſa caſtitaſtis, pro prævaricatoribus habeantur.*

*Arauscanum* 11. Sub eodem Leone Magdeb. collocant. Alios ex iis canones recitamus.

Can. 10. *Adjutorium Dei etiam renatis ac sanctis semper est implorandum, ut ad finem bonum pervenire, vel in bono possint opere perdurare.*

Can. 11. *Nemo quicquam Domino recte voverit, nisi ab ipso acceperit, sicut legitur. Quæ de manu tua accepimus, damus tibi.* 1. Par. 29. v. 14.

Can. 12. *Tales nos amat Deus, quales sumus ipsius dono, non quales sumus nostro merito.*

Can. 13. *Arbitrium voluntatis per primum hominem infirmatum, nisi per gratiam baptismi, non potest reparari. Quod amissum, nisi à quo potuit dari, non potest reddi.* Joh. 8. v. 36.

Can. 18. *Debetur merces bonis operibus, si fiant: sed gratia, quæ non debetur, præcedit, ut fiant.*

*Constantinopolitana* 1. synodus particul. sub Leone Pont. celebrata An. 448. quæ contra Eutychem Archimandritam, Eusebio Dorylei Episcopo urgente, est instituta, de qua sic in sess. 6. Magdeb. p. 516. edit. ult. Cum negasset Eutyches posse duas se in Christo naturas dicere, ideo quod in scriptura ejusmodi loquendi forma non sit definita, opposuit Mamas & Theophilus: neq. Homousii usitatam vocem expressam esse in scripturis; sed à sanctis Patribus ita expositam. Eandem igitur legem & rationem esse formulæ de duabus naturis in sess. 7. Eutyches respondet confiteri se duabus naturis fuisse Dominum ante incarnationem, post eam verò unam duntaxat in eo confiteri naturam. Quod dogma damnare à Synodo iussus, Neque in S. scripturis, ait, inveniri, neque Patres omnes sic dixisse. Non igitur se posse sanctis Patribus anathema impingere. Ab universa igitur synodo acclamatur anathema Eutychi &c. Summam denique damnationis Flavianus (synodi præses) ad Leonem Pontificem Romam misit. ubi in ceteris hæc verba leguntur. *Laborandum pro fide & expositionibus dogmatibusque SS. Patrum: quatenus per omnia & inter omnes concussiones rerum integra hæc & inviolata salventur, & custodiantur &c. Commotus itaque, sanctissimo Pater &c. decernere damnationem, adversus eum regulariter factam, & per propria scripta dignare &c. causa enim solummodo vestro solatio atq. defensione, quâ debeat consensus proprio ad tranquillitatem & pacem cuncta perducere. Sic enim hæresis quæ surrexit; & turba quæ propter eum facta sunt, facillimè destruentur. Eutyches damnatus depositusq., opera & favore deinceps usus Dioscori Alexandrum, per hunc in Ephesina 2. Synodo* (quam

(quam prædatoriam & profanam dixere) absolutus est, Flavianus & Eusebio damnato. Sed Leo Pontifex, quod & ipsius Legati exclusi essent, & iniqua hujus Synodi essent decreta, Romana in Synodo hanc Ephesinam damnavit, cui Patres Chalcedonensis Concilii generalis accesserunt.

Agathensis in Gallia Narbonensi subinde Synodus à Magdeburg. signatur, tempore Regis Alarici Regis Gothorum: Ex qua canones nonnullos annotamus.

Can. 1. *Bigami Clerici non ministrent.*

Can. 2. *Clericus qui ad seculares iudices confugerit, cum iisdem excommunicetur.*

Can. 9. *Presbyteri & Diaconi, qui ad conjugalem coitum revertuntur, sunt submovendi.*

Can. 10. *Nullus clericorum cum extraneis sœminis habitet.*

Can. 14. *Altare & benedicatur, & ungatur.*

Can. 28. *Monasteria Puellarum procul à Monachis constituantur.*

Can. 47. *Ante Missam expletam, populus egredi non præsumat.*

Can. 57. *Vnus Abbas duobus cœnobiis non præponatur.*

Hæc aliaque Magdeburgenses adferunt, quæ hujus temporis controversias tangunt, & sat manifesta sententia expediunt. In quibus toties Rom. Ecclesiæ auctoritas eminet, toties ad SS. Patrum suffragia recurritur, Monastica vita adstruitur, cœlibatus Clericorum præcipitur, seculare iudicium in Ecclesiasticos prohibetur, altaria & sacrificia defenduntur: ut nesciam quemadmodum vetus hæc Ecclesia à Protestantibus inter orthodoxas haberi possit, & quæ hujus est temporis ipsorum Ecclesia cum illa in necessariis fidei articulis comparati, Romano Catholica verò, ut eidem dissimilis, queat reprobati. Unum certe est, in quo penè summa retum consistit, perpetua Synodorum omnium etiam Orientalium observantia, Romanæ semper Ecclesiæ præstita. Ut quæ probante Concilia pleraque & eorum canones ratum fuisse, & reprobante irritum. Quod si qui ad tempus Episc. restiterunt; hi tamen, aut eorum posteri, haud multo post, in Rom. Eccel. concessere sententiam. Jam & illa reverentia ubique elucet, quam post S. scripturam sanctis Patribus eorumque interpretationi, in rebus Synodorum controversis, detulerunt; ut sententiæ ex consensu, placitisque eorum, ad sacras literas adhibitis, definitæ sæpius legantur. Quæ duo (ut reliqua taceam) si Protestantes cum Veteri Ecclesia, adeoque & nobiscum amplectantur, jam erit concordia, & in una hic militante Ecclesia jungemur in terris, ut olim in triumphante sociemur in cœlis.

---

APPROBATIO MAGNIFICI DIRECTORIS  
Antiquissimæ Universitatis Coloni-  
ensis.

**T**ertiam partem Meditata Concordia Protestantium cum Ca-  
tholicis, in una religione ex Fidei Confessione è S. literis earum  
que Orthodoxa interpretatione desumpta, opera studioq; R. F.  
JACOBI MASENII S. J. nihil vera fidei bonisque moribus  
contrariam exhibentem, Rector pro tempore Universitatis Coloni-  
ensis, approbat, & dignam qua tam exoptatum effectum sortiatur, ex-  
istimat.

Signatum Coloniæ 24. Augusti 1662.

WILHELMUS MOLITOR S. Theol. Licentiatuſ  
S. Andreæ, & B. M. V. in Capitolio Canonicus, S.  
Martini Min. Pastor.

---

**P**ars Tertia Meditata Concordiæ in una Religione, quam  
R. P. JACOBUS MASENIUS Societatis JESU, ex  
Scriptura Sacra, ac Ecclesiæ Orthodoxæ interpretatione,  
doctè, solidè & sincerè proposuit, merito prælo committitur,  
ut eam omnes amplecti possint.

Ita censeo. Coloniæ 16. Augusti Anno 1662.

Ferdinand. Strobilius S. Theol. Doctor Metropolit. Ecclesiæ  
Canonicus, librorum Censor Ordinarius.

---

APPROBATIO R. P. PROVINCIALIS.

**E**go infrascriptus Societatis JESU per inferioris Rheni tra-  
ctum præpositus Provincialis, potestate mihi facta ab A. R. P.  
JOANNE PAULO OLIVA Societatis nostræ Vicario Ge-  
nerali, permitto, ut pars III. Medit. Concordia, qua absolutam  
Protestantium, & nominatim eorum quoq; qui se Reformatos vo-  
cant, sanioſorem Reformationem in una Orthodoxa fidei ex S. Literis  
Confessione complectitur, JACOBO MASENIO ejusdem Socie-  
tatis autore proposita, lecta, probataque, juris publici fiat. In cuius  
rei fidem hæc manu mea subscriptas, consuetoque officii sigillo mu-  
nitas dedi Colonia Anno D. DC. LXII. 23. Julii.

GODOFREDUS OTTERSTEDT.